

საქართველოს სსრ მეცნიერებათა აკადემია

ივ. ჯავახიშვილის სახ. ისტორიის ინსტიტუტი

მ. დუმბაძე

ე ლ მ ო ს ა ვ დ ე თ კ ა ხ ე თ ი ს
(საინჟინროს) ისტორიიდან

(XIX ს. რეზორმამდელი პერიოდი)

პ/მგ-რედაქტორი საქ. სსრ მეცნ. აკადემიის (ნამდვილი)
წევრი პროფ. ნ. ბეჩქინიშვილი

ენიანიყვამობა

საინგილოსადმი ქართველი საზოგადოებრიობის - ინტერესი დიდია. ეს აიხსნება საქართველოს ამ ისტორიული პროვინციის განსაკუთრებული ხედვრით, რომელიც მას ერგო ჩვენი ქვეყნის ფეოდალური დაშლილობისა და ოსმალეთ-ირანის მტაცებლურ სახელმწიფოთა შემოსევების შავბნელ ხანაში.

წინამდებარე ნაშრომი მიზნად ისახავს საინგილოს შესახებ არსებული მეცნიერული ლიტერატურის მეტად ღარიბი ფონდის ნაწილობრივ შევსებას. ვფიქრობთ, რომ ეს მცირეოდენი წვლილი გარკვეულ სამსახურს გაუწევს დაინტერესებულ მკითხველებს.

თანამედროვე ქართულ ისტორიოგრაფიაში აღმოსავლეთ კახეთის — საინგილოს წარსულის მეცნიერულ შესწავლას საფუძველი ჩაუყარა საქ. სსრ მეცნიერებათა აკადემიის ნამდვილმა წევრმა პროფ. ნ. ბერძენიშვილმა, რომელმაც თავის ცნობილ ნაშრომებში, „XVIII საუკუნის საქართველოს ისტორიიდან“ და „აღმოსავლეთ კახეთის წარსულიდან“, საქართველოს ამ ისტორიული პროვინციის ძველი თავგადასავლის უმთავრესი მოვლენები გააშუქა. მანვე ჩვენ მიზნად დაგვისახა აღმოსავლეთ კახეთის გვიანდელი (XIX ს.) ისტორიის შესწავლა და სათანადო სახელმძღვანელო მითითებებიც მოგვცა.

წარმოდგენილი თემისადმი ისტორიის ინსტიტუტის ხელმძღვანელობის გულისხმიერი დამოკიდებულების შედეგი იყო ჩვენთვის სათანადო პირობების შექმნა, რომ შედარებით მოკლე ხანში შეგვესწავლა ის უხვი მასალა, რომელიც თბილისის ცენტრალურ სახელმწიფო საისტორიო არქივში ინახება. გარდა ამისა, მოგვეცა თენახევრიანი მივლინება ბაქოსა და მახაჩკალის საისტორიო არქივებში, სადაც, აგრეთვე, ჩვენი თემისათვის ბევრი და ძვირფასი დოკუმენტი აღმოჩნდა. საინტერესო მასალა შევაგროვეთ საინგილოში ერთთვიანი მივლინების დროსაც. საარქივო მასალებთან ერთად შესწავლილ იქნა არსებული ლიტერატურული წყაროებიც.

თემაზე მუშაობის დაწყებისას განზრახული გვქონდა მოგვეყვანა ნარკვევი საბჭოთა ხელისუფლების დამყარებამდე. მაგრამ ამ მეტად რთული ამოცანის დაძლევა საკმაოდ ხანგრძლივ დროს საჭიროებდა მიუხედავად იმისა, რომ მასალის ძირითადი ნაწილი

ხელთ გვექონდა. ამიტომ ნაშრომი შემოვფარგლეთ რეფორმამდელი პერიოდით, ხოლო ნარკვევის გაგრძელება მომავლისთვის გადავდეთ. თემის ასე გაყოფა გამართლებულია აღმოსავლეთ კახეთის სოციალურ-ეკონომიური განვითარების მსვლელობით; XIX საუკუნის 60—70-იანი წლებიდან აქაც მიმდინარეობდა ახალი საზოგადოებრივი წყობილების წარმოშობა-განვითარება.

სასიამოვნო მოვალეობად მიმაჩნია დიდი მადლობა მოვახსენო ჩემს მასწავლებელს საქ. სსრ მეცნ. აკად. ნამდვილ წევრს პროფ. ნ. ბერძენიშვილს იმ დიდი დახმარებისათვის, რომელიც მან გამიწია წარმოდგენილი ნაშრომის განხორციელებაში.

საარქივო მასალების გამოვლინებაში დახმარების გაწევისათვის მადლობას მოვახსენებ თბილისის ცენტრალური არქივის მთელ კოლექტივს, განსაკუთრებით კი საისტორიო არქივის დირექტორს აბ. იოვიძეს და მეცნიერ თანამშრომელს შ. ხანთაძეს.

ცალკეული შენიშვნების მოწოდებისა და სხვა დახმარებისათვის მადლობას მოვახსენებ პროფ. ტ. ხუნდაძეს, დოცენტებს ვ. ფუთურიძეს, მ. ბერძენიშვილს, გ. ლომთათიძეს, მეცნ. თანამშრ. დ. მეგრელაძეს და სტალინის სახ. თბილისის სახელმწიფო უნივერსიტეტის სტუდენტს ივ. სიყვაშვილს (ალბათ, ციყვაშვილს).

ავტორი

თავი პირველი

სოციალურ-ეკონომიური ვითარება აღმოსავლეთ კახეთში XIX ს. I მესამედში

1. აღმოსავლეთ კახეთის მოსახლეობა

იმ ტერიტორიას, რომელიც ახლა საბჭოთა აზერბაიჯანის კაზახის, ზაქათალისა და ბელაქნის რაიონებს შეიცავს, XIX საუკუნის ქართულ ლიტერატურაში საინგილო ეწოდებოდა, ხოლო რუსულში — ქარ-ბელაქანი, ელისუს სასულტნოს ჩათვლით. გეოგრაფიული სახელი საინგილო ინგილოვბით დასახლებულ ქვეყანას აღნიშნავდა, „ხოლო „ინგილო“ XIX საუკუნეში ეწოდა ამ ქვეყნის მკვიდრ უძველეს ქართველ მოსახლეობას (უკეთ, ამ მოსახლეობის გარკვეულ ნაწილს)“¹.

XIX ს. ადმინისტრაციული დაყოფის მიხედვით ქარ-ბელაქანი, ელისუს სასულტნოს ჩათვლით, მდებარეობდა მდ. ყანი-ყობსა (აღმოსავლეთით) და გაეზის-წყალს (დასავლეთით) შორის². სამხრეთ-დასავლეთით მას ჩაუდიოდა მდ. ალაზანი, სამხრეთ-აღმოსავლეთით — აგრი-წყალი (ალაზნის შენაკადია), ხოლო ჩრდილოეთით საზღვარი გადადიოდა კავკასიონს გადაღმა და ებჯინებოდა ხორავის მთაგრეხილს, რომელიც მდ. სამურის ჩრდილო შენაკადის — ყარა-სამურის სამხრეთით მდებარეობს. სამურის ზემო წელში მდებარე

¹ ნ. ბერძენიშვილი. აღმოსავლეთ კახეთის წარსულიდან (მოკლე პოლიტიკური ცნობა). „მომომხილველი“, ტ. III, 1953, გვ. 67.

² ყანი-ყობი იგივე ყარა-სუ იყო (Д. Бакрадзе. Заметки о Закаст. окр. გვ. 249). ლინევიჩი აღმოსავლეთ საზღვრად თვლიდა აგრი-წყლის შენაკადს — კაშკა-ჩაის (Карта бывшего Елизаветинского Султанства. Сборник свед. о Кав. Горцах, вып. VII, 1873). ყარა-სუ კაშკა-ჩაიდან 5 კილომეტრის დაშორებით, დასავლეთით ერთვის აგრი-წყალს. ამ ორ მდინარეს შორის მდებარე რამდენიმე სოფელი მართლაც სულტანს ეკუთვნოდა. აღნიშნული სხვადასხვაობა შეიძლება ადმინისტრაციული ფარგლების ცვლილებას მიეწერებოდეს (მითითებულ რუკას შეადარე Пятиверстная карта Кавказского Края. Тифлис. 1913, Закастальский округ).

იხილე ბოლოს დართული დამოწმებული ლიტერატურის სია.

6 სოფელი (საბჰოთა დაღისტნის რუთულის რაიონის ერთი ნაწილი), რომელიც ე. წ. „წახურის მაჰალს“ შეადგენდა, ელისუს სასულტნოში შედიოდა¹. შემდეგში, 1860 წ., რუსეთის მმართველობამ ქარ-ბელაქნის სამხედრო ოლქს, რომელიც საინგილოს ადმინისტრაციულ გაერთიანებას გულისხმობდა, „წახურის მაჰალი“ ჩამოაცილა, რითაც ამიერიდან რუსულ ლიტერატურაში უკვე „ზაქათალის ოლქის“ სახელით ცნობილი ადმინისტრაციული ერთეულის ჩრდილო საზღვარმა კავკასიონის ქედზე გადმოინაცვლა.

ქარ-ბელაქანი, როგორც პოლიტიკური ერთეული, მე-18 ს. მიწურულსა და მე-19 საუკუნის დამდეგს შეიცავდა ელისუს სასულტნოსაც, რომელსაც საკუთრივ ქარ-ბელაქნისაგან ჰყოფდა მდ. ყაფუ-ჩაი და მუხახის-წყალი.

წარსული საუკუნის ლიტერატურაში ქარ-ბელაქანი შემოკლებით ქარის სახელითაც აღინიშნებოდა. ეს იმიტომ, რომ სოფ. ქარს ხანგრძლივ ეყრა პოლიტიკური პირველობა მთელს ოლქში.

ქარ-ბელაქანი ანუ საინგილო არის საქართველოს ისტორიული პროვინცია, რომელიც კერძოდ კახეთის აღმოსავლეთ უბანს შეადგენდა. ამიტომ იგი თანამედროვე საისტორიო ლიტერატურაში აღმოსავლეთ კახეთის სახელითაც იხსენიება². აქვე უნდა ითქვას, რომ კახეთის ეს ნაწილი არ წარმოადგენდა ისტორიული საქართველოს უკიდურეს აღმოსავლეთ კუთხეს. ასეთ კუთხედ იგი მხოლოდ გვიან გახდა. ეს იყო უმთავრესად აღმოსავლეთის მომთაბარე მაჰმადიანური ტომებისა და ოსმალეთ-ირანის აგრესიის შედეგი. ამავე აგრესიის შედეგად, დაღისტნელი მომთაბარეების გამუდმებული შემოტევის პირობებში და საქართველოს სოციალურ-პოლიტიკურ ცხოვრებაში მომხდარი ცვლილებების ნიშნად, მე-18 საუკუნის 20-იან წლებში კახეთის სამეფოს საინგილოც ჩამოსცილდა. იგი ცალკე პოლიტიკურ ერთეულად იქცა. ეს მოვლენა კი იყო აღმოსავლეთის მხრიდან საქართველოს ისტორიული მიწა-წყლისა და მოსახლეობის თანდათანობითი დაკარგვის მორიგი ტრაგიკული აქტი.

„უძველეს დროიდან ეს ქვეყანა (საინგილო, მ. დ.), — წერს აკად. ნ. ბერძენიშვილი, — ისევე როგორც აწინდელი კახეთის

¹ შეადარე: Карта бывшего Елису́йского султанства да Карта Дагестанской АССР, 1947.

² Петрушевский. Джаро-белаканские вольные общества в первой трети XIX в. Тифлис, 1934 г., გვ. 10, 12, 13; Писаревский. Уничтожение в Закатальском округе зависимых отношений... გვ. 94; ნ. ბერძენიშვილი. აღმოსავლეთ კახეთის წარსულიდან, გვ. 67.

დიდი ნაწილი და ჩრდილო-დასავლეთი აზერბაიჯანი (ყოფილი შაქის ოლქი ანუ ნუხის მაზრა), დასახლებული იყო ქართველთა მონათესავე ტომებით, რომელთა საერთო ქართული სახელი — ჰერეთი უკვე V საუკუნეში არის დამოწმებული¹.

ქართულ-ქრისტიანული მოსახლეობის გავრცელების არე არ იფარგლებოდა მარტო ჰერეთით, რომლის უკიდურესი ნაწილი ქ. გიში იყო. „ქართველი“ (ქრისტიანი) მოსახლეობა შარვანის დასავლეთ ნაწილშიაც იყო. ამიტომ ეს ნაწილი XII საუკუნეში საქართველოს საზღვრებში შემოიტანეს და „ამიერიდან საკუთრივ საქართველოს ჩრდილო-აღმოსავლეთი საზღვარი შამახის ახლოს, მისგან ოდნავ დასავლეთით მდინარე თეთრ წყალზე (აწინდელი აყ-სუ) გადიოდა“².

მიუხედავად მონღოლთა შემოსევებისა და მათი გაბატონებისა საქართველო მტკიცედ ინარჩუნებდა თავის ძლიერ კულტურულ გავლენას დაღისტანზე. მე-13 ს. დასასრულს ქართველმა საეკლესიო მოღვაწემ პიმენ სალოსმა თავისი ქადაგება ბელაქნიდან „ლექთშიაც“ გადაიტანა — „ნათესავე ლექთა წარმართობისაგან მოაქცივნა“ და გააქრისტიანა³.

მე-13 ს. მიწურულიდან გამაჰმადიანების გზაზე შემდგარი საილხანოს მონღოლები შეუწინაღობივ დევნიან ქრისტიანებს. მონღოლ-თათართა მომთაბარე ტომები თანდათანობით მრავლდებიან საარიშიანოში (ჰერეთ-შაქის პროვინციაში) და ავიწროებენ ქართველებს. ამ პროცესის შედეგი იყო ის, რომ XIV ს. მიწურულში საქართველოს ჩამოსცილდა საარიშიანოს აღმოსავლეთი ნაწილი, რომელიც „შაქის სახანოდ“ იქცა. იქ მყოფ მკვიდრ ქართველობას დევნიდა და ძალდატანებით ამაჰმადიანებდა მონღოლების პოლიტიკური და სოციალური ბატონობა. შაქის სახანოს გაჩენის დღიდან საქართველოს აღმოსავლეთი საზღვარი ჰერეთის საერი-სთაო იყო.

ჯერ კიდევ XI საუკუნეში თურქ-სელჩუკიან მომთაბარეების მიერ დაწყებულ საქმეს ფაქტიურად აგვირგვინებდა თემურ-ლენგის მრისხანე შემოსევები XIV—XV საუკუნეთა მიჯნაზე, რომლებმაც უდიდესი ზიანი მიაყენეს ჩვენს ქვეყანას.

„სამასწლოვანი ბრძოლა ველურ მომთაბარეთა წინააღმდეგ, — წერს აკად. ნ. ბერძენიშვილი, — საქართვე-

¹ ნ. ბერძენიშვილი. დასახ. ნაშრომი, გვ. 67.

² ნ. ბერძენიშვილი. დასახ. ნაშრომი, გვ. 70.

³ ჟამთააღმწერელი. გვ. 731; ივ. ჯავახიშვილი. საქართველოს საზღვრები ისტორიულად. და თანამედროვე თვალსაზრისით განხილული, გვ. 11.

ლოს დამარცხებით დამთავრდა. დავით აღმაშენებლის პოლიტიკური წამოწყება მოიშალა. საქართველომ ვერ განახორციელა დიდი ამოცანა კავკასიის გაერთიანებისა; მეზობელი ქრისტიანული ქვეყნებიც მან საბოლოოდ დაჰკარგა და მოზღვავებულ მომთაბარეთა აგრესიის პირისპირ მარტოდ-მარტო აღმოჩნდა. მიწისმფლობელობისათვის მებრძოლმა ველურმა მომთაბარეებმა მაჰმადიანობა თავის ალამად აღიარეს და „უსჯულოთა“ (ქრისტიან მიწისმფლობელთა) წინააღმდეგ ბრძოლა „სალმრთო საქმედ“ გამოაცხადეს. თემური ამ „მაჰმადიანური“ პოლიტიკის თანმიმდევრული გამტარებელი იყო. ქრისტიანობის წინააღმდეგ დაუნდობელი ბრძოლა, ქრისტიანობის მოშლა და მის ადგილზე მაჰმადიანობის დანერგვა დამახასიათებელი იყო თემურის პოლიტიკისათვის კავკასიაში¹.

ასეთ ვითარებაში თანდათანობით ქრება საქართველოს ბარის გავლენა დაღისტანზე, სადაც XV საუკუნიდან ქრისტიანობა სუსტდება და მის ადგილს მაჰმადიანობა იკავებს.

XVI საუკუნეში მდგომარეობა კიდევ უფრო გაუარესდა. ამიერიდან თურქმანული სახელმწიფოს ნაცვლად ყიზილბაშური ირანი უტევდა საქართველოს. კახეთის სამეფოს ყიზილბაშებმა ჩამოაცილეს მღ. სამურის ზემო წელში მდებარე წახურის (წახეთი) ქრისტიანული ქვეყანა და ირანის შაჰისაგან უშუალოდ დამოკიდებული გახადეს იგი. აქამდე საქართველოს გავლენა-მორჩილების ქვეშ მყოფი დაღისტანი თანდათან შეტევაზე გადმოვიდა და ქვეყნის აღმოსავლეთ ნაწილს. კაკ-ენისელისა და ქიაურის სამოურავოებს აოხრების უშუალო საფრთხე შეუქმნა².

მიუხედავად წახურის პოლიტიკურად ჩამოცილებისა, იქ მყოფი მოსახლეობა დიდხანს იცავდა თავის ქრისტიანობას, მაგრამ ბოლოს მან მაჰმადიანთა მოძალებას ვერ გაუძლო და მაინც გადაგვარდა³. წახურის მფლობელი ირანის შაჰის განსაკუთრებული მზრუნველობის ქვეშ გამოცხადდა. 1562 წ. შაჰ-თამაზი ლევან კახთა მეფეს აფრთხილებდა, რომ წახურის ბატონი არავის შეევიწროებინა, რადგან იგი შაჰის „უერთგულეს მსახურთა შორის ირიცხებოდა“⁴.

¹ ნ. ბერძენიშვილი. დასახ. ნაშრ., გვ. 73—74

² იქვე., გვ. 75. XV საუკუნეში გაუქმდა „ჭერეთის სერისთაო“ და მის ნაცვლად შეიქმნა სამოურავოები — კაკ-ენისელისა და ქიაურისა.

³ ეს ჩანს ლინევიჩის მიერ ჩაწერილი ერთი ზეპირ-გადმონაცემიდანაც (Линевич. Бывшее Елисаветинское султанство, გვ. 16). ლინევიჩის ცნობას იმეორებს სხვა ავტორიც (Линден. Высшие классы коренн. насел. Зақ. გვ. 125).

⁴ А к т ы , Т. II, გვ. 1085.

XVI საუკუნეში კახეთში მცირე რაოდენობით უკვე ჩანდა დალისტური მოსახლეობა. „მწირი დალისტის შვილები კახთა მეფეების ყმობის პირზე ესახლებოდნენ ხოლმე მდიდარი კახეთის (=ჰერეთის) ზეგნებში. ასე შეიქმნა, მაგალითად, XVI საუკუნეში ავარიელთა მოსახლეობა სოფელ ფიფინეთში (=ჭარი)“¹. ეს მოხდა ლევან კახთა მეფის დროს².

დალისტური მოსახლეობის კახეთში მომრავლებისა და მათი მძარცველური თავდასხმების მიზეზები, კერძოდ, ამავე დალისტის შთის მოსახლეობის სოციალურ-ეკონომიურ წყობილებაშია საძებარი.

ჯერ კიდევ 1921 წ. ამხანაგი სტალინი დალისტანს იხსენიებდა იმ ქვეყნებს შორის, რომელთა მოსახლეობას „მეტწილად შეუნარჩუნებია მეჯოგური მეურნეობა და პატრიარქალურ-საგვარეულო ყოფა-ცხოვრება...“³ მე-16 — 17 საუკუნეებში დალისტანის საზოგადოებრივი წყობილება, რა თქმა უნდა, კიდევ უფრო ჩამორჩენილი იქნებოდა.

დალისტანი პოლიტიკურად დაქუცმაცებულ ქვეყანას წარმოადგენდა. ფეოდალური სამთავროების — სახანოების გვერდით ეს მხარე დაფარული იყო ორმოცზე მეტი ტომობრივ-თემური საზოგადოებით: რუთულის, ანდიის, სალათავის, ანწუხის, თებელის, კაპუჩის, ჩამალილის, უნკრატლის, დიდოს, ახეახის, თლენისერუხის, კარახის, აკუშისა და სხვ.

სოციალურ-ეკონომიური განვითარების თვალსაზრისით ქვეყანა არ წარმოადგენდა ერთ მთლიანს. გაბატონებულ არქაულ წყობილებასთან ერთად დალისტის რიგ რაიონებში, უფრო კასპიის ზღვის ნაპირის ახლო-მახლო, არსებობდა როგორც ადრეულ-ფეოდალური, ისე განვითარებული ფეოდალური ურთიერთობა. ეს ურთიერთობა, თუმცა ძალზე ნელის ტემპით, მაგრამ მაინც თავისუფალ თემებშიაც იჭრებოდა.

¹ ნ. ბერძენიშვილი. დასახ. წერილი, გვ. 75. შეადარე: საქართველოს ისტორია, 1946 წ., გვ. 368. პეტრუშევსკი ფიქრობს, რომ დალისტური მოსახლეობა კახეთში XIV — XV საუკუნეებშიაც უნდა ყოფილიყო (Петрушевский, Джаро-Белак. волях. ош. გვ. 11). ეს განცხადება დაუსაბუთებელია და სწორი არაა.

² ამის შესახებ ვახუშტი გადმოგვცემს: „...ხოლო მთის ძირს არს ფიფინეთი, სად დასხნა ე მეფემან ლევან ლეკნი, რათა უზიდონ ზაფხულს კავკასიიდან კინული და იყო არჩილადმდე ვგრეთ. შემდგომად იწოდა ჭარი და ყვეს სიმაგრე, და იქმნენ სახელოვან ბრძოლათა შინა...“ (ვახუშტი, აღწერა სამეფოსა საქართველოსა, 1941 წ. გვ. 96).

³ ი. სტალინი. თხზულებანი, ტ. 5, გვ. 27.

მთიანი დაღისტნის მთელი მოსახლეობა თავს „უზღენს“ თავისუფალს ეძახდა. მაგრამ თემებში შექრილი ფეოდალიზაციის პროცესის შედეგად უკვე იწყებოდა ზედაფენის გამოყოფა. ამ ფენაში უპირველეს ყოვლისა ექცეოდნენ საგვარეულოთა უფროსები, რომლებიც თანდათანობით იქვემდებარებდნენ უზღენებს¹.

საქართველოს დაღისტნის მთიანი ნაწილი ემეზობლებოდა. ტომობრივ-თემური გაერთიანებები კავკასიონის გადაღმადან საქართველოსაკენ მომავალ გზებზე მდებარეობდნენ. რუთულის, დიდოს, კაპუჩის, ჭურმუთის, ტაშის, თებელის, ანდიის, ანწუხისა და სხვ. თემები ძირითადად მეჯოგე-მომთაბარეებს ეკავათ².

პატრიარქალურ-საგვარეულო წყობილებას, უპირველეს ყოვლისა, გამოხატავდა დაღისტნური თოხუმი (თუხუმი). ეს იყო გვარი, ნათესავთა კავშირი, რომელიც აერთიანებდა მამრობითი ხაზით ჩამოშვალ ნათესაურ ჯგუფებს. თოხუმი სახელწოდებას თავისი დამფუძნებლისაგან იღებდა. ყოველ თოხუმს ჰყავდა მეთაური, რომელიც საგვარეულოს საშინაო საქმეებს ხელმძღვანელობდა, სჯიდა „ადათის“ დამრღვევებს და რჩევა-დარიგებებს იძლეოდა³.

საგვარეულო ორგანიზაციის განვითარების შემდგომი საფეხური დაღისტანში იყო ცალკეული გვარების გაერთიანება „თავისუფალ თემებში“. საგვარეულო კავშირები ერთმანეთს უახლოვდებოდნენ და იქმნებოდა ტომობრივ-თემური ორგანიზაცია. თემობრივ დაჯგუფებაში რამდენადმე ძალას ჰკარგავდა ნათესაური, ჩამომავლობითი კავშირის პრინციპი და მეტი ყურადღება ექცეოდა გვარების, „სახლების“ გეოგრაფიულ სიახლოეს. თემს, გვარების კავშირს, ჰქონდა მეტნაკლებად ორგანიზებული მმართველობა, რომელსაც აღრეულ საფეხურზე თანაბარუფლებიანი მოთემეები აწყობდნენ.

პრიმიტიულ წყობილებას მეტად მარტივი მეურნეობა შეესაბამებოდა. ეკონომიურ განვითარებას ხელს არ უწყობდა ქვეყნის ბუნებრივი პირობებიც. მეურნეობის წამყვანი დარგი მესაქონლეობა იყო.

იქ, მთიან ქვეყანაში, როგორც საერთოდ, სათესფართობთა რაოდენობა

¹ P. Магомедов. Дагестан в период парского завоевания, გვ. 12.

² მომთაბარე ტომები ამიერკავკასიაში XIX საუკუნეშიაც საქმოდ იყვნენ. ამის შესახებ იხ. პროფ. გუგუშვილის ნაშრომი „თემური მიწათმფლობელობა ამიერკავკასიაში“ (ეკონომიკის ინსტიტუტის შრ., ტ. I, 1946, გვ. 39 — 40).

³ Алаты Дагестанской области и Закатальского округа под ред. Савдрыгайло, გვ. 2

დენობა ძალზე მცირე, ხოლო ნიადაგი მეტად მოუსავლიანი იყო. იგი სრულებით ვერ ანახლავდა მწარმოებლის შრომას. მაგალითად, დაღისტნის სამურის ოლქში პურის მოსავალი (XIX ს. მიწურულს) უდრიდა ერთზე ერთ ნახევარს ან, ჟკეტეს შემთხვევაში, ორ ნახევარს¹. ასეთი მოსავალი მოსახლეობას მხოლოდ 3 თვის განმავლობაში ყოფნიდა². ვერც მესაქონლეობა იყო იმდენად დაწინაურებული, რომ მთიელებს მეცხოველეობის პროდუქტების გაცვლით პურის დანაკლისი შეეესოთ. ასევე ითქმის შინამრეწველობაზეც, რომელიც დაღისტანში მეტნაკლებად განვითარებული ჩანდა. პრიმიტიულ ნატურალურ გაცვლა-გამოცვლას იმ დროს, როდესაც ადგილობრივი ეკონომიკა უმწეოდ გამოიყურებოდა, რა თქმა უნდა, არ შეეძლო მცხოვრებთა პირველი მოთხოვნების საგნებით დაკმაყოფილება. სავაჭრო ცენტრებისაგან დაშორებული, მიყრუებული მთის სოფლები იშვიათად თუ ებმებოდნენ სასაქონლო ურთიერთობაში.

პატრიარქალური წყობილების მთელ ჩამორჩენილობას ახასიათებდა „ადათის“ განუხრელი ბატონობა. ადათი იყო ცხოვრების მანძილზე გამომუშავებული ჩვეულებებით განმტკიცებული ზეპირი სამართალი — თავისებური „კანონი“, რომელიც ზეპირადვე გადაეცემოდა თაობიდან თაობას. ადათი დაღისტნის მთიანეთის პოლიტიკური ცხოვრების „ძირითადი მარეგულირებელი და წამმართველი ძალა“ იყო³. მაგრამ იგი როდი წარმოადგენდა საყოველთაოდ დადგენილ, ჩამოყალიბებულ და ერთიან სამართალს. თითქმის ყოველ თემს მეტნაკლებად განსხვავებული ადათი ჰქონდა.

ადათის მიხედვით, ბოროტმოკმედის მიერ დაზარალებული პიროვნება სავსებით შეუზღუდველი იყო. მას საკუთარი ნებით, ენიანობით, ძალით შეეძლო სამაგიეროს გადახდა, შურისძიება, სისხლის აღება. პირადი საქმეების გადაწყვეტაში თემი, სოფელი უმეტეს შემთხვევაში არ მონაწილეობდა⁴.

ადათი იცავდა სიბნელესა და უფიცობას. იგი ახშობდა დაღისტნელ ტომთა განვითარების გზებს და აკონსერვებდა პატრიარქალურ წყობილებას.

დაღისტნის მთიანეთი იმ დროს, საწარმოო ძალთა აგრეგანუვითარებლობისას, მოსახლეობას ვერ აძლევდა მტკიცე ბინა-

¹ Обзор Дагестанской области за 1899 г., Т.-X.-Шура, 1900, 51-

² რ. მაჰომედოვი. დასახ. ნაშრ., გვ. 10.

³ იქვე, გვ. 15.

⁴ Адагы Дагестанской обл., გვ. 9, 15.

დარი ცხოვრების მოწყობის საშუალებას. ამავე დროს ქვეყნის საზოგადოებრივი ცხოვრება, თუმცა ნელა, ფეოდალიზაციის გზით მიდიოდა¹. შეიმჩნეოდა საზოგადოებრივ ძალთა კლასებად დაჯგუფების პროცესის გაღრმავება. საგვარეულოთა უფროსები, სათემო ორგანიზაციის მეთაურები, სასულიერო პირები თანდათანობით ძარცვავდნენ თავისუფალ მოთემეებს. ჩნდებოდნენ ე. წ. „ბელადები“, წინამძღოლები, თავდასხმათა მოწყობის ოსტატები, რომელთა მოწოდებას ადვილად მიყვებოდნენ საზოგადოების დაბალი ფენებიც. მიწათმოქმედებისა და საქონლადი ურთიერთობის განუვითარებლობის პირობებში, საარსებო მინიმუმს მოკლებულ მეჯოგეთიელებს არ შეეძლოთ სამიწათმოქმედო პროვინციებისაგან დამოუკიდებლად არსებობა. დაღისტნელ მთიელებს ნებით თუ უნებლიეთ, პირდაპირ, ძალადობის გზით უნდა მიეთვისებინათ მეზობელი ტომის, ან ხალხის წარმოების პროდუქტები, ან კიდევ ეძებნათ ნაყოფიერი საბინადრო ადგილები, ჩამოსულიყვნენ ბარში სამუშაოს საძებრადაც.

საქართველოს მეზობელი მთიანი დაღისტნის რუთულის, სამურის, თებელის, დიდოს, ანწუხის, კაპუჩისა და სხვ. რაიონებიდან მთიელები პერიოდულად გადმოდიოდნენ კავკასიონის გადმოსვლაზე. მთავარი გზა მოდიოდა პირაქეთი სოფლის სარუბაშის გავლით, კავკასიონის სამხრეთ ფერდობის გაყოლებით. ეს გზა მოსდევდა მდ. ქურმუხის ხეობას და სოფ. ელისუში შემოდიოდა. საინგილოს ტერიტორიაზე მყოფი ეს სოფელი მალე გადაიქცა კახეთის წინააღმდეგ მიმართულ შემოსევათა ერთ-ერთ ბაზად.

ელისუსთან ერთმანეთს ერწყმის ორი ხეობა, რომელთა შორის ამართულია მდ. ქურმუხის წყალგამყოფი ვეება მთაგრეხილი. ამ მთაგრეხილს უპირისპირდება საკუთრივ ელისუს მთა, რომლის მწვერვალზე, მოგვიანებით, XIX საუკუნეში, რუსეთის მთავრობამ ციხე ააშენა. ეს ციხე ჰკეტავდა საინგილოში შემოსასვლელ ორივე ხეობას.

არა მარტო მთიანი დაღისტნის „თავისუფალი თემების“ მოსახლეობის გარკვეული ნაწილი ესხმოდა თავს საქართველოს, ან ჩვეულებრივ ჩამოდიოდა ამ ქვეყანაში; საქართველოს კიდევ უფრო მეტად ძარცვავდნენ დაღისტნის ფეოდალური სამფლობელოებიდან. მძარცველურ რაზმებს მეთაურობდნენ ფეოდალები — ხანები, ბეგები და მათი აგენტები. ამ ფეოდალებისათვის საქართველოდან

¹ P. Магомедов. Дагестан в эпоху татаро-монгольского вгв. 1940, გვ. 19.

მიღებული ნადავლ-ნაქურდალი შემოსაგლის მეტად სერიოზული წყარო იყო. ეს ნათელი გახდა მაშინაც, როცა ისინი რუსეთის მიერ აღმოსავლეთ საქართველოს შეერთებით დიდ უკაყოფილებას გამოთქვამდნენ, რადგან ჰკარგავდნენ აღნიშნულ შემოსავალს¹. ამის შესახებ დალისტნელი საბჭოთა ისტორიკოსი რ. მაჰომედიოვი წერს:

„ისინი ერთბაშად ჰკარგავდნენ იმ მნიშვნელოვან შემოსავალს, რომელსაც აქამდის ღებულობდნენ თავიანთი ქურდული შემოსევებით საქართველოსა და ამიერკავკასიაში.

„ეს შემოსევები უდიდეს როლს ასრულებდნენ ადგილობრივი ფეოდალი მფლობელებისა და საგვარეულო უფროსთა ცხოვრებაში. ყოველწლიურად, გაზაფხულზე, მთის ფეოდალები იჭრებოდნენ მეზობელ რაიონებში, აჩანაგებდნენ, ძარცვავდნენ მათ, იტაცებდნენ ათობით და ასობით ტყვეებს და უკან ბრუნდებოდნენ. ამ ქურდულ შეზღვევათა შედეგად განსაკუთრებით ძლიერ იტანჯებოდა საქართველო“².

მომთაბარე თუ ნახევრად მომთაბარე ტომების არსებობის ერთ ძირითად წყაროს, როგორც ითქვა, წარმოადგენდა ძარცვა-გლეჯა, ნადავლი. ამიტომ ჩამოსახლებულები და დალისტნიდან მოდენილი ახალი ტაღლები თავიდანვე უდიდეს ზიანს აყენებდნენ დაწინაურებული და მდიდარი, განვითარებული მიწათმოქმედების მქონე კახეთის მოსახლეობას³.

საძოვრების, სამუშაოს საძებრად თუ ძარცვა-გლეჯის მიზნით კახეთში ჩამოსული მთიელები ეცნობოდნენ მკვიდრი მოსახლეობის ინტენსიურ მეურნეობას, სიმდიდრეს და აქ დარჩენის გუნებაზე დგებოდნენ. გარკვეულ დრომდის, ვიდრე მთელი სიმძაფრით არ გამოვლინდა დალისტნელთა შემოსევების გამანადგურებელი ხასიათი, სამეფო ხელისუფლება არ ეწინააღმდეგებოდა

¹ Р. Магомедов. Дагестан в период парского завоевания. 1940, 33-7.

² იქვე.

³ ჩამოსახლებულთა გამუდმებულ მძარცველურ-აგზაჯურ თავდასხმებს კახეთში უსაფუძვლოდ უარყოფს პეტრუშევსკი, თუმცა იგი მიახლოებით, ნაწილობრივ სწორად ხსნის კახეთში დალისტნური მოსახლეობის დენის მიზეზებს: „В условиях земледельческо-скотоводческого, полукочевового хозяйства дагестанцы, вимние пастбища (кышлаги) которых находились на южной стороне Главного хребта, периодически перекочевывали сюда и при Грузинском (кахетинском) владычестве. Это обстоятельство, как и малоземелье, привлекало дагестанцев в Кახетию небольшими группами“ (დასახ. ნაშრ., 33-11).

მათ ჩამოსახლებას, რადგან ისინი მეფის სასარგებლოდ იბეგრებოდნენ; მათ დაკისრებული ჰქონდათ სამხედრო სამსახური. მაგრამ მდგომარეობა მალე შეიცვალა. დასაწყისში უფნებელი „ყმა-მოლაშქრეები“, თანდათანობითი მომრავლების შემდეგ, სულ უფრო და უფრო საშიში ხდებოდნენ.

მე-16 ს. მიწურულში აღმოსავლეთ ამიერკავკასიაშიც დამყარდა თურქ-ოსმალური სახელმწიფოს ბატონობა. ოსმალო ავაზაკებმა ფართო გზა გაუხსნეს ტყვის ყიდვას და ამ საქმეში ჩააბეს დალისტნელი აბრაგები, რომელთათვის ქრისტიანი ტყვეების ტაცება და გაყიდვა სარჯიან საქმედ იქცა. დალისტანში, კასპიის ზღვის ნაპირზე მდებარე სამთავრო, ე. წ. საშამხლო, ოსმალეთის მხარდაჭერითა და მფარველობით უდიდეს ზიანს აყენებდა კახეთს. შამხალი დალისტნელ აბრაგთა კახეთზე გამუდმებული თავდასხმების ორგანიზატორი გახდა¹.

მე-17 ს. დამდეგს შაჰ-აბასმა კახეთს ჩამოაცილა აღმოსავლეთით მდებარე რაიონი, რომელიც წახურის მფლობელ ალი-ბეგს მისცა, ეს უკანასკნელს სულტნის პატივში აიყვანა და თავისი მფარველობის ქვეშ გამოაცხადა². ამრიგად, საფუძველი ჩაეყარა ელისუს სასულტნოს და ამიერიდან კახეთის მიწა-წყალზე „თანდათან იწყეს ჩამოსხდომა მთის გადაღმიდან წახურელმა მოახალშენებმა“³. ოსმალეთის სულტნისა და ირანის შაჰის განსაკუთრებული ყურადღების ქვეშ მყოფმა ელისუს (კაკის) სულტანმა მათგან თავისი მფლობელობის დამამტკიცებელი სიგელებიც მიიღო.

როგორც ვხედავთ, საქართველოს საზღვარი აღმოსავლეთიდან თანდათანობით ვიწროვდებოდა და მკვიდრი ქართველი მოსახლეობა ქრებოდა, ან გადაგვარების გზით მიდიოდა. ეს პროცესი კიდევ უფრო დაჩქარდა შაჰ-აბასის მრისხანე შემოსევათა შემდეგ.

1616 წ. შემოსევის დროს ირანელმა დამპყრობლებმა ნანგრევებად აქციეს კახეთი. 100 ათასამდე ქართველი მებრძოლი შეაკვდა მტერს. ამდენივე ტყვედ წაიყვანეს ყიზილბაშებმა. „მშვიდობიან ქვეყანაზე საშინელმა გრიგალმა გადაიარა. დაიცალა და

¹ ნ. ბერძენიშვილი. რუსეთ-საქართველოს ურთიერთობის ისტორიიდან XVI-XVII სს. მიჯნაზე (მასალები საქ. და კავკ. ისტორიისათვის, 1944, ნაკვ. 1, გვ. 13 — 15).

² „... მოვიდა შააბაზ დაპყრობად ერევნისა, ქს ჩქბ... შემდგომად ალებისა ერევნისა მიუღო ალექსანდრეს კაკი...“ (ვახუშტი. ცხოვრება კახეთისა. ქ. ცხ. ნაწ. II, 1854, გვ. 111).

³ ნ. ბერძენიშვილი. აღმოსავლეთ კახეთის წარსულიდან, გვ. 77.

დაყრუვდა აყვავებული მხარე, უდიდ ხნით თითქმის შეწყდა აქ სიცოცხლის მაჯისცემა, ტყე და ნადირი დაეუფლა ადამიანის ნასადგომებს¹. დალისტინელმა მომთაბარებმააც ისარგებლეს ამით და კახეთის ოხრად დარჩენილ სოფლებს კალიასავით მოედნენ. მოკლე ხანში აქ აპოწყევტილი ან ირანში იძულებით გადარეკილი ქართველების ადგილი დალისტინიდან გადმოასხლებულებმა დაიკავეს².

შაჰ აბასი ენერგიულად ცდილობდა, რომ მკვიდრი ქართველი მოსახლეობა კახეთიდან აეყარა და მის ადგილის თურქმან-ყიზილბაში მომთაბარეები დაესახლებინა. შაჰის მზრუნველობით საქართველოს სამხრეთით და აღმოსავლეთით მალე ჩნდებიან მაჰმადიანი მომთაბარეები (ლორე-ბამბაკი, შორაგალი, შამშადილუ, ზაიდარი და მტკვრის მარცხენა მხარე — დემურჩი-ასალუ)³. ქართველი ხალხი გაათრებით იცავდა თავს ყიზილბაშთა შემოსევებისაგან, ებრძოდა და ჟღერდა ჩამოსახლებულ თურქმანებს, მაგრამ უთანასწორო ომში მარცხს განიცდიდა. შაჰის წაქეზებით კახეთს არბევდნენ დალისტინელი აბრაგები და ელისუს სულტანი. კახეთს „ზურგის მისაყრდენი საიშელო მთა არ ახლდა“ და იგი დიდ ზიანს განიცდიდა⁴.

წახურ-ელისუს სულტანი ათეული წლების განმავლობაში, როგორც ირან-ოსმალეთის აგენტი, კახეთის მიმართ ისეთსავე მტარვალურ როლს ასრულებდა, როგორც აღმოსავლეთ ამიერკავკასიაში მყოფი შაჰის სხვა აგენტები — ხანები, ბეგლარბეგები და სხვანი. 1632 წ. ერთი ბრძანებით შაჰ-სეფი ავალებდა წახურელ მამედ-ხან ბეგს, რომ მას, სხვა ბეგებთან ერთად, აქტიურად ემოქმედნა თეიმურაზ მეფის წინააღმდეგ, „გაეოხრებინა და დაექცია ქართლ-კახეთი“⁵.

¹ ნ. ბერძენიშვილი, ი. ჯავახიშვილი, ს. ჯანაშია. საქართველოს ისტორია, 1946, გვ. 335.

² სწორად შენიშნავს პეტრუშევსკი, რომ ავარული სოფლების გაჩენა კახეთში სწრაფი დაპყრობის ან ერთდროული მიგრაციის შედეგი კი არა, არამედ ხანგრძლივი პროცესის შედეგი იყო (Исторический Джаро-дзлак. Ильяш. 1934, г. 13).

³ ნ. ბერძენიშვილი. დასახ. წერილი, გვ. 78.

⁴ იქვე, გვ. 79.

⁵ Акты. т. II, гв. 1076, № 4. მ. ჯანაშვილი.

ასეთ მძიმე ვითარებაში კახეთში მომრავლდნენ დალისტნელები. მე-17 საუკუნის 70-ან წლებამდე ისინი სცნობდნენ კახთა მეფეების ხელისუფლებას, მაგრამ მას შემდეგ, რაც კახეთში ყიზილბაში ხანების მმართველობა დამყარდა (1674 — 1703 წწ.), ჩამოსახლებულთა რაოდენობაც გაიზარდა და მათ ურჩობასაც მეტი გასაქანი მიეცა. „მე-17 საუკუნის მანძილზე, უმთავრესად მის უკანასკნელ მეოხთედში, თანდათან ჩამოყალიბდა ქარის, ბელაქნის და თალას უბატონო თემები“¹. ეს თემები მალე გადაიქცნენ კახეთის სოფლების მიმართ მეომარ და თავდამსხმელ თემებად.

მიუთითებდა რა თემის ცხოვრებისათვის ნიშანდობლივ თვისებებზე, ტომობრივი წყობილების პირობებში, მარქსი წერდა:

„დაბრკოლებანი, რომელთაც თემი შეხვდება, შეიძლება გამომდინარეობდნენ მხოლოდ სხვა თემებიდან, რომელთაც ან აღრევე დაუპყრიათ მიწა-წყალი, ანდა მოსვენებას არ აძლევენ თემს მის მიერ დაპყრობილ ადგილზე. ამიტომ ომი არის ის დიდი საზოგადო სამუშაო, რომელიც ან იმისათვისაა საჭირო, რომ დაიპყრონ არსებობის ობიექტური პირობები, ან იმისათვის, რომ შეინარჩუნონ ეს დაპყრობა და უკვდავყოფონ იგი. ამიტომაც არის, რომ ოჯახებისაგან შემდგარი თემი პირველ ხანებში სამხედრო ყაიდაზეა მოწყობილი, როგორც სამხედრო და სალაშქრო ორგანიზაცია, და ეს ორგანიზაცია წარმოადგენს თემის — როგორც შესაკუთრის — არსებობის ერთ-ერთ პირობას“².

სამხედრო ყაიდაზე მოწყობილი დალისტნური თემები ჩვენს სინამდვილეში დაპყრობილის შენარჩუნებისა და გაფართოებისათვის იბრძოდნენ. ამ თემების გამუდმებული ომების სპეციფიური ნიშანი ის იყო, რომ ისინი ეომებოდნენ სოციალურ-ეკონომიურად

რ. VII, № 392, გვ. 450. შეადარე აგრეთვე ფირმანი „შაქის პროვინციის მმართველი“ ალი-ფაშისადმი, Акты, т. II, გვ. 1093, № 21).

1722 წ. ხონთქრის ერთი ფირმანით ალი-სულტან-წახურელი „შაქისა და წახურის სანჯაყების ბეგლარ-ბეგად“ ინიშნება.

¹ საქ. ისტ. 1946, გვ. 370. სხენებული თემების წარმოქმნის საკითხს სპეციალურად ეხება აგრეთვე პეტრუშევსკი (დასახ. ნაშრ.). წარსული საუკუნის მკვლევართაგან ამ საკითხს ეხებიან: მ. ჯანაშვილი, საინგილო; Д. Бакрадзе, Заметки о акакт. окр.; Ляневич, Бывшее Елисуйское султанство და სხვები.

ქარ-ბელაქნის თემების წარმოქმნის შესახებ წაყვან დებულეებს გვაძლევს აკად. ნ. ბერძენიშვილი თავის ნაშრომებში: „საქართველოს XVIII საუკუნის ისტორიიდან“ და „აღმოსავლეთ კახეთის წარსულიდან“.

² კ. მარქსი. კაპიტალისტური წარმოების წინამორბედი ფორმები, გვ. 13,

დაწინაურებული კახეთის მოსახლეობას „არსებობის ობიექტური პირობების“ მითვისება-შენარჩუნებისათვის და ამ ომს უპირატესად ქურდულ-აბრაგული ხასიათი ჰქონდა.

შაჰის მიერ კახეთში დასმული ყიზილბაში ხანები ზურგს უმაგრებდნენ დაღისტნურ თემებს, რომლებსაც კახეთის ქრისტიანული მოსახლეობის წინააღმდეგ ამხედრებდნენ; ისინი ამწვაებდნენ შეურიგებელ სარწმუნოებრივ მტრობას, რასაც შედეგად მოსდევდა მკვიდრი მოსახლეობის განადგურება.

სახელოვანი ვახუშტი ასე მოგვითხრობს კახეთში ბეჟან-ხანის ცბიერ მოქმედებას:

„... განბოროტებულმან ხანმან მისცა ნება და ძალი ლეკთა და დაუწყეს კახეთს კირთება და ტყვევნა, არა იუ ლაშქრით, არამედ ავაზაკობით. კულად აღაზაგნა უმეტეს ქარელნი დაელი-ფადარი დასხმულნი ხანთაგანე, რამეთუ თუცა მოჰკლიან კახნი ლეკთა ანუ თათართა, შერისხვიდა ხანი, ანუ მოაკვდინებდა, ანუ მიაცენინის სისხლი, მეტყველი: რამეთუ არა ჯერ არს გიაურთაგან მუსლიმანის სიკუდილი და თუცა მოჰკლიან თათართა კახი, არა რაი აენის, რამეთუ ესრეთ ჯერ არს და იყო ამითჳირი დიდი. გარნა კახნი უდგენნ მაგრად და სვრიდენ სადა ვინ მოახელიან“...¹. ასევე გრაჟელდებოდა მომდევნო პერიოდშიაც (1695 წ.), როდესაც ქარელნი „უმეტესად მძლავრობდნენ ელისენ გაღმა-მხარსა და იყვნენ მესადგურე ეტიკნი დაღისტანელთა და იყო ამათ მიერ ტყვევნა, ოხრება და კვლანი კაცთა, მზირობით, ავაზაკობით და პარვითა, შემდგომად არჩილ მეფისა ვიდრე აქომამდე“².

XVIII საუკუნის 20-იანი წლებიდან დასუსტებული ირანის ბატონობა ამიერკავკასიაში თანდათანობით გზას უთმობდა ოსმალთა ბატონობას. ამიერკავკასიის დამორჩილებისათვის მზადებისას ოსმალეთი დაღისტნელ აბრაგებსა და ფეოდალებს ეყრდნობოდა.

დაღისტნელი ფეოდალები და აბრაგები ოსმალთა დამპყრობლებთან ერთად ამ დროს დიდ ზიანს აყენებდნენ არა მარტო საქართველოს, არამედ თვით დაღისტანსაც, ამ ქვეყნის მშრომელ მოსახლეობას. „ისინი აწარმოებდნენ გამანადგურებელ ომებს ქვეყნის შიგნით და აწყობდნენ დაუსრულებელ თავდასხმებს ომიერკავკასიაში, წყვეტდნენ რა მთის ტომებს საქართველოს, აზერბაი-

¹ ვახუშტი. ცხოვრება კახეთისა, ქ. ცხ. ტ. II

² იქვე, გვ. 130.

ჯანისა და სომხეთის ძველი და მდიდარი კულტურის გავლენისაგან¹.

„უზენაესი ხალიფა“ (ე. ი. ოსმალეთის სულტანი) „ურწმუნოების“ (ე. ი. ქრისტიანებისა და შიას მიმდევარი მუსილმანების) წინააღმდეგ ბრძოლას (ე. ი. ამ ქვეყნების ტყვევნა-აოხრებას) ღვთის სათნო საქმედ აცხადებდა და „მართლმორწმუნე“ დალისტნელებს... კიდევ უფრო დაუნდობელი ომისათვის მოუწოდებდა“². ეს პერიოდი ემთხვეოდა იმ დროს კახეთის შიგნით გამწვავებულ სოციალურ ბრძოლას, რომელმაც ობიექტურად ხელი შეუწყო საინგილოში დალისტნელთა მომრავლებასა და გაბატონებას.

მძიმე სოციალური ჩაგვრით გადავალტყავებულმა კახეთის გლეხობამ თავდაპირველად დალისტნელ მოთემეებში თავისი კლასობრივი მოძმე იცნო და შეუერთდა ამ მოთემეების ბრძოლას კახეთის ფეოდალების წინააღმდეგ. მაგრამ ეს კავშირი დაირღვა იმ დღიდანვე, როდესაც „ლეკები“ ბატონობაში ადგილობრივ თავადებს შეეცილნენ და თვითონ გაბატონდნენ³. ადგილობრივი სოციალური ურთიერთობის გავლენით „უბატონო თემები“ გადაგვარდნენ და „მაღე კახური სოფლები მათ კი აღარ იძმეს, არამედ დაიმორჩილეს და დაბეგრეს“. ისინი გადაიქცნენ „მებატონე თემებად“. ამის შემდეგ გაჩაღდა დაუნდობელი ბრძოლა გლეხებსა და ახალ ბატონებს შორის, „ჩაგვრამ ჩამოსახლებულნი საბოლოო განადგურებას გადაურჩინენ“⁴.

¹ Дагестанская Автономная Советская Социалистическая Республика; (БСЭ, второе издание, т. 13, 1952, გვ. 278).

² ნ. ბერძენიშვილი. დასახ. წერილი. გვ. 83.

³ ტერმინი „ლეკი“ XIX საუკუნის ისტორიოგრაფიაში საერთოდ დალისტნელთა აღსანიშნავად იხმარებოდა. „ლეკის“ გაგებით ძირითადად ავარ-წახურები იგულისხმებოდნენ. დალისტნელებს ხშირად „გლუხოდარებასაც“ ეძახდნენ, ეს კი, კოცებუს განმარტებით, „გულმკერდ ღია კაცს აღნიშნავდა“ — „გულლადაჩას“. ასე ეძახდნენ მათ ინგილოები. იმავე ავტორის მითითებით, ეს სახელი იყო „аналогия, примененная к их бедному состоянию, которое по обычаю их (тяглойцев, М. Д.) ничем сильнее выравить нельзя, как сказать: столько беден, что груль прикрыгъ нечем“ (Копебу. Статистические сведения о чарских влад. т. 3 — 11).

⁴ ტერმინი „ლეკი“ ჩვენ ვიხმართ უმთავრესად, როგორც ჭარ-ბელაქნის თემებში გაბატონებულნი ფეოდალური ზედა ფენის აღმნიშვნელ სიტყვას, ვიხმართ სოციალური მნიშვნელობით. ამ ტერმინის ასეთი ხმარების მიზანშეწონილობა ქვემოთ უფრო ცხადი გახდება.

⁵ ნ. ბერძენიშვილი. საქ. XVIII საუკ. ისტორიიდან, გვ. 188 — 190.

განსაკუთრებით გაძლიერდა ლეკთა შემოტევა მე-18 ს. 20-იან წლებში, როდესაც მათ „დაიპყრეს ელისენი და იწყეს ლაშქრობა და მოაოხრეს მრავალნი დაბნებნი“. შემოტევა იმდენად ძლიერი ყოფილა, რომ კახთა მეფემ დავით II-მ (იმამყულიხანი, 1703—1722 წწ.) თავისი რეზიდენცია ყარაღაჯიდან თელავსა და მანავს გადაიტანა¹.

ოსმალთა დამპყრობლების გაბატონებამ საქართველო-ამიერკავკასიაში (1723 წლიდან) თავისი ობიექტური შედეგებით ხელი შეუწყო ლეკთა საბოლოო გაბატონებას აღმოსავლეთ კახეთში, რომელიც კახეთს მოწყდა. ავარ-წახურებმა დაიპირეს კახეთის ციხეები. 1725 წ. ლეკებმა „მოლები მოასხეს და კახელ გლებობას ერთბაშად გამაჰმადიანება დაუპირეს“². ოსმალეთის სულტანმაც დაუმტკიცა ქარელებს მინატაკები ქვეყანა იმ სამსახურისათვის, რომელიც ქარელებმა გაუწიეს ხონთქარს ისლამის გავრცელების საქმეში³. ამიერიდან საინგილოს მოსახლეობის გადაშენება-გადგვარების პროცესი უფრო სწრაფი ტემპით განვითარდა.

ოსმალთა დამპყრობლების თარეშის დროს შვედური ქართველობის რაოდენობა მცირდებოდა არა მარტო აღმოსავლეთ კახეთში, არამედ ქართლსა და სამცხე-ჯავახეთშიაც. ლეკები „განძლიერდნენ ესრეთ, რამეთუ უწყეს სამცხე-ჯავახეთს რბევა და ტყვევნა... ვინადგან არღარა დაშთა მსახლობელნი მუხრანს, ქართლს და საციციანოს და ადგილ საბარათიანოს-სომხითსაცა თვინიერ სიმაგრეთა, რამეთუ მუშაკობადცა პარვით-მალვით ჩამოვიდიან და მათნი მხილველნი იელტოდიან სიმაგრეთა“⁴.

ამრიგად, ოსმალთა ბატონობის შავბნელ ხანაში საქართველოს ჩამოსცილდა და მის ზურგში მრისხანე მტრულ ძალად იქცა ქარ-ბელაქანი, რომელიც, მე-18 საუკუნის 20-ანი წლებიდან მოყოლებული ვიდრე XIX ს. 30-იან წლებამდე, სისხლიდან სცლიდა აღმოსავლეთ საქართველოს. ქარ-ბელაქნელი ლეკობა და ელისუს სულტანი თავიდანვე შეუერთდნენ ქართლ-კახეთის წინააღმდეგ

¹ ვახუშტი. დასახ. ნაშრ., გვ. 133.

² ნ. ბერძენიშვილი. დასახ. ნაშრ., გვ. 189.

³ Посербский. Закавказский округ, газ. „Кавказ“ 1864, № 48. მისივე — Очерк Закавказского округа, „Кавк. Календ“. на 1866 г. გვ. 23; Хромика воён Джара, 13; ნ. ბერძენიშვილი. აღმ. კახეთის წარსულიდან, გვ. 64. ნახე აგრეთვე: საქ. ცსსა, ფ. 236, აღწ. I, საქმე 13, ფურ. 63; საარქივო საბ. კა.-ბელაქნის შესახებ, გვ. 510 — 511.

⁴ ვახუშტი. ცხოვრება ქართლისა, ქ. ცხ., ნაწ. II, 1854, გვ. 90.

დარაზმულ მტრულ ბანაკს, რომელსაც ხან ოსმალეთი და ხან-კიდევ ირანი შეთაურობდა; ქარ-ბელაქანი ამიერიდან წარმოადგენდა ამ სახელმწიფოების ბრმა იარაღს საქართველოს რბევა-აწიოკებისათვის. ქარელი „ლეკები“ ოსმალეთ-ირანის მიერ საქართველოს წინააღმდეგ ამხედრებულ დაღისტნელ აბრაგთა რაზმების მეგზურები, მედროშეები, თანამებრძოლები და ზოგჯერ წამქეზებლებიც იყვნენ.

სახელოვანი ერეკლეს მეფობის ხანაშიც, როდესაც საქართველოს აღდგომა-გამოხსნისათვის ბრძოლას წარმატება ჰქონდა და ქართლ-კახეთის სამეფომ აღმოსავლეთ ამიერკავკასიაში პოლიტიკური პირველობა შოიპოვა, ლეკურ-მაჰმადიანური აგრესია ძველი-ბური საშინელებით იკლებდა ქვეყანას¹.

1769 წ. თავადი ამილახვარი წერდა:

„ლეკები ქართლსა და კახეთს ფრიად ხშირად ქურდულად ძარცვავენ, რადგან ისინი ტყეებში სხვადასხვა ადგილებზე იმალებიან, 10 — 20 და მეტი კაცისაგან შემდგარ ჯგუფებად, გაძვლულ და ველზე სამუშაოდ გამოსულ ქართველებს ატყვევებენ, რის შედეგადაც ბევრი საცხოვრებელი ადგილი დაცარიელდა“².

თვით ერეკლე მეფე სწერდა რუსეთის ხელმწიფეს ეკატერინე მეორეს, რომ „ლეკთა განალაგეს საქართველო!“³.

დიდმა ერეკლემაც, მიუხედავად მის მიერ ჩატარებული გადაწყვეტი და ენერგიული ღონისძიებებისა, ვერ შეძლო ლეკურ-აბრაგულ, კატასტროფული ხასიათის შემოსევათა ალაგმვა, ამ შემოსევების დედა-ბუდის — ქარ-ბელაქნის დამორჩილება. ეს იყო საქართველოს წინაშე მდგარი უაღრესად რთული საქირობოროტო პრობლემა, რომელიც ფეოდალური რეაქციისა და გარეშე მტრების მოძალების შედეგად დაუძლურებულმა ქართლ-კახეთის სახელმწიფომ ვერ გადაწყვიტა.

XIX ს. დოკუმენტებსა და ლიტერატურაში ერთხმად აღიარებულია, რომ დაღისტნელმა მომთაბარეებმა, ქარ-ბელაქნელმა

¹ 1768 წ. ერთ რუსულ საბუთში ნათქვამია: „Грузия вообще издавна уже бедствует от своих соседей магомстан и варваров, в кавказских горах живущих; все похищают их в плен и неволю; тишина, мир и безопасность не существует в тамошних местах“... (Грамоты и другие документы XVIII, столетия, относ. к Грузии, т. I, 1891, გვ. 6).

² იქვე, გვ. 36.

³ П. Юссыяни. Путевые записки по Дагестану в 1861 г., Тифлис-1862, გვ. 63.

ლევებმა, რომლებიც აღმოსავლეთ კახეთში მოვიდნენ „ერთნახევარი საუკუნის წინ“, უმთავრესად ბრძოლისა და ძარცვა-გლეჯვის გზით, თანდათანობით დაიკავეს მკვიდრი ქართველი მოსახლეობის მიწა-წყალი, გაამუსლიმანეს და დაიმონეს გადარჩენილი მოსახლეობის ერთი ნაწილი¹. ამასვე ადასტურებდნენ ჩამოსახლებული ავარ-წახურებიც². მაშინაც კარგად იცოდნენ, რომ ინგილოები იგივე ქართველები იყვნენ³.

აღმოსავლეთ კახეთში ჩამოსახლებულმა ტომებმა ხანგრძლივი ბრძოლის შედეგად შეძლეს მკვიდრი მოსახლეობის საგრძნობი ნაწილის განადგურება, გაეღეტა-დაყიდვის თუ ალაზნის გამოღმა გადმორეკვის გზით. მოსახლეობის დიდი ნაწილი დამპყრობლებმა დაბეგრეს და იძულებით გაამაჰმადიანეს. გაბატონებული კლასის ბევრმა წარმომადგენელმაც გამუსლიმანების („გალეკების“) გზით შესძლო თავისი მიწისა და არსებობის შენარჩუნება.

საქართველოს მიწა-წყალზე ჩამოყალიბებული დაღისტნური თემები არ წარმოადგენდნენ დამოუკიდებელ სახელმწიფოებრივ-პოლიტიკურ ძალას. მათი ძლიერება, უპირველეს ყოვლისა, დაღისტნელ მომთაბარეებთან მკვიდრო კავშირსა და ოსმალეთ-ირანის მხარდაჭერას ეყრდნობოდა. საქართველოს ბრძოლა კარ-ბელაქნის დაბრუნებისათვის ფაქტიურად იყო ბრძოლა კავკასიონის ვადლიმიდან პერიოდულად მომდინარე აბრაგული რაზმებისა და მათ ზურგში მდგომი ოსმალეთ-ირანის წინააღმდეგ. საკუთრივ ქარში გამაგრებული „ლევობა“ არსებითად წარმოადგენდა საქართველოს წინააღმდეგ ამხედრებული ურდოების გამტარ არტერიას. სწორად შენიშნავდა დ. ჯანაშვილი, რომ ქარში ჩამოსახლებული „ლევობა“ „ვერაოდეს ინგილს ვერ დაიმორჩილებდა, თუ რომ ხელად იმას დაღისტნელი, ყიზილბაში და ოსმალთ არ მიშველებოდა“⁴.

ქარელ-დაღისტნელ აბრაგთა შეთანხმებულმა მოქმედებამ, ახლო აღმოსავლეთის აგრესიული მაჰმადიანური სახელმწიფოების წაქეზებითა და დახმარებით, უღიდესი ზიანი მიაყენა ქართველ ხალხს. ახასიათებდა რა მე-18 საუკუნის დამდეგს აღმოსავლეთ

¹ საარქივო საბ. კარ-ბელაქნის შესახებ. გვ. 497, 505—507; Акты, т. VII, № 959... იხილეთ აქ დართული ლიტერატურის სია.

² საარქ. საბ. კარ-ბელაქნ. შესახ. გვ. 508.

³ ეს იცოდნენ უცხოელებმაც (იხ. მაგ., Erckert. Die Sprache des Kaukasischen Stammes, Wien, 1895, 328).

⁴ „პოსერბსკის ტყუილები ინგილოებზე“, გაზ. „დროება“, 1866, № 40.

კახეთში შექმნილ ვითარებას, ცნობილი ქართველი ისტორიკოსად. ბაქრაძე წერდა:

„თუ მოვიგონებთ, რამოდენა ადგილებია გავერანებული, რამდენი სოფელია დაკლილი, მაშინ ეკვი აღარ უნდა გვქონდეს, რომ უთვალავი ხალხი ამოუწყვეტით და დაუტყვევებიათ. იმდღომარეობას რომ ერთი საუკუნეც გაეწია, მთელი საქართველო დაღლისტანთ გადაიქცეოდა და დაღისტანი საქართველოთ. ჩვენ ასე ვფიქრობთ. ზაქათალის მაზრაში უამბნიათ ჩვენთვის, სადა და სად ცხოვრობენ დაღისტანში ქართველების შთამომავალი ლეკები. ეს ადგილები თურმე არის: ჯინიგა, სუვაგლი, წახური, გილმიწი, მუსლაგა, ხაგი, ქურდულა, შეგურა, მიშილიშა, ეზგილა, ქოთოკლუ, ზერნა, მიქიქა...“¹.

მოტანილი გადმოცემა ჩაწერილია 1866 წ., როცა ადგილობრივი მოსახლეობის განადგურების სურათები ხალხს გუშინდელი ამბებივით ახსოვდა.

ინგილო ეწოდა ლეკთა მიერ „დამორჩილებულ-დაბეგრულ ქართველ გლეხს.. განსხვავებით ტერმინ „ლეკისაგან“, რომელშიაც უპირატესად მებატონე ან თავისუფალი იგულისხმებოდა დამოუკიდებლად იმისაგან, თუ ვინ იყო ის წარმოშობით: ავარიელი, წახურელი თუ ქართველი („გალეკებული“). ასე რომ „ლეკი“ და „ინგილო“ უფრო სოციალური შინაარსის ტერმინებია, ვიდრე ეთნიკური“².

დაღისტნელთა გარდა საინგილოში XVIII—XIX საუკუნეში საკმაოდ რაოდენობით შემოსახლდნენ მულალებიც — მონღოლურ-თურქმანული წარმოშობის გლეხები, რომლებიც ლეკთა მიერ თითქმის ისეთსავე ექსპლოატაციას განიცდიდნენ, როგორც ინგილოები³.

აღმოსავლეთ კახეთში დაღისტნის მთიანი ნაწილის მომთაბარე ტომების გაბატონება, ადგილობრივი მოსახლეობის შემდგომი კულტურული ცხოვრების პერსპექტივების თვალსაზრისით, დიდი უკან დახევის მომასწავებელი იყო. მოსულთა სახით აქ გაბატონდნენ სოციალურ-ეკონომიურად ჩამორჩენილი, განვითარების მეტად

¹ „დროება“. 1866, № 43. მოწინავე. აღნიშნულთა შორის სოფლები ქოთოკლუ და ზერნა საინგილოს ტერიტორიაზე არიან.

² ნ. ბერძენიშვილი. აღმოსავლეთ კახეთის წარსულიდან, გვ. 84.

³ საბუთებში მულალები იხსენიან, როგორც „татары, пришедшие из равнинных сторон“, ან კიდევ: „выселенцы из нынешних мусульманских провинций Закавказского края“ (საარქივო საბ. ქარ-ბელ. შესახებ, გვ. 506—507).

დაბალ საფეხურზე მყოფი ტომები, რომელთა მეურნეობის წამყვანი დარგი, როგორც ზემოთ ითქვა, მესაქონლეობა იყო. რაც შეეხება მკვიდრ ქართველობას, მათ განვითარებული საზოგადოებრივი ცხოვრება ჰქონდათ. აღმოსავლეთ კახეთი ამ დროს დაწინაურებული სამეურნეო-ეკონომიური ცხოვრების მქონე ფეოდალურ-ბატონყმური ქვეყანა იყო. მეურნეობის წამყვან დარგს მიწათმოქმედება შეადგენდა. დაწინაურებული სამეურნეო ცხოვრება განსაზღვრავდა მკვიდრთა შედარებით მაღალ კულტურასა და იდეოლოგიას.

საინგილოში ჩამოსახლებული, სოციალ-ეკონომიურად ჩამორჩენილი ტომების რელიგია და მათი ისტორიის გარეგნული ფორმა¹ იყო მაჰმადიანური სარწმუნოება — ისლამის სუნიტური მიმდინარეობა, რომელიც მათში განსაკუთრებული კონსერვატიზმითა და რეაქციული ბუნებით ხასიათდებოდა. ჩამოსახლებულებმა თავიანთი დამპყრობლური პოლიტიკის ალამად გაიხადეს ეს მაჰმადიანობა, რომელიც ძალმომრეობის გზით ინერგებოდა.

საინგილოს ქართველი მოსახლეობა თანდათანობით მოწყდა მდიდარი ტრადიციებით სავსე მშობლიურ კულტურას. დავიწყებას ეძლეოდა მონასტრებთან არსებული საგანმანათლებლო კერები, მდიდარი ქართული მწერლობა და განათლება, რომელსაც ამიერიდან ცვლიდა ერთადერთი, „ყურანის მეცნიერება“, სოფლის მოღების ხელმძღვანელობით. ეს მოღები, ამხანაგი. სტალინი სიტყვებით რომ ვთქვათ, იყვნენ „უბოროტესი რეაქციონერები“, ამიერკავკასიის თათრული მოსახლეობის „უბოროტესი მტრები“, რომლებიც თავიანთი „რელიგიური სულით გაქვინთილი“ კულტურით სულიერად იმონებდნენ თათართა მასებს². ყურანი უკიდურესად ზღუდავდა ადამიანის გონებრივ განვითარებას, მის წარმოდგენას სამყაროზე.

როგორც ენგელსი შენიშნავდა, ყურანსა და მასზე დაფუძნებულ კანონმდებლობას ხალხთა გეოგრაფია და ეთნოგრაფია დაჰყავდა ორ ნახევრად გაყოფის უბრალო ფორმულამდე — მართლ-

¹ ეხებოდა რა აღმოსავლეთის ხალხთა ისტორიის ზოგიერთ თავისებურებას, კ. მარქსი წერილში ენგელსისადმი, სხვათა შორის, აღნიშნავდა: „Что касается религии, то вопрос растворяется в более общем и более легко поддающемся разрешению; точнее история Востока принимает форму истории религии“ (К. Маркс и Ф. Энгельс, Сочин. т. XXI, стр. 489).

² ი. სტალინი. თხზულებანი, ტ. 2, გვ. 378.

მორწმუნენი და ურწმუნონი. ურწმუნო — „გიაური“ მტერია. ისლამი წყველიდა ურწმუნოთა ერს და ქმნიდა განუწყვეტელი მტრობის მდგომარეობას მუსლიმანებსა და „ურწმუნოებს“ შორის¹.

გასაგებია, რომ დახასიათებულ ვითარებაში მკვიდრთა გადაგვარებას სათანადო პირობები შეექმნა. ისლამი, უპირველეს ყოვლისა, მიწვდა ინგილოურ ოჯახს, რომლის განვითარების დონე კატასტროფულად დაამდაბლა. მრავალცოლიანობა, რაც თუმცა დაგვიანებით, მაგრამ მაინც ფეხს იდგამდა ინგილოურ ყოფა-ცხოვრებაშიაც, შლიდა ოჯახის სიმტკიცეს. ირღვეოდა ძველი ნათესაური კავშირები. ქორწინების მუსლიმანური წესი გამოირიცხა და მხოლოდ დესთან ქორწინებას. გამაჰმადიანებული უკვე ცოლ-ქმრულ კავშირს კრავდა ძმისშვილთან, ბიძაშვილთან, დეიდაშვილთან. ამ გარემოებას მძიმე დალი უნდა დაესვა მომავალი თაობის ფიზიკურსა და გონებრივ განვითარებაზე.

დახავსებულ წეს-ჩვეულებათა დანერგვამ აღმოსავლეთ კახეთში თანდათანობით გააქრო და ბოლო დროისთვის სავსებით დაიწყებას მისცა ძველი ქართული საგვარეულოები. გვარების წარმოება ხდებოდა ყოველ ახალ თაობაში პაპის თუ მამის სახელის მიხედვით². გვარის წარმოების ასეთი წესი ხელს უწყობდა სოციალურ-ეკონომიური ჩამორჩენილობის კონსერვაციას.

გაბატონებულთა პრიმიტიული საზოგადოებრივი წყობილება და სარწმუნოება მრავალმხრივ ებრძოდნენ მკვიდრთა ეროვნულ კულტურას. დაქვეითდა განვითარებული სამეურნეო ცხოვრება. პირველი მახვილი მოხვდა ინტენსიურ მევენახეობას. გაიჩეხა და გადაშენდა დიდძალი ძვირფასი ვაზის ჯიში. მიუხედავად ამისა, მევენახეობა საინგილოში მაინც შემორჩა და მკვიდრმა მოსახლეობამ ჩამოსახლებულთა დიდ ნაწილს იგი მიაღებინა. ქართველი მოსახლეობის გამაჰმადიანებულმა ნაწილმაც არ დასთმო ვენახი და ღვინო, რომლებიც ახალი სარწმუნოების დაცვას თავისებურად შეუთავსა.

საინგილოს ქართველი მოსახლეობის ცხოვრებაში მომხდარმა პოლიტიკურმა და სოციალურმა ცვლილებებმა მძიმე დალი დაასვეს ინგილოებს. ისინი ჩამოცილდნენ მშობლიურ ქართულ კერას. მათი მეტყველებაც თავისებურ, ქართულ-დიალექტურ ფორმაში გაიყინა. ინგილოების ყოფა-ცხოვრებაში უცხოური მუსლიმანური ელე-

¹ К. Маркс и Ф. Энгельс. Сочин., Т. X, გვ. 6.

² სოფ. ძაგამში დღესაც არის გამონაკლისი შემთხვევები, როცა გვარი მამის სახელით იწერება, უფრო ხშირად კი განმსახვრეელია პაპის სახელი.

შენტები შეიქრა. მაგრამ მიუხედავად ყოველივე ამისა ისინი მაღალ შინც არ ჩამოსცილებიან საერთო ქართულ კულტურულ ნიადაგს.

ამხანაგი სტალინი თავის გენიალურ ნაშრომში „მარქსიზმი და ნაციონალური საკითხი“ (1913 წ.) ინგილებს იხსენიებდა იმ ტომთა შორის, რომლებიც ბევრი რამით იყვნენ დაკავშირებული ქართველების საერთო კულტურულ ნიადაგთან, მაგრამ მათგან განსხვავდებოდნენ უმთავრესად რელიგიით. თითქმის ასეთსავე მდგომარეობაში იყვნენ აქარლები, ქობულეთლები. ამიტომ—მიუთითებდა ამხანაგი სტალინი—საჭირო იყო ასეთი ტომებისა და ხალხების ერთმანეთთან შვიდრო დაკავშირება, ჩაბმა „საერთო კულტურულ განვითარებაში“ იმ მიზნით, რომ მათ თავი დაედევნათ ვიწრო ნაციონალური კარჩაკეტილობისაგან, მიეღწიათ კულტურის უმაღლეს საფეხურებამდე¹.

აღმოსავლეთ კახეთის ქართველობა მცირდებოდა და ქრებოდა არა მარტო საკუთრივ ახლანდელი საინგილოს ტერიტორიის ფარგლებს გარედან, არამედ თვით საინგილოშიაც. ეს შემცირება-გაქრობა ხდებოდა როგორც ფიზიკური მოსპობის, ისე ეროვნული გადაგვარების გზით. აღნიშნული პროცესი მეტ-ნაკლები სიძლიერით გრძელდებოდა XIX ს-ნის 50-იან წლებამდე.

XVIII ს-ნის მიწურულსა და XIX ს-ნის I ნახევარში დავიწყებას ეძლეოდა საინგილოში ლექართის (ლექეთი) ვეება სამონასტრო ცენტრი. სოფ. ლექართი კახის ჩრდილო-დასავლეთით მდებარეობს, კახ-ზაქათალის მთავარი მაგისტრალიდან 3 კილომეტრზე. ამ ადგილს ავარ-წახურები დღესაც „ქილისალარს“ (ეკლესიებს) ეძახიან. ლექართიდან 5 — 6 კილომეტრზე, ჩრდილოეთით, არის სოფელი, რომელსაც ახლა ლექეთ-ქოთუქლოს ეძახიან. იგი მდებარეობს კავკასიონიდან გადმოსასვლელ გზაზე, საიდანაც, როგორც ჩანს, ავარ-წახურებს იქ მცხოვრები მკვიდრი ქართველობა გადმოურეკიათ. ახლა ლექართის ტყესა და ბარდ-ეკალში ჩაფლულია 10 — 12 ეკლესიის ნანგრევები, რომლებიც ძველი ქართული არქიტექტურის აყვავების პერიოდს (X — XII სს.) მოგვაგონებენ.

მეოცე საუკუნის დამდეგამდე შემოუნახავთ ამ ეკლესიებს ძველი ბრწყინვალეების ნიშნები — ჩუქურთმები, წარწერები, მხატვრობა, რომლებიც დღეს უკვე აღარ შეიმჩნევიან².

¹ ი. სტალინი. თხზულებანი, ტ. 2, გვ. 377 — 379.

² საინგილოში ჩენი მივიღებების დროს მუშაობაში დახმარებას მიწვევდნენ ინგილო სტუდენტები ივანე სიყვაშვილი, ანდრო ბაიხაშვილი და დომენტი ყულოშვილი.

ლექართის მონასტრების ბედი საინგილოს ქართველი მოსახლეობის შემცილება-გადაშენების მხოლოდ ერთი ნიმუშია. ასევე, ითქმის სოფლების—ყუმის, ზარნას, ძველი შოთაფარის, აზნაურის, ელისუს, ენგიანისა და სხვათა შესახებაც. დამახასიათებელია, რომ დალისტანში გადასასვლელ მთავარ კარებთან მდებარე ელისუს ციხეს აზერბაიჯანელები დღესაც გურჯის ციხეს ეძახიან¹.

კერძოდ, სოფ. ენგიანი, რომელსაც საინგილოს სახელწოდების წარმოშობას უკავშირებენ,² საინგილოში ქართველობის ერთი ნაწილის გადაგვარების ნიმუში გახდა. დღეს ამ სოფელში მხოლოდ ხანში შესულმა ინგილოებმა იციან ქართული, მოზარდი თაობა კი, აქა-იქ, ძლივს-ლა მეტყველებს მშობლიურ ენაზე; უმრავლესობის სალაპარაკო ენა აზერბაიჯანულია. ასეთ მდგომარეობას ვხვდებით სხვა სოფლებშიაც.

ზემოაღნიშნულ გარემოებათა მიუხედავად, აღმოსავლეთ კახეთის ქართველი მოსახლეობის დიდმა ნაწილმა მაინც შეინარჩუნა თავისი არსებობა და ეროვნული კულტურის მნიშვნელოვანი ელემენტები. საინგილოს ქართველი მოსახლეობის რაოდენობა, მიუხედავად სარწმუნოებრივი კუთვნილებისა, XIX ს-ნის მიწურული-სათვის მთელი მოსახლეობის ერთ მესამედს უდრიდა. მოსახლეობის ამ ნაწილმა დიდის ტანჯვითა და ვაივაგლახით გაუძლო გამუდმებულ დევნა-შევიწროებას. მხოლოდ საბჭოთა ხელისუფლებამ იხსნა ინგილოები სრული დენაციონალიზაციისაგან და მათ მშვიდობიანი ცხოვრების პირობები შეუქმნა.

ინგილოებში დღესაც შემორჩენილი ზეპირგადმოცემები და იტყმულებები, რომლებიც უმთავრესად ქართული ფოლკლორული მასალის სახესხვაობას წარმოადგენენ, ახასიათებენ საერთოდ ხალხის გმირობას, შრომითს თავდადებას, სამშობლოსადმი სიყვარულს³.

მიუხედავად ძველი ქართული საგვარეულოების გაქრობისა, ინგილოებში აქა-იქ დღესაც შემორჩენილა ხსოვნა ასეთი გვარებისა

¹ ამის შესახებ გვაცნობს საინგილოში მომუშავე მასწავლებელმა გიორგი ხუმარაშვილმა.

² მ. ჯანაშვილი, საინგილო, გვ. 88 — 89.

³ სამშობლოსადმი სიყვარულით ღვრის ერთი ინგილოური არაკი მეფისასახლეში მოყვანილი ჩიტის შესახებ. მისი დედააზრი ასეთია: რამდენადაც კარგი არ უნდა იყოს უცხო ადგილი, მას მაინც შენი სამშობლო სჯობიაო (რ. ლამბაშიძე, ინგილოური კილო. სტალინის სახ. თბ. სახ. უნ. შრ., XXX, 1947, გვ. 258). საინტერესოა აგრეთვე მ. ჯანაშვილის მიერ გამოქვეყნებული მასალა (М. Г. Джанашивили, Ингилийские сказки. СМОМПК. т. 32. 1903, Тип-лис, გვ. 129 — 140).

და ზოგიერთი ადგილის ქართულ სახელწოდებათა შესახებ. მაგ. სოფ. ალიაბათის მოხუცების გადმოცემით, ამ სოფელში იყვნენ:

ბონლაანნი (ბონლაშვილები),
ჯანშაანნი (ჯანაშვილები),
ნაცელიანნი (ნაცელიშვილები),
დათუნაანი (დათუნაშვილები),
მალხაზაანნი (მალხაზაშვილები),
ფათალიანები (ფათალიშვილები),
წაწიანნი (წაწიაშვილები) და სხვები.

იგივე მოხუცები იგონებენ სოფ. ალიაბათის ძველი ქართული უბნების სახელწოდებებს, რომლებიც ახლა დაფიქსურებულია: ჩიტისუბანი, ძაღლის უბანი, ზემოთუბანი და სხვ.

დაკარგული გვარებიდან აღსანიშნავია: მუხრანსკი (ქარსა და თალაში), ქაეჭავაძე (გოგამში), ქელეფთარი (თალაში), ვაჩნაძე (ბელაქანში)¹, ერისთავი², ასისტვისშვილი, მამულაშვილი (მოსულში), ფიროსმანიშვილი (თასმალოში), ზურაბიშვილი (ელისუში) და მრავალი სხვა. თალაში მცხოვრები არაბლინსკები და კარახმეტოვები აცხადებენ, რომ ისინი წარმოშობით ქართველები არიან³. იქნებ სწორედ კარახმეტოვთა გვარი წარმოადგენდა „ყარა-ცეტოვ-ოღლის“ სახით დამახინჯებულ საგვარეულოს სახელს. ერთ საბუთში ნათქვამია, რომ ქარ-ბელაქანში „*есть лезгины фамилии Кара-Цетов-оглы, происходящие от христианского священика*“.

ინგილოური მოსახლეობის გამაჰმადიანებას თან სდევდა მშობლიური ქართული ენის დევნა. ამ მხრივ დიდ როლს თამაშობდნენ მეჩეთები და მოლები, რომლებიც, განსაკუთრებით რეაქციული მიურიდიზმის ზრდა-განვითარების პერიოდში, ოსმალთა დამპყრობლების წაქეზებით, ფარულად თუ აშკარად სდევნიდნენ ყოველსავე ქრისტიანულს. მე-18 ს-ნის მიწურულიდან, ოსმალეთის აგენტურისა და მისი ერთი თვალსაჩინო წარმომადგენლის, უშურმას (შეიხ-მანსურის) ხელი საინგილოსაც წვდებოდა. ასეთ პირობებში იდევნებოდა ქართული ენა, ვიწროვდებოდა მისი გავრცელების

¹ ახლა იწერება გალაჯევად.

² ახლა იწერება ნასტაგალოვად.

³ არაბლინსკებისა და კარახმეტოვების ასეთი განცხადების შესახებ გვაცნობს სოფ. კახის მცხოვრებმა იორდანე ტარტარაშვილმა (71 წლისამ).

ფარგალი; ეს ენა იკარგებოდა ცალკეულ ქართულ ოჯახებში და მთლიანად სოფლებშიაც კი. მხოლოდ XIX ს-ნის 50—60-იან წლებში შეჩერდა რამდენადმე ქართულად მეტყველი მოსახლეობის გადაშენების პროცესი, დაიწყო ინგილოთა ეროვნული შემობრუნება¹, მაგრამ ზაქათალაში 1853 წელს მომხდარი ცნობილი აჯანყების შემდეგ, როდესაც მიურიდულმა რეაქციამ თავისი „ჭაზავათით“ კვლავ დაიქუხა, განახლდა ინგილოთა ძველებური დევნა-შევიწროებაც. ასეთი მდგომარეობა გრძელდებოდა ვიდრე საბჭოთა ხელისუფლების დამყარებამდე.

ინგილოური კილო გამქარალა ბევრ სოფელში: ყანდახში, ენგიანში, კაპანახჩიში, ვერხვიანში, ლალაფაშაში, მარსანში, სოსკანში, შოთავარში, გულუკში (ვარდიანში) და სხვ.

1941 წლისათვის ქართულ-ინგილოურ კილოზე მოლაპარაკეთა რიცხვი შემცირებულა 14770-მდე².

ზემოთ მოტანილი მოკლე მიმოხილვის შემდეგ თითქოს გასაგები ხდება, რომ საინგილოს მოსახლეობის შესახებ სტატისტიკურ მონაცემებს დიდი სიფრთხილით უნდა მოვეყიდოთ.

მეტად საინტერესოა, რომ 1855 წ. სტატისტიკა საინგილოს ეთნიკური შემადგენლობის შესახებ ცნობებს იძლევა მოსახლეობის სოციალური დანაწილების მიხედვით. ცნობაში ნათქვამია: „ისინი (ქარბელაქნის სამხედრო ოლქის მოსახლეობა, მ. დ.) განიყოფებიან ფენებად: ლეკებად, მულალებად და ინგილოებად, რომელთაგანაც პირველნი შეადგენენ 4400 კომლს, მეორენი — 4055 და მესამენი — 1513, სულ — 9968 კომლს“³. მითითებული ცნობა ნათლად აღასტურებს აკად. ნ. ბერძენიშვილის მიერ გამოთქმულ, ზემოთ აღნიშნულ მოსაზრებას იმის შესახებ, რომ „ლეკები“, „მულალები“ და „ინგილოები“ უფრო სოციალური ტერმინებია, ვიდრე ეთნიკური. ეს გარემოება ამავე დროს იმის მაჩვენებელია, რომ არსებული სტატისტიკისათვის განმსაზღვრელი ყოფილა არა მცხოვრებთა ეროვნება, არამედ მათი სოციალური მდგომარეობა. ქვემოთ უფრო ნათლად გამოჩნდება, რომ საინგილოს მოსახლეობის სოციალური დაყოფა, გარეგნულად ეთნიკურ ჯგუფებს რომ ეთავსებოდა, ამა თუ იმ სოციალურ კატეგორიაში ეთნიკური ყველა ჯგუფის წარმო-

¹ იხილე ამ ნაშრომის IV თავი.

² გრ. იმნაიშვილი. ქართული ენის ინგილოური დიალექტის თავისებურებანი, 1947 (მეცნ. აკად. ვნათმეცნ. ინსტიტუტის ქართველურ ენათა განყოფილების ხელნაწ. ფონდი გვ. 04).

³ ცსსა, ძ. 10, ა. 27, ა. 171 — 187.

მადგენელს გულისხმობდა. მაგ., ლეკებს შორის, როგორც გაბატონებულ სოციალურ ჯგუფს შიგნით, შეიძლებოდა ყოფილიყვნენ ქართველებიც, რომლებიც ავარულ-წახურული ავრესიის პირველ ხანებში „გალეკდნენ“, და ის მულალები, რომლებმაც დროთა ვითარებაში ლეკთა პრივილეგიებს მიაღწიეს. ასევე შეიძლებოდა, რომ ავარ-წახურთა ბევრი წარმომადგენელი სოციალურად დამონებულთა რიგში მოხვედრილიყო. ამრიგად, მოტანილი ცნობა ინგილოთა ეთნიკური ჯგუფის რაოდენობის განსაზღვრისათვის ვერ გამოდგება.

XIX ს. 60-იანი წლების ცნობით, ინგილოები საინგილოს (1860 წლიდან მას „ზაქათლის ოლქი“ ერქვა) მოსახლეობის ერთ მესამედს შეადგენენ¹, მოსახლეობის რაოდენობა კი, მთლიანად, ნაგულისხმევია 60 ათასამდე (1858 — 1862 წწ.)².

1884 წ. 24 თებერვლის ბრძანებულების საფუძველზე კავკასიაში ჩატარებულმა სტატისტიკურმა აღწერილობამ მდიდარი მასალა შოგვეცა, მაგრამ ეს მასალაც ვერ გვაძლევს გარკვეულ პასუხს ჩვენთვის საინტერესო საკითხებზე³. ერთი რამ, რაც სწორი უნდა იყოს ამ ცნობებში, ესაა მოსახლეობის საერთო რაოდენობა — 74449 სული⁴. ქ. ზაქათალაში ამ დროს ყოფილა რუსი — 167, პოლონელი — 8, სომეხი — 510, ებრაელი — 8, ქართველი — 20, ავარი — 493, თათარ-მულალი — 25⁵.

მოცემული სტატისტიკა ცდილობს განასხვავოს ერთმანეთისაგან ეთნიკური და სარწმუნოებრივი ჯგუფები. ასე მაგ., იგი გვაძლავს ცნობს, რომ ზაქათალის ოლქში 1885 წ. ცხოვრობდნენ:

მართლმადიდებლები:	მაჰმადიანები:
რუსები — 167	ინგილოები — 8618
სომეხები — 13	ავარები — 30219
ქართველები — 2703	თათრები (აქ იგუ-
ქართველი ინგილოები — 109	ლისხმებიან უმთავრესად მულალები) — 21090
ავარები — 6	

¹ Посербский. Закавказский округ („Кавказ“, 1864, № 48).

² Посербский. Очерк закавказского округа, გვ. 31 — 32.

³ Закавказский округ. Свод статистических данных, извлеченных из посемейных списков населения Кавказа. Изд. Кавк. стат. комитета. Тифлис, 1887.

⁴ იქვე, გვ. 1.

⁵ იქვე, გვ. 2—3.

სომხურ-გრიგორიანული
და რომაულ-კათოლიკური
სარწმუნოებისანი — 526

იუდეელები:
ებრაელები — 8¹.

აღნიშნულ ცნობაში, როგორც დასახელებულ პუბლიკაციაში მოცემული ცალკეული სოფლების სტატისტიკიდან ჩანს, აგარებისა და თათარ-მულალების რიცხვში საკმაოდ ბლომად არიან შეღული როგორც ინგილო-მაჰმადიანები, ისე აზერბაიჯანელები. ამ დასკვნამდე მიყვავართ ისეთი ინგილოური სოფლების მცხოვრებთა რიცხვის დაჯამებას, რომლებშიაც ქართული ენა განიდეგნა და რომლებიც ოფიციალურმა სტატისტიკამ აგარებისა და თათარ-მულალების რიცხვში შეიტანა². აღრევასთან უნდა გვქონდეს საქმე 1897 წ. სტატისტიკურ მონაცემებშიაც, სადაც საინგილოს მოსახლეობიდან ქართული ენა მშობლიურ ენად ჩაეთვალა მხოლოდ 12394 სულს³.

ინგილოურ ეკლესიათა მღვდელმთავარი იროდიონ ოქროპირიძე თავის ვრცელ მოხსენებაში 1892 წ. აღნიშნავდა, რომ ინგილოთა რაოდენობა ზაქათალის მაზრაში უდრიდა 30 ათას სულს⁴. უფრო გვიანდელი ცნობით (1928 წ.) საინგილოში მაჰმადიან ქართველთა რიცხვი უდრიდა 27 — 30 ათასს, ქრისტიანი ინგილოების რაოდენობა კი ამ დროს 3 ათასამდე აღწევდა⁵.

ზემოთ მოტანილ ცნობათა შეჯერების საფუძველზე შეიძლება ვივარაუდოთ, რომ XIX ს-ნის მიწურულსა და XX ს-ნის დამდეგს ინგილოთა რაოდენობა, მიუხედავად მათი სარწმუნოებრივი კუთვნილებისა, აღწევდა 25000-მდე. აქედანვე ჩანს, რომ საინგილოს მრავალრიცხოვანი ძველი მოსახლეობის მხოლოდ მცირე ნაწილი გადაურჩა ისტორიულ ქარტახილს.

რა თქმა უნდა, ინგილოური მოსახლეობის რაოდენობა იცვლებოდა ძველთაგანვე; კერძოდ, იმ წლებიდან მოყოლებული, როდესაც კახეთმა შაჰ-აბასის სისხლისმღვრელი შემოსევები გადაიტანა,

¹ იქვე, გვ. 19.

² იქვე, გვ. 6—7.

³ მ. ჯანაშვილი. საინგილო. ძველი საქართველო, ტ. II, 1911—1913 წწ. გვ. 68.

⁴ II. Г. И. А. Азерб. ССР, ф. 579, оп. 1, л. № 3, ф. 15 — 18.

⁵ ბ. მეგრელიძე. სწავლა-განათლების საქმე საინგილოში (ეურნ. „განათლების მუშაი“, 1928, № 15, გვ. 27); მისივე: დედა-ენის საკითხი ქართველ-მუსლიმან ინგილოებში (იგივე ეურნ. 1928, № 2, გვ. 12).

ვანსაკუთრებით კი იმ დროიდან, როდესაც აღმოსავლეთ საქართველოში ოსმალთა დამყარდა და საინგილო კახეთის სამეფოს გამოეთიშა (მე-18 ს. 20-ანი წლები).

ქართველების ის ნაწილი, რომელიც ზემოაღნიშნულ ვითარებაში გაინგილოვდა, ანუ ლეკთა მიერ დამორჩილებულ-დაბეგრული და გამუსლიმანებული აღმოჩნდა, საინგილოს პოლიტიკურად განცალკევების შემდეგაც მცირდებოდა. ეს გასაგებიც იყო, რადგან ინგილოები ამ ქვეყნის სოციალურად და ნაციონალურად დამონებული მოსახლეობის ძირითად ნაწილს შეადგენდნენ. მძიმე ფეოდალური ექსპლოატაცია და სარწმუნოებრივი დევნა არა მარტო აჩანაგებდა მათ, არამედ ფიზიკურადაც სპობდა.

XIX საუკუნის მიწურულისა და XX საუკუნის დამდეგის სტატისტიკა ადასტურებს საინგილოს (ზაქათალის ოლქის) მოსახლეობის საერთო შემცირებას, რაც მწარმოებელი კლასის ხარჯზე ხდებოდა. 1897 წ. არსებული 84417 სულიდან 1904 წელს ოლქში დარჩენილა მხოლოდ 74735 კაცი, ე. ი. 7 წლის განმავლობაში მოსახლეობა შემცირებულა ათი ათასი სულით. საინგილოს მოსახლეობას კარგად გაცნობილი ზ. ედილი აღნიშნულ გარემოებასთან დაკავშირებით შენიშნავს:

„ხშირად შეხედებოდიტ ასეთ სურათს: აუშენებიათ ახალი სახლი, მშენიერი ბალ-ვენახი და კარგად მოვლილი, მაგრამ, საუბედუროდ, ეს გაკეთებული მეკომური სრულიად ამომწყდარა და მისი კარმიდამო და მამული ვერანად ქცეულა. ნაწილობრივი მიზეზი ხალხის ასე უწყალოდ დაკლებისა ძველად ვენერიული სენი და მალარია იყო, რასაც ინგილოები „ბოლებას“ ეძახიან. ალაზნის სანაპირო სოფლების სიახლოვეს ხშირია დაქაობებული ადგილები და პატარა ტბები“¹. თუ რამდენად გამანადგურებელი იყო მალარია მოსახლეობისათვის, ეს იქიდან ჩანს, რომ ალაზნის ნაპირზე ჩამოსახლებული რუს მოახალშენეთა 100 ოჯახი ამ სენს ორი წლის განმავლობაში მთლიანად გაუნადგურებია².

1916 წ. სტატისტიკის მიხედვით, ზაქათალის ოლქში 76000 სული ცხოვრობდა. აქედან ქართველები შეადგენდნენ 19 ათასს, „ლეკები“—45000-ს, ხოლო „თურქები, სპარსელები და ქურთები“—12000 ს³. აქედანაც ჩანს, რომ ოლქის მოსახლეობის შესახებ

¹ ზ. ედილი. საინგილო, 1947, გვ. 179.

² იქვე.

³ ივ. ჯავახიშვილი. საქართველოს საზღვრები ისტორიულად და თანამედროვე თვალსაზრისით განხილული, გვ. 13.

სტატისტიკური მასალა ზოგჯერ გაუგებრობას ქმნის, ურევს ერთ-მანეთში სხვადასხვა ეთნიკურ ჯგუფებს.

ქვემოთ მოგვყავს ინგილოური სოფლებისა და ნოსახლეობის შედარებითი, არა სრული ცხრილი:

№№	ინგილოური სოფლები (ქრისტ. და აკმ. ერთად)	ნოსახლეობის რაოდენობა					
		1831 წ.	1856 წ.	1871 წ.	1886 წ.	1897 წ.	1900 წ.
1	კახი		160 კომლ.	1944 სულ.	2150 სულ.	2111 ¹ ს	306 კომლ-
2	მეწაბაში		16 "	113 "	130 "	—	24 "
3	ალათემური ¹		—	—	350 "	400 "	70 "
4	ალიბეგლო		83 "	636 "	865 "	1009 "	127 "
5	ყორალანი	50 კომლი	69 "	626 "	756 "	—	125 "
6	ქოთოქლო		28 "	155 "	227 "	—	39 "
7	ზაგამი ²	40 "	86 "	608 "	794 "	774 "	104 "
8	თასმლო	60 "	85 "	456 "	553 "	610 "	85 "
9	ალიაბათი	350 "	617 "	805 "	4351 "	4166 "	789 "
10	მოსული	108 "	193 "	1167 "	1259 "	1330 "	260 "
11	ენგიანი	35 "	57 "	377 "	415 "	—	93 "
12	თი-თალა	—	—	153 "	362 "	538 "	83 "
13	ყანდაზი	—	97 "	699 "	871 "	778 "	156 "
14	კაპანახჩი	—	37 "	247 "	358 "	—	65 "
15	ლალია-ფაშა	—	31 "	175 "	185 "	—	35 "
16	მარსანი	—	47 "	287 "	316 "	—	59 "
17	სოსკანი	—	20 "	110 "	166 "	—	31 "
18	შოთავარი ³	20 "	35 "	305 "	350 "	—	56 "
19	ვერხვიანი ⁴	100 "	185 "	1558 "	1945 "	1808 ⁵ "	278 "

¹ ალათემურის სტატისტიკითა რაოდენობა ნაჩვენებია ზეპირი ცნობის მიხედვით.

² ვოლკონსკის მოჰყავს 1831 წ. ერთი საბუთი, რომელშიც მოხსენებულია კარგულ დეკათა ხელქვეით მყოფი ინგილოური 8 სოფელი — ალიაბათი, მოსული, ენგიანი, ვერხვიანი, თასმლო, ზაგამი, ყორალანი და შოთავარი (Волковскій. История... дружины, გვ. 2).

³ ჩამოთვლილი სოფლები, ალათემურის, მოსულისა და ენგიანის გამოკლებით, როგორც ინგილოებით დასახლებული, მოხსენებულია ნაშრომში — Население Закатальского округа по народной переписи 1871 года (Сб. св. о Кавк. горцах, вых. VI, 1872, разд. III, გვ. 55-59).

⁴ ზაქათალის წოდებრივ-საადგილმამულო კომისიის ჟურნალებში, კარის სატექსტო სოფლების რიცხვში, მოხსენებულია არიან: „Ингилойские мусульманские селения... Алиабат, Тасмало, Загам, Енгиания, Верхяни, и Мосуль“ (საარქ. საბ. კარბელაქნის შესახებ, გვ. 533).

⁵ 1897 წ. ცნობები ამოღებულია მ. ჯანაშვილის მიერ გამოქვეყნებული ცხრილიდან, სადაც აქ მოტანილი ცხრილის პარალელურად ვხვდებით (დასახ. ნაშრ., გვ. 67 — 69).

⁶ 1900 წ. ცნობები ამოღებულია ბაქოს არქივიდან (ЦГИА Азерб. ССР, ფ. 15, оп. 15 — 1, л. 23, ფ. 6 — 8).

მოტანილი ცხრილი, როგორც ვხედავთ, სრული ვერაა. ზოგიერთი ცნობა, მასში შეტანილი, ზეპირგადმოცემას ემყარება, ზოგიერთი წლებისათვის კი მხოლოდ გამონაკლისი სოფლების მცხოვრებთა რაოდენობა ვიცით. სრულადაა წარმოდგენილი 1886 წ. და 1900 წ. ცნობები; ამ უკანასკნელში მითითებულია მხოლოდ კომლობრივი რაოდენობა — სულ 2775.

ინგილოური მოსახლეობის რაოდენობის გამოსაანგარიშებლად ეს ცხრილი გამოდგება, როგორც დამხმარე მასალა. მითითებული რიცხვები, რომელთაც ძველი სტატისტიკის უზუსტობა ახლავს თან, გვიჩვენებს მხოლოდ ინგილოურ სოფლებში არსებულ ქართულ მოსახლეობას (მაჰმადიანურს თუ ქრისტიანულს ერთად). ამ რიცხვს უნდა მიემატოს ავარულ-წახურულ („ლეკურ“) სოფლებში გაფანტული, გამაჰმადიანებული ქართველების რიცხვი. ასეთების რაოდენობა განსაკუთრებით ბლომად იყო ბელაქანში (300 კომლამდე), თალაში (250 კომლამდე), კარ-მუხახში (100-დე) და სხვაგანაც. ამის დამადასტურებელია ქართულ საგვარეულოთა საკმაო რაოდენობა აღნიშნულსა და სხვა სოფლებში. თაობათა ცვლის გრძელი პერიოდის შემდეგ ჩვენს დრომდე ძველად „გალეკებული“ მოსახლეობის მცირე რაოდენობამ თუ მოაღწია¹.

გარდა აღნიშნულისა, გასათვალისწინებელია, რომ ზემოთ დასახელებულ სოფლებში სტატისტიკის მიერ მოტანილი მითითებები „ინგილოთა“, „მულალთა“, თუ „ლეკთა“ შესახებ, პირობითია და ზოგჯერ აღრეულიც. ამის ერთი მიზეზი, ვიმეორებთ, სტატისტიკის მიერ ეთნიკური და სოციალური კატეგორიების ერთმანეთში აღრევაც იყო.

ამრიგად, შეიძლება დადასტურებულად ჩათვალოს ზემოთ მითითებულ წყაროებში აღნიშნული ინგილოური მოსახლეობის რაოდენობა, XIX საუკუნის მიწურულისა და XX საუკუნის დამდეგისათვის, — 25.000 სულამდე. ამ ციფრამდის მიახლოებით მიგვიყვანდა 1900 წ. სტატისტიკის მონაცემები — 2.775 კომლი, რომელსაც მიემატება იმ დროს „ლეკურ“ სოფლებში გაფანტულ ქართველთა რაოდენობა — 600 კომლამდე და სტატისტიკის მიერ ზემოთ მითითებულ აღრევის ცთომილებაც, რის გათვალისწინებითაც კომლთა საერთო რაოდენობა ავიდოდა 4.000-მდე.

¹ პეტრუშევსკიც აღნიშნავს, რომ ინგილო გლეხების გარკვეული ნაწილი ავარებს ეთნიკურად შეერია (Петрушевски й. Джаро-Белаканск. воын. оѣмъ №. 29).

მცხოვრებთა რაოდენობის დადგენისათვის ზემოაღნიშნულ გარემოებათა გათვალისწინებას ამ შემთხვევაში მხოლოდ ის მიზანი ჰქონდა, რომ ნათლად გვეჩვენებინა საინგილოს მოსახლეობის ისტორიული წარსულისათვის მეტად საინტერესო მომენტის, მოსახლეობის თანდათანობითი შემცირება - გაქრობის პროცესისათვის დამახასიათებელი ნიშნები და მისი გამომწვევი მიზეზები. ამ საკითხის თუნდაც ასეთი, არც თუ სრული, გარკვევა, აგრეთვე „ლეკური“ თუ მულალური მოსახლეობის რიცხვის დადგენა, გაგვიადვილებს მეტად რთულ სოციალურ ურთიერთობათა დახასიათებას, რასაც ქვემოთ შევხებით.

დღეისათვის აღინიშნება ინგილოთა განსახლების ორი არე — ზემო და ქვემო. ქვემო ინგილოთა ქართული მეტყველება უფრო ახლოსაა ახლანდელ ლიტერატურულ ენასთან, ვიდრე ზემოური ინგილოების მეტყველება. ეს აიხსნება ქვემო ინგილოთა მეტი სიახლოვით კახეთის სოფლებთან და იმ ნათესაური კავშირით, რომელიც მათ აქვთ ალაზნის გამოღმა ნაპირზე მცხოვრებ მოსახლეობასთან¹.

როგორც ზემოთ მოტანილი მასალიდან დავინახეთ, საინგილოში მცირდებოდა სოციალურად და ნაციონალურად დამონებული მოსახლეობის ძირითადი მასა — ინგილოები. მაგრამ ასე როდი ითქმის „ლეკებზე“, ანუ ავარ-წახურებზე, რომლებიც გაბატონებულ კლასს შეადგენდნენ. მათ შორის გალექებულ ქართველთა ერთი ნაწილიც იყო.

საინგილოს გაბატონებული საზოგადოება, ძირითადად ავარ-წახურთა სახით, რიცხობრივად იზრდებოდა. ამ ზრდას ხელს უწყობდა ისიც, რომ დაღისტნელთა ჩამოსახლების პროცესი XIX საუკუნის პირველ ათეულ წლებშიაც გრძელდებოდა.

გაბატონებული კლასის წარმომადგენლები და თავისუფალი ავარ-წახურები სახლობდნენ საინგილოს მთის ჯანსაღი ჰავის მქონე რაიონებში; ინგილოებსა და მულალებს კი, როგორც მშრომელი კლასის წარმომადგენლებს, დაბლობის ნაყოფიერი, მაგრამ ხაშშიანი ველები ეკავათ.

ავარულ-წახურული ტომები ადრიდანვე ერეკებოდნენ ადგილობრივ ქართველ მოსახლეობას კავკასიონზე გადმოსასვლელი ხეობებიდან დაბლობისაკენ. სოფლები — ქარი, მუხახი, ყუმი, ლექართი,

¹ ეს საკითხი გარკვეული აქვთ გ. იმნაიშვილსა და რ. ლამბაშიძეს ზემოთ დასახელებულ ნაშრომებში. ახლანდელი ინგილოური სოფლების არასრული აღწერა მოცემული აქვს გ. იმნაიშვილს დასახ. ნაშრომში (გვ. 08 — 016).

ზარნა, ელასუ და მრავალი სხვა ის ყოფილი ქაროული სოფლებია, რომლებიც დაღისტურმა მოსახლეობამ დაიკავა. მხოლოდ ქართული ფეოდალური ზედა ფენის გამუსლიმანებული წარმომადგენლები და „გალეკებულ“ გლეხთა ერთი ნაწილი აქა-იქ შემორჩნენ ამ სოფლებში.

სოფელი ქარი, რომელიც მე-18 ს-ის დამდეგიდან საინგილოს პოლიტიკურ ცენტრად გადაიქცა, სწორედ იმ ვრცელ და თვალწარმტაცი ტაფობიდან იწყება, რომელიც ალაზნის ველზე მბრძანებლობს. იქაა 1830 წ. რუსთა მიერ აშენებული სიმაგრე, რომელიც ახლანდელ ქალაქ ზაქათალას ზევიდან დაჰყურებს. ქარი აღნიშნული ტაფობიდან უჩინარია და ტყეშია ჩაფლული. იგი განფენილია ტაფობის თავიდან ზევით, ჩრდილო-აღმოსავლეთისაკენ, 6 კილომეტრზე. სოფელს აღმართით გასდევს საკმაოდ ფართო გზა, რომლის დასასრულს იწყება დაღისტანში გადასასვლელი ვიწრო ბილიკი. გზის ორივე მხარეს ვხვდებით საკმაოდ ძველ ქვის სახლებს, რომლებიც კირის მაგარი დულაბითაა ნაგები. საშენი ქვა ადგილობრივია. კირსაც ადგილზე წვავენ. თითქმის ყოველ სახლს ახლავს თან ყორე-ქვის სქელი და მტკიცე გალავანი.

საგულისხმოა, რომ ზუსტად ასეთსავე სახლებს ვხვდებით კახის რაიონის ჩნგილოურ სოფლებშიაც, განსაკუთრებით მთიან ზონაში. ანალოგიურია ლეკური სოფელი ყუმიც. ეს გარეგნობა იმის დამადასტურებელი უნდა იყოს, რომ აღნიშნულ „ლეკურ“ სოფლებში საკმაოდ იყვნენ „გალეკებული“ ქართველებიც, რომლებიც ავარ-წახურებს შეერივნენ.

მშრომელი მოსახლეობის გამოდევნას, დაღისტნელი მომთაბარეების დამკვიდრებას ქარში სოფლის ბუნებისათვის სათანადო დალი უნდა დაეჩნია. ამ დაღის ნაკვალევი ახლაც შეიმჩნევა. წაბლის ხეებით დაფარულ ადგილებს ეტყობა რომ ოდესღაც იქ განვითარებული სოფლის მეურნეობის მუშაებს უცხოვრიათ. ძველი ქართველი მოსახლეობის მიერ წარსულში მოშენებული ვენახიც მთლად არ მოსპობილა: აქა-იქ ვხვდებით ხეზე ასულ ვაზებს.

სოფ. ქარს ეტყობა, რომ იქ საუკუნეზე მეტხანს სახლობდნენ გაბატონებული კლასის წარმომადგენლები, რომელნიც ინგილოებისა და ჩულალების ექსპლოატაციით ცხოვრობდნენ. მიწისმოქმედთა ხელს მოკლებულ სოფელს ათეული წლების განმავლობაში მთლიანად ტყე დაუფლვია. ჩამკვდარა იქ ოდესღაც გაჩაღებული სამეურნეო ცხოვრება¹.

¹ ახლა ქარელ კოლმეურნეებს საკმაოდ ბლომად აქვთ ნ:ყოფიერი სახნავი ველები მდ. ალაზნის ნაპირზე.

აღნიშნულთან ერთად ისიც გასათვალისწინებელია, რომ კერძოდ ჰარის მდებარეობა განვითარებული მიწისმოქმედი მოსახლეობის სამეურნეო ცხოვრებისათვის ნაკლებ გასაქანს იძლეოდა. ამ გარემოებასაც, ჩამოსახლებულთა ძალადობასთან ერთად, საფიქრებელია, ხელი უნდა შეეწყუ ჰართველი გლეხობის ერთი ნაწილის დაბლობისაკენ გადასვლისათვის.

ჰარის, ისევე როგორც მთიდან გადმოსასვლელებზე მდებარე სხვა ლეკური სოფლების, მაგალითი ახასიათებს ლეკთა მიგრაციის პროცესს.

ლეკთა მიგრაცია რომ XIX საუკუნეშიაც გრძელდებოდა, ეს დაადასტურეს თვით ჰარის რწმუნებულებმა, რომლებიც 70-ან წლებში ასხევებდნენ თავიანთ ბანაკში „ძირეულებსა“ და „მოსულებს“, ანუ ახალ ჩამოსახლებულებს¹.

მთავარი ლეკური სოფლებიდან საინგილოში, ჰარის შემდეგ, აღსანიშნავია ბელაქანი, თალა, კატეხი, მაწეხი, ჯინიხი, მუხახი და სხვ.

მულალები თავიანთი სოციალური მდგომარეობით ბევრ სოფელში გაუტოლდნენ ლეკებს². მიუხედავად ამისა, მათ საინგილოში შექმნეს ცალკეული სოფლებიც, როგორც, მაგ., გიუზბარახი, ჩუდულო, ბაბალო, ბეიუქ-ლანჩი, კარაბაღდური და სხვ.

ავარ-წახურებისა და მულალების, ისევე როგორც ინგილოების, რაოდენობის ზუსტად განსაზღვრა გაძნელებულია კვლავ იმ მიზეზთა გამო, რომლებიც ინგილოთა რაოდენობის დადგენისას მოვიხსენიეთ. მთავარი მიზეზი აქაც სტატისტიკის უზუსტობაში და სოციალური და ეთნიკური კატეგორიების აღრევაშია. როგორც სოფელ გიულუქის მაგალითზე ჩანს, იქ რამდენიმე მულალური ოჯახი ლეკებთან უფლებრივად ისე გათანასწორებულა, რომ თავიანთ თავს „ლეკებს“ ეძახდა³. ესეც იმაზე მიგვიბრუნებს, რომ არსებული სტატისტიკა სანდო ვერაა და ლეკ-მულალთა რაოდენობის დადგენაც გაძნელებულია. ყველა იმ მოვლენის გათვალისწინებით, რომელიც ინგილოური მოსახლეობის დახასიათებისას აღვნიშნეთ, ლეკ-მულალთა რაოდენობა საინგილოში XIX ს. მეორე ნახევრის სტატისტიკაში მითითებულ რაოდენობაზე ნაკლები უნდა იყოს.

¹ საარქივო საბუთები ჰარ-ბელაქნის შესახებ, გვ. 489, 505.

² სოფ. გიულუქზე ნათქვამია, რომ იქ არის რამდენიმე მულალური კომლი, რომლებიც თავიანთ თავს ლეკებად მიიჩნევენ. „Эти мужьям стали даже называть себя „легианами“ (ცხსა, ფ. 236, ოპ. 1, დ. № 14, უზრ. № 55).

³ იქვე.

1886 წ. ცნობით, ზაქათალის ოლქის 74.449 სული მცხოვრებიდან ავარები თითქმის 30.219-ია, ხოლო თათარ-მულალები — 21.090. თუ მოსახლეობის საერთო რაოდენობას გამოვაკლებთ ინგილოური მოსახლეობის რიცხვს — 25.000-მდე და რუსულ-სომხური მოსახლეობის რაოდენობას (დაახლოებით 1.000-მდე), მაშინ ავარ-მულალთა რიცხვი დაახლოებით შეიძლება განესაზღვროთ 48 — 50 ათასით. ავარ-მულალებს შორის კი, ცხადია, ავარები საგრძნობლად ქარბობდნენ.

სოციალური და ეთნიკური კატეგორიების ერთმანეთში აღრევა ოფიციალურ სტატისტიკაში იწვევდა ინგილოთა რიცხვის შემცირებას და ლეკურ-მულალური მოსახლეობის რიცხვის გაზრდას. ეს მოსაზრება, ვფიქრობთ, არ ეწინააღმდეგება ლეკურ-მულალური მოსახლეობის შიგნით განვითარებად დიფერენციაციას, რასაც შედეგად მოსდევდა ამ მოსახლეობის გარკვეული მასის გადარეკვა კმა-გლებთა რიგებში. მაგრამ აქაც თავს იჩენს საინგილოში არსებული სოციალური ურთიერთობის სპეციფიკა, რაც ქვემოთ იქნება დახასიათებული. მანამდის კი შევნიშნავთ, რომ XIX საუკუნის 50-ანი წლებიდან საინგილოში ცარიზმის მახინჯი იდეოლოგიური პოლიტიკის შედეგად მეტად მწვავედება კლასობრივი ბრძოლა, რის ერთი სერიოზული შედეგია ქრისტიანული და მაჰმადიანური მასების ერთმანეთისადმი მტრული დაპირისპირება. მტრობის მძაფრი ხასიათის, მუსლიმანური მოსახლეობის დიდი სიჭარბის პირობებში აქლად გაქრისტიანებული ინგილოების ყოფნა-არყოფნის საკითხი დგებოდა. ქვემოთ, ამ თავის მე-9 განყოფილებაში, ნაჩვენებები იქნება, რომ ხშირად მულალი „ლეკობდა“, ინგილო „ლეკობდა“ და ზოგჯერ კიდევ „მულალობდა“, მაგრამ ლეკი და მულალი „ინგილოობას“ არ ჩემულობდნენ. აღნიშნული მომენტები და მრავალი სხვა, ვფიქრობთ, წარმოადგენს სერიოზულ მომენტებს, რომელთაც საინგილოს მოსახლეობის დახასიათებისას ანგარიში უნდა გაეწიოს.

2. სამეურნეო-ეკონომიკური მდგომარეობის ზოგადი დახასიათება

საინგილოს მოსახლეობის სამეურნეო-ეკონომიური ცხოვრების განვითარება შეფერხებული იყო იმ დროს საერთოდ აღმოსავლეთ ამიერკავკასიაში შექმნილი მეტად მძიმე მდგომარეობით. XVIII ს. მიწურულსა და XIX საუკუნის დამდეგისთვის კვლავ გრძელდებოდა საგანგაშო მდგომარეობა. ქართლ-კახეთში მეფის რუსეთის

ხელისუფლების დამყარებით მდგომარეობა არ შეცვლილა. მწარმოებელ კლასს კიდევ არ ჰქონდა საშუალება მჭიდრობიანი ხენა-თესვისათვის. განსაკუთრებით კატასტროფულ გავლენას ახდენდა სამეურნეო ცხოვრებაზე ლეკთა გამუდმებული თარეში.

საინგილო, მართალია, ლეკთა მიერ უკვე დაპყრობილი უბანი იყო, მაგრამ იგი გადაიქცა კავკასიონის გადაღმიდან მომდინარე ახალი მტაცებლური ჯგუფების საბუღარად. ეს ჯგუფები უმთავრესად ალაზნის პირის ინგილოურ სოფლებში დათარეშობდნენ. მიჰქონდათ მათგან სურსათი, პირუტყვის საკვები და ამ გზით იჭრებოდნენ კახეთში.

ამ დროს აღმოსავლეთ საქართველოში შექმნილ მდგომარეობას კარგად ახასიათებდა ბუტკოვი:

„ლეკთა თავდასხმების შიშით გლეხები მინდვრებს ამუშავებდნენ თავიანთი საცხოვრებელი ბინებიდან მხოლოდ ისეთ მანძილზე, საიდანაც მძარცველთა გამოჩენის შემთხვევაში თავის შეფარება მაშინვე გახდებოდა შესაძლებელი. იმ მიზნით, რომ გაძლიერებულიყო მიწათმოქმედება და სავლესამუშაოებზე და თვით საქართველოში ჯარის გამოკვებისათვის საჭირო პურის შოვნის შესაძლებლობა შექმნილიყო... კრონინგმა... გასცა განკარგულება, რომ სოფლებში დაბინავებული რუსთა რაზმების ნახევარი შემადგენლობა გამოსულიყო ველებზე გლეხთა დასაცავად, თესვისა და პურის მოსავლის აღების დროს“. ასეთი მოძრაობისას ლეკთა მოთარაშე ჯგუფებთან შებრძოლება ხშირი მოვლენა იყო¹.

რა თქმა უნდა, სოფლებში დაბინავებული რუსთა რაზმი მძიმე ტვირთად აწვა გაძვალტყავებულ გლეხობას, მაგრამ რუსთა რაზმების აღნიშნულ გამოსვლებს მაინც დიდი მნიშვნელობა ჰქონდა შრომითი მოღვაწეობისათვის სათანადო პირობების შექმნაში. აღნიშნული მდგომარეობა გრძელდებოდა XIX საუკუნის დამდეგის შემდეგაც საკმაოდ დიდხანს, ათეული წლების განმავლობაში და მეტად საზიანო გავლენას ახდენდა როგორც მდ. ალაზნის გამომღმა ნაპირის ისე საინგილოს მოსახლეობის სამეურნეო საქმიანობაზე.

აღმოსავლეთ კახეთის შემოერთების (1830 წ.) შემდეგ, XIX ს. 30 — 50-ან წლებში გლეხთა სამეურნეო საქმიანობისათვის საჭირო პირობები წინანდელთან შედარებით საგრძნობლად უმჯობესდება. გარკვეულ პერიოდში (1830 — 1838 წწ.) ინგილოები თავისუფლ-

¹ Бутков. Материалы... ч. II, гл. 510.

დებიან კიდევ ლექთა ბატონობისაგან. ლექთა აღგილი ამ დროს სახელმწიფო ხაზინამ დაიკავა, მაგრამ ეს ცვლილება მაინც მიწის-მოქმედი ინგილოების სასარგებლო გამოდგა. 1838 წ. შემდეგ ლექები კვლავ ბატონდებიან, მაგრამ ძველი თვითნებობის აღდგენას ვეღარ ახერხებენ. ეს გარემოება წინანდებურად ვეღარ ბორკავს გლეხის სამეურნეო ინიციატივას. XIX ს-ნის 60-იანი წლებიდან მოკიდებული ოფიციალურ პრესაში ცალკეული ავტორები აღნიშნავენ, რომ საინგილოში დამუშავებული მიწის ნაკვეთების რაოდენობა ყოველწლიურად იზრდება¹.

მიუხედავად ზემოაღნიშნულისა, საინგილოს მეურნეობა დაბალ საფეხურზე იდგა და პრიმიტიული ფეოდალური ტექნიკით ხასიათდებოდა. ამის ერთ-ერთი მაჩვენებელი იყო ნაკვეთების ერთგვარი „შესვენების“ წესი. ერთი წლის დამუშავების შემდეგ მიწის ნაკვეთს ჩვეულებრივ აღარ ხნავდნენ 2—3 წლის განმავლობაში. ეს ხდებოდა მიწის ბუნებრივი განაყოფიერების მიზნით. სამეურნეო ცოდნას მოკლებული გლეხი ასეთ პირობებში მიწის ნაკლებობას უჩიოდა, საიჯარო მიწებს ეძებდა, ახოებს ქრიდა. არის ცნობა, რომ ზოგჯერ ნაკვეთებს 4—5 წლითაც ასვენებდნენ². ეს გარემოება ამავე დროს შეიძლებოდა მიგვეჩინა იმის დამადასტურებელ ფაქტად, რომ საინგილოში საერთოდ მიწის ნაკლებობა, განყენებული თვალსაზრისით, არ შეიმჩნეოდა. რა თქმა უნდა, აქ იმის თქმა არ გვსურს, რომ გლეხობას მიწა საკმაოდ ჰქონდა. მიწა გაბატონებული კლასის ხელში იყო და მისით სარგებლობისათვის გლეხს მძიმე ვალდებულება აწვა კისერზე.

მიწის ნაკლებობა იყო საკმაოდ დიდ ინგილოურ სოფელში, ალიაბათში. ალიაბათლები იძულებული გახდნენ ნაწილობრივ გადასახლებულიყვნენ ტანაჩის ტყის ხაშმიან ნაკვეთებზე, რომლებიც XIX ს. 30-ან წლებში ჰარელმა ლეკებმა დაისაკუთრეს. ისინი ითხოვდნენ, რომ მათთვის შირაქის ველზე მიეცათ ნაკვეთები³.

XIX ს-ნის 50-იან წლებში ერთი რუსი მოხელე საინგილოს მოსახლეობას, სამეურნეო საქმიანობის თვალსაზრისით, 24 ნაწილად ყოფდა. ამათგან, მისი დაკვირვებით, 7 ნაწილი მისდევდა მიწათ-მოქმედებას, 5 — მეაბრეშუმეობას, 4 — მესაქონლეობას. ყველა მცხოვრები რიგრიგობით ჰკიდებდა ხელს სხვადასხვა საქმიანობას.

¹ Посербский. Зекатальский округ („Кавказ“, 1864 г. № 60).

² ცსსა, ფ. 236, აღწ. № 1, საქმე № 27, ფურც. 17.

³ ცსსა, ფ. 15, აღწ. 1, საქმე № 14, ფურ. 67, 92.

2 ნაწილი დაკავებული იყო სამხედრო ვალდებულებებით (საყარაულ ო სამსახური), მილიციაში გაწვევით; ეს გაწვევა, ამ მოხელის გადმოცემით, იყო მუდმივიცა და დროებითიც. ბოლოს, 2 ნაწილი იხდიდა საშინაო ბეგარებს, როგორც იყო მაგ., ურმების ქარავნების ხლება და ბევრი სხვა მოვალეობა; ამ ბოლო 2 ნაწილში იგულისხმებოდა ხელისნობაც¹. როგორც ვხედავთ, ჩვენს დამკვირვებელს მხედველობიდან გამორჩენია კიდევ 4 ნაწილი (!).

აღნიშნული დანაწილება, რომელსაც ჩვენ ვერ გავიზიარებთ, ინტერესს მოკლებული არაა იმდენად, რამდენადაც მასში გამჟღავნებულია მცხოვრებთა მრავალფეროვანი სამეურნეო საქმიანობა. როგორც ვხედავთ, განსაკუთრებული ადგილი უკავია რუსული რეჟიმის დამყარებასთან დაკავშირებით გაჩენილ ახალ შრომითს ბეგარას, რომელსაც ხმარდება მოსახლეობის თითქმის 1/6-ის საქმიანობა. ეს მომენტი, რა თქმა უნდა, ანგარიშვასაწვევია საინგილოს სამეურნეო-ეკონომიური მდგომარეობის დახასიათებისას.

მიწის ნაკვეთების ყარგისიანობის თუ დამუშავების შესაძლებლობის თვალსაზრისით მწარმოებელი კლასის მდგომარეობა სხვადასხვა სოფლებში სხვადასხვაგვარად გამოიყურებოდა. საინგილოს დაბლობში, მცირე გამონაკლისს გარდა, მიწა ნაყოფიერი იყო, მაგრამ საკმაოდ ქაობიანი და ხაშმიანი ველების ათვისება გლეხობას უჭირდა. პრიმიტიული საწარმოო ტექნიკით შეიარაღებულ მწარმოებელს ნაკლებ შეეძლო მეურნეობისათვის ბუნებრივ უპირატესობათა გამოყენება. სოციალური ჩაგვრაც მის სამეურნეო ინიციატივას ბორკავდა.

ხის გუთნით აჩიქნილ მიწაში გლეხი ყრიდა თესლს, შემდეგ უღელზე მობმული ფიჩხისაგან დაწნული ჩელტით, რომელზედაც ქვეები ეყარა, იგი ფარცხავდა დათესილ ფართობს, რათა თესლი მიწაში ჩაემარხა². ასეთი პრიმიტიული წესით თესდნენ გლეხები ხორბალს, რომლის მოყვანაც საინგილოში სოფლის მეურნეობის წამყვანი დარგი იყო.

ოფიციალური ცნობების მიხედვით, საინგილოში პური ძლიერ ცოტა მოდიოდა. მეურნეობის პრიმიტიულ წესთა პირობებში სავსებით დიდი მოსავალი არც იყო მოსალოდნელი, მაგრამ ასეთი სიმცირე მაინც ექვს იწვევს. კერძოდ, 1861 წლის მონაცემების

¹ იქვე, ფ. 10, საქ. 27, ფურ. 171 — 178.

² Посердскѣмъ. Закавказскій округ („Кавказ“, 1864 г. № 59).

მიხედვით, ხორბლის მოსავალი ბელაქნის უბანში უდრიდა დაახლოებით ერთზე $2\frac{1}{2}$ -ს, ბრინჯისა კი ერთზე 6-ს. უმნიშვნელო განსხვავება ჩანდა ენისელის (აღიბათის) უბანში, სადაც პურის მოსავალი აღწევდა ერთზე სამს (დაითესა 43.560 „ჩეტვერტი“, აილეს 153.860 „ჩეტვერტი“), ხოლო ბრინჯისა — ერთზე ორს (დაითესა 18.466 „ჩეტვერტი“, აილეს 39.000¹). ელისუს უბანში თითქოს რამდენადმე უკეთესი მდგომარეობა ჩანდა: აქ პურის მოსავალი უდრიდა ერთზე სამს, ან ოთხს, ხოლო ბრინჯისა ერთზე 9-ს, ან 10-ს². XIX საუკუნის 70-იან წლებში მცხოვრებლებმა განუცხადეს ზაქათლის კომისიას, რომ პურის საუკეთესო მოსავლად ითვლებოდა ერთზე ხუთი³. პურის საშუალო მოსავლად თვლიდნენ ერთზე სამს. ასახელებდნენ შემთხვევებს, როცა, მოუსავლიანობის დროს, სათესლესაც კი ვერ იღებდნენ⁴.

ჩვენი აზრით, მოტანილ ცნობებში, როგორც ოფიციალურში, მოსავლის რაოდენობა განზრახ უნდა იყოს შემცირებული. მითითებულ ცნობებს საეკვოდ ხდის ის გარემოება, რომ მათ კრებდა ადგილობრივი მმართველობა, რომელიც სახელმწიფო გადასახადებს მიწის შემოსავლის მიხედვით ანაწილებდა. ამ შემთხვევაში მოსახლეობას შეეძლო, რომ შემოსავალი განზრახ შემცირებით ეჩვენებინა. ამ მოსაზრებას მხარს უჭერს 1826 წ. კოცებუს ცნობა, რომლის მიხედვით ხორბლის მოსავალი უდრიდა ერთზე შვიდს, 6 რვას, ხოლო ქერისა და ბრინჯისა — ერთზე ოცს⁵. დროთა განმავლობაში (35 წლის შემდეგ), რა თქმა უნდა, ცვლილება მოხდებოდა, მაგრამ არა გვგონია, რომ მოსავლიანობა ასე მძაფრად დაქვეითებულიყო, რადგან ჩვეულებრივ გლეხები, როგორც უკვე ითქვა, მიწის ნაკვეთს პერიოდულად „ასვენებდნენ“ ხოლმე (დაუთესავს სტოვებდნენ ბუნებრივი განაყოფიერების მიზნით). ამრიგად, კერძოდ პურის საშუალო მოსავლად შეიძლებოდა მიგვეჩინა ერთზე 5 ან 7.

¹ „ჩეტვერტი“ უდრიდა 8 „ჩეტვერისკ“, „ჩეტვერიკი“ კი — 34 გირვანქას (26 $\frac{1}{4}$ ლიტრას); აქედან „ჩეტვერტი“ გამოდის 272 გირვანქა (210 ლიტრა), ანუ 6,8 ფუთი; კილოგრამებზე გადაყვანით ჩეტვერტი = 108,9-ს („Кавказский календарь“ на 1917 г. Справочн. отд.)

² ცსსა, ფ. 10, საქ. № 471, ფურც. 365.

³ ცსსა, ფ. 236, აღწ. 1, საქ. № 1, ჟურნ. № 15, ფურც. 84.

⁴ სოფ. შოთაერის მაგალითი (იქვე, ფურ. 79).

⁵ Статистические сведения о Чарских владениях, ფ. 3 — 11.

მწარმოებელი კლასის მდგომარეობა მოუსაველიანობის დროს ძალზე მძიმე იყო. გლეხებს მებატონეთათვის, თანახმად წესისა, ლალა მაინც უნდა მიეცათ. მოუსაველიანი წლების რაოდენობა კი XIX საუკუნეში საკმაოდ ბლომად იყო: მარტო 1853 წლიდან 1860 წლამდე აღინიშნა მოუსაველობის ოთხი მწვავე შემთხვევა (1853, 1855, 1859, 1860 წ.)¹.

მიუხედავად აღნიშნული მდგომარეობისა, XIX ს-ნის I ნახევარში საინგილოში პური საკმაოდ იყო. იგი უკვე აღარ შემოჰქონდათ ალაზნის გამოღმა მდებარე სოფლებიდან (როგორც მე-18 ს-ში). პირიქით, XIX ს-ში აღნიშნულია საინგილოდან პურის გაზიდვაც. გამზიდველები, როგორც ჩანს, მიწისმფლობელები იყვნენ².

საინგილოში მაჰმადიანობის გავრცელებამ მთლად ვერ მოსპოვა ვაზის კულტურა და ჩვენახეობა მეურნეობის ერთ-ერთ დარგად მაინც დარჩა. განსაკუთრებით იმ დროიდან, როცა ქრისტიანობაც აღდგენა სწრაფი ტემპით დაიწყო, მევენახეობამაც ძველი წარმატებისაკენ იბრუნა პირი, მაგრამ ძველ დონეს მაინც ვერ მი-აღწია. უფრო მეტად აშენებდნენ ვაზს ქრისტიანი ინგილოები. ისინი ღვინოს თვითონაც სვამდნენ და ჰყიდდნენ კიდევაც. მუსლიმანები კი ღვინოს გაცვლისათვის იყენებდნენ. მაგალითად, ყორა-ღნელი ინგილო-მუსლიმანები ღვინოს ცხვარზე უცვლიდნენ თუშებს.³

საინგილოს ბუნებრივი პირობები განსაკუთრებით უწყობდა ხელს მებაღეობისა და მებოსტნეობის განვითარებას და ამ დარგებს საკმაოდ თვალსაჩინო ადგილიც ეკავა სამეურნეო ცხოვრებაში. ხილის ბაღებთან ერთად სერიოზული ყურადღება ექცეოდა თუთის ხის ბაღებს, რომლებიც მებაღეურმეობის განვითარების საფუძველს წარმოადგენდა. ხშირი იყო კაკლის ხეები და თხილის ბუჩქები.

მესაქონლეობა საინგილოს ძირითადი მოსახლეობისათვის საერთოდ მეურნეობის ერთ-ერთი დამხმარე დარგი იყო, ხოლო ჩამოსახლებულ ავარელ-წახურელთა სოფლებისათვის, რომლებსაც მთიანი ზონა ეკავათ, — წამყვანი. ეს იმითაც აიხსნება, რომ აღნიშნული ტომები აქ მოვიდნენ, როგორც მომთაბარეები, რომელთაც არ ჰქონიათ განვითარებული სოფლის მეურნეობა. ზაქათალის კომისიის ეურნალებში ნათქვამია:

¹ ცსსა, ფ. 10, საქ. 27, ფურ. 171 — 187; საქ. 1471, ფურ. 363-65.

² Петрушевский. Джаро-Белак. воля. общ., გვ. 29.

³ ცსსა, ფ. 236, აღწ. 1, საქ. 1, ე. № 15, ფ. 85.

„მესაქონლეობა, მცირედის გამოკლებით, არ წარმოადგენს მცხოვრებთა (იგულისხმება ინგილოური მოსახლეობა, მ. დ.) წარმოებითს საქმიანობას; მათ ყველ მსხვილფეხა საქონელი, როგორც გამწევი ძალა: მხოლოდ ითი-თაღელებს აქვთ შემოსავალი მესაქონლეობიდან, ჰყიდიან რა ხბორებსა და კარაქს...“¹.

სამაგიეროდ საქონელი ბლომად ჰყვავდათ ქარელ აეარებს, ბელაქნელებს, გოგამელებს, კატეხელებს, მაწეხელებსა და მთიან სხვა სოფლებში მცხოვრებ ლეკებს².

მეაბრეშუმეობა საინგილოში ძველთაგანავე წარმოადგენდა მეურნეობის ერთ სერიოზულ დარგს. XIX საუკუნის დამდეგიდან (1803 წ.), როდესაც რუსეთის მთავრობა ქარ-ბელაქნელ ლეკებს იძულებით აღებინებს მფარველობას, მათი დამოკიდებულების ერთი მთავარი პირობაა აბრეშუმის ხარკის (ყოველწლიურად 220 ფუთის) გადახდა.

1861 წლის ცნობით, საინგილოში მოჰყავდათ 9078 ფუთი ხამი აბრეშუმის³. XIX ს-ის 70-იან წლებში აბრეშუმის ქიის ავადმყოფობას, რომელიც წლების განმავლობაში გრძელდებოდა, ძალზე შეუწინააღმდეგებელი მისწრაფება აბრეშუმის მოყვანისადმი⁴.

საკმაოდ განვითარებული ყოფილა მეფუტკრეობაც. 1853 წ. ცნობით, ამ დარგში ყველაზე წინ იდგა ბელაქნის უბანი, სადაც აღნიშნულ წელს მიუღიათ 1197 ფუთი თაფლი და 150 ფ. ცვილი⁵. 1854 წელს კი პროდუქცია რატომღაც მეტად შემცირებულა (325 ფ. თაფლი და 56 ფ. ცვილი)⁶. მეფუტკრეობას მეტ-ნაკლები წარმატებით მისდევდნენ საინგილოს სხვა უბნებშიაც, უმთავრესად მთიან ზონაში. თაფლი და ცვილი ამ დროს სარფიანი საბაზრო საქონელი ჩანდა. ეს მით უფრო, რომ ყმა-გლეხთა საგადასახადო ვალდებულებებში თაფლი და ცვილი არ იგულისხმებოდა.

სათანადოდ განვითარებული ყოფილა მეთამბაქოობაც. კოცე-ბუს ცნობით, საინგილოს „ყველა მცხოვრები ეწეოდა თამბაქოს, რომლითაც ეს მხარე მდიდარი“ იყო⁷.

¹ ცსსა, ფ. 236, აღწ. 1, ჟღრნ. № 45, ფურც. 46.

² 1872 წ. ცნობით, ქარელებს ჰყავდათ 3.700 სული მსხვილფეხა საქონელი, კატეხელებს — 1.000, მაწეხელებს — 700, გოგამელებს — 400 (ცსსა, ფ. 236, აღწ. 1, ჟღრნ. 45, ფურ. 46).

³ ცსსა, ფ. 10, საქ. 1471, ფურ. 363, 365.

⁴ საარქივო საბ. ქარ-ბელ. შესახებ, გვ. 529.

⁵ ცსსა, ფ. 10, საქ. 27, ფურ. 171 — 187. 1855 წ. ქარ-ბელაქანში საერთოდ მიუღიათ 1447 ფ. თაფლი და 410 ფუთი ცვილი (იქვე).

⁶ Статистические сведения о Чарских владениях, т. 3 — 11.

საინგილოს ადგილობრივ ბაზრებზე ჩანდა შინაპრეწველური, ხელოსნურა ნაწარმი. შინამრეწველობის მრავალრიცხოვანი და-გებიდან საინგილოში გავრცელებული იყო აბრეშუმის ძაფის ხევეა, მეტყავეობა, მექათნეობა, იარალის კეთება, ხალიჩის ქსოვა, ქეჩის კეთება, ხამი ტილოს ქსოვა, მკედლობა, დურგლობა, კალატო-ზობა და ბევრი სხვა¹. ეს იყო უმთავრესად მიწათმოქმედებასთან დაკავშირებული ხელოსნობა. წვრილ საქონელმწარმოებელთა რიცხვი შედარებით ნაკლები იყო. ადგილობრივ ბაზრებზე გარედან შემო-ტანილი სამრეწველო საქონელი ბატონობდა.

1853 — 1855 წლების ცნობებში ნათქვამია, რომ „სათაბრიყო და საქარხნო ვაქრობა ოლქში არ ყოფილა“². ასეთი განცხადება გულისხმობდა იმას, რომ ადგილობრივ თაბრიკა-ქარხნები არ არსებობდნენ.

საინგილოს ადგილობრივ ბაზრებზე ვაქრობდნენ უმეტესად მიწისმფლობელები, რომლებიც თავიანთი ყმებისაგან იღებდნენ საკმაოდ ბევრ პურსა და აბრეშუმს. ისინი ვაქრობდნენ უშუალოდ თბილისიდან და ბაქოდან ჩამოსული ვაქრების მეშვეობით³. პრო-დუქტების გარკვეული რაოდენობა, ზედმეტი ან გაცულისათვის აუცილებელი, ბაზარზე გაჰქონდათ გლეხებსაც.

ვაქრობის განვითარებას აღნიშნულ პერიოდში ბევრი რამ უშლიდა ხელს. ერთი დამაბრკოლებელი გარეობა იყო ფეოდა-ლური პოლიტიკური ერთეულების, სამთავროებისა და სახანოების არსებობა. თბილისიდან ბაქოსაკენ მიმავალ სავაქრო გზაზე ვაქ-რებს ხუთჯერ უხდებოდათ ბაჟის გადახდა⁴. ვაქრობას ზღუდავდა არსებული ფეოდალური ურთიერთობა, უგზოობა, ყაჩაღობა და ბევრი სხვა.

მიუხედავად ხელსშემშლელი პირობებისა, ვაქრობის გან-ვითარებას საინგილოში რამდენადმე მეტი გასაქანი ჰქონდა. ამას ისიც უწყობდა ხელს, რომ იქ საკმაოდ იყვნენ პირადად თავის-უფალი გლეხები, რომელთა სავაქრო-სამეურნეო შესაძლებლობა უფრო ფართო ჩანდა.

¹ ცსსა., ფ. 10, საქ. 27, ფურ. 171 — 187.

² იქვე. სხვა ადგილას კიდევ ნათქვამია: „В селениях Закавказского округа Фанряк и заводов нет“, არის მხოლოდ შინამრეწველური ხელოსნობა (ცსსა., ფ. 10, საქ. 1471, ფურც. 363-365).

³ პეტრუშევსკის დასახ. ნაშრ., გვ. 29.

⁴ Агаян А. Бакиханов, изд. АН. Аз. ССР, 1948 г. гл. 10.

ასეთი გლეხების არსებობა იმაზე მიუთითებდა, რომ აღმოსავლეთ კახეთში ჯერ კიდევ არ იყო დასრულებული გლეხთა საბოლოო მიჯაჭვა ფეოდალთა მიწებზე, მიუხედავად იმისა, რომ ფეოდალური ურთიერთობა ბატონობდა. მწარმოებელთა შემდგომი დამონება გრძელდებოდა XIX ს. I ნახევარშიაც, მაგრამ გლეხთა გარკვეული ნაწილის მიერ რამდენადმე დამოუკიდებელი მეურნეობის შემონახვა 60-იანი წლების რეფორმისათვის, როდესაც კაპიტალიზმის აღმოცენებას საერთო პირობები ექმნებოდა, ის მომენტი იყო, რომ აქ ახალი წყობილების წარმოშობას, საქართველოს სხვა პროვინციებთან შედარებით, უფრო მეტი გასაქანი შეიძლებოდა ჰქონოდა.

XIX ს. I ნახევრის საინგილოში მოქმედ საეპრო კაპიტალს პრიმიტიული ფორმები ახასიათებდა. ჩანდა აქ კაპიტალის განვითარების მეორე საფეხური — ვაჭრობის შეერთება მეფახშეობასთან, როდესაც ვალში ჩავარდნილი გლეხი ვაჭარს პროდუქტებით უსწორებდა ანგარიშს, ვაჭარი თვით კარნახობდა ფასებს და პირად დამოკიდებულებაში, კაბალაში ავდებდა მოვალეს¹.

ჯერ კიდევ 1803 წ., როცა რუსეთის მთავრობამ ქარბელაქანს აბრეშუმის ხარკი დაადო, ვაჭარმა ჰაჯი-აბაყერმა ეს ხარკი ფულით შეიტანა, მეორე წელს კი ვალი აბრეშუმით მიითვალა და ამ გზით ფულადი კაპიტალი გაიორკეცა². ვაჭარი აჩანაგებდა როგორც მიწისმფლობელებს, ისე წვრილ მწარმოებლებს.

საინგილოს მტკიცე საეპრო-ეკონომიური კავშირი ჰქონდა ალაზნის გამოღმა ნაპირზე მდებარე სოფლებთან. მხოლოდ ალაზნის გამოღმიდან (წითელ-წყაროდან, სიღნაღიდან, თბილისიდან) შედიოდა საინგილოში პირველი მოთხოვნილების საგნები: მარილი, რკინა, სასოფლო-სამეურნეო იარაღები, სამოსელი და სხვ.

მდ. ალაზნზე მრავლად იყო გადნოსასვლელები — შავ., მულანლოს, აღმალოსი, მოსულისა და სხვ.³. მთავარი საეპრო გზა მოდიოდა ახლანდელა დიდი მაგისტრალის გაყოლებით, კახიდან, კარისა და ბელაქანის გავლით, ლაგოდეხისაკენ: აქ კი გზა ორად იყოფოდა, ერთი მიდიოდა ყვარელისაკენ, მეორე — სიღნაღისაკენ. გაცხოველებული მიჯოსვლა წარმოებდა ალაზნის გადნოსასვლელებზე; შირაქის ველის გავლით, კახეთის შიდა უბნებისაკენ.

¹ ვ. ლენინი. თხზულებანი, ტ. 3. გვ. 429.

² საქ. ცსსა, ფ. 236, აღწ. 1, საქ. 14, ფურნ. 62, ფ. 183.

³ Кавказский календарь на 1866 г. лит. отд. გვ. 9.

საინგილოდან ხამ აბრეშუმს ეზიდებოდნენ თბილისში, განჯაში და ჩრდილოეთითაც, დალისტინის გავლით¹.

ადგილობრივ ბაზრებსა და მეზობელი რაიონების საეაქრო პუნქტებში ჩანდა საინგილოს მეცხოველეობის ნაწარმი. 1853 წ. მარტო ელისუს უბანს გაუყიდა 17.622 მანეთის ოთხფეხი და 8.825 მანეთის რძის ნაწარმი, 1854 წ. კი 20.822 მანეთის ოთხფეხი². ასევე მრავლად იყიდებოდა მატყლი და ტყავი³.

საეაქრო საქმიანობა, მისი ზრდა საინგილოში ხელს უწყობდა ფულადი სიმდიდრის დაგროვებას. მაგრამ ჯერ კიდევ ვერ იქმნებოდა კაპიტალი, რადგან ფულადი სიმდიდრის კონცენტრაციას თან არ სდევდა არსებული წარმოების წესის დაშლა.

„...კაპიტალის თავდაპირველი შექმნა უბრალოდ იმ გზით ხდება, რომ ფულადი სიმდიდრის სახით არსებულ ღირებულებას წარმოების ძველი წესის დაშლის ისტორიული პროცესის წყალობით უნარი ეძლევა, ერთი მხრივ, იყიდოს შრომის ობიექტური პირობები, მეორე მხრივ, ფულზე გადაცვალოს განთავისუფლებული მუშების თვით ცოცხალი შრომა. ყველა ეს მომენტი უკვე არსებობს; თვით მათი გათიშვა ისტორიული პროცესია, დაშლის პროცესი და აი სწორედ ეს პროცესია, რომ ფულს უნარს აძლევს კაპიტალად გარდაიქმნეს. იმდენად რამდენადაც ფული ამ პროცესს ისტორიულად ხელს უწყობს, თვითონ მოქმედებს მხოლოდ როგორც უაღრესად ენერგიული გამთიშავი საშუალება, რომელიც ამ პროცესში იჭრება, და მხოლოდ იმდენად, რამდენადაც აგი ხელს უწყობს გაყვლეფილი, არსებობის ობიექტურ პირობებს მოკლებული თავისუფალი მუშების შექმნას; მაგრამ ის ამას ხელს იმით კი არ უწყობს, რომ ამ მუშებისათვის მათი არსებობის ობიექტურ პირობებს ქმნის, არამედ იმით, რომ ეხმარება ამ პირობებისაგან მუშების მოწყვეტის დაჩქარებას, ხელს უწყობს იმას, რომ მუშებმა ჩქარა დაკარგონ ყოველგვარი საკუთრება“⁴.

„... რაც შეეხება თვითონ ფულადი სიმდიდრის შექმნას, სანამ ეს სიმდიდრე კაპიტალად გადაიქცეოდა, იგი ეკუ-

¹ პეტრუშევსკის დასახ. ნაშრ., 29.

² ცსა, ფ. 10, საქ. 27, ფურ. 171 — 187.

³ 1853 წ. ცნობით, ბელაქნის უბანს გაუყიდა მეცხოველეობის ნაწარმი 21.052 მან., ხოლო ვნისელის -- 14.880 მან. (იქვე).

⁴ კ. მარქსი. კაპიტალისტური წარმოების წინამორბედი ფორმები, 1952 წ., გვ. 58—59.

თენის ბურჟუაზიული ეკონომიკის წინაისტორიას, მევახშეობა, ვაქრობა, ქალაქური ცხოვრება, და ყოველივე ამასთან ერთად წარმოშობილი ფისკი აქ მთავარ როლს ასრულებს; ასევე მოიჯარეების, გლეხების და სხვათა დაგროვებანი, თუმცაღა ნაკლები ოდენობით¹.

XIX საუკუნის პირველ ნახევრის საინგილო, როგორც მოტანილი მოკლე მიმოხილვიდან ჩანს, წარმოადგენდა ფეოდალური წყობილებისათვის დამახასიათებელი ნატურალური მეურნეობის ქვეყანას, სადაც თავს იჩენდა ამ მეურნეობის დაშლის ელემენტები. ეს ჩანდა წვრილ მწარმოებელთა მასის ერთი ნაწილის მიერ პროდუქტების საბაზროდ წარმოებაში. მაგრამ არსებული სასაქონლო წარმოების დაბალი სტადიის დროს მიმდინარე დაშლის პროცესი ჯერ კიდევ ვერ ქმნიდა წარპოების ახალ წესს. მართალია, ამ დროს ვაქარ-მევახშეები საკმაო რაოდენობით ანადგურებდნენ მიწისმფლობელებსა და წვრილ მწარმოებლებს, ზოგჯერ ახდენდნენ ფულადი კაპიტალების კონცენტრაციასაც, მაგრამ ისინი უშუალოდ არ იქვემდებარებდნენ მწარმოებელთა შრომას და არ უპირისპირდებოდნენ მათ სამრეწველო კაპიტალის სახით.

„როგორც მსხვილი მემამულეების განადგურებას მევახშეების მიერ, ისე მათ მიერვე წვრილი მწარმოებლების ექსპლოატაციას მოსდევს დიდი ფულადი კაპიტალების შედგენა და კონცენტრაცია. მაგრამ თუ რამდენად სპობს ეს პროცესი ძველი წარმოების წესს, როგორც ამას ადგილი ჰქონდა თანამედროვე ევროპაში, და აყენებს იგი თუ არა მის ადგილას კაპიტალისტური წარმოების წესს, ეს საკვებით ისტორიული განვითარების საფეხურზე და მასთან დაკავშირებულ გარემოებებზე არის დამოკიდებული“².

ცალკეულ ვაქარ-მევახშეთა ხელში დაგროვილი ფულადი კაპიტალი მხოლოდ სათანადო გარემოებათა შექმნის ვითარებაში წარმოადგენდა ახალი წარმოების წესის წარმოშობისათვის ხელის შემწყობ ძალას. ასეთი ვითარება რეფორმის შემდგომ პერიოდში იქმნება.

3. ქართული შოქოლადური ზედაჟანა

ჩვენ მიერ ხმარებულ ტერმინებში „ლეკი“ („леки“) სოციალური ტერმინია და საინგილოში გვიან გაბატონებულ ზედაჟანას

¹ იქვე, გვ. 63.

² კ. შარქსი. კაპიტალი. ტ. III, ნაწ. 1, გვ. 125 — 126.

გულისხმობს. ამ ფენაში შედიოდნენ სხვადასხვა ეთნიკური ჯგუფების წარმომადგენლები. განსაკუთრებული ყურადღების ღირსია მკვიდრი ქართველი ფეოდალების ბედი.

„ზაქათალის კომისიისადმი“ წარდგენილ ერთ მოხსენებაში გოგამელი მოლა მურთუზ-ალი ეფენდი ტინოვ-ოლლი ამტკიცებდა რომ ლექთა უმრავლესობა წარმოშობით ქართველი იყო. ეს მოხსენება დართული ყოფილა „ზაქათალის კომისიის“ მე-13 საქმესთან; მისი მოძებნა ვერ მოხერხდა¹. ეს გარემოება ამ ცნობის ღირსებას ვერ ანელებს, რადგან იგი ნაწილობრივ მაინც არის დადასტურებული ზაქათალის კომისიის მრავალრიცხოვან ჟურნალებში.

აღნიშნული გარემოება. საინგილოს სოციალურ-ეკონომიური ვითარების დახასიათების საკითხს რამდენადმე ახლებურად სვამს.

საინგილოს სოციალურ-ეკონომიური წყობილების შესწავლას ვრცელი გამოკვლევა მიუძღვნა პროფ. ი. პეტრუშევსკიმ, — წიგნში „Джаро-Белаканские вольные общества в первой трети XIX столетия“, სადაც აღნიშნულ საკითხს დათმობილი აქვს III და IV თავები. ავტორი ახერხებს ძირითადად სწორი პასუხი გასცეს მთელ რიგ კითხვებზე, რომელთა გარეშე ამ წყობილების დახასიათება შეუძლებელი იქნებოდა.

¹ კომისიის ჟურნალში ნათქვამია:

„Чтобы полнее вложить всю несостоятельность лезгия, в стремлении их приобрести себе права высшего сословия в округе, житель сел. Гогам молла Муртуз-Али-Эфенди Тинов-оглы просил разрешения комиссии, собрать от своих всерителей все данные, основанные на правде и действительности, которые бы могли разбить домогательства лезгия на приобретение прав высшего сословия и изложить их письменно. Через несколько времени названный поверенный явился в комиссию и представил свое письменное изложение, приложенное в делу комиссии № 13. В этом изложении заявитель подтверждает вышеизложенные права лезгиинских поверенных с тем только различием, что происхождение большинства лезгия он относит к грузинам, оставшимся здесь после покорения края лезгинами, принявших потом мусульманство“ (ცსა, ფ. 236, აღწ.), საქ. 13, ჟურნ. № 45. ფურ. 23 — 33).

რუსული მმართველობის მიერ ჩამოყალიბებული „ზაქათალის კომისია“ XIX ს. 60 — 70-ან წლებში სწავლობდა ზაქათალის ოლქში არსებულ საადგილ-მამულო ურთიერთობას იქ სარეფორმო ღონისძიების მოსალოდნელ ჩატარებასთან დაკავშირებით. ამ კომისიამ მეტად ძვირფასი მასალა დაგვიტოვა (საარქივო საბ. კარ-ბელაქნის შესახებ, გვ. 482 — 483).

მაგრამ პეტრუშევსკი ზემოხსენებულ ნარკვევაში ამოდის ე. წ. „თავისუფალი თემების“, „აგარულ-წახურული“ თემების, შინაგანი წყობილებიდან, როგორც ისეთი მოვლენიდან, რომელიც განსაზღვრავს მთლიანად ქარ-ბელაქანში, ანუ საინგილოში არსებულ საზოგადოებრივ წყობილებას. აღნიშნული თემების შინაგანი წყობილება XIX საუკუნის I მესამედში ავტორის მიერ დახასიათებულია, როგორც ადრინდელ-ფეოდალური წყობილება, არქაული (ამ შემთხვევაში იგულისხმება გვაროვნულ-თემური წყობილება მ. დ.). ფორმაციის მნიშვნელოვანი გადმონაშთებით“¹.

ავტორი, მისივე სიტყვებით რომ ვთქვათ, გვაძლევს ქარ-ბელაქანის აგარული თემების სოციალური სტრუქტურის „ტლანქ სქემას“:

1. „ფეოდალური ზედაფენა— ქევხები, ქეშქელის მფლობელები, ყაზიები, ულემები (აგარები).“

2. თავისუფალი გლეხები — მიწის წვრილი მესაკუთრეები, თავისუფალი თემების წევრები (აგარები).“

3. სოფლის უფროსები (მამასახალისები, მ. დ.) და საქეშქელო სოფლების მათეები, გადასახადებისაგან თავისუფალნი (მულალები და ინგილოები).“

4. მიწაზე მიმაგრებული მოქეშქელე გლეხები, დაბეგრილნი ფეოდალური გადასახადებით (მულალები და ინგილოები).“

5. შინაყმა გლეხები (Крепостные — дворовые) (მულალები).“

6. მონები (თავდასხმების დროს შეპყრობილი ტყვეები, მეტწილად ქართველები)“².

ავტორის მიერ მოტანილი „ტლანქ სქემა“, მისივე განსაზღვრით, ასახავს მხოლოდ იმ მომენტს, როდესაც ქარ-ბელაქანი მეფის რუსეთმა შემოიერთა, ანუ როდესაც აგარულ-წახურული თემები დაიშალა და მათ წილში ფეოდალური ზედაფენა წარმოიშვა. რაც შეეხება ადრინდელ ეტაპს, პეტრუშევსკი თვლის, რომ მე-17 საუკუნეში აგარულ-წახურული თემები თავიანთი თოხუმურ-ჯამაათური წყობილებით უცვლელი რჩებოდნენ, თანდათანობით თავისუფლებოდნენ კახი თავადების ბატონობისაგან და ითვისებდნენ უფლებას ქართველ გლეხებზე, რომელნიც კახელ ფეოდალებს ეკუთვ-

¹ პეტრუშევსკი. დასახ. ნაშრ., გვ. 55.

² იქვე, გვ. 58 — 59.

ნოდა¹. შემდეგ კი მას შესაძლებლად მიაჩნია, რომ ავარ-წახურებმა „მთლიანად შეცვალეს“ კახი ფეოდალები მე-18 საუკუნის დასაწყისში². ცოტა უფრო ქვემოთ ავტორი აღნიშნავს:

„ამრიგად, თავისუფალ თემთა წარმოქმნა აღმოსავლეთ კახეთში სწრაფი დაპყრობისა და მასიური ერთდროული მიგრაციის შედეგი კი არა, არამედ ხანგრძლივი პროცესის შედეგი იყო“³. კიდევ ქვემოთ იგი, მიუთითებს რა კახელ გლეხებსა და ლეკებს შორის აღრეული კავშირის დარღვევაზე, როდესაც ლეკებმა ძველ მჩაგვრელთა ადგილი დაიკავეს და გლეხთაგან წინანდელი გადასახადების გადახდას მოითხოვნენ, დასძენს: „XVIII საუკუნის შუახანებიდან ეს მოთხოვნები იზრდება, ხოლო თვით თავისუფალ თემთა შიგნით გამოიყოფა ფეოდალიზებული ზედაფენა, რომელიც გლეხებზე წინანდელი ფეოდალების უფლებებს ითვისებს“⁴.

ამრიგად, პეტრუშევსკი ფიქრობს, რომ ავარულ-წახურული თემები, თავიანთი გვაროვნულ-თემური წყობილების შენარჩუნებით ჯერ კიდევ XVIII ს-ში ერთდროულად კიდევაც თავისუფლებიან კახი თავადების ხელისუფლებისაგან და კიდევაც იწყებენ მათ შეცვლას. ეს შეცვლა სრულდება XVIII ს-ნის დამდეგს, შემდეგ კი XVIII ს-ნის შუაში აღნიშნული თემებისაგან გამოიყოფა ფეოდალიზებული ზედაფენა, რომელიც კვლავ ითვისებს წინანდელი ფეოდალების უფლებებს. გამოდის, რომ ჯერ, XVIII ს-ნის დამდეგს, კახ-ფეოდალებს „მთლიანად ცვლაან“ „თავისუფალი თემები“, ხოლო შემდეგ, XVIII საუკუნის შუაში, ამ თემთაგან გამოყოფილი ზედაფენა. ეს, ვფიქრობთ, მთლად სწორი არ უნდა იყოს.

ჩენი აზრით, ავარ-წახურთა მიერ ადგილობრივი კახი ფეოდალების შეცვლა მხოლოდ მაშინ შეიძლებოდა მომხდარიყო, როდესაც აქ ჩამოსახლებულთა სოციალური ბუნება ამას შესაძლებელს გახდიდა, ანუ ავართა შიგნით წარმოიშობოდა კახი ფეოდალების შეცვლის უნარის მქონე მასა, გაბატონებული ზედაფენის სახით. ასეთი შესაძლებელი მოსაზრება იქნებ უფრო ანგარიშგასაწევი ყოფილიყო.

¹ იქვე, გვ. 12 — 13.

² „Повидимому авары и пахуры вполне освободились от власти катехинских феодалов и вполне заменили их только к началу XVIII в.“ (იქვე, 13).

³ იქვე, გვ. 13.

⁴ „С половины XVIII в. эти требования стали расти, а внутри самих вольных обществ выделилась феодализирувавшаяся верхушка, присвоившая права прежних феодалов над крестьянами себе“ (იქვე, გვ. 15).

პროფ. პეტრუშევსკი ქარ-ბელაქანში არსებული სოციალური ურთიერთობის დახასიათებისას მხედველობიდან უშვებს ერთ სერიოზულ მომენტს. ესაა აღმოსავლეთ კახეთში ძველთაგანვე გაბატონებული ქართული ფეოდალური ზედაფენისა და აქ ჩამოსახლებულ ავარებზე მისი ზემოქმედების საკითხი. აგრეთვე გათვალისწინებული ვერაა „გალეკების“ პროცესის პერსპექტივები. ამ საკითხების გაუთვალისწინებლობა იწვევს იმას, რომ დასახელებულ ნაშრომში ავტორი საინგილოში არსებულ სოციალურ ურთიერთობას ახასიათებს აღმოსავლეთ ამიერკავკასიის მუსლიმანური რაიონების და დაღისტნის თავისუფალი თემების შინაგანი წყობილების გავლენათა საფუძველზე. ისეთი შთაბეჭდილება იქმნება, თითქოს ავარული „თავისუფალი თემები“ თავიანთი სტრუქტურით აქ პირდაპირ ცვლიან ქართველ მებატონეებს და ეს გარედან მოტანილი სტრუქტურა მიდის დამოუკიდებელი შინაგანი განვითარების გზით.

ჩვენი აზრით, ქარ-ბელაქანის, ე. ი. საინგილოს, საზოგადოებრივი წყობილების დახასიათებისას განმსაზღვრელია ქართული ბატონყმური სისტემა, რომელიც, მიუხედავად ავარულ-წახურული თემების გაბატონებისა და საინგილოს კახეთიდან ჩამოცილებისა, დიდხანს ძალაში რჩება და თავის გავლენას უმორჩილებს აღნიშნულ თემებსაც. ამასთანავე, რა თქმა უნდა, საინგილოს პოლიტიკურ ცხოვრებაში მომხდარ ცვლილებებს სათანადო და საკმაოდ ძლიერი გავლენა აქვს მის სოციალურ-ეკონომიურ ცხოვრებაზე.

გაბატონებული ლეკური თემების დახასიათებისას განსაკუთრებული ყურადღება უნდა მიექცეს ქართული ფეოდალური ზედაფენის საკითხს, რაც უნებლიედ უკავშირდება აღნიშნული თემების წარმოქმნის საკითხს, კერძოდ მის სოციალურ მხარეს.

ზემოთ უკვე ვთქვით, რომ თავდაპირველად ლეკური თემები კახეთის მეფის ხელისუფლებას აღიარებდნენ, მაგრამ შემდეგ, ყიზილბაშთა ბატონობისა და მათი მხარდაჭერის პირობებში ამ თემებმა დაიწყეს ბრძოლა მიწების დაპყრობა-შენარჩუნებისათვის. მე-18 ს. 20-ან წლებში კახეთში გაჩაღებულმა სოციალურმა ბრძოლამ მოკლე ხნით შეაკავშირა ფეოდალური ექსპლოატაციის წინააღმდეგ მებრძოლი გლეხობა და ავარული თემები, რომლებსაც დასაწყისში „უბატონობა“ მოჰქონდათ. მაგრამ შემდეგში, როცა მებატონე თემებად გადაქცეულმა „თავისუფალმა“ თემებმა უკვე აშკარად ბრძოლა გააჩაღეს მიწებისა და ყმების შეძენის მიზნით და კახელი ფეოდალების ადგილის დაკავება დაიწყეს, აღნიშნული კავ-

შირიც დაირღვა. გლეხებმა უკვე ახალ ბატონებს დაუწყეს ბრძოლა.

ამ ბრძოლაში აღმოსავლეთ კახეთში გაბატონებული ფეოდალების ერთი ნაწილი, როგორც ჩანს, აგრეთვე გალექდა და დამპყრობელ ლეკებთან ერთად ებრძოდა კახელ გლეხობას. იმ დროს, როდესაც ლეკობა ყმა-მამულისათვის იბრძოდა და, აღმოსავლეთ საქართველოში ოსმალების გაბატონების პირობებში, კახეთში თავისი ბატონობის შესანარჩუნებლად მაჰმადიანობის ძალით დანერგვის პოლიტიკას მიმართავდა, ბუნებრივია, რომ ბევრი ქართველი მებატონე თავისი ყმა-მამულის დაკარგვის შიშით „გალექდებოდა“, მაჰმადიანობას მიიღებდა და ამ გზით თავის ძველ ბატონობას შეინარჩუნებდა. აქ შეიძლებოდა დაგვენახა კახეთში გაბატონებულ კლასს შიგნით, სამეფო ხელისუფლებასა და თავადობის ერთ ნაწილს შორის, არსებული წინააღმდეგობის გამოვლინებაც. კახელი თავადების ერთი ნაწილის გალექება — გამაჰმადიანების პროცესი, მათი გათქვეფა გაბატონებულ ლეკურ თემებში, თავისი ზოგადი ხასიათით რამდენადმე მიაგავდა სამხრეთ საქართველოს გაოსმალების პროცესს.

ზაქათალის წოდებრივ-საადგილმამულო კომისია მხოლოდ შესაძლებელ მოსახრებას გამოთქვამს მე-18 ს-ნის დამდეგს გაბატონებულ ლეკურ თემებსა და დამორჩილებულ ინგილოურ მოსახლეობას შორის არსებული ურთიერთობის შესახებ. ამ კომისიის მასალებში ნათქვამია, რომ გაბატონებულმა ლეკებმა, შეიძლება, ისეთივე გადასახადებით დაბეგრეს დამორჩილებული გლეხობა, როგორც ქართველ მეფეთა დროს იყო¹.

პროფ. პეტრუშევსკის დადასტურებულად მიაჩნია, რომ ლეკებმა კახეთში შეინარჩუნეს თავიანთი თოხუმურ-ჯამაათური ორგანიზაცია, რომელიც ჩამოყალიბდა დალისტანში პატრიარქალურ-გვაროვნული წყობილების პირობებში. ამავე დროს ისინი არ ცდობლობდნენ აღოსავლეთ-კახეთში არსებული ფეოდალური ურთიერთობის მოსპობას და მკვიდრი მოსახლეობა მათ სასარგებლოდ იხდიდა ისეთივე გადასახადებს, როგორც იყო კახელ ფეოდალთა ბატონობის დროს². შემდეგ ავტორი ამბობს, რომ არა მარტო თავისუფალი თემები, არამედ მათში შემავალი გვარებიც (თოხუმები) ჩამოყალიბდნენ არა დალისტანურ ნიადაგზე, არამედ უკვე კახეთში.

1 ... „возможно, что в основу обложения кешкельными повинностями легли те начала, на коих местное население было обложено при владении гравиянских царей“ (ЦИА Азерб. ССР, ф. 15, оп. 1, л. 24, ф. 57—60).

² პეტრუშევსკი. დასახ. ნაშრ., გვ. 16.

მაგ., ბელაქანში, სადაც კი მიწის მესაკუთრე და პირადად თავისუფალი გლეხები იყვნენ, ისინი მიიღეს ავარულ თოხუმებში. მართალია, ზოგიერთი თოხუმი, — განაგრძობს პეტრუშევსკი, — ატარებდა ისეთსავე სახელს, როგორსაც დალისტანში (თებელი, ჯურმუთი), მაგრამ ეს იმით აიხსნება, რომ აღნიშნული თოხუმებიდან გამოსულებმა თავიანთი სახელი მისცეს ახლად ჩამოყალიბებულ გვარებს¹.

პეტრუშევსკის მოსაზრება, რომ გვაროვნულ-თემური წყობილების დონეზე მდგომმა ავარულმა მოსახლეობამ პირდაპირ, თავისი შინაგანი წყობის შენარჩუნებით დაიკავა ადგილობრივი ფეოდალების ადგილი, ამ ფეოდალთა მონაწილეობის გარეშე, ჩვენ დამაჯერებლად არ მიგვაჩნია. ძნელი წარმოსადგენია, რომ კახეთში, განვითარებული ბატონყმური ურთიერთობის სათავეში, ადგილობრივი ფეოდალური ძალების სრული გამოდევნის თუ უგულვებელყოფის გზით მოქცეულიყვნენ საგვარეულო ორგანიზაციის თანაბარუფლებიანი წევრები. ამ მოსაზრების გასაზიარებლად საჭირო იქნებოდა იმის დამტკიცება, რომ პატრიარქალურ-გვაროვნულ კომუნას, რომელიც აქ, პროფ. პეტრუშევსკის სიტყვებით რომ ვთქვათ, ჯგუფური სენიორიის სახით გამოვიდა და რომელმაც ქართველი ფეოდალების როლი დაიჩემა, კახეთში არსებულ სოციალურ ურთიერთობაში სათანადო ნიადაგი ჰქონდა. ამის დასამტკიცებლად კი, რა თქმა უნდა, არ კმარა იმის აღნიშვნა, რომ მიწის მესაკუთრე და პირადად თავისუფალ გლეხთა გარკვეული ნაწილი ლეკებმა თავიანთ თოხუმებში მიიღეს².

პროფ. პისარევსკისაც დადასტურებულად მიაჩნია, რომ მე-18 საუკუნის დამდეგიდან ავარული თემები ადგილობრივ გლეხთა მიმართ პირდაპირ ცვლიან წინანდელ ქართველ ფეოდალებს³.

¹ იქვე, გვ. 17.

² ასეთი კატეგორიის გლეხები საინგილოში მართლაც უნდა ყოფილიყვნენ. ეს ჩანს ზაქათალის კომისიის მიერ ჩაწერილი ინგილო გლეხთა განცხადებიდან იმის შესახებ, რომ ლეკთა მიერ საინგილოს დაპყრობაზე აქ მყოფი მოსახლეობა „თავისუფალი“ იყო, თუმცა კახეთის სამეფოში შედიოდა (საარქივო საბ. კარბელაქნის შესახებ, გვ. 536). ამ განცხადებაში შეიძლება დაგვენახა ძველი სახასო ყმების ერთი ნაწილის ნახევრად თავისუფალი მდგომარეობა, რაც მათ დასაწყისში სოციალურად დააკავშირებდა ლეკებთან.

კერძოდ ბელაქანში პირადად თავისუფალი და მიწის მესაკუთრე გლეხების უნა დალისტანური თემების აქ გაჩენის პომენტში სავარაუდებელი არაა. ეს კვემთ გამორჩევა.

³ Писаревский Г. Г. Уничтожение в Зикатальском округе зависимых отхошевий... გვ. 94.

მივხედოთ ფაქტებს.

ზაქათალის წოდებრივ-საადგილმამულო კომისია არკვევდა საინგილოში გაბატონებული ფენის წოდებრივ უფლებებს და გამოკვლევის შემდეგ აღგენდა მაღალ წოდებაში დასამტკიცებელ პირთასიებს. კომისიის მასალები მეტად საინტერესო ცნობებს გვაწვდის აღმოსავლეთ კახეთში გაბატონებული ქართული ფეოდალური ზედაფენის შესახებ. ამ საკითხის გარკვევა კი რამდენადმე აადვილებს აღმოსავლეთ კახეთში გაბატონებული „ლეკური თემების“ აღნაგობის წარმოდგენას.

ზაქათალის კომისია აღნიშნავდა, რომ კერძოდ ბელაქანში „წოდებრივსა და მიწისმფლობელურ უფლებებზე ყველაზედ უფრო დიდ პრეტენდენტად გამოდიოდა გალაჯევთა გვარი“¹. ამ მითითებას მოსდევდა საფუძვლიანი ცნობები გალაჯევთა შესახებ: სარწმუნოებრივი გათიშვის შედეგად იყო გალაჯევთა ორი შტო; ერთი — ქრისტიანებისა, მეორე — მაჰმადიანებისა. ქრისტიანული შტოს წარმომადგენელმა ალექსანდრე გალაჯევმა კომისიას განუცხადა, რომ იგი არის თავად ქაიხოსრო ვაჩნაძის ჩამომავალი. ამის დასამტკიცებლად მას წარუდგენია კახეთში მცხოვრებ თავად ვაჩნაძეთა ფიციითი აღთქმა, რომელიც: ჩაქერებული იყო 1862 წ. კომისიის საქმეებში და რომელიც გაითვალისწინა 1872 წ. კომისიამ.

ალექსანდრე გალაჯევი ამტკიცებდა, რომ იგი თავისი შორეული წინაპრის — ადამ ქაიხოსროს-ძე ვაჩნაძის ჩამომავალთაგან V თაობის წარმომადგენელი იყო. სწორედ ეს ადამი ყოფილა, რომელიც გამუსლიმანებულა ლექთა გაბატონების მომენტში და რომელსაც სახელად ალი დაურქმევია.

აქვე უნდა შევნიშნოთ, რომ კომისიამ გალაჯევთა მეორე მაჰმადიანური შტოს წარმომადგენლებიც ალიარა კახელი ვაჩნაძეების მოგვარებლად („оба колена происходят от князей Ваचनाдзе“²). საინტერესოა ისიც, რომ თვით ქარელი ლეკები გალაჯევებს ქარიდან გამოსულებად თვლიდნენ³. თუ გავითვალისწინებდით იმას, რომ ქარელი ლეკები ფართო მებატონური პრეტენზიებით გამოდიოდნენ, მაშინ ამ განცხადებაში შეიძლებოდა დაგვენახა გალა-

¹ „Самыми крупными претендентами на сословные и поземельные права, в сел. Белокани является Фамилия Галаджевых...“ (ცხსა, ფ. 236, აღწ. 1. საქ. № 14, ფურ. № 58, ფურ. 94).

² იქვე, ფურ. № 58, ფურ. 95.

³ იქვე, ფურ. 96.

ჯევეთა გაბატონებული სოციალური მდგომარეობის დადასტურება. ამავდროულად თვალსაზრისით შეიძლება გავიგოთ გალაჯევეთა ერთი შტოს მტკიცებაც, თითქოს ვაჩნაძეები „უპირველესი ლეკური გვარის ჩამომავალნი“ იყვნენ¹.

ბელაქნელი ვაჩნაძეები (გალაჯევეები) აცხადებდნენ, რომ ბელაქანი მათი იყო და ამის დასამტკიცებლად მოჰქონდათ მოწმობები: სენატორისა, გენერალ-მაიორის თავად ერისათვის, გენერალ-მაიორების ქავჭავაძისა და სავარსამიძისა და „კახეთის ყველა თავადისა“.

მე-18 ს. მიწურულს და მე-19 ს. დამდეგს ვაჩნაძეებს, შეიძლება ითქვას, ყველაზე უფრო დიდი ავტორიტეტი ჰქონდათ არა მარტო ბელაქანში, არამედ ქარშიაყ. ეს კარგად გამოვლინდა იმ მომენტში, როდესაც მეფის მთავრობა ქარ-ბელაქნის დასამორჩილებლად სათანადო ზომებს იღებდა. ამ დროს რუსეთის მმართველობა ქარ-ბელაქნის „მფარველობაში“ მიღებისა და მისი დამორჩილების ერთ-ერთ გარანტიად მიიჩნედა უპირველესი გვარების წარმომადგენლებისაგან მძევლების აყვანას და საამისოდ პირველ რიგში ასახელებდა ვაჩნაძეთა საგვარეულოს (ამის შესახებ ქვემოთ).

1830 წლამდე (ეს წელი გარდატეხის წელია გაბატონებულ ლეკთა ცხოვრებაში) გალაჯევეების გვარს მართლაც ყველაზე მეტი ყმა-გლეხები ჰყავდა² და მას დიდი გავლენა ჰქონდა მოსახლეობაზე არა მარტო ბელაქანში, არამედ მეზობელ პროვინციებშიაც. მოჰამედ-მურთუზ-ალი გალაჯევი 1830 წ. აჯანყების ერთი მოთავე იყო, მაგრამ მას შემდეგ, რაც რუსთა რაზმებმა აჯანყებულებს შეუტოეს, ნამდვილი ფეოდალის ბუნების მქონე გალაჯევი რუსთა მხარეზე გადავიდა და, როცა ქარი ბრძოლას განაგრძობდა, იგი უკვე ბელაქანს აშოშინებდა³.

ალექსანდრე გალაჯევემა კომისიას განუცხადა, რომ სოფ. ბელაქანი ჯერ კიდევ „საქართველოს მეფე ლევანმა“ უბოძა ვაჩნაძეებს⁴. ნამდვილად აქ ლევან კახთა მეფე იგულისხმება (1520 — 1574 წწ.).

მეტად საინტერესოა კომისიის ეურნალებში ჩაწერილი, ბელაქნის ვაჩნაძეებში მაშინ შემორჩენილი გადმოცემა, რომელიც ამ კომისიისათვის ალექსანდრე ვაჩნაძეს მოუხსენებია. გადმოცემის

¹ იქვე, ფურ. 104 — 105.

² „Наибольшее число подвластных...“ (იქვე).

იქვე, ფურ. 58, ფურ. 98.

იქვე, 104 — 105.

შინაარსი ასეთია: ბელაქანში ქრისტიანობა სუსტდებოდა იმ დროს, როცა საქართველოს ომი ჰქონდა მუსლიმანებთან, რომლებიც მათ მიერ დაპყრობილ საქართველოს რაიონებში ისლამს ნერგავდნენ. ბოლოს, როცა ლეკებმა კახეთის ის ნაწილი დაიპყრეს, „როქელიც ახლა ზაქათალის ოლქს შეადგენს“, იქ მცხოვრებმა ქრისტიანებმა დატოვეს თავიანთი ქონება და თავი შეაფარეს ისეთ ადგილებს, რომლებიც მუსლიმანებს არ ჰქონდათ დაკავებული. მხოლოდ მდიდრებმა, თავიანთი ქონების შესანარჩუნებლად, ამჯობინეს გამუსლიმანება. ასეთ რენეგატთა შორის იყო ზემოთ აღნიშნული ადამ ვაჩნაძეც. ახალი სარწმუნოების მიღება მხოლოდ გარეგნული იყო და გულში ისინი ინახავდნენ ქრისტიანობას. როცა კავკასიაში ომი დასრულდა, გალაჯევებს შეეძლოთ ძველი სარწმუნოების აღდგენა, მაგრამ მუსლიმან გალაჯევთაგან უკვე აღარავინ ისურვა „დედის ძძუდან შეძენილი მუსლიმანობის“ დატოვება. გალაჯევთა მუსლიმანური შტოს წარმომადგენელმაც დაადასტურა ალექსანდრე გალაჯევის განცხადება და თვითონ დასძინა: „ქრისტიანულმა სარწმუნოებამ მათ გვარში შესამჩნევი დასუსტება დაიწყო მხოლოდ შამილის ხელისუფლების გაძლიერებასთან დაკავშირებით“¹. შემდეგ გადმოცემა ეხება ვაჩნაძეთა ყმა-გლეხებს და აღნიშნავს, რომ ნადირ-შაჰის შემოსევის მომენტში ადამ ვაჩნაძის ქრისტიანი გლეხები გაიქცნენ დასავლეთ კახეთში². როცა სიმშვიდე დამყარდა, ვაჩნაძემ მიიპატრია მულალები ყაზახისა და ბორჩალოს უბნებიდან, აგრეთვე ინგილოები ენისელიდან, გამოიყუო მათ საკარმიდამო და სახნავი მიწები. ამ ყმა-გლეხებს, რომელთაც „რაიათებს“ უწოდებდნენ, მებატონე ვაჩნაძეთადმი ჩვეულებრივი ქართული ბატონყმური რიგის სამსახური დაკისრებიათ. ეს ჩანს მათი ვალდებულების დახასიათებიდან, რომელიც მოცემულია ზაქათალის კომისიის ქურნალში³.

აღნიშნული გადმოცემიდან, რომელიც ისტორიულად გამართლებული ჩანს, უპირველეს ყოვლისა ისაა საყურადღებო, რომ აღმოსავლეთ კახეთში ფეოდალური ზედაფენის გამაჰმადიანების პროცესი, როგორც ზევით ვთქვით, სამხრეთ საქართველოში მომ-

¹ იქვე, უზნ. 58, ფურ. 105.

² ამ გადმოცემას მხარს უჭერს მე-18 ს-ნის ქრონიკა, სადაც ნათქვამია, რომ ყიზილბაშებმა 1735 წ. დაარბიეს ქარი... „сожгли также и весь округ Енисель... область Ениселя опустела“ (Хроника войн Джара, გვ. 21).

³ ცსსა, ფ. 236, აღწ. 1, ფურ. 58. ფურ. 106 — 107.

ხდარი მოვლენების ანალოგიურია. ვაჩნაძეთა გაბაჰმადიანება სწორედ მაშინ ხდება, როცა აღმოსავლეთ საქართველოში ოსმალთა და მათი მხარდაჭერით ლეკები ამ უბანს იპყრობენ. იმავე მომენტში (1727 წ.) ქარელი ლეკები ოსმალების ერთგულ მსახურებად გამოდიან და ოსმალეთის სულტნისაგან აღმოსავლეთ კახეთის (ყანი-ყოხსა და ყარათუბანს შორის მდებარე ტერიტორიის) კუთვნილების სიგელსაც კი იღებენ¹. გარდა ამისა, გადმოცემა გვეუბნება და შემდგომ ისტორიულ მოვლენათა ვითარება რამდენადმე ადასტურებს, რომ ისლამის განმტკიცებას აღმოსავლეთ კახეთში ხელი შეუწყო მიურიდიზმისა და შამილის რეაქციულმა, ოსმალეთის მიერ გაჩაღებულმა, მოძრაობამ.

საყურადღებოა აგრეთვე, რომ „გალეკებული“ ანუ გაბაჰმადიანებული ქართველი ფეოდალი ვაჩნაძე თავისი ყმა-მამულითარსებობას განაგრძობდა უკვე როგორც გაბატონებულ ლეკთა კორპორაციის ერთი თავისებური წარმომადგენელი.

სოციალური ურთიერთობის დახასიათებისათვის არანაკლებ საინტერესოა გადმოცემის მითითება იმის შესახებ, რომ ქართული ქრისტიანული მოსახლეობის გარკვეული ნაწილი საინგილოდან გამოხიზნულა და შემდეგ, როგორც ჩანს, შედარებითი სიმშვიდის დამყარების მომენტში (საფიქრებელია, რომ ეს მოხდებოდა მე-18 საუკუნის შუა წლებში, ან II ნახევარში) ისევ უკან დაბრუნებულა და ეს მომხდარა კვლავ ძველი ფეოდალის მიწვევით. ამრიგად, საინგილოს ზოგიერთ დაცარიელებულ უბნებს, როგორც ვხედავთ, აესებდა ალაზნის გამოღმიდან მოდენილი ნაკადი იმ გლეხებისა, რომლებიც ადრე იქ ცხოვრობდნენ, ან კიდევ იმ გლეხების, რომლებიც ახალ ადგილას მოელოდნენ ბატონყმური უღლის შემსუბუქებას და სარგებლიან მიწის ნაკვეთებს. ასეთ მოძრაობას იმ დროს საქართველოში გაძლიერებული სოციალური ჩაგვრა იწვევდა. გასაგებია, რომ აღნიშნულ მოძრაობაში მაშინ ჩაბმული იყო საქართველოს ტერიტორიაზე მცხოვრები არაქართველი გლეხობაც, კერძოდ ყაზახ-ბორჩალოს მუსლიმანი გლეხები, რომელთა შორის მულალებიც იყვნენ.

ზაქათალის კომისიას ბელაქანში გაბატონებული წოდების პრეტენზიებით ვაჩნაძეთა (გალაჯევთა) 15 ოჯახი წარუდგა². თავად ვაჩნაძეთა გარდა სხვებიც მრავლად იყვნენ.

¹ „Грамоту турецкого правительства лезгини сберегают как святыню и рассказывают о ней с какой то особенной гордостью“ (Посербский. Закавказский округ, газ. „Кавказ“, 1864 г., № 48).

² ცსსა, ფ. 236 აღწ. 1 საქმე № 18 ფურტ. 35.

სოფ. ქარშიაც, გაბატონებულ ლეკთა ამ უპირველეს სოფელში, როგორც ჩანს, თავიანთი ძველი გავლენა არ ჰქონიათ დაკარგული ქართველ ფეოდალებს. XIX ს-ნის 70-ანი წლებისთვის ქარში ჩანდა მუხრანსკების ოთხი ოჯახი, რომლებიც მაღალწოდებაში დამტკიცებისათვის იბრძოდნენ. ამ ოჯახთა წარმომადგენელი იყო კორნეტი (უკვე რუსული მმართველობის დროსაც დაწინაურებული, როგორც ჩანს, თავისი სოციალური მდგომარეობის გაკო) ალი-ალა-ყარდაშ-ოღლი¹.

სოფ. გოგამიდან იყვნენ თავად ქავკავაძეთა წარმომადგენლები — 7 ოჯახი, რომლებიც კომისიას წარუდგინა მოჰამედემინ-მოლა-მოჰამედ-ოღლიმ, იმავე ქავკავაძემ, და პრაპორშჩიკი-მურთუხ-ალის (ასევე ქავკავაძის) შვილმა — ჰაჯიევმა².

ქართული ფეოდალური ზედაფენის წარმომადგენლები მრავლად იყვნენ აგრეთვე, თავისი მნიშვნელობით მესამე (ქარისა და ბელაქნის შემდეგ) ლეკურ სოფელში — თალაში. იქაური თავადი მუხრანსკების 8 ოჯახის წარმომადგენლად მაშინ გამოვიდა რამაზან-ომარ-ოღლი. კომისიის ეურნალებში აღნიშნული თავადები იხსენიებიან „საქართველოდან გამოსულებად“ 200 წლის წინათ. ზოგი აცხადებდა (მაკ. ქავკავაძეები), რომ გადმოსვლის დრო არ გვახსოვსო. ეს გარემოება აღნიშნულ პირთა დიპლომატური მანევრი უნდა ყოფილიყო. ისინი, ჩანს, არც თუ უსაფუძვლოდ ფიქრობდნენ, რომ საინგილოში ისეთი თავადაზნაურების არსებობა, როგორც მეზობელ ქართულ რაიონებში იყვნენ, მეფის მთავრობისათვის მიუღებელი უნდა ყოფილიყო. ისეთ წარმოდგენას ქმნიდა თვით მთავრობა, რომელიც ყველა მათგანს მაღალი წოდების უფლებათა უზურპატორებსა და „ლეკებს“ ეძახდა. ამიტომ აღნიშნული მითითება — „საქართველოდან გამოსული“ — ნაკარანახევო უნდა ყოფილიყო იმით, რომ პრეტენზიებისათვის მეტი საბუთიანობა მიეცათ. რა თქმა უნდა, მათი უმეტესობა ადგილობრივი მკვიდრი იყო. იმავე დროს ეს იმას არ გამოარიცხავდა, რომ ზოგი მათგანი, შეიძლება, აღმოსავლეთ კახეთში მოგვიანებით გადასახლდა მაშინ, როდესაც ამ უბანზე ქართველ მეფეთა ხელისუფლება ვრცელდებოდა.

სოფ. მაწეხის მცხოვრებს ჰასანს, კორნეტ გეროვის შვილს 1872 წ. კომისიისათვის განუცხადებია, რომ მისი ოჯახი ქავკავა-

¹ იქვე, ურნ. № 6, ფურ. 36.

² იქვე.

ვაძეთა გვარს ეკუთვნოდა. ამის დამადასტურებელი დოკუმენტები ქავეჭავაძეს გადაუცია 1862 წლის ზაქათლის კომისიისათვის¹. ამავე სოფლის მცხოვრებს რეჯებ-ოღლი ჰაჯიეგს წარუდგენია დავითისა და ალექსანდრეს ბექდებ-დაკრული მოწმობა. ამ უკანასკნელში აღნიშნული იყო, რომ „ზურაბიშვილები, რომლებიც მაწეხში ცხოვრობენ, ფრიად დარბაისლები არიან და მათი წინაპრები იყვნენ საპატო პირთაგან, რომლებიც უდიდესი მბრძანებლის — ერეკლეს კარზე მსახურობდნენ“. იქვე იყო ნათქვამი, რომ ზურაბიშვილებს ჰქონდათ სიმდიდრე, ჰყავდათ ყმა-გლეხები და ლებულობდნენ ჯამაგირსაც².

სოფ. მაწეხში მცხოვრები გამუსლიმანებული თავადების ერთი ჩამომავალი ჯერ კიდევ 1862 წ. კომისიის წინაშე წამდგარა განსაკუთრებული საბუთებითურთ. მისი მუსლიმანური სახელი იყო საფარ-შაბან-ოღლი. მან განაცხადა, რომ იგი და მისი ამომრჩეველები არიან თავადიშვილები, ჩამომავალნი იმ თავადისა, რომელიც „გადასახლდა“ სოფ. მაწეხში, საიდანაც ქარელებთან დასხვა თემების აღალარებთან ერთად მონაწილეობდა სახალხო მმართველობაში. მან წარმოადგინა სათანადო საბუთებიც, რომლებიც გაუციათ წინათ ცნობილ თავადებს — საფარ-შაბან-ოღლის გვარი ხალხში ცნობილი ყოფილა „თავადუშაშის“ ანუ „თავადიშვილის“ სახელით. რუსთა მიერ ქარბელაქნის შემოერთების შემდეგ, კომლობრივი აღწერის დროს ეს გვარი შემთხვევით მოხვედრილა სახაზინო გლეხთა რიცხვში, თუმცა „თავადუშაშს“ მიწებიცა და საქეშქელო შემოსავალიც ჰქონია. 1862 წ. კომისიამ განიხილა აღნიშნული თავადის საქმე და მიიღო მხედველობაში 1818 წ. 10 დეკემბერს გაცემული ქართული საბუთი შიხიან-თავად-ოღლის სახელზე, რომელსაც ხელს აწერდა 14 ქართველი თავადი. ყველა ხელმოწერა დამოწმებული იყო იოსებ მელიქოვის მიერ³. კომისიამ აღნიშნული პირი მაღალი წოდების წარმომადგენლად სცნო⁴.

¹ ცსსა, ფ. 236, აღწ. 1, ქურნ. № 45, ფურ. 23 — 33.

² იქვე, დავითისა და ალექსანდრეს სახით, ჩანს, იგულისხმებიან ერეკლე მეფის მემკვიდრეები.

³ თავადები ადასტურებდნენ, რომ ივანე-თავადი ბავშვობიდანვე იზრდებოდა გიორგი მეფესთან, იგი ამ უკანასკნელმა მონათლა, მასთან მსახურობდა შესაწოდელ (княжарь) და სათანადო ჯამაგირიც ჰქონდა.

ცსსა, ფ. 236, აღწ. 1, საქ. № 13, ქურნ. 45, ფურ. 23 — 33.

აქვე უნდა შევნიშნოთ, რომ რუსთა მიერ ქარ-ბელაქნის შემოერთების მომენტში (1830 წ.) გაბატონებული კლასის დიდი ნაწილი მთავრობამ სახაზინო გლახა რიგში მოაქცია. უმეტეს შემთხვევაში ეს მოხდა მათი სოციალური მდგომარეობის გაუთვალისწინებლად. ასე რომ აღნიშნული თავადის, თუ სხვა ქართველი თავადების ასეთი ბედი ქარ-ბელაქანში გაბატონებულ წოდებას საერთოდ ახასიათებდა.

დამახასიათებელია აგრეთვე ქელეფთართა გვარის წარმომადგენლების პრეტენზიები. სოფ. ბაზარში ყოფილა ქელეფთართა 3 ოჯახი, ხოლო სოფ. თალაში — 17. კომისიის წინაშე წარდგა გამუსლიმანებული რამაზან-ნური ოღლი, როგორც თავისი გვარის რწმუნებული. მას წარმოუდგენია დოკუმენტები თავისი მოგვარის — მერიმას სახელზე. ეს მერიმა ქელეფთარი, იმ დროს, როცა აღმოსავლეთ ამიერკავკასიაში სპარსელები ბატონობდნენ, ყოფილა „ენისელის ლეკური საზოგადოების მმართველი“. ასე ჩყო ნათქვამი მის სახელზე გაცემულ ერთ საბუთში¹. აღნიშნული ტიტულატურა გულისხმობდა ქელეფთარის პრივილეგირებულ სოციალურ მდგომარეობას და ვასაგებია, რომ მის ჩამომავალთა პრეტენზია ბეგის წოდებაზე უსაფუძვლო არ ყოფილა.

გარკვეულ ინტერესს იწვევს სოფელ ალიაბათის მცხოვრებთა ერთი ნაწილის ცდა მაღალი წოდების უფლებათა მოსაპოვებლად. სოფ. ალიაბათი ყველაზე უფრო დიდი ინგილოური სოფელი იყო აღმოსავლეთ კახეთში. ალიაბათი მთლიანად წარმოადგენდა გაბატონებულ ლეკთა მიერ სოციალურად დამონებულ სოფელს, რომლის მცხოვრებთ ბატონყმური რიგის სამსახური ეკისრათ. XIX ს-ნის 70-ანი წლებისთვის აღარ იყო გასაკვირი, რომ გლახთა შიგნით განვითარებადს სოციალურ დიფერენციაციას წარმოეშვა პრივილეგირებული, ქონებრივად დაწინაურებული ელემენტები, რომელთაც აღნიშნული პრეტენზიების მატერიალური საფუძველი ჰქონდათ. მაგრამ ამასთანავე საინტერესო იყო ისიც, რომ ალიაბათელ პრეტენდენტთა რიგებში იყვნენ ისეთებიც, რომლებიც სათანადო დოკუმენტებით ადასტურებდნენ მაღალი წოდებისადმი კუთვნილებას. ასეთი იყო, მაგალითად, ასისტენისშვილთა რამდენიმე ოჯახი, რომელსაც ჯერ კიდევ 1862 წ. კომისიისათვის ერეკლე მეფის მიერ ამ გვარისათვის 1797 წ. მიცემული სიგელიც კი წარუ-

¹ ცსა, ფ. 236, აღწ. 1, საქ. 18, ფურ. 63 — 64. ხაზი ჩენია.

დგენია¹. არსებული მასალები არ გვაძლევს საშუალებას, რომ ვარკვიოთ ასისტევის შვილთა სოციალური მდგომარეობა სწორედ იმ მომენტში, როცა ისინი აღნიშნული პრეტენზიით გამოდიოდნენ.

აღნიშნული ფაქტი და, მასთან ერთად, ინგილოთა ერთი ნაწილის მიერ ძველი პრივილეგირებული მდგომარეობის აღდგენის ცდები შეიძლება იმის დამადასტურებელი იყოს, რომ აღმოსავლეთ კახეთში ქართული ფეოდალური ზედაფენის გარკვეულ ნაწილს თავისი ძველი პრივილეგირებული სოციალური მდგომარეობა ვერ შეუნარჩუნებია.

ქართული ფეოდალური ზედაფენის წარმომადგენელთა რაოდენობა, რა თქმა უნდა, აღნიშნულით არ ამოიწურებოდა. ბევრი გვარი შთამომავლობამ დაივიწყა, ბევრის შესახებ კი ცნობები არ გავვაჩნია. ზაქათალის კომისიამაც მალალი წოდების ბევრი მაძიებლის პრეტენზია, არც თუ ისე უსაფუძვლო, უკუაგდო და თავის ჟურნალებში სრულიადაც არ მოიხსენია ისინი. ამის მიზეზი ისიც იყო, რომ ბევრ მათგანს სათანადო საბუთები არ გააჩნდა. გავიხსენოთ, რომ საქართველოს სხვა რაიონებშიაც, როდესაც მთავრობა თავადაზნაურებს წოდებებში წამტკიცებდა, ბევრ მათგანს სათანადო საბუთები არ აღმოაჩნდა. ეს ჩვეულებრივი მოვლენა იყო.

ბელაქანში გაბატონებულ ვაჩნაძეთა გარდა ყოფილან კიდევ ერისთავები, რომლებიც ნასტავალოვების გვარით გამოდიოდნენ².

როგორც ვხედავთ, ქართული ფეოდალური ზედაფენა წარმოდგენილი იყო სწორედ იმ მთავარ ლეკურ სოფლებში, რომლებიც დღეისთვის არსებულ ლიტერატურაში ცნობილი არიან „გაბატონებული ლეკური თემების“ სახელით. ხაზგასასმელია ისიც, რომ აღნიშნული ფენის ძირითადი ნაწილი საინგილოში ძველიდანვე არსებობდა. მან თავისი გაბატონებული მდგომარეობა შეინარჩუნა „ლეკური თემების“ გაჩენის დღიდანაც.

არსებული წყაროები საშუალებას არ გვაძლევს, დავახასიათოთ ზემოთ ჩამოთვლილი „თავადიშვილების“ სოციალური ბუნება. გამონაკლისს შეადგენს მხოლოდ ვაჩნაძეთა საგვარეულო, რომელიც ქართული ბატონყმური სისტემის ტიპიურ წარმომადგენლად გვევლინება ბელაქანში. სხვა საგვარეულოების მებატონურ უფლებათა სათანადო დახასიათებისათვის ცნობები არ მოგვეპო-

¹ საარქივო საბუთები კარ-ბელაქანის შესახებ, გვ. 534 — 535.

² ხ. ედილი. დასახ. ნაშრ., გვ. 139.

ვება. ეს გარემოება დამაფიქრებელია და იმაზე მიგვიბრუნებს, რომ ვაჩნაძეთა გარდა სხვებმა მხოლოდ ნაწილობრივ შესძლეს განსხვავებული პრივილეგიების შენარჩუნება და ავარებთან ერთად განაწილეს თავიანთი გაბატონებული მდგომარეობა. ამ შემთხვევაში ეს ძველი ქართველი თავადიშვილები (მუხრანსკი, ერისთავი, ქავჭავაძე...) მებატონე ლეკური თემის — „არისტოკრატიული რესპუბლიკის“ სრულფლებიან წევრთა რიცხვში უნდა მოხვედრილიყვნენ. მიუხედავად ამისა, ზემოთ ჩამოთვლილი ქართული ბატონყმური ელემენტები ის მნიშვნელოვანი და, შეიძლება ითქვას, სერიოზული სოციალ-კულტურული ძალა იყო, რომელსაც საინგილოში ჩამოსახლებული ავარ-წახურების თოხუმურ-ჯამაათური წყობილება სწრაფი ტემპით უნდა დაერღვია და თავისი გავლენის ქვეშ მოექცია.

ლეკურ თემებს თავიანთი შინაგანი თოხუმურ-ჯამაათური სტრუქტურის სრული შენარჩუნებით არ შეეძლოთ ქართული გაბატონებული ზედაფენის შეცვლა. ქართული ფეოდალური ზედაფენა აღმოსავლეთ კახეთში, თუმცა არა ძველი სიძლიერით, მაგრამ მაინც, გალექება-გამუსლიმანების გზით, რამდენადმე ინარჩუნებდა თავის პრივილეგიებულ მდგომარეობას და არსებული ბატონყმური ურთიერთობის ნორმებს.

ზემოთ მოტანილი მასალის გარდა ბევრი რამ უქერს მხარს აღნიშნულ დებულებას. დამახასიათებელია, რომ 1846 წ. ოფიციალურ პრესაში გამოქვეყნებული ერთი წერილის ავტორი აღმოსავლეთ კახეთში XIX საუკუნემდე არსებულ სოციალურ-ეკონომიურ წყობილებას წარმოადგენს ისე, როგორც ტიპიურ ქართულ ბატონყმურ სისტემას¹.

ეს გარემოება ჩვენ არ მიგვაჩნია შემთხვევით მოვლენად. სხვა რომ არა იყოს რა, ეს ვრცელი და ანგარიშგასაწევი წერილი კიდევ ერთხელ გვიკარნახებს, რომ ხალხის საშინაო ცხოვრების დახასიათებისას ძალზე ფრთხილად უნდა მოვეკიდოთ გარედან მოტანილ სქემებს.

გაბატონებული ზედაფენის გალექება-გამუსლიმანებაში ჩვენი აზრით, უმთავრესად იგულისხმება საარწმუნოებრივი მომენტი და მიწისმფლობელობის წესზე თავისებური გავლენა. სხვა მხრივ ძველი ქართველი ფეოდალის ბუნება თითქმის უცვლელი რჩება და იგი სოციალურად მნიშვნელოვანი ელემენტებით რამდენადმე იმორჩილებს ე. წ. თავისუფალ ლეკურ თემებს.

¹ Джаро-Белаканцы до XIX века („Кавказ“, 1846 г., № 2 — 3).

აქვე შეიძლება მივეუთითოთ ერთ არც თუ ისე უმნიშვნელო მომენტზე, რომელიც ქართულ სოციალურ ყოფას ახასიათებდა. გოგამელ ლეკებს განუცხადებიათ ზაქათალის კომისიისათვის, რომ ყოფილა შეძთხვევები, როცა მამა ქილიშვილის გათხოვებისას მას მზითევს გამოუყოფდა და უძრავ ქონებასაც მიათვლიდა¹ ამასთანავე საყურადღებოა, რომ გაბატონებული ზედაუენის პირად ცხოვრებას აღმოსავლეთ კახეთში საერთოდ ქართველ მებატონეთათვის დამახასიათებელი თვისებები ახლდა².

4. „ლეკური“ თემების შინაგანი წყობილების საკითხისათვის

საკიროა მოკლედ გადავავლოთ თვალი საკითხს, თუ როგორი იყო „ლეკური“ თემების დამოკიდებულება კახეთის სამეფოსადმი და როგორ გადაგვარდნენ ეს თემები ბატონყმური კახეთის ზემოქმედების შედეგად. ეს გაგვიადვილებს თემების შინაგანი წყობილების დახასიათებას.

ჩვენ ზემოთ უკვე დავიმოწმეთ აკად. ნ. ბერძენიშვილის მითითება, რომ „ქარში ლეკები ჯერ კიდევ მე-16 საუკუნეში გაჩნდნენ, აქ ისინი კახთა მეფეების ნებართვით მათ ყმებად სხდებოდნენ“³.

ლეკთა ყმური მდგომარეობა დასაწყისში, როგორც ჩანს, მსუბუქი ვალდებულებით განისაზღვრებოდა. ჯერ კიდევ ლევან კახთა მეფის დროს (1520 — 1574), ცნობილი ვახუშტის გადმოცემით, ყმა-ლეკებს ევალებოდათ ზაფხულობით ყინულის ჩამოტანა კავკასიონიდან. ვახუშტისავე თქმით, ასეთი მდგომარეობა იყო ვიდრე არჩილის მეფობამდე (ჩანს, იგულისხმება არჩილის მეფობა კახეთში 1664 — 1675 წწ.)⁴. შემდგომი პერიოდისთვის ვახუშტი თითქმის გულისხმობს, რომ ლეკები იწყებენ კახთა მეფის ყმური დამოკიდებულებისაგან განთავისუფლებას — „შემდგომად იწოდა ქარი, და ყვეს სიმაგრე, და იქმნენ სახელოვან ბრძოლათა შინა“⁵.

¹ ცსსა, ფ. 236, აღწ. 1, საქ. № 13, ყურნ. № 45, ფურ. 23 — 33.

² იქვე.

³ საქ. ისტ., 1946 წ., გვ. 370, ხახი ჩვენია.

⁴ ვახუშტი. აღწერა სამეფოსა საქართველოსა. თ. ლომაურისა და ნ. ბერძენიშვილის რედ. თბილისი, 1941 წ., გვ. 96.

⁵ იქვე, გვ. 96.

ჩამოსახლებულ ლეკთა ყმური ვალდებულების ერთი სერიოზული პირობა უდავოდ იყო მოლაშქრობა, რომელსაც მათ კახეთის მეფე აკისრებდა. დალისტნიდან გადმოსასვლელი გზების დაცვას კახთა მეფეებისათვის დიდი მნიშვნელობა ჰქონდა. ამ გზებით მოდიოდნენ კახეთში დალისტნელი აბრაგები. მე-16 საუკუნის შუა წლების შემდეგაც, საფიქრებელია, სამეფო ხელისუფლება გარკვეულ დრომდის არ ეწინააღმდეგებოდა ლეკთა ჩამოსახლებას კავკასიონის სამხრეთ კალთებზე. ხშირად, შინაფეოდალური ომის დროს, ეს ლეკობა გარკვეულ ძალას წარმოადგენდა ამა თუ იმ ფეოდალის ხელში, როგორც დაქირავებული რაზმი. ანგარიშგასაწევი ჩანს მაიორი ყორღანოვის განცხადება (1831 წ.), რომ დასაწყისში თვით კახელების მოწვევით ლეკები დასახლდნენ ელისენის დასავლეთ ნაწილში და „იკისრეს დაეცვათ ქარის პროვინცია თავიანთი თანამემამულეებისაგან“¹. მართალია, ლეკ მომთაბარეებზე დანდობა ძნელი საქმე იყო, მაგრამ დასაწყისში, გარკვეული შეთანხმების საფუძველზე ასეთი რამ, როგორც ჩანს, კახთა მეფეებს სახიფათოდ არ ეჩვენებოდათ. ამას ადასტურებს 1862 წ. ზაქათლის კომისიაც, რომლის ერთ ეურნალში ნათქვამია, რომ ქარელი ლეკები ხშირად კრავდნენ პირობას მეზობლებთან, რომ დაიცავდნენ მათ დალისტნელებისაგან და რომ თვითონაც ხელს აიღებდნენ თავდასხმებზე². ლეკებთან ასეთი შეთანხმება სახიფათო რომ იყო, ეს ცოტა უფრო მოგვიანებით გახდა საგრძნობი, როცა ლეკური მოსახლეობა აქ მომრავლდა.

როგორც ზემოთ მოტანილი ფაქტებიდან ჩანს, მე-17 ს-ნის 70-იან წლებამდე აღმოსავლეთ კახეთში ჩამოსახლებული ლეკებზე გვანან საქართველოს მთიანეთის სახასო ყმა-გლეხებს, რომელთაც ლაშქრობა და სამსახური ეკისრათ. კავკასიონის სამხრეთ კალთებზე ჩამოსახლებული დალისტნელები, როგორც მთის ტომები, ინარჩუნებდნენ ასეთ, ნახევრად-თავისუფალ მდგომარეობას. ამავე დროს აქ გაჩენილ დალისტნელთა სოფლებს შეეძლოთ ტომობრივ-თემური წყობილების შენარჩუნება.

¹ Линден В. К. Высшие классы коренного насел. Кавк. края, стр. 96.

² „Случалось, что они заключали условия с соседями для ограждения их от вторжения дагестанских горцев столько и от собственных своих набегов, чему примером служит имеющееся в докладе комиссии условие закатальских лезгин с царями и вельможами кахетинскими, представленное чарахлинскими и мухахскими жителями“ (სარკ. საბ. კარ-ბელაქნის შესახებ, გვ. 506).

ზემოთ უკვე მივუთითეთ დალისტნურ ტომთა შინაგანი წყობილების ზოგად ხასიათზე და აღენიშნეთ, რომ ისინი განვითარების დაბალ საფეხურზე იდგნენ. ამ ტომების წარმომადგენლები კახეთში თავდაპირველად ჩამოდიოდნენ, როგორც მწყემსი მომთაბარეები, რომლებიც აქ ბინადარი ცხოვრების ინტენსიურ სამეურნეო კულტურას ეცნობოდნენ. ამავე დროს დალისტნელები (კახთა მეფეების ნებართვით) სახლდებოდნენ კახეთის ზეგნებზე, კავკასიონის მთის ძირა ზოლში და ეწყობოდნენ ტომობრივ-თემურ ყაიდაზე. თემის არსებობის პირობა კი გახდა „სამხედრო და სალაშქრო ორგანიზაცია“¹, რომლითაც მან მალე ბრძოლა გააჩაღა გაფართოებისათვის და ხელსაყრელი ვითარების შექმნისას იწყო, ახლომახლო სოფლების დაპყრობა. ამავე დროიდან დაიწყო მათი ტომობრივ-თემური წყობილების გადაგვარება.

„დალისტნელი მოახალშენეები ახალ მიწაზე, ქართულ სოფლებში, იმავე წესით ეწყობოდნენ, როგორც მათ მთაში ჰქონდით, — გვარებად, თემებად (თოხუმებად, ჯამაათებად). ადგილობრივ ქართველ მოსახლეობას ეს პირველყოფილი მოახალშენეები ან „ძმად შეიყრიდნენ“, ე. ი. გაამაჰმადიანებდნენ და თავიანთი თემის (ჯამათის) წევრად მიიღებდნენ, ან „ურწმუნოებს“, მონებად დაპყიდნენ“².

მე-17 საუკუნის მიწურულსა და მე-18 ს-ნის I ნახევრის სამხედრო-პოლიტიკურ მოვლენებში ქარელი ლეკები წახურ-ელისუს სულტნისა და შამახის მმართველების ბრმა იარაღად გამოდიან და მათი წაქეზებით თავს ესხმიან კახეთს. ქარის პოლიტიკური დამოუკიდებლობა ჯერ კიდევ არ ჩანს.

„ქარის ომების ქრონიკის“ ავტორი, რომელიც მე-18 ს-ნის I ნახევრის შეტაკებათა შესახებ მოგვითხრობს, ცდილობს გააზვიადოს საკუთრივ ქარის როლი, წარმოგვიდგინოს იგი, როგორც დამოუკიდებლად მოქმედი ერთეული. ეს ავტორი, როგორც ჩანს, თვითონ ქარელი ლეკია და ზოგიერთ ფაქტს ხელოვნურად აფერადებს. მაგ., 1707 წ. კახელებთან ერთი ბრძოლის დროს იგი წერს რომ დაიხოცა 24 ქარელი და 400-მდე „ურწმუნო“³; 1739 წ. მომხდარი შეტაკების შესახებ ნათქვამია, რომ ქარ-თალადან 10 კაცი დაიღუპა, ყიზილბაშთაგან კი 300-მდე⁴. მიუხედავად ამისა,

¹ კ. მარქსი. კაპიტალისტური წარმოება: 1952 წ., გვ. 13.

² ნ. ბერძენიშვილი. აღმოსავლეთ კახეთის წარსულიდან, გვ. 81.

³ Хроника войн Джара, გვ. 9.

⁴ იქვე, გვ. 32.

5. მ. ღუმბაძე

ქრონიკის ავტორი ლეკური თემების საშინაო წყობილების დახასიათებისათვის გვაძლევს ისეთ მითითებებსაც, რომლებიც უნდა გავითვალისწინოთ.

მე-18 საუკუნის 20-ან წლებში კახეთში მაჰმადიანური ტომების შემოსევათა შედეგად დროებითი გამარჯვებისას ქარისა და თალას თემები „იყოფენ მიწებს“ გურჯაანს იქით. ამის მიზეზი ხდება ის, რომ დაპყრობილმა მოსახლეობამ უარი განაცხადა ისლამის მიღებაზე¹.

„ტომობრივ წყობილებაზე (რაც თავდაპირველად იმასვე ნიშნავდა, რასაც კოლექტიური წყობილება ნიშნავს) დამყარებული საკუთრების ძირითადი პირობა — ტომის წევრობა — ტომის მიერ დაპყრობილ, დამორჩილებულ უცხო ტომს საკუთრებას მოკლებულად ხდის და თვითონ მას თავის კვლავ წარმოების იმ აზროვნებას უპირობა თანრიგში აქცევს, რომელთაც კოლექტივი ისე ეპყრობა, როგორც თავის საკუთრებას“².

მარქსის ეს სიტყვები შეიძლება მიახლოებით მივეყენოთ აღმოსავლეთ კახეთში მომხდარ მოვლენას, იმ განსხვავებით, რომ აქ თავს იჩენს იდეოლოგიური მომენტი — ისლამი, რომელიც მიწისმფლობელობის შენარჩუნების პირობად გვევლინება. დაღისტურმა ტომმა არა მარტო წაართვა მიწა მკვიდრ მოსახლეობას, არამედ ეს მოსახლეობა თავის ისეთსავე საკუთრებაში მოაქცია, როგორც წარმოების ბუნებრივი პირობები, დაიმორჩილა და დაიმონა იგი.

1728 წ. ქარ-თალაელები თითქოს კვლავ „ზავს სდებენ“ ოსმალეთთან, სულტანს თხოვენ მფარველობას და მიწებსაც — „отвести им место для поселения“. სულტანიც აკმაყოფილებს მათ თხოვნას³. იმავე წელს საყურადღებოა აგრეთვე „მიწების გაყოფა“, რაც მომხდარა უკვე არა თემებს შორის, არამედ საკუთრივ ქარელებს შორის („Джарцы вновь поделили земли“)⁴. ეს გარემოება თითქოს მიგვითითებს ლეკთა შიგნით კერძო მიწისმფლობელო-

¹ იქვე, გვ. 10.

² კ. მარქსი. კაპიტალისტური წარმოების წინამორბედი ფორმები, 1952 წ., გვ. 36 — 37.

³ Хроника войны Джара, გვ. 13.

⁴ იქვე, გვ. 13.

ბაზე. საკარმიდამო საკუთრება კი უქველია. ეს ნიშნები ახასიათებდა დაშლის გზაზე მდგარ ტომობრივ-თემურ ორგანიზაციას.

1729 წ. ქიზიყელებმა სასტიკად დაამარცხეს ჭარელები. ამასთან დაკავშირებით ქრონიკა გადმოგვცემს: „იმ დროს არ დარჩენილა არც ერთი ჭარელი და თალაელი, რომელიც თავისი ოჯახითა და ქონებით მთაში არ გაქცეულიყოს“¹. აქ ჩანს, რომ დაღისტნური ტომების გაბატონება საინგილოში ჯერ კიდევ მტკიცე არ ყოფილა. საინტერესოა აგრეთვე საკითხი ლეკური თემების პოლიტიკური დამოუკიდებლობისა, რომელსაც კავშირი აქვს ამ თემთა შინაგან წყობილებასთან.

ზემოთ დასახელებული ქრონიკის ავტორი ამჟღავნებს კიდევ ერთ საინტერესო მომენტს: სურხაი-ხანი (შამახიის მმართველი) ითხოვს „ოლქისაგან“ („от области“) ჯარებს, რომლებიც გამოდიან კიდევ. ამის შემდეგ იგივე ხანი გადააყენებს წახურ-ელისუს სულტანს მუჰამედ-ბეგს, რომელსაც მან აღრე შაქი წაართვა და მხოლოდ კახი დაუტოვა და მის მაგიერ ნიშნავს ხალილ-ბეგს. ქრონიკის ავტორი საჭიროდ თვლის იქვე აღნიშნოს, რომ სურხაი-ხანსა და ხალილ-ბეგს ემორჩილებოდა „მთელი ოლქი, ჭარის გარდა“². „მთელი ოლქიდან“ აქ გამოყოფილია მხოლოდ ერთი სოფელი — ჭარი. იგივე ავტორი აცხადებს, რომ სულტანმა ჭარ-თალაელებს დაუმტკიცა „მთელი ოლქი“ გვაზის-წყალსა და ყაფი-წყალს აქეთ. აქ, როგორც ვხედავთ, ჭარი და თალა ერთად არიან. ამავე დროს ყველას, გარდა თვით ჭარისა, სურხაი-ხანის მოთხოვნით ჯარი გამოყავს კიაურთან³. იქვე, ქვემოთ, ქრონიკა გვაუწყებს, რომ სურხაი-ხანი და ხალილ-ბეგა ხშირად მოფერებით იბარებდნენ ჭარელებს, მაგრამ ჭარელები მათთან არ მიდიოდნენო. აქაც ჩანს, რომ ქრონიკა ჭარელების დამოუკიდებლობის გამოჩენას ცდილობს, მაგრამ ეს დამოუკიდებლობა სადავოა: ფაქტიურად ჭარი დამოკიდებულია სურხაი-ხანზე.

¹ იქვე, გვ. 15.

² „... вся область кроме Джара“ (იქვე, გვ. 16).

³ შეადარე „ქრონიკის“ მე-13 და მე-16 გვერდები.

აღნიშნული ფაქტი, ვფიქრობთ, იმის დამადასტურებელია, რომ ქარ-თალას მუსლიმანი ლეკები სურხაი-ხანისა და წახურ-ელისუს სულტნის მარბიელ მოლაშქრე მსახურთა როლში გამაძლიოდნენ.

1735 წ., როცა ქარ-თალას არბევდნენ ირანის მბრძანებლის ნადირის რაზმები, ქარელებმა მას გაუგზავნეს, ხარკის ანგარიშში, ტყვეები, „მეტწილად მონები, განთავისუფლებულნი და მუშები“¹. როგორც ვხედავთ, „თავისუფალ“ მოთემებს ჰყოლიათ ტყვე-მონები და, შეიძლება ამავე წრიდან გამოსული ყმა-მსახურებიც, რომლებიც ქრონიკაში „მუშების“ (рабских) სახელით არიან წარმოდგენილი.

მიუთითებს რა ტომობრივ წყობილებაზე დამყარებული საკუთრების ძირითად პირობას, როდესაც გამარჯვებული ტომი დამორჩილებულს ისეთივე საკუთრებად გაიხდის, როგორც მაგ., მიწას, კ. მარქსი დასძენს: „ამიტომ მონობა და ყმური დამოკიდებულება ტომობრივ წყობილებაზე დამყარებული საკუთრების განვითარების მხოლოდ შემდგომი საფეხურებია. ისინი მას აუცილებლად უცვლიან ყველა ფორმას“².

მონობა და ყმური დამოკიდებულება, რომელიც შეიქრა ქარ-თალას ტომობრივ წყობილებაში, და ამასთანავე ბატონყმური კახეთის გავლენა იმის მაჩვენებელი იყო, რომ აღნიშნული თემების გადაგვარების პროცესი უკვე სრულდებოდა.

მე-18 საუკუნის 30-იანი წლების ქრონიკისეული ცნობები გარკვევით არას გვეუბნება საინგილოს გლეხობაზე ქარ-თალას ლეკთა ბატონობის შესახებ, თუმცა ეს ბატონობა ამ დროს უკვე ფაქტი იყო. ოღონდ გასათვალისწინებელია ამ ეტაპზე ლეკთა ბატონობის ფორმები, რომლებიც ჯერ კიდევ ჩამოყალიბების პროცესში არიან. ქრონიკის ცნობები გვაფიქრებინებს, რომ ამ დროს ლეკური თემების გავლენის სფეროში ჯერ კიდევ არ შედიოდა პურეულის ბაზა — ენისელი. ამის მთავარი მიზეზი შეიძლება ის იყოს, რომ ბრძოლამ კახელ გლეხებსა და ახლად გაბატონებულ ლეკებს შორის საკმაოდ ხანგრძლივი და

¹ „... большую часть рабов, вольноотпущенных и рабочих“ (Хроника, გვ. 20).

² კ. მარქსი ი. კაპიტალისტური წარმოების წინამორბედი ფორმები, გვ. 36—37.

მძაფრი ხასიათი მიიღო. ამ მოსაზრებას მხარს უჭერს ის გარემოება, რომ ჭარელებს პური არ ჰქონდათ. კახეთიდან პურის მიღების გარეშე არსებობა მათ არ შეეძლოთ, ხოლო პურეულის მეორე ბაზა, კახის უბანი კი წახურ-ელისუს სულტნისა იყო.

1730 წ. ჭარსა და სულტანსა ერთის მხრით და კახეთის მეფე კონსტანტინეს შორის (1722—1733) მეორე მხრით დადებული ზავის მთავარი პირობა იყო ჭარისათვის პურის მიყიდვა¹. 1735—1736 წლებში დამშეული ჭარელები იჩქარიან თეიმურაზ მეფესთან ზავის დადებას, რათა პური მიიღონ².

ქრონიკის ცნობა 1738 წ. ჭარ-თალაელთა მიერ შაქისა და წახურ-ელისუს სულტნის დამორჩილება-დახარკვის შესახებ გულისხმობს ეპიზოდურ შემთხვევას, რაც ნადირ-შაჰის ჯარებზე დაღისტენელთა გამარჯვებას მოჰყვა³.

1741—1742 წლებში, ჩანს, თეიმურაზ მეფეს დაუმორჩილებია ჭარ-თალა. მეფეს წამოუყვანია მძევლები: ჭარიდან—9, თალადან—6, ხაჩოდან(?)—4. ბელაქანი, ჯინიხი, მუხახი, კატეხი, როგორც თანაბარუფლებიანი თემები, ჯერ კიდევ არ ჩანან. იქვე ნათქვამია, რომ „ჭარელები და თალაელები ხშირად მგზავრობდნენ გავაზში, ყვარელში, ქიზიყსა და სხვა სოფლებში, რომ იქ შეესყიდათ პური, სიმინდი და მარლი“⁴.

იმ დროს, როდესაც თეიმურაზ მეფეს ჭარისთვის ეკონომიური ბლოკადა გამოუცხადებია, ქრონიკის ცნობით, „სიმშობის გამო ჭარისა და თალასაგან გავაზსა და ქიზიყში თავიანთ ნაცნობებთან წავიდა ყველა კაცი, ქალი, ბიჭი და გოგო; იქ ერთნი ღორებს მწყემსავდნენ, მეორენი მათხოვრობდნენ, მესამენი ხელზე მოსამსახურედ დგებოდნენ...“ ასე იყო 1744 წლამდე⁵. აქ თითქოს ცხადად ჩანს, რომ ჭარისა და თალას „ლექური“ თემების შემადგენლობაში ქართველებიც იყვნენ. სხვაგვარად წარმოუდგენელია ასეთი მასობრივი „ნაც-

¹ Хроника войн Джара, გვ. 15.

² იქვე, გვ. 25.

³ იქვე, გვ. 30.

⁴ იქვე, გვ. 36.

⁵ იქვე, გვ. 40.

ნობობა“. გარდა ამისა ჩანს, რომ თემებს ერთიანი პოლიტიკური ორგანიზაცია და დამოუკიდებლობა ჯერ კიდევ არ უნდა ჰქონოდათ.

1743—1744 წლებში თეიმურაზსა და ჭარელებს შორის მშვიდობა და ჭარელებს ხორბლის შესყიდვის საშუალება ეძლევათ. 1747—1748 წლებში, ქრონიკის მტკიცებით, იბრეიმ მირზა „ქარსა და თალას აძლევს“ ენისელის მფლობელობის სიგელს¹. ეს მომენტი, თუმცა კონფორმალური, ეგებ მართლაც იყო დასაწყისი ინგილოურ სოფლებზე. ჭარ-თალაელთა ბატონობის განმტკიცებისა. ადრე ჭარ-თალაელებს მიღებული ჰქონდათ ოსმალეთის სულტნის სიგელი, რომლითაც ისინი იმტკიცებდნენ ყაფი-წყალსა და ყარათუბანს შორის მდებარე მიწა-წყალს. მაგრამ ოსმალთა დამხობის შემდეგ მათ მიძიმე დღე დაუდგათ. სამაგიეროთ, ახლა მათ შემწედ აღმოჩნდა ირანის შაჰის ტახტის მაძიებელი იბრეიმ-მირზა. მაგრამ თავი და თავი აქ მაინც ის იყო, რომ ამ დროს, როგორც ჩანს, საკმაოდ ხანგრძლივი ბრძოლა ავარ-წახურებსა (ქართული ფეოდალური ზედაფენის ერთი ნაწილი მათთანაა) და საინგილოს მკვიდრ ქართველ გლეხებს შორის ამ უკანასკნელთა დამარცხებით დასრულდა. ეს ის მომენტი იყო, როცა ძველი, „თავისუფალი“ ლეკური თემები უკვე გადაგვარებული იყვნენ და ისინი (როგორც თემები, ისე მოთემეებიც) მიწისმფლობელთა როლში გამოდიოდნენ.

ქრონიკა არაფერს ამბობს შაქი-შარვანის მფლობელის თაოსნობაზე იმ ბრძოლებში, რომლებიც ჭარელ ლეკებს ერეკლე-თეიმურაზთან ჰქონდათ. აქვე უნდა დავასახელოთ ერთი მნიშვნელოვანი ეპიზოდი, რომელიც მე-18 საუკუნის 50-იან წლების დამდეგს უნდა გულისხმობდეს: დაღისტნელებს მოუთხოვიათ ჭარ-თალასაგან „საქართველოს წინააღმდეგ გამოსვლა, ჭარელებს კი მათგან მოუთხოვიათ „მხედართუფროსი“, რადგან ასეთი ჭარში არ ყოფილა². ეს გარემოება კიდევ ერთხელ უნდა ადასტურებდეს, რომ ჭარის ლეკურ თემებს მაშინ არ ჰქონდათ ჩამოყალიბებული პოლიტიკური ორგანიზაცია. „დაღისტნელთა მოთხოვნა,“ როგორც ჩანს, გულისხმობს ბრძანებას რომელიმე ხანისა, (შეიძლება ავარიის), რომელიც მაშინ ქართლ-კახეთის წინააღმდეგ გაერთიანებულ ლაშქრობას აწყობდა. ერთი სიტყვით, ჭარ-თალას ლეკები კვლავ რჩებოდნენ ქართლ-კახეთის წინააღმდეგ მებრძოლი ხანების იარაღად. ისინი დამოუკიდებელ პოლიტიკურ ძალას ჯერ კიდევ არ წარმოადგენდნენ, თუმცა

¹ იქვე, გვ. 48.

² იქვე, გვ. 50.

კახთა მეფის ყმობისაგან უკვე თავისუფალი და პოლიტიკურად გამოთიშული იყვნენ.

მე-18 საუკუნის II ნახევრიდან მოყოლებული, აღმოსავლეთ კახეთის ლეკური თემები უკვე გვევლინებიან ისეთ ერთეულებად, რომელთაც ჩამოყალიბებული შინაგანი წყობილება და თავისებური სტრუქტურა აქვთ. ეს ჩამოყალიბება მოხდა ხანგრძლივი ბრძოლისა და ადგილობრივ ფეოდალურ ძალებთან შეჯახების შედეგად.

მე-18 საუკუნის 50-ან წლებამდე ლეკები—უფრო სწორედ, ლეკური ზედაფენის წარმომადგენლები — მთლად ვერ ცვლიდნენ ადგილობრივ ფეოდალებს. მართალია, ფეოდალიზაციის პროცესი ვითარდებოდა, მაგრამ ახალ ფეოდალურ ნაკადს ჯერ კიდევ არ ჰყავდა მიწისმოქმედ ყმა გლეხთა საკმაო რაოდენობა. ეს გარემოება იწვევდა შეჯახებას ლეკურ ფეოდალიზებულ ზედაფენასა და ადგილობრივ ფეოდალებს შორის. ამ ბრძოლაში საგარეო ძალა ლეკთა მხარეზე იყო. თანდათან იღვენებოდნენ ის კახი ფეოდალები, რომელთაც ისლამის მიღებაზე უარი თქვეს და ამით მიწის საკუთრების უფლება დაკარგეს. ასეთების ადგილს იკავებდა ლეკური ფეოდალური ზედაფენა, რომელიც უკვე გამუსლიმანებულ კახელ თავადებთან თანხმობაში იყო, ერწყმოდა მათ. ეს პროცესი თითქოს დასრულებული იყო მე-18 საუკუნის 50-იანი წლებისათვის, უფრო სწორედ — ამ საუკუნის მეორე ნახევარში.

საყურადღებოა, რომ აღნიშნულ პროცესში ბელაქნის „ლეკური“ სოფელი არ ჩანდა. ეს იმით უნდა აიხსნას, რომ ბელაქნის მფლობელებმა, ვაჩნაძეებმა გამუსლიმანების გზით შეინარჩუნეს თავიანთი გაბატონებული მდგომარეობა.

ამრიგად, მე-18 საუკუნის შუა ხანებში ლეკური სოფლების ტომობრივ-თემური წყობილება სწრაფად ირღვევა. იგი გამძლე ჩანდა მხოლოდ ცალკეულ ლეკურ სოფლებში, რომლებიც ჯერ კიდევ ინარჩუნებდნენ თავისუფალ მოთემეების გაერთიანებათა გარეგნულ ხასიათს.

ადგილობრივ გამუსლიმანებულ ფეოდალებსა და ლეკურ ფეოდალიზებულ ზედაფენას შორის კონტაქტს თავისებური, გავლენა უნდა მოეხდინა აღმოსავლეთ კახეთში არსებულ ფეოდალურ-ბატონყმურ ურთიერთობაზე. ეს უპირველეს ყოვლისა მიწისმფლობელობის სფეროში უნდა ასახულიყო. დაღისტნურ ადათსა და მუსლიმანურ შარიათს, საინგილოში რომ გზას იკაფავდა, უნდა დაეკონსერვებინა სოცე-

ალურ-ეკონომიური ჩამორჩენილობა. საინგილოში გაბატონებული კლასის ფიზიონომია ამისდაკვალად უნდა შეცვლილიყო.

მე-18 საუკუნის შუა წლებიდან საინგილოს ფეოდალები, როგორც ჩანს, ურთიერთ შორის სენიორულ-პოლიტიკურ კავშირს კრავენ. ეს ჩანს 1751—1752 წ. აგდამში (მუხახის ხეობაში) შეკრებილი ყრილობის დადგენილებიდან.

კრებამ შეიმუშავა მუსლიმანური კანონმდებლობისათვის დამახასიათებელი ნორმები, რაც შარიათის განმტკიცებას ემსახურებოდა¹. ჩანს, რომ აღნიშნული კრება ფეოდალური კლასის ინტერესების დაცვას ისახავდა მიზნად. ამას ამტკიცებს დადგენილების მე-8 მუხლი, სადაც ნათქვამია: „ის, ვინც დამალავს თავისი მებატონის თუ თავისი აღას მკვლელს, გადაიხდის 12 თუმანს“². მთავარ მოსამართლეებად ეს დადგენილება გულისხმობდა „ცნობილ პირებს“ და ა. შ.

მე-18 საუკუნის შუა წლებიდან ჭარელი ლეკები მიისწრაფოდნენ დამოუკიდებელი პოლიტიკური ორგანიზაციის შექმნისაკენ, მაგრამ ლეკურ სოფლებს შორის საკოორდინაციო დაწესებულება ჯერ კიდევ არ ჩანდა. ამას ადასტურებს ზემოთ მოტანილი მითითება იმის შესახებ, რომ ჭარელებს მე-18 საუკუნის 50-იანი წლების დამდეგს „მხედართ უფროსი“ არ ჰყავდათ.

საფიქრებელია, რომ აღნიშნულ პერიოდში ლეკურ სოფლებს შორის საკავშირო ფუნქციებს ჩემულობდა ჭარის ფეოდალთა გარკვეული ჯგუფი, რომლის ინტერესებს ამ დროს მათ მიერ არჩეული სოფლის მამასახლისი გამოხატავდა. მამასახლისის კი აღნიშნული ფუნქციის შესასრულებლად 30-დე იასაული ჰყავდა.

აღნიშნულ ვითარებაში ლეკური სოფლების მხოლოდ ნაწილობრივი დარაზმვა ხდებოდა. ეს კი იმიტომაც აიხსნებოდა, რომ ლეკური მოსახლეობა ფეოდალურ-ბატონყმური კახეთის ძლიერ გავლენას განიცდიდა.

ლეკური სოფლების წიაღიდან წარმოქმნილი და ადგილობრივი ფეოდალური ზედაფენები თანდათანობით აღწევდნენ პირველობას ძველ სათემო დემოკრატიაში. მე-18 საუკუნის მეორე ნახევრიდან და უფრო კი ამ საუკუნის მიწურულიდან, თემური წყობილება მხოლოდ გარეგნულ ფორმებს ინარჩუნებდა. ასეთი გარეგნული ფორმების გადმონაშთები XIX საუკუნეშიაც დიდხანს არსებობდა.

¹ კრების წევრები აღნიშნავენ, რომ დადგენილება მიღებულ იქნა „в помощь и подкрепление мусульманскому шарияту...“ (Хроника войн Джара, გვ. 63).

² იქვე, გვ. 66.

მე-18 საუკუნის მიწურულიდან და XIX საუკუნის დამდეგიდან აღმოსავლეთ კახეთის პოლიტიკური ცხოვრების სათავეში ადგილობრივ ფეოდალებთან შერწყმული მაჰმადიანი ფეოდალების კლასი დგას. ამ დროის სოციალურ ცხოვრებას ახასიათებს ჩამოსახლებულთა მიერ მოტანილი არქაული წყობილების ძლიერი გადმონაშთები, რომლებიც ლეკური სოფლების პოლიტიკურ ცხოვრებაში ვლინდებიან, როგორც სათანადო ბაზას მოწყვეტილი ფორმები.

პროფ. პეტრუშევსკი ლეკური სოფლების საშინაო წყობილებაში გამოყოფს გვაროვნული წყობილების გადმონაშთებს და დასკვნის, რომ ქარ-ბელაქნის გვარებს (თოხუმებს) ისეთივე თვისებები ჰქონდათ, როგორც დალისტნის გვარებს, რომელთაც ახასიათებდათ ენდოგამია, ხოლო ენდოგამიის ბატონობა დაკავშირებული იყო კოლექტიურ-თემურ მიწათმფლობელობასთან¹. თემური მიწათმფლობელობის რღვევამ კი გავლენა იქონია ენდოგამიაზედაც. თუ წინათ მისაღები იყო ქორწინება ერთ გვარს შიგნით, შემდეგ ეს მხოლოდ თეორიად დარჩა და ქორწინების არე არა მარტო გვარის ფარგლებს გასცილდა, არამედ უფრო შორსაც წავიდა: ლეკები უკვე ინგილო და მულალ ქალებთანაც კი კრავდნენ ქორწინებით კავშირს².

გვაროვნული ორგანიზაცია თავის ადრინდელ სათეხურზე პატრიარქალურ საფუძველზე იყო აგებული. ყველა მოზრდილი მამაკაცი გვარის სრულუფლებიან წევრად ითვლებოდა. სათემო ყრილობაზე ყველას თანაბარი ხმა ჰქონდა. მაგრამ, როგორც სამართლიანად შენიშნავს პეტრუშევსკი, არქაული ფორმაციის დაშლასთან დაკავშირებით ამ პატრიარქალურ-დემოკრატიული წყობისაგან მხოლოდ „გარეგნული გარსი დარჩა“³.

მე-18 საუკუნის მიწურულიდან და XIX საუკუნის დამდეგიდან ძველი გვაროვნულ-თემური ორგანიზაციის გარეგნული ფორმები ლეკური ფეოდალიზებული ზედაფენის პოლიტიკური დაწესებულებებად გვევლინებიან.

ქარ-ბელაქნის თემების შინაგანი წყობილება უფრო ნათლად ხასიათდება XIX საუკუნის I მეოთხედისთვის. ამ დროის შესახებ შემონახულია უშუალო დამკვირვებელთა ცნობები, რომლებიც გა-

¹ Петрушевский. Джаро-белак. 32.

² М. Ковалевский. Закон и обычай на Кавказе, т. II, гл. 142. Иваненко. Гражданское управление Закавказьем, гл. 270, Петрушевский; Джаро-белак., гл. 32.

³ პეტრუშევსკი. დასახ. ნაშრ. გვ. 32—33.

ზიარებულია ზაქათალის წოდებრივ-საადგილმამულო კომისიის მიერ აღნიშნული ცნობებიდან განსაკუთრებულ ყურადღებას იპყრობს. პოლკოვნიკ კოცებუს აღწერილობა, რომელიც მას ჭარში შეუდგენია 1826 წ.¹.

კოცებუ და ზაქათალის კომისია თავისებურად ახასიათებდნენ ლეკური თემების შინაგან წყობილებას:

„დასახლდნენ რა ცალკეულ სოფლებად მთისძირა ზოლში და ბრძოლით დაიმორჩილეს რა ალაზნის პირის მიწები, 5 მებატონე თემის ლეკებმა შექმნეს ფედერაციული რესპუბლიკის მაგვარი დაწესებულება. კოცებუს განმარტებით, მათი მმართველობა არისტოკრატიული იყო. ზემოაღნიშნულ 5 მებატონე საზოგადოებაში: მამასახლისის (старшина) თანამდებობა იყო ფრიად მნიშვნელოვანი, ნათესაობიდან ნათესაობაში გარდამავალი, ანუ მემკვიდრეობითი. თითოეულ სოფელში ყოველწლიურად ირჩევდნენ მამასახლისის იმ გვარებისაგან, რომელთაც საამისო მემკვიდრეობითი უფლება ჰქონდათ. თემებს შორის საერთო საქმეებს იხილავდნენ ყველა გვარის მემკვიდრეობითი უხუცესები საერთო კრებაზე, რომელიც იმართებოდა ღია ცის ქვეშ, სოფ. აგდამში მუხახის ახლოს. ყოველი არჩეული მამასახლისი ლებულობდა სოფლისაგან 30 ცხენოსან ისაულს ანუ შიკრიკს. ისინი ავრცელებდნენ მის ბრძანებებს, რომლებიც უყოყმანოდ სრულდებოდა“.

„მამასახლისებისათვის პოლიტიკური უფლებების გადაცემას დროებითი ხასიათი ჰქონდა და ეს ხალხზე იყო დამოკიდებული. მამასახლისთა ყოველწლიურ არჩევნებში ხალხის ძალა მთელი სისრულით ბრწყინავდა. მამასახლისად ასარჩევთა წრე, მართალია, შეზღუდული იყო ცნობილი გვარებით, სადაც მამასახლისად არჩევის უფლება მემკვიდრეობითი იყო, მაგრამ ამავე დროს, იმ გვარის წევრებს, რომელთაგანაც დგებოდა უმაღლესი მფლობელური (владельческий) სასამართლო, თუნდაც დროებით, ერთი წლით, შეეძლოთ შესდგომოდნენ თანამდებობის შესრულებას მხოლოდ ხალხის მიერ არჩევის შემდეგ და არა სხვა გზით“.

„ამგვარად, ამ უფლებათა წყაროდ და უმაღლეს ხელისუფლად ლეკთა თავისუფალ თემებში ხალხი ითვლებოდა, მამასახლისები კი იყვნენ ხალხის რწმუნებულები და აგენტები, რომელთაც ხალხი ირჩევდა და იგივე ხალხი გადააყენებდა“.

¹ Коцебу. Статистические сведения о Джарских владениях. აღონებულები ამ მოხსენებიდან შესულია ზაქათალის კომისიის ეურნალებში (საარქივო საბ. კარბელაქნის შესახებ, გვ. 509—510).

„ინგილოები და მულალები საცესებით დამორჩილებულნი იყვნენ გამარჯვებულთა მიერ და ისინი არავითარ მონაწილეობას არ იღებდნენ თავისუფალი თემების საერთო საქმეებში“¹.

როგორც ვხედავთ, მეფის მოხელეები ჭარის თემების შინაგან წყობილებას ახასიათებდნენ, როგორც ილილიურ რესპუბლიკას, სადაც ყველაფერს ხალხი წყვეტდა და სადაც ცხოვრება ურყევი პარმონიის ვითარებაში მიმდინარეობდა. თითქოს მამასახლისად ასარჩევთა წრის შეზღუდულობა და მემკვიდრეობითი უფლებაც ჩრდილს ვერ აყენებდა ხალხის ნება-სურვილს. ასეთი დახასიათება მეფის მოხელეთა კლასობრივი შეზღუდულობით უნდა აიხსნას.

მიუხედავად აღნიშნულისა, როგორც კოცებუს მიერ მოცემულ განსაზღვრაში, ისე ზაქათალის კომისიის მასალებში მაინც გამოსკვივის, რომ ჭარის თემებს არაფერი ჰქონიათ საერთო „თავისუფალ თემებთან“ და სათემო დემოკრატიასთან და რომ თემებში მთელი ძალით იყო შეჭრილი ფეოდალური ურთიერთობა.

კოცებუ დასაწყისშივე აცხადებს, რომ „ჭარელთა მმართველობა იყო არისტო-დემოკრატიული...“², შემდეგ კი იგი ლაპარაკობს „ხალხის“ მთელი ძალაუფლების შესახებ, მაგრამ ამ „ხალხის“ სახით ის, როგორც ჩანს, გულისხმობდა არისტოკრატიულ ფენას, რომელიც პოლიტიკური ცხოვრების სათავეში იყო.

საყურადღებოა აგრეთვე ზემოთ მოტანილი ცნობის ის ადგილი, სადაც ნათქვამია, რომ მამასახლისად ასარჩევთა წრე შეზღუდული იყო. ეს პრივილეგია მხოლოდ გარკვეულ გვარებს ჰქონდათ მინიჭებული, როგორც სამემკვიდრეო უფლება. პეტრუშევსკი ამასთან დაკავშირებით სამართლიანად შენიშნავს, რომ საერთოდ თემის არჩევითი თანამდებობანი იქცეოდნენ საგვარჯულო „არისტოკრატიის ფეოდალიზებული ზედაფენის მემკვიდრეობით წარმომადგენლობად“ და რომ ხალხის მონაწილეობა არჩევნებში ფორმალურ ხასიათს ღებულობდა³. მამასახლისის გარდაცვალების შემდეგ მისუფროს შვილს ან ნათესავს, რომელიც ოჯახის მეთაურობას ინარჩუნებდა, გვარის კრებაზე ირჩევდნენ მამასახლისად (ეს იყო იგივე „ქევეხა“ ანუ „ქედხუდა“)⁴. ამრიგად სასოფლო კრება ფეოდალთა ნება-სურვილს გამოხატავდა.

1 საარქივო საბუთები ჭარ-ბელაქნის შესახებ, გვ. 510.

2 „Правление чаршев есть аристо-демократическое или вольноможно-народное...“ (Статист. свед. о чарских владениях... л. 3—11).

3 Петрушевский. Джаро-белак. вольн. общ., გვ. 35.

4 პეტრუშევსკის დასახ. ნაშრ. გვ. 33. ავტორი იმეორებს სათანადო საარქივო საბუთებს.

საყურადღებოა აგრეთვე, რომ კოცებუ მხოლოდ ინგილოებსა და მუტალებს სთვლის ისეთ ხალხებად, რომლებიც არაერთად მონაწილეობას არ ღებულობდნენ თავისუფალ თემთა საერთო საქმეებში. იგი აქ ივიწყებს ე. წ. თავისუფალ ავართა იმ დიდ მასას, რომელიც აღნიშნული თემების პოლიტიკურ ცნოვრებაში თითქმის არაერთად მონაწილეობას არ იღებდა. ეს გარემოება ჩანს თვით კოცებუს მიერვე მოტანილ ცნობებში.

კოცებუ უპირველეს ადგილზე აყენებს ჭარელებს — ჩვენი სიტყვით რომ ვთქვათ, ჭარელ მიწისმფლობელებს. ჭარის საზოგადოებას, რომელთანაც გაერთიანებული იყო ზაქათალა და გოგამი, ეკუთვნოდა 20 სოფელი, 1860 კომლი. ჭარსვე ეკუთვნოდა ტანაჩის ზუტორებიც. ეს 20 სოფელი დასახლებული იყო ინგილო-მუღალეზით, რომელნიც მძიმე ბეგარას უხდიდნენ ჭარელ მებატონეებს. ჭარზე იყვნენ დამოკიდებული არა მარტო ინგილოური და მუღალური სოფლები, არამედ თავისუფალ ავართა 4 სოფელი. ამ დამოკიდებულებას კოცებუ თავისებურად გამოთქვამს:

„К чарскому обществу придерживаются селения: Катехи, Мацехи, Караджалы и Капислара“¹.

ჭარს, კოცებუს თქმით, მოსდევდნენ ე. წ. „მფლობელური თემები“: ბელაქნისა, თალასი, მუხახისა და ჭინიხისა, რომელთაც ეკუთვნოდა ინგილო-მუღალთა დანარჩენი სოფლები. „მფლობელურ თემებს“ შემდეგ, დაბალ საფეხურზე არიან სოფლები, რომლებიც „არავის არ ეკუთვნიან“ და რომელთაც არც ყმები ყავთ². ესენი არიან: კატეხი, მაწეხი, ყარაღაჯლო, ყაფისდარა, ჭინჯიზახი, ალიასკარი, საპუნჩი, მამრეხი და კოსორი. ამ 9 სოფელში სულ 930-დე კომლია.

როგორც უკვე ვთქვით, 9 „თავისუფალი“ სოფლიდან 4 ჭარზე იყო დამოკიდებული. გარდა ამისა, დანარჩენი 5 ემორჩილებოდა მუხახის თემს.

ერთი შეხედვითაც ნათლად ჩანს, რომ ლეკურ თემებს შორის თანაბარუფლებიანობაზე ლაპარაკი ზედმეტია. თუ ჭარს 1860 კომლი ჰყავს, ბელაქანს მხოლოდ 800 კომლი ჰყავს, თალას—610, მუხახს—230, ჭინიხს — 90. აქ მთავარია ქონებრივი განსხვავება, რომელიც საფუძვლად უდევს უფლებრივ განსხვავებას. მაგალითად, ჭარში იყო 5 საგვარეულო, საიდანაც მემკვიდრეობით მამასახლისებს ირ-

¹ კოცებუ. დასახ. აღწერილობა. ხაზი ჩვენია.

² „Селения, не принадлежащие ни каким обществам и не имеющие подвластных оным деревень...“ (კოცებუ, დასახ. აღწ.).

ჩევდნენ, ბელაქანში კი მხოლოდ 2, ჭინიხში — 1¹. ეს გარემოება ამწვევებდა თემებს შორის წინააღმდეგობას. ამას არ მალავდა კოცებუც, რომელიც აღნიშნავდა, რომ თემებს შორის განხეთქილების გასაღრმავებლად და წონასწორობის დასამყარებლად, რაც რუსეთის მთავრობის მიზნებს უპასუხებდა, საჭირო იყო ელისუს სულტნისა და ჭინიხის თემის გამოყენება, რადგან ჭინიხს ყავს „მხოლოდ ერთი გვარი, რომლიდანაც მამასახლისებს ირჩევენ“².

ქონებრივსა და უფლებრივ განსხვავებებს ადგილი ჰქონდა თემებს შიგნითაც. ჭარის თემზე უკვე ვეღარ ვიტყვი, რომ იგი კოლექტიური მიწისმფლობელი, კოლექტიური სენიორი იყო. ჭარში იყვნენ ფეოდალები, რომლებიც ერთიმეორისაგან განსხვავდებოდნენ ყმათა რაოდენობით. თვით კოცებუ იხსენიებს მდიდარსა და ღარიბ ოჯახებს. იგი მიუთითებს იმ მიწის მუშა გლეხებზე, რომლებიც თავიანთ მებატონეებს მეტ-ნაკლებ გადასახადებს უხდიან. ამრიგად, იგი ადასტურებს მებატონეებსა და ყმებს შორის ინდივიდუალური დამოკიდებულების ფაქტებს³. ცნობილია აგრეთვე მწვევე სოციალური ბრძოლის მომენტებიც, როდესაც ჭარელი მიწისმფლობელები იძულებული ხდებიან მოიწვიონ დალისტნელები ურჩი მოყმე სოფლების დასასჯელად⁴.

დამახასიათებელია ზაქათალის 1862 წ. კომისიის ერთი მითითებაც, რომლის მიხედვითაც, ლეკური თემები — ჭარი, თალა, მუხახი, ჭინიხი და სხვები — მხოლოდ „ოდესღაც შეადგენდნენ თავისუფალ საზოგადოებას...“⁵.

ლეკურ თემებში არსებული ფეოდალური კლასის რაგვარობა უფრო ნათელი გახდება ქვემოთ, სადაც ამ საკითხზე სპეციალურად ვმსჯელობთ.

¹ „...наследственные фамилии старшин пяти главных обществ, из коих в Чарах Чапарали, Нахлары, Чимчилали, Тебели и Кахау... (საარქივო საბუთები ჭარ-ბელაქან., 510) ბელაქანში იყვნენ აჯალი და ანანიანები (ვაჩნაძეები), ჭინიხში—ერთი საგვარეულო (კოცებუ, დასახ. აღწ.).

² კოცებუ. დასახ. აღწ.

³ „Богатый (двор., М. Д.) издерживает в год 20 тагар ячменя и платит господину своему 1 и 2 тагары; среднего состояния... платит 1 и 1 1/2 тагары; бедный... платит 1/2 тагары...“ (კოცებუ, დასახ. აღწ.). თადარი უდრიდა 7 1/2 ფუთს.

⁴ იქვე.

⁵ „... составляли некогда вольное общество...“ (საარქივო საბ. ჭარ-ბელ., ვვ. 506).

საინტერესოა ლეკური თემების პოლიტიკური წყობილების ფორმები, რომლებიც მხოლოდ გარეგნულად გამოხატავდნენ ტომობრივ-თემური წყობილების გადანაშთებს. ეს პოლიტიკური ფორმები უკვე აღარ შეესაბამებოდნენ ახალ ბაზისს. წინააღმდეგობა მწვავედებოდა.

ლეკური სოფლები შედგებოდნენ რამდენიმე გვარისაგან, რომლებიც ქმნიდნენ სასოფლო საზოგადოებას, გარკვეულ ადმინისტრაციულ ერთეულს. მისი უმაღლესი ორგანოს ფორმალური განსახიერება იყო „სასოფლო კრება“, რომელიც ირჩევდა მამასახლისს და სასოფლო სასამართლოს. მამასახლისი—ქევხა სოფლის უფროსი იყო. მას სისრულეში მოჰყავდა სასოფლო კრების გადაწყვეტილებანი და სასამართლოს განაჩენი. მამასახლისი თავმჯდომარეობდა სოფლის სასამართლოს. მის განკარგულებაში იყო სოფლის მოხელეთა გარკვეული შტატი¹. ასეთი იყო სასოფლო მმართველობის, ვითომცდა სოფლის ინტერესების გამომხატველი წყობილების, კარიკატურა. სინამდვილეში მამასახლისი ფეოდალური ზედაფენის ინტერესებს გამოხატავდა.

სასოფლო მმართველობანი სოფლის მამასახლისების, ქევხების სახით ერთიანდებოდნენ სათემო მმართველობაში, რომელიც ჯამათის („კრება“, „ყრილობა“, „საზოგადოება“) სახელით იყო ცნობილი. ჯამათები წარმოადგენდნენ ცალკეული გაბატონებული თემების (სოფლების კავშირების) უმაღლეს ორგანოს². მათი ფუნქციები უფრო ფართო იყო. სოფლების საკრებულოთაგან განსხვავებით, ჯამათები წარმოადგენდნენ პოლიტიკურ კრებებს, რომლებიც, სხვათა შორის, საგარეო ურთიერთობის საკითხებსაც სწყვეტდნენ³.

ჯამათი იმდენი იყო, რამდენიც მებატონე თემები: ქარისა, ბელაქნისა, თალასი, მუხახისა და ჭინისისა. ჯამათს გულისხმობდნენ აგრეთვე კატეხის თემისთვის, რომელსაც საყმო სოფლები არ გააჩნდა⁴. ეს გარემოება, ჩანს, რჩებოდა, როგორც ფორმალური მხარე; ისე კი კატეხის თემს სხვა თემთა პოლიტიკურ ცხოვრებაში თითქმის არავითარი ძალა არ ჰქონია. საგულეებელია მხოლოდ ის, რომ XIX საუკუნის I მესამედში კატეხის თავისუფალ ავარებში წარმოშობილი ფეოდალური ზედაფენა მეზობელი თემების სოციალურ თანამოძმეებს ეტოლებოდა.

¹ Джаро-белаканцы до XIX в. газ. „Кавказ“, 1846 г. № 2. Иваненко. Гражд. Упр., гв. 270—271.

² Джаро-белаканцы до XIX в. газ. „Кавказ“, 1846 г. № 2—3. Иваненко. Гражд. Упр. 271. Перушевский. гв. 35.

³ პეტრუშევსკი. დასახ. ნაშრ. გვ. 35.

⁴ ივანენკო. დასახ. ნაშრ., გვ. 269.

იმ დროიდან, როდესაც სათემო ჯამაათს აღმასრულებელი ორგანო გაუჩნდა, თვით ჯამაათის — საერთო კრების როლი საგრძნობლად დაქვეითდა¹.

ჯამაათის სამმართველო, აღმასრულებელი ორგანოს ფორმით, შედგებოდა მთავარი ქვეხას, რამდენიმე სასოფლო-საგვარეულო მამასახლისისა და ყადისაგან. აღნიშნული პირები შეადგენდნენ აგრეთვე უმაღლეს სასამართლოს.

ლეკური თემის სამმართველოს ფუნქციებში შედიოდა საზოგადოებრივი წესრიგის დაცვა, საგარეო და საშინაო პოლიტიკის საკითხები, ომისა და თავდაცვის საქმე, გადასახადების აკრეფა, მიწის-მფლობელთა სენიორული უფლებების დაცვა, ჯამაათის მოწვევა. სათემო სამმართველო ასრულებდა აგრეთვე უმაღლესი სასამართლოს მოვალეობას, კონტროლს უწევდა სოფლის მოხელეთა მოქმედებას და სხვ.²

სწორად შენიშნავს პეტრუშევსკი, რომ ჯამაათი და მისი მმართველობა XIX ს. დამდეგს მოქმედ ინსტიტუტებად იყვნენ ჩამოყალიბებული. ამ ინსტიტუტის ფეოდალური ზედაფენა, — მსხვილი ქეშქელისმფლობელები (მიწისმფლობელები), — სათემო მმართველობის მეშვეობით აქცევდა ჯამაათს თავის მორჩილად. ამ ფენას უპირისპირდებოდა თავისუფალ და წვრილ მიწისმფლობელთა ფენა, რომელიც ჯამაათში ხშირად ეწინააღმდეგებოდა მამასახლისებს³.

ლეკური თემების საკოორდინაციო დაწესებულება არ არსებულა. კავშირის დამყარება მხოლოდ დროდადრო ხდებოდა, სოფლის მამასახლისთა კრების სახით. ასეთ კრებას იწვევდნენ ჯამაათთა მთავარი ქვეხების შეთანხმების საფუძველზე — აგდამში, მუხახის ხეობაში. მთავარ ქვეხეთა გარდა კრებაში მონაწილეობას ღებულობდნენ ყაზიები და გვართა უფროსები.

სავსებით მართალია პეტრუშევსკი, როდესაც არ იზიარებს ივანენკოს მოსაზრებას და ფიქრობს, რომ არ შეიძლება ჯამაათების საერთო კრებაში დავინახოთ ფედერაციული საბჭო, „საკავშირო სეიმი“, რადგან იგი არ იყო მუდმივ მოქმედი დაწესებულება. მისი გადაწყვეტილება ლეკური სოფლებისათვის სავალდებულო იყო მხოლოდ მანამდის, სანამ მათ შორის საკავშირო ურთიერთობა არსებობდა. ასე იყო მაგ., ჭარის, ბელაქნისა და კატეხის კავშირი, რომელიც

¹ პეტრუშევსკი. დასახ. ნაშრ., გვ. 35.

² იქვე, გვ. 37—39.

³ Джаро-белаканцы до XIX в. газ. „Кавказ“ 1946, № 2—3. Петрушевский. Джаро-белак., გვ. 37.

მუდმივი არ ყოფილა. არც ეს კავშირი წარმოადგენდა თანაბარუფლებიან თემთა ფედერაციას, რადგან მათ შორის ჰქარი მძლავრობდა და პირველობას ჩემულობდა¹. გარკვეულ მომენტებში ჰქარი გავლენას ახდენდა ელისუს სულტანზე და ნუხის ხანზედაც².

ჰქარისა და სხვა სოფლების კავშირი დროებითი იყო. ხშირი იყო შემთხვევა, როცა მოკავშირეებს შორის თავს იჩენდა განხეთქილება ლეკური თემების მუდმივ მოქმედ ფედერაციად გაერთიანებას ხელ უშლიდა განსხვავება ცალკეული თემების შინაგან წყობილებაში³. თემების პოლიტიკური წყობილება თითქმის უკვე აღარ შეესაბამებოდა ამ თემების სოციალურ ბაზას. ფეოდალიზაციის გაღრმავებასთან ერთად ირღვეოდა სათემო დემოკრატიის გარეგნული, რეალურ შინაარსს უკვე მოკლებული ფორმებიც.

როგორც წარსული საუკუნის (კოვალევსკი, ივანენკო...), ისე თანამედროვე ავტორები (პეტრუშევსკი, პისარევსკი...) ლეკურ თემებში ხედავენ ძველი ადათის და მუსლიმანური შარიათის შენაერთს. პეტრუშევსკის აზრით, ეს იყო შედეგი აღრინდელ-ფეოდალური წყობილების თვისებებისა და გვაროვნული წყობილების გაღმონაშთეზის შერწყმისა. კერძო საკუთრების ოჯახის, თუ სისხლის სამართლის კანონმდებლობა ჭერ კიდევ ჰგავდა დალისტანის ავარულ თემებში არსებულ ადათს, რომელიც შარიათის ძლიერ გავლენას განიცდიდა აღნიშნული ავტორი განაგრძობს, რომ ეს გავლენა ჩანდა ოჯახურს და სამემკვიდრეო სამართალში (ქორწინების წესი, ცოლების რიცხვის შეზღუდვა ოთხამდე, ცოლ-ქმარის ქონებრივი ურთიერთობა მემურვეობა, მემკვიდრეობა); ჩანდა აგრეთვე ხანდაზმულობის პრინციპის მოსპობაში, სისხლის აღების შეზღუდვაში, გვარის მოქალაქეობრივი პასუხისმგებლობის შეცვლაში ბოროტმოქმედებისა თუ მოვალის პირადი პასუხისმგებლობით⁴. აქედან გამომდინარე, პეტრუშევსკი დაასკვნის, რომ შარიათი დალისტანში მტკიცდებოდა, როგორც ფეოდალური ზედაფენის სამართალი და ადრეულ-ფეოდალური ურთიერთობის საფეხურზე ადათისა და შარიათის კომპრომის გაბატონებული ფენის ინტერესებს უპასუხებდა⁵.

¹ პეტრუშევსკი. დასახ. ნაშრ., გვ. 38.

² საარქივო საბუთები ჰარ-ბელაქნის შესახებ., გვ. 510.

³ პეტრუშევსკი. დასახ. წიგნი, გვ. 38—39.

⁴ პეტრუშევსკი. დასახ. ნაშრ., 40, ავტორი იმოწმებს შემდეგ წყარო

Адагы Дагестана и Закатальского округа, под ред. Сандарыгайло.

⁵ პეტრუშევსკი. გვ. 41.

მაგრამ არ იქნებოდა სწორი, თუ აღმოსავლეთ კახეთის ლეკურ-მუსლიმანურ მოსახლეობის წესწყობილებაში დაეინახავდით მხოლოდ დალისტის ავარულ თემებში არსებული კანონმდებლობისა და წესჩვეულებების ნორმებსა და მათ გავლენას. ადგილობრივი ქართველი მოსახლეობა სარწმუნოების გამოცვლასთან დაკავშირებით ინერტულად კი არ ეგუებოდა მთიელთა ადათ-შარიათს, არამედ თავის მხრივ დიდ გავლენას ახდენდა მასზე. თუნდაც სამემკვიდრეო უფლებების სფეროში შეიძლებოდა დაგვეჩვენა, რომ ქართულ ბატონყმურ სამართალს უფრო ძლიერი გავლენა მოუხდენია, ვიდრე მუსლიმანურ შარიათს, რომელიც ამ შემთხვევაში გარედან შემოტანილი იყო.

ქართული ბატონყმური სამართლის სერიოზული გავლენა ჩანს სამემკვიდრეო ქონებაზე ქალის უფლებაში. გარდა ამისა, ჩვენ არ მიგვაჩნია სწორად ის მოსაზრება თითქოს ლეკურ სოფლებში ფეოდალიზაციისათვის დამახასიათებელი ნიშნების შესვლა უნდა დაუკავშიროთ მუსლიმანურ შარიათს და ამასთან დალისტანს მაშინ, როცა აღნიშნული სოფლები კახეთის ბატონყმურ გარემოში ჩამოყალიბდნენ.

სავსებით მიუღებლად გვეჩვენება, მაგალითად, მუსლიმანური შარიათის გავლენის შედეგად გამოვაცხადოთ გვარის მოქალაქეობრივი პასუხისმგებლობის შეცვლა ბოროტმოქმედისა თუ მოვალის პირადი პასუხისმგებლობით. ეს უპირველეს ყოვლისა, უნდა მომხდარიყო ადგილობრივი ბატონყმური სამართლის გავლენით. კიდევ მეტიც თქმაც შეიძლებოდა: ყოველივე ის, რაც ფეოდალური იყო და რაც ლეკური სოფლების არქაულ წყობილებას არღვევდა, კახეთის მოსახლეობისა და ამდენად ქართული ბატონყმური სისტემის წიაღიდან მოდიოდა. ეს გარემოება, რა თქმა უნდა, არც მუსლიმანური შარიათის სერიოზულ გავლენას გამოორიციხავდა.

5. გაგაზონებულ „ღეჟთა“ კლასი XIX საუკუნის I მესამედში

როგორც ზემოთ ითქვა, საინგილოში ძველთაგანვე გაბატონებული კლასის საგრძნობმა ნაწილმა მუსლიმანობის მიღებით ნაწილობრივ შეინარჩუნა თავისი პრივილეგირებული მდგომარეობა. ამ ნაწილს მე-18 საუკუნის II ნახევრიდან ერწყმის ლეკური სოფლებიდან გამოსული ფეოდალური ზედაფენა, რომელიც საინგილოდან განდევნილი ფეოდალების ერთი ჯგუფის ადგილს იკავებს. ამ გარემოებამ საინგილოში არსებული სოციალური ურთიერთობა მეტად სპეციფიკური გახადა. ეს სპეციფიკურობა უპირველეს ყოვლისა

თავს იჩენდა ცალკეული სოფლების სოციალურ-ეკონომიური განვითარების დონის სხვადასხვაობასა და მიწისმფლობელობის თავისებურ წესში.

პროფ. პეტრუშევსკის დახასიათებით, საინგილოში მთელი მიწის იურიდიულ მესაკუთრედ, ასევე ინგილოებისა და მულალების მიწის მესაკუთრედ ითვლებოდა თავისუფალი თემი (вольное общество). „სწორედ მან მიითვისა წინანდელი კახეთის ფეოდალების სენიორალური უფლებები“¹.

როგორც ზევით უკვე ითქვა, თავისუფალ თემს არ შეეძლო განვითარებული ბატონყმური ურთიერთობის სათავეში ჩადგომა. გარდა ამისა, ჩვენ მე-18 საუკუნის ვითარებისათვის, უფრო ზუსტად ამ საუკუნის 30-იან წლების შემდგომი პერიოდისთვის, არ მიგვაჩნია მიზანშეწონილად ვიხმართ ტერმინი „თავისუფალი თემი“, რომელიც უკვე „მებატონე თემია“ და დაშლის სწრაფი გზით მიდის.

დასაწყისში „თავისუფალ თემს“, როგორც პეტრუშევსკი მიუთითებს, შეეძლო დაეკავებინა „ინგილოური და მულალური სოფლების მიმართ ჯგუფური მესაკუთრის მდგომარეობა დასავლეთ ევროპის „კოლექტიური სენიორიების“ მსგავსად“². მაგრამ ასეთი სენიორია, რა თქმა უნდა, ვერ შეცვლიდა ადგილობრივ ფეოდალურ კლასს. შეცვლა უნდა მომხდარიყო ჯგუფური სენიორიის დაშლის მომენტში, როდესაც ბატონობის ეს ფორმა უბრალო ფიქციად იქცა. აღრიხნდელ საფეხურზე კოლექტიური სენიორია მხოლოდ დამპყრობლური ხარკის მიმღები უნდა ყოფილიყო.

ჯგუფური სენიორიების გადანაშთები აღმოსავლეთ კახეთში შემორჩნენ XIX ს. 30-იან წლებშიაც, კერძოდ თალას თემში; სხვაგან კი ეს სენიორია იურიდიულ ფიქციად იქცა³.

კოლექტიური სენიორია, ჩვენი აზრით, არ უნდა ყოფილიყო დალისტნური თემების რალაც თავისებური სტრუქტურისათვის დამახასიათებელი მოვლენა, რომელიც აქ გადმოინერგა. საფიქრებელია, რომ მას აღმოსავლეთ კახეთში საფუძველი შეუქმნა აქ მცხოვრებ ყმა გლეხებში არსებულმა მიწით სარგებლობის თემურმა წესმა, რომელიც ძველთაგანვე იყო შემორჩენილი⁴. ასეთი წესის არსებობა თითქოს პირდაპირ უკარნახებდა გაბატონებულ ლეკურ თემს დამორჩილებულ-დამონებულ სოფლიდან ხარკის, თუ ბეგარა-გამოსაღებთა

1 პეტრუშევსკი. დასახ. ნაშრ., გვ. 42.

3 იქვე.

2 იქვე.

4 ამის შესახებ ქვემოთ ვიტყვით.

კოლექტიურ მიღება-განაწილებას. გლეხურ თემებში შემავალი კომლების დანაწილება ჯგუფური სენიორიის წევრებს შორის ამ სენიორიის დაშლისა და მიწისმფლობელთა კლასის გამოყოფის საფუძვლი იყო.

პოლკოვნიკ კოცებუს მტკიცებით, საინგილოს მჩუა ეკუთვნოდა 5 ლეკურ თემს—ჰარს, ბელაქანს, თალას, მუხახსა და ჭინხს. ესენი იყვნენ მფლობელი თემები, რომელთაც მორჩილებაში ჰყავდათ ინგილოური და მულალური სოფლები. კატეხსა და მაწეხს არ ჰქონდათ სოფლები. ესენი იყვნენ „თავისუფალნი“¹.

როგორც ვხედავთ, კოცებუ ასხვავებს ერთმანეთისაგან „მფლობელსა“ და „თავისუფალ“ სოფლებს, მაგრამ მისი დახასიათება ცალმხრივია. თვით კოცებუს ცნობის ზოგიერთი ადგილები და ზაქათალის კომისიის სხვა მასალები ამჟღავნებენ მოტანილი მითითების უსწორობას და იმ ფაქტს, რომ ხსენებულ თემებში უკვე დიდი ხანი გასულიყო, რაც საკმე გვეჩვენებს კლასობრივ ჯგუფებთან.

ცნობებში, რომლებიც ეხებიან XIX ს. 20-ან წლებს, ჩანან „აღალარები“ და „მფლობელი“ პირები; მაგ., როდესაც საუბარია ლეკთა სასარგებლოდ არსებულ გადასახადებზე, ხაზი ესმება იმ გარემოებას რომ „ლეკები“ მთის ძირის „ლეკურ“ სოფლებში მცხოვრები ქვეშევრდომებისაგან ღებულობდნენ ყოველწლიურ გადასახადს, რომლის მოცულობა დამოკიდებული იყო გადამხდელის მდგომარეობაზე. ამის შესახებ ზაქათალის კომისიის № 45 ჟურნალში ვკითხულობთ: „მდიდარი უხდიდა თავის მფლობელს 4 თადარ პურს წელიწადში, საშუალო მდგომარეობის — 1 და 1¹/₂ თადარს, ღარიბი—¹/₂ თადარს, ხოლო თუ ესეც სამძიმო იყო მისთვის, მაშინ მოუტანდა შეშას, ან იხდიდა სხვა ბეგარას შეძლებისდაგვარად. ქორწინების დროს პატარძლის ნათესავები აღალარს უხდიდნენ 2-3 მანეთს. რაც შეეხება დაბლობის სოფლების გადასახადებს, ამის შესახებ დაწვრილებით მოთხრობილი იქნება ქორიგ ჟურნალში“². აქვე საინტერესოა, რომ კომისია ზემოთ დასახელებული კოცებუს ცნობებსაც იმორწმუნდა.

როგორც მოტანილი ცნობიდან ჩანს, „მფლობელები“ (და არა „მფლობელი თემი“), იგივე „აღალარები“, თავიანთ ბატონობას ავრკვლებდნენ არა მარტო დაბლობში მცხოვრებ ინგილოებსა და ხუდალებზე, არამედ საკუთრივ ავარებსა თუ სხვა ტომის „თავისუფალ“ გლეხებზეც, რომლებიც გაბატონებული კლასის მიწებზე ისხ-

1 საარქივო საბუთები ჰარ-ბელაქანის შესახებ, გვ. 510.

2 საარქ. საბუთები, გვ. 518. ხაზი ჩვენია.

დნენ და ამ კლასისადმი ბატონყმურ დამოკიდებულებაში იმყოფებოდნენ. ეს კარგად ჩანს იქიდან, რომ მოტანილ ცნობაში განსხვავებულია დაბლობის (ინგილო-მულალური) სოფლები, რომლებიც ამ შემთხვევაში უპირისპირდებიან მთის „ავარულ“ სოფლებს, სადაც კახებიც საკმაოდ იყვნენ.

„იმ ცნობებიდან, რომლებიც ქარის საოლქო მმართველობამ 1831 წ. შეკრიბა (კომისია იმოწმებს საბუთს, მ. დ.), ჩანს, რომ მფლობელი ლეკები სოფლებში, მაწენში, კატენში, ყარაღაჯლოში (ახლა კატენის ნაწილია), გოგამში, დარტოყახსა და სუმაილოში ლებულობდნენ ამ სოფლებში მცხოვრები თავიანთი გლეხებისაგან პურისა და აბრეშუმის გადასახადს მცირე რაოდენობით. ამასთანავე გლეხები თავიანთი ალაღარებისათვის ხნავდნენ მიწას, ლეწდნენ ველზე პურს, მიჰქონდათ იგი სათანადო ადგილას, ეზიდებოდნენ შეშას და ასრულებდნენ სხვადასხვა სამუშაოებს. გლეხის ქალიშვილის გათხოვებისას აძლევდნენ „მებატონეებს“ (помещикам) 3 მანეთს ან უფრო მეტს. როცა გლეხი უძეოდ კვდებოდა, მებატონეებს მთელი მისი ქონება თავის სასარგებლოდ მიჰქონდათ“¹. აქ კიდევ უფრო ნათლადაა დადასტურებული ავარულ სოფლებში არსებული ბატონყმური დამოკიდებულება.

როგორც ვხედავთ, საქმე გვაქვს ტიპიურ ქართულ ბატონყმურ ურთიერთობასთან, რომელიც შეუჩერებლივ იკაფავდა გზას ავარულ სოფლებში და თავისუფალ ავართა დამონების გზით ყალიბდებოდა.

ლეკური სოფლების რწმუნებულებმა 1872 წ. ზაქათალის კომისიას განუცხადეს, რომ საკარმიდამო მიწები, უზღენტა მიწების გამოკლებით, შეადგენდნენ „ლეკთა“ (გაბატონებული კლასის) საკუთრებას. უზღენტად კი ისინი თვლიდნენ იმ პირებს, რომლებმაც ლეკთაგან გამოისყიდეს საკარმიდამო მიწები. ასეთ გამოსყიდულ მიწაზე მებატონე, როგორც ეურნალშია ნათქვამი, შემსყიდველს სათანადო სიგელს აძლევდა².

აქ ჩანდა ისეთივე მდგომარეობა, როგორც საერთოდ ქართული ბატონყმური ურთიერთობის დროს, როდესაც მებატონე ყოველივეს, რაც კი მის ყმას გააჩნდა, თავის საკუთრებად უყურებდა. „ლეკს“ არ შეეძლო საკარმიდამო მიწაზე მჯდომი გლეხის თვითნებური აყრა-გადასახლება, არც ამ მიწის გაყიდვა, ვიდრე იქ გლეხი (ამ შემთხვევაში „გვიანჩამოსახლებული“ მულალი) ცხოვრობდა. ანც:

¹ საარქ. საბუთები, გვ. 518—519.

² იქვე, გვ. 529.

გლებს, ამ შემთხვევაში მულაღს, არ შეეძლო გაესხვისებინა საკარმიდამო მიწა მანამდის, ვიდრე იგი მას არ გამოისყიდდა¹.

გაბატონებულმა კლასმა ლეკთა ბანაკიდან ძველი გვაროვნულ-თემური გადმონაშთების გარეგნული დაცვით შენიღბა თავისი უფლებრივი მდგომარეობა. ეს კარგად ჩანდა ლეკურ სოფელში შესახლების ძველად (1830 წლამდე...) არსებულ წესშიაც.

აღნიშნული წესის მიხედვით, სასოფლო საზოგადოებაში ახალი წევრის მიღებისას, მოსულს შეეძლო მიჰკედლებოდა რომელიმე გვარს, ან ოჯახს. ეს ხდებოდა ტრადიციული ცერემონიის შესრულებით, „სოფლის თანხმობით“. თუ მოსულს საკარმიდამო მიწის შესყიდვის საშუალება არ ჰქონდა, მაშინ „ლეკი“ მას ასეთს მისცემდა, ერთი სიტყვით „შეიკედლებდა“. ამისათვის „შესახლებული ვალდებული იყო მის მიერ დაკავებული მიწის პატრონს მოხმარებოდა საშინაო სამუშაოებში, დაემუშაებინა მისი მინდვრები, შეესრულებინა სხვადასხვაგვარი ბრძანებები, გადაეყვანა ალაღარები თავიანთი ბარგით გაზაფხულსა და შემოდგომაზე სამყოფელი ადგილის დროებით გამოცვლასთან დაკავშირებით. მოსულისთვის გამოყოფილი საკარმიდამო მიწა გადადიოდა მემკვიდრეობაში შამრობითი ხაზით, რომლის შეწყვეტისას იგი უბრუნდებოდა ძველ მემპატრონეს. სახნავი მიწა ეძლეოდა ყოველწლიურად შემოსავლის გარკვეული ნაწილის გადახდის პირობით“².

როგორც ვხედავთ, ცნობაში მითითებული „ლეკი“, „ჯამათი“, „სოფლის თანხმობა“, თუ სხვა რამ, ის ფორმალური გარსია, რომლის შიგნით ბატონყმური სინამდვილე იმალება.

ჰარელი მებატონე ლეკები ადასტურებდნენ, რომ ისინი თავისუფლად, შეუზღუდველად განაგებდნენ თავიანთ მიწებს. „ლეკის“ მიწაზე მჭდომი გლეხი თუ გადასახადს არ გადაიხდიდა, მიწას დაკარგავდა. მებატონე ამ მიწას სურვილისამებრ გამოიყენებდა. გარდაცვლილი გლეხის მიწა ბატონის განკარგულებაში გადადიოდა.

¹ იქვე, გვ. 529. მოტანილ ცნობასთან დაკავშირებით ნათქვამია, რომ „ლეკს“ არ შეეძლო აგრეთვე გაეყიდა გლეხის საკარმიდამო მიწა მისი გარდაცვალების შემდეგაც, ვიდრე ცოცხლობდა გარდაცვლილის ნათესავეთაგან (из родственников) რომელიმე შამაკაცი. ეს გულისხმობდა ფართო ნათესაურ მემკვიდრეობას. ეს უფლებრივი მონაპოვარი გლეხებმა მიიღეს, როგორც ჩანს, რუსეთის მთავრობისაგან, ჰარ-ბელაქნის დაპყრობის შემდეგ.

² იქვე, გვ. 529—530. შესახლების აღნიშნული წესი მოსპო რუსეთის მთავრობამ 1830 წ. (იქვე).

ასეთი უფლებები ლეკებს რუსეთის მთავრობამ წაართვა 1830 წელს¹.

ლეკურ სოფლებში ფეოდალური ფენის წარმოქმნა აღრიდანვე, ხდებოდა თავისუფალ მოთემეთა ძარცვა-გლეჯის გზით. სათემო მმართველობის წარმომადგენლები — მამასახლისები, ქევხები, ყაზიები და სხვანი თავიანთი მდგომარეობით ექცეოდნენ პრივილეგირებულთა რიგში და თანდათანობით ჰბაძავდნენ კახ ფეოდალებს. მათ ხელში გადადიოდა თემის, სოფლის საკუთრებად გამოცხადებული მიწები, ამას კი შედეგად მოსდევდა თავისუფალ მოთემეთა დამონება.

დასაწყისში, „თავისუფალი თემების“ „მებატონე თემებად“ გადაქცევის წინ, როგორც ზევით ითქვა, ლეკური სოფლების გარკვეული ნაწილი ჯგუფურად ლებულობდა გადასახადებს დამორჩილებული სოფლებისაგან. ეს მომენტი გულისხმობდა ერთგვარ მონარკეობას. როგორც უკვე შევნიშნეთ, გადასახადების ჯგუფური მითვისება არ მოასწავებდა კახი ფეოდალების შეცვლას. ეს გვიან მოხდა, როცა „თავისუფალი თემების“ დაშლასთან დაკავშირებით დაიწყო კახი ფეოდალების ფუნქციების მითვისება და ლეკმა მებატონეებმა ადგილობრივი ფეოდალების ერთ ნაწილთან ერთად კომლობრივ დანაწილეს ინგილო გლეხები უკვე კერძო მფლობელობის წესით².

მოტანილი მოკლე მიმოხილვიდან ჩანს, რომ XIX საუკუნის დასაწყისისათვის საინგილოში წარმოდგენილია ფეოდალების კლასი, რომელიც მიწებსა და ყმა გლეხებს ფლობს და პოლიტიკურ ცხოვრებას სათავეში უდგას. ამავ დროს ამ ფეოდალურ კლასს ახასიათებს ქართველ ფეოდალთა ნიშანდობლივი თვისებები და ძველი გვაროვნულ-თემური წყობილების გადმონაშთები, რომლებიც თავისებურადაა შეხამებული მის გაბატონებულ მდგომარეობასთან.

აღმოსავლეთ კახეთის მიწა-წყლის ძირითადი ფონდი გალექებულ-გამუსლიმანებული (ქართველი თუ ავარ-წახურელი) ფეოდალების ხელში იყო. ამდენად საქმე გვქონდა უკვე გამარჯვებულ ფეოდალურ ურთიერთობასთან. „მიწის ფეოდალური საკუთრება, — როგორც გვასწავლის ამხანაგი სტალინი, — წარმოდგენდა ფეოდალიზმის საფუძველს“³.

¹ ცსსა, ფ. 236, აღწ. 1, უფრ. № 15, ფურ. 89.

² ლეკთა მიერ გადასახადების მიღების სხვადასხვა ფორმების შესახებ (დასაწყისში თემის მიერ, შემდეგ — დანაწილება) მითითებული აქვს ლინდენსაცო (Линден, высшее классы, გვ. 123).

³ ი. სტალინი. სოციალიზმის ეკონომიკური პრობლემები სსრ კავშირში, 1952 წ., გვ. 45.

ქარელი ფეოდალები XIX საუკუნის ლიტერატურაში ქეშქელისმფლობელთა სახელით არიან ცნობილნი. ამ სახელწოდებით იხსენიებენ მათ თანამედროვე მკვლევარებიც (პეტრუშევსკი, პისარევსკი). აღნიშნული ტერმინი დაკავშირებულია ე. წ. საქეშქელო დამოკიდებულებასთან, ქეშქელთან, რომლის განსაზღვრაზე ჩვენ შევჩერდებით ქვემოთ, სადაც მწარმოებელ კლასზე იქნება საუბარი. მანამდის კი შეიძლება შევნიშნოთ, რომ ქეშქელის მფლობელი იგივე მიწისმფლობელი ფეოდალია და მისი თავისებურება უფრო მეტად მიწის რენტაში ჩანს.

სამართლიანად შენიშნავს პეტრუშევსკი, რომ XIX საუკუნეშიაც გრძელდებოდა ქეშქელისმფლობელობის (მიწისმფლობელობის) კონცენტრაცია ქვეხებისა და საგვარეულო ზედაფენის სხვა წარმომადგენლების ხელში. ამ პროცესმა გამოიწვია მწვავე ბრძოლა „თავისუფალი თემების“ წიგნით¹. ქარელი ქვეხები უკვე ნათლად იყენებდნენ ჯამაათს, როგორც იარაღს ქეშქელისმფლობელობის გასაფართოებლად. ასეთი იყო ქარელი ერთი ქვეხას მოქმედება, რომელმაც, საბუთების ენით რომ ვთქვათ, „ძლიერის უფლებით მიითვისა საქეშქელო შემოსავალი“².

გასაგებია, რომ საინგილოს მცირე ტერიტორიაზე მიწისმფლობელობის მასშტაბიც მცირე უნდა ყოფილიყო. ქეშქელისმფლობელთა ბანაკში სჭარბობდნენ წვრილი მფლობელები. მაგ., ქარში თითო ქეშქელისმფლობელზე საშუალოდ 5-დან 10-მდე ქეშქელი მოდიოდა³. ქეშქელისმფლობელობის გამსხვილება ვითარდებოდა XIX საუკუნის 30-იანი წლების შემდეგ. ფეოდალური კლასის ჩამოყალიბება ლეკურ თემებში ადრეულ ეტაპზე ასუსტებდა ამ თემების გარეგნულ-პოლიტიკურ მთლიანობას.

XIX საუკუნის დამდეგიდან აღნიშნული თემები ერთიმეორისაგან დამოუკიდებლად აზამენ კავშირს რუსეთის მთავრობასთან. ამ თემებს უკვე ქეშქელისმფლობელები ცვლიან, თუმცა ისინი არ ივიწყებენ, რომ ლეკური თემის სახელით იმოქმედონ.

1801 წ. საქართველოს მთავარმმართველ კნორინგთან ჰარი ცალკე ამყარებს კავშირს. ასე იქცევიან ბელქანი და თალაც⁴. 1802 წ. თალას მამასახლისები წერილით თხოვდნენ ქიზიყში მყოფ რუს სამ-

¹ პეტრუშევსკის დასახ. წიგნი, გვ. 48.

² იქვე, გვ. 44. მოყვანილია ქარელი ქვეხა უმა-კურკუნა შაბანის მაგალითი, რომელმაც 1/3 ქეშქელი მიითვისა სოფ. მარსანში. ეს ქეშქელი ეკუთვნოდათ ჭინხელ ლეკებს. დამოწმებულია ზაქათალის კომისიის სათანადო ფონდი.

³ იქვე, გვ. 45.

Акты, т. I, 899, გვ. 645.

ხედრო მოხელეებს, მიეღოთ ისინი რუსეთის ქვეშევრდომებად — „ჩვენი გლეხებითურთ თქვენთან მოვალთ და გვიმსახურეთო“. ამასთანავე ისინი დასძენდნენ: „მთელმა საქართველომ იცის, რომ თალაელები, ჭარელები, მაწიხელები, კატეხელები და ბელაქნელები სხვადასხვანაირი არიანო“¹. ამ განცხადებით თალაელები იხსნიდნენ პასუხისმგებლობას იმ ქურდულ თავდასხმების გამო, რომლებიც ეწყობოდა ჭარ-ბელაქნიდან კახეთზე. ამავე და მომდევნო წლებში მეფის რუსეთს ლეკურ სოფლებში მრავალი აგენტი ჰყავდა. აგენტების როლში ქეშქელისმფლობელები გამოდიოდნენ.

გაბატონებული კლასი ეთნიკური შემადგენლობით წარმოდგენილი იყო ავარებისა და იმ ქართველ მებატონეთა სახით, რომლებმაც ისლამი მიიღეს. ამავე დროს ამ კლასის რიგებში ჩანდნენ ვაჭრული და სავაზშო კაპიტალის განვითარების შედეგად დაბალი ფუნებიდან ამოტივტივებული ელემენტებიც.

როგორც ზემოთ ითქვა, გაბატონებული კლასის წარმომადგენლის მებატონის სინონიმი აღმოსავლეთ კახეთში „ლეკი“ იყო. იგი ამავე დროს აღნიშნავდა „ადრე ჩამოსახლებულ დამპყრობლებს“. რაც შეეხებოდა „მულალებს“, საინგილოში აზერბაიჯანის მუსლიმანური რაიონებიდან შესახლებულებს, მათ, სარწმუნოებრივი ერთობის ნიაღვრზე, შესძლეს ინგილოებთან შედარებით უფრო „პრივილეგირებული“ მდგომარეობის მოპოვება. კლასობრივი დიფერენციაციის გაღრმავების შედეგად ბევრი მულალი გაუტოლდა გაბატონებულ ლეკებს, რომელთაც ეს არ მოსწონდათ. 50—60-იან წლებში მულალთაგან გამოსული „საპატიო პირებიც“ იხსენიებიან².

6. გენეზოგრაფიული საუკუნის I მესამედი

საინგილოს გლენობა სხვადასხვა ეთნიკურ ჯგუფებისაგან შედგებოდა. აქ იყვნენ როგორც ქართველი ინგილოები, ისე მულალები და ავარებიც. როგორც ითქვა, ავართა დიდი ნაწილი უკვე დამონებული იყო, მაგრამ საგრძნობმა ნაწილმა მაინც შესძლო ძველი პირადი თავისუფლების შენარჩუნება.

„თავისუფალ ავარებს“ შორის მრავლად იყვნენ გალეკებულ-გამაჰმადიანებული, ლეკთა მიერ „ძმად შეყრილი“ ქართველი გლენ-

1 იქვე, № 917, გვ. 654.

2 საარქივო საბ. ჭარ-ბელაქ., გვ. 519, 529.

ბიც, რომლებიც ქართველებად უკვე აღარ იხსენიებოდნენ და „ინგილოთაგან“ განსხვავებით თავისუფალ მოთემეებს წარმოადგენდნენ. „ლეკური“ სოფლის გოგამის რწმუნებულები, მაგალითად, „ზაქათალის კომისიის“ წინაშე საყვედურს აცხადებდნენ იმის გამო, რომ ისინი „მულალთა“ ანუ გვიანჩამოსახლებულთა „წოდებას“ მიაწერეს და დასძენდნენ, რომ სინამდვილეში, როგორც ისინი ისე ლეკთა უმეტესობა, მკვიდრი ქართველი მოსახლეობის ჩამომავალნი იყვნენ¹.

ყმა გლეხთა ძირითად მასას შეადგენდნენ ინგილოები და მულალები. მათ შორის ინგილოები თავიანთი მაღალი სამეურნეო კულტურით, უფრო მეტად ვიდრე სხვები, მიწაზე იყვნენ მიჯაჭვული და მძიმე ფეოდალურ ექსპლოატაციას განიცდიდნენ.

„ინგილო“, „ყარაინგილო“, „ბაშიაღლი“ ინგილო დამონებულ ქართველ გლეხთა აღმნიშვნელი ტერმინები იყო. „ყარაინგილო“ გამოხატავდა მძიმე ბეგარა-გამოსაღებთა მტვირთველ ყმა გლეხს, „შავს“, აუტანელი ცხოვრებით გაშავებულს, ხოლო „ბაშიაღლი“ ახასიათებდა ინგილოს, როგორც ისეთ მშრომელს, რომლისთვისაც ზაქათალის მხოლოდ თავ-ფეხი და შიგნეული იყო მისაწვდომი.

გლეხის, ყმის სინონიმი იყო აგრეთვე „ენისელელი“, „ენისელის“ მცხოვრები, მოგვიანო ხანის ალიაბათის რაიონის მკვიდრი, რომელსაც ბეგარა ეკისრა².

დამონებული ინგილოები და მულალები თავიანთ თავს ეძახდნენ „რაიათებს“ — ყმა გლეხებს, ხოლო მფლობელ ლეკებს — „აღას“, ანუ ბატონს³. აღნიშნული სახელები გავრცელდა საინგილოს ქართველი მოსახლეობის დიდი ნაწილის გამუსლიმანების შემდეგ.

ინგილო გლეხთა უმრავლესობა ცხოვრობდა დაწნულ ქოხმახებში, რომლებიც თიხით იყო შელესილი. მიწის იატაკზე გაჩაღებულ

¹ „... на самом деле, заявители, как себя, так и большинство лезгин, причисляют к коренным жителям здешней местности — грузинам“ (საარქ. საბ. კარ-ბელ. შესახებ, გვ. 508).

² 1874 წ. ზაქათალის კომისიის ჟურნალში ნათქვამი იყო: „В настоящее время енисельцами называются ингиловцы и мугалы Алиабатского наибства, платящие кешкельную повинность лезгинам“. (ცსა, ფ. 236, აღწ. 1, ჟურნ. № 13, ფურ. 64—65).

ერთი ავტორი — შოპენი აღნიშნავდა, რომ „ელისენი ეწოდებოდა მდინარე ბელაქანსა, გიშის-წყალსა ალაზანსა და მთებს და შუა მდებარე ტერიტორიას“ (Шопен Иван. Новые заметки на древния истории Кавказа и его обитателей, СПб. 1866, გვ. 414). ამ ცნობაზე მიგვითითა უფრ. მეცნ. თანამშრომელმა ელ. ფუთურიძემ.

³ ცსა, ფ. 236, აღწ. 1, ეურნ. № 15, ფურ. 87.

შუაგეცხლიდან კვამლი პირდაპირ ჰერში გადიოდა¹. საშინაო მოწყობილობა გლეხის უკიდურეს მინიმალურ მოთხოვნებსაც ვერ აკმაყოფილებდა.

მას შემდეგ, რაც საინგილო პოლიტიკურად ჩამოსცილდა საქართველოს და იქ გამუსლიმანებული ავარ-წახურები გაბატონდნენ, ინგილო გლეხთა სოციალური ჩაგვრა კიდევ უფრო გამწვავდა. ისლამი, ისევე როგორც ქრისტიანობა, წარმოადგენდა სოციალური ჩაგვრის მძიმე იარაღს გაბატონებული კლასის ხელში. ისლამი საინგილოში გავრცელდა როგორც სოციალურ-ეკონომიურად ჩამორჩენილი ტომების რელიგია, რომელმაც მკვიდრთა კულტურული დონე დააქვეითა. დამონებულ გლეხთა ღუხპირ ცხოვრებას ახასიათებდა რელიგიური ფანატიზმისა და მძიმე სოციალური ჩაგვრის ნიადაგზე აღმოცენებული, ინგილოებში არსებული ჩვეულება — ახალშობილი ბავშვის მოკვლა იმ შემთხვევაში, როცა მის გაჩენას მშობელი დედის ავადმყოფობა მოსდევდა. ახალშობილის მამინ ეშმაკეულად აცხადებდნენ და სიცოცხლეს უსპობდნენ².

როგორც ზემოთ ითქვა, გამუსლიმანებული ოჯახის ნათესაური წრე სრულებით ვერ ზღუდავდა ქორწინებითს კავშირს. მხოლოდ დაიყო გამორიცხული ამ კავშირიდან³. გარდა ამისა, ისლამი მეტად აქვეითებდა სამყაროს შესახებ მოსახლეობის წარმოდგენებს. მშრომელებს აქცევდა ყურანის ისეთ ბრმა მონებად, რომელთაც არაფერი ესმოდათ გარდა ალაჰის ცრუ სახელისა და მოღების ბნელი ქადაგებისა. ყოველივე ეს მთელი საშინელებით იჩენდა თავს გლეხის წარმოებითს საქმიანობაში და კიდევ უფრო უმწეოს ხდიდა მის სოციალურ მდგომარეობას. განსაკუთრებით ასუსტებდა მწარმოებელ კლასს ისლამის დღესასწაულები — ორუჟ-ბაირამი და ყურბან-ბაირამი. კერძოდ ორუჟ-ბაირამი სწორედ საველე სამუშაოების პერიოდს ემთხვეოდა (ივნისი) და ერთი თვის განმავლობაში მოითხოვდა მორწმუნეთაგან, რომ მშვიერ-მწყურვალი ყოფილიყვნენ ყოველ დღე, ცისკარიდან ვიდრე დაღამებამდე. ასეთ პირობებში გლეხი თანდათან კარგავდა წარმოებითს უნარს. მისი შრომის ნაყოფიერებაც ეკემოდა. ამასთან საბატონო გადასახადებიც ანელებდა მის სამეურნეო ინიციატივას.

¹ Фон-Плотто. Природа и люди Закавказья, гв. 23.

² ინგილო (დ. ჭანაშვილი) „ვაი ჰკუისაგან“. „დროება“, 1867 წ. № 40. 1867 წ. დ. ჭანაშვილს პირადად უნახავს ასეთი შემთხვევები (იქვე; № 24, გვ. 2).

³ ამ მხრივ დამახასიათებელია ერთი ინგილოური ზღაპარი — ბოროტი დღიანკვალი და მისი ქალიშვილები (Ингилойския сказки. Злая мачеха и ее дочери, записал в сел. Кахн М. Г. Джанапшвили, СМОНПК т. 32, გვ. 138—140).

განსაკუთრებით დაბლობ ნესტიან ზონაში ხშირი იყო გლეხთა მასობრივი ავადმყოფობა, ციებ-ცხელება, ეპიდემიები. თავისი პრიმიტიული წარმოდგენებით ისლამი აქაც გლეხს უგუნური მოლლების კლანჭებში აგდებდა. მოლას შელოცვათა საზღაური სხვა კაბალურ მოვლენებთან ერთად აჩანაგებდა გლეხს მატერიალურად, ამლოცვაზე მინდობილი ავადმყოფი კი სიცოცხლეს ესალმებოდა¹.

მწარმოებელი კლასის ცხოვრებაზე მეტად მძიმე გავლენას ახდენდა აგრეთვე გამუდმებული ქურდობა-ყაჩაღობა; ამ სენის სიმძაფრე იმითაც აიხსნებოდა, რომ აღმოსავლეთ ამიერკავკასიაში ჭერ კიდევ საკმაოდ იყვნენ მომთაბარე ტომები, „რომლებიც, იალალებიდან ყიშლალებში და პირუკუ გადასვლის პერიოდებში, მართლაც დიდ ზარალს აყენებდნენ მიწათმოქმედ სოფლებს“².

არც თუ ისე გადაჭარბებული იყო მაშინ მომთაბარეებზე არსებული ოფიციალური შეხედულება: „მომთაბარეს თავისი ყოფამდგომარეობა იდეალურად მიაჩნია. „არავითად კულტურას, არავითარ მოქალაქეობრივობას იგი არ ეგუება. იგი უგულვებელყოფს ყოველგვარ წესიერ შრომას და პატივს არ სცემს სხვის საკუთრებას; ძარცვა მას მიაჩნია თავისებურ ვაჟაკობად“³.

„...საინგილო საბჭოთა ხელისუფლების დამყარებამდე ხშირად ყაჩაღთა მოედანს წარმოადგენდა. ასეთი იყო განსაკუთრებით მისი დასავლეთი ნაწილი, ლეკებით დასახლებული. ხშირად ისე მძვინვარებდნენ ეს ყაჩაღთა ურდოები, რომ გზაზე გავლა არ შეიძლებოდა, სძარცვავდნენ ყველას, დიდსა და პატარას, იტაცებდნენ სარჩო-საბადებელს, საქონელს, ცხვარს, არა იშვიათად მთელ ნახირს და მთელ ფარას. იტაცებდნენ ხალხსაც და დიდ სასყიდელს თხოულობდნენ მათ გასათავისუფლებლად. მათ გაიტაცეს რამდენიმე ინჟინერი. 1913 წელს, რომელნიც ბელაქნის სპილენძის მადნების კვლევა-

¹ აღნიშნულთან ერთად დამახასიათებელი იყო მუსლიმანთა მოგზაურობა მაქაში. შორეული და სახიფათო გზა ბევრს ასალმებდა წუთისოფელს. წასული სამუდამოდ ემშვიდობებოდა ცოლშვილს. დაბრუნებულს ბედნიერად თვლიდნენ და ჰაჯის—წმინდანს ეძახდნენ (Г. Парадов, Некоторые подробности путешествия в мекку. СМОМПК, т. 32).

² პ. გუგუშვილი. თემური მიწათმფლობელობა ამიერკავკასიაში (ეკონომიკის ინსტ. შრომები, ტ. I, თბილისი, 1946 წ., გვ. 39).

³ П. Гамбаров. О кочевках в связи о пастбищном вопросом (ТКОСХ, 1885, № 9—10, стр. 27). გუგუშვილი. დასახ. ნაშრ., გვ. 39.

ძიებას აწარმოებდნენ და დიდი სასყიდელი მოითხოვეს. ასეთი მაგალითები აუარებელი ხდებოდა წინათ...“¹.

ქურდობა-ყაჩაღობა გაცილებით უფრო ფართო მასშტაბისა იყო მე-18—19 საუკუნეებში, როდესაც გლეხობას მშვიდობიანი სამეურნეო საქმიანობის საშუალება ნაკლებად ჰქონდა.

განსაკუთრებით მასიურ ხასიათს ატარებდა საინგილოში ტყვე აღამიანებით ვაჭრობა, რომელიც არსებობდა 1830 წლამდე და მის შემდეგაც, შედარებით უფრო შენიღბულ ფორმებში. ჰარი ამიერკავკასიაში ტყვეთა ყიდვა-გაყიდვის ერთი სერიოზული ბაზარი იყო². ტყვეებით ვაჭრობდნენ დაღისტნელი და ქარელი აბრაგები, რომლებსაც მკიდრო კავშირი ჰქონდათ ადგილობრივი გაბატონებულ კლასის წარმომადგენლებთან. ყიდდნენ არა მარტო ალაზნის გამოღმა ნაპირიდან მოტაცებულ ტყვეებს, არამედ უმწეო ინგილოებსა და მულალებსაც.

სოციალური ჩაგვრა და ქურდობა-ყაჩაღობა აჩანაგებდა გლეხურ ოჯახებს. ზოგჯერ გლეხი სტოვებდა თავის ფუძეს და მებატონესთან შეთანხმებით ადგილს ინაცვლებდა. ამ გზით იგი მოელოდა მდგომარეობის გაუმჯობესებას, მაგრამ ხშირად ეს პირობების შემდგომ გაუარესებას მოასწავებდა. ასე მოუვიდათ, მაგალითად, ტანაჩის ტყვეებში დასახლებულ ინგილოებს, სოფელ იტი-თალას მცხოვრებლებს, რომლებმაც, მართალია, მიწის ვრცელი ნაკვეთები მიიღეს დასამუშავებლად, მაგრამ ცხოვრების პირობები ძალზე გაიუარესეს.

ტანაჩში ცხოვრება აუტანელი იყო. იგი მიატოვეს მულალებმა და ქარის დასავლეთით, ვიდრე ბელაქნამდე, დასახლდნენ³. ტანაჩში დარჩენილ ინგილოთა დიდ ნაწილს ციებ-ცხელებამ მუსრი გაავლო, დიდმა ნაწილმა კი ჯანმრთელობა დაკარგა. უკანასკნელ დრომდის იტი-თალელების მდგომარეობა (უწყლობის, მალარიის, ეპიდემიების გამო) უმწეო იყო.

ინგილო გლეხთა მძიმე მდგომარეობას წარსულში კარგად ახასიათებს საინგილოში დღემდე შემორჩენილი ზეპირგადმოცემები და

¹ ზ. იდილი. საინგილო, გვ. 120. 1840 წ. ქარის მცხოვრებ ყაჩაღებს მთავრობამ მიწები ჩამოართვა. მათი შემოსავალი გადაეცა ყაჩაღთა მიერ დაზარალებულებს (საარქივო საბ. ჰარ-ბელაქნის შესახებ, 500).

² Бутков. Материалы, т. 1, стр. 164, 217, 389. Акты, т. VII, № 860 и др. Петрушевский. გვ. 29.

³ საარქივო საბუთები ჰარ-ბელაქნის შესახებ, გვ. 508.

განსაკუთრებით ზღაპრული თქმულებები. ზღაპრებში ასახულია მშრომელთა ძველი დუხჭირი ცხოვრების ანარეკლი¹.

საინგილოს სოციალურ ცხოვრებას ახასიათებდა ქალის შეზღუდული უფლებრივი მდგომარეობა. ეს იყო უპირველეს ყოვლისა შედეგი მუსლიმანური რელიგიის გავლენისა მკვიდრთა ყოფა-ცხოვრებაზე². ძველი ქრისტიანული სარწმუნოების გადმონაშთი იყო ამ დროს ჯერ კიდევ ნაწილობრივ შემორჩენილი წესი—მზითვის გატანება ქალისათვის, ისე კი, ჩვეულებრივ, მშობლები ქალიშვილებს ჰყიდდნენ. ჯერ კიდევ 1900 წ. „ივერია აღნიშნავდა:

„საინგილოში ქალის გათხოვება ალებ-მიცემობის საქმედ გამოხდარა. მოიზრდება თუ არა ქალი, დაიწყება ვაჭრობა იმის გათხოვების გამო. რომელი საქმაროც მეტ ფულს მისცემს ქალის პატრონს, საქმე იმის სასარგებლოდ დასძლევს“³.

გლეხი ქალის მდგომარეობა სხვა მხრივად უმწეო ჩანდა. ქალების მშობიარობა ხდებოდა თავლაში. 40 დღის განმავლობაში მასთან მისვლას ცოდვად თვლიდნენ. ეს იწვევდა ქალთა მასობრივ დაავადებას და სიკვდილიანობასაც⁴. ქალთა ხშირი სიკვდილიანობა, როგორც ჩანს, მთავარი მიზეზი იყო იმისა, რომ მამაკაცებთან შედარებით მათი რაოდენობა საინგილოში საგრძნობლად ნაკლები იყო⁵.

შეზღუდული იყო ქალის უფლება სამემკვიდრეო ქონებაზეც. უფრო გვიან, როცა საინგილოში ქრისტიანული სარწმუნოების აღდგენა დაიწყო, ინგილო ქალების უფლებრივი მდგომარეობა ძირითადად ქრისტიანული სამართლის ნორმებით განისაზღვრებოდა⁶.

გლეხთა კლასი საინგილოში, ისე როგორც საერთოდ, ერთ მთლიან საზოგადოებრივ ჯგუფს არ წარმოადგენდა. თავისუფალ მიწისმოქმედთა საგრძნობი ნაწილის არსებობა საინგილოს გლეხობის ერთი სპეციფიკური ნიშანი იყო. ეს გარემოება, რა თქმა უნდა, არ ყო-

¹ საინგილოში ამ ბოლო ხანს ჩაწერილი ზღაპარსიტყვაობა ხელნაწერის სახით გავაცნო დოცენტმა რ. ლამბაშიძემ.

² 1826 წ. პოლკ. კოცებუ შენიშნავდა, რომ მიუხედავად მაჰმადიანური კანონისა ინგილოებში მრავალკოლიანობას ადგილი არ აქვსო. (ЦГИА Азерб. ССР, ф. 579). მაგრამ შემდეგი დროის საბუთები კოცებუს მხარს არ უჭერს. ინგილოებში ახალმა სარწმუნოებამ მრავალკოლიანობაც შეიტანა მეტ-ნაკლები გვარტყლებით. ამის დამამტკიცებელი ფაქტები საკმაოდ მრავალი იყო (ЦГИА Азерб. ССР, ф. 579).

³ გ. ფარაღაშვილი. წერილი საინგილოდან („ივერია“, 1900 წ. № 44).

⁴ იქვე, „ივერია“, 1900 წ. № 135.

⁵ ზ. ედილი. გვ. 178.

⁶ ЦГИА Азерб. ССР, ф. 128, оп. № 1 л. 5—6.

ფილა ადგილობრივ განვითარებული დიფერენციაციის შედეგი. დალისტინიდან აქ ჩამოსახლებულ ავართა ნაწილმა თავისუფალ მოქმედება მდგომარეობის შენარჩუნება შესძლო. მათთან იყვნენ გალექებული ქართველი გლეხებიც. თავისუფალი თემების დაშლის შემდეგ თავისუფალთაგან ერთი ნაწილი სოციალურად გაბატონდა, მეორე ნაწილი გაბატონებული ფენის ექსპლოატაციის უღელქვეშ მოჰყვა, ხოლო მესამე — თავისი ძველი თავისუფლება შეინარჩუნა. ამ ნაწილში შედიოდნენ თავისუფალი მიწისმოქმედი გლეხები. ბატონყმური ურთიერთობის პირობებში მათი მდგომარეობა ყმა გლეხთა მდგომარეობისაგან დიდად განსხვავდებოდა. თავისუფალი გლეხები მწარმოებელი კლასის გარდამავალ ფენას შეადგენენ. სოციალური დიფერენციაცია მათ შეუჩერებლივ ერეკებოდა ყმა გლეხთა რიგებში. ეს პროცესი განსაკუთრებით განვითარდა XIX საუკუნის დასაწყისში.

თავისუფალ გლეხთა მდგომარეობას უახლოვდებოდნენ ე. წ. უზდენები. „უზდენი“ აღნიშნავდა ყოველგვარი ბეგარისაგან თავისუფალ პირს¹.

1830 წლამდე განსხვავებული იყო უზდენტა 2 კატეგორია. პირველი კატეგორიის უზდენი „მიწისმფლობელის მოწვევით“ ყიდულობდა საკარმიდამო მიწას, ხოლო სახნავი მიწით სარგებლობდა „მალჯათის“ საფუძველზე — იხდიდა მოსავლის $\frac{1}{8}$ -ს. ასეთი უზდენები შეადგენდნენ მფლობელის მცველთა რაზმს და მიაცილებდნენ საბაზროდ სომეხ ვაჭრებს². უზდენტა მეორე კატეგორია შედგებოდა იმ რაიათებისაგან (გლეხებისაგან), რომელთაც „განსაკუთრებული დამსახურებისათვის“ მებატონე აძლევდა უფლებას ეყიდა საკარმიდამო მიწა, ან თვით მებატონე მისცემდა მას ასეთ მიწას. სახნავი მიწებით ისინი სარგებლობდნენ ისევე როგორც პირველი კატეგორიის უზდენები. ორივე რიგის უზდენი მებატონის მცველთა რაზმში იყო³. უზდენები მოგვაგონებენ ქართველ მსახურთა გარდამავალი კატეგორიის გლეხებს.

სოფელი მაწეხის რწმუნებულები 1872 წ. ზაქათალის კომისიას უცხადებდნენ, რომ მაწეხელები განიყოფებოდნენ ორ ფენად: უზდენებად, ანუ თავისუფალ რაიათებად და რაიათებად. რაიათები კი თავის მხრივ იყოფოდნენ „მულალებად“ და „მონებად“⁴. ის, ვინც

1 ცსსა, ფ. 236, აღწ. 1, უჟრნ. 45, ფურ. 23—33.

2 ცსსა, ფ. 236, საქმე 14, უჟრნ. 58, ფურ. 107.

3 ასე განსაზღვრეს უზდენტა მდგომარეობა ვაჩნაძეებმა (გალაქიეებმა), რომლებმაც ბელაქნის ბატონები იყვნენ (იქვე).

4 ცსსა, ფ. 236, აღწ. 1, უჟრნ. 45, ფურ. 23—33.

სოფელში შემოვიდოდა, როგორც თავისუფალი, შეისყიდდა მიწას. ამით შეინარჩუნებდა თავისუფალის ანუ უზდენის უფლებებს და არავის გადასახადს არ გადაუხდიდა¹.

აღნიშნული ცნობებიდან ნათლად ჩანს, რომ „უზდენი“ ნიშნავდა პირადად თავისუფალ გლეხს, რომელსაც მემატონის ზღვბა, მისი დაცვა ევალებოდა. ასეთი დამოკიდებულება უნდა ყოფილიყო მაშინ, როცა მემატონე თვითონ გამოუყოფდა გლეხს საკარმიდამო მიწას, ან იჯარით მისცემდა სახნავ ნაკვეთს. მაგრამ თუ „თავისუფალი გლეხი“ მიწას შეისყიდდა, ამით იგი თავის თავისუფლებას შეინარჩუნებდა. ასეთი შემთხვევები გამონაკლისს შეადგენდა.

მოტანილი მასალიდან აგრეთვე ჩანს, რომ გლეხს — რაიათს მემატონის ნებართვის გარეშე არ შეეძლო მიწის შესყიდვა და თავისუფლების მოპოვება. ამისათვის, ისე როგორც საერთოდ ქართულ ბატონყმურ სისტემას ახასიათებდა, საჭირო ყოფილა გლეხის „განსაკუთრებული დამსახურება“.

თავისუფალ გლეხთა რიგს ეკუთვნოდნენ ე. წ. მ ა ა ფ ე ბ ი. 1847 წ. მეფის მთავრობის მიერ დამტკიცებული დებულების მიხედვით, მათები ამიერკავკასიაში საერთოდ გადასახადებისაგან თავისუფალი იყვნენ; მათ პოლიციური სამსახური ეკისრათ. 1853 წლიდან ეს „წოდება“ საინგილოში უკვე აღარ იყო. ძველი მათები დაბეგრილი იყვნენ. სახელწოდება „მააფი“ ხალხში შემორჩენილი იყო უკვე სხვა მნიშვნელობით, რომელიც ძველი თავისუფლების მოგონებას გამოხატავდა. მაინც ჩანდა, რომ მათების ადრეული თავისუფლებაც პირობითი იყო და ძირითადად მოხელეობას უკავშირდებოდა. ამაზე მიუთითებს მათი პოლიციური სამსახური. გარდა ამისა, XIX ს-ნის შუაში ხალხი ასხევეებდა დროებითსა და მუდმივ მათებს. დროებით მათებად თვლიდნენ მოლებს, ყვავილის ამცრალებს და ობლებსაც კი. „მუდმივებს“ ეძახდნენ იმ მათებს, რომელთა წინაპარი რომელიღაც დამსახურებისათვის გადასახადისაგან განთავისუფლდა. მაგ., სოფ. ყორღანის მოლა მოჰამედ-ოღლი (როგორც ჩანს ინგილო იყო) მიწით უფასოდ სარგებლობდა იმიტომ, რომ „მისმა წინაპრებმა დაათუძნეს სოფელი და მასში წყალი შეიყვანეს“². ასეთები დიდ გამონაკლისს შეადგენდნენ. უკანასკნელი ფაქტი მიუთითებს, რომ მათობა, ანუ დაუბეგრავე მდგომარეობა, ზოგჯერ ჩამომავლობითაც გადადიოდა, ზოგჯერ (ობოლთა მათობა) ეს

1 იქვე.

2 ცსსა, ფ. 236, აღწ. 1, ქურნ. 15, ფურ. 88.

ტერმინი — მათობა — შეუძლებელ გადამხდელთა მიმართაც იხმარებოდა გადასახადისაგან თავისუფალის მნიშვნელობით.

საინგილოს საზოგადოებრივ ურთიერთობას მეტად სპეციფიკურს ხდის ის გარემოება, რომ ეთნიკური ჯგუფების აღმნიშვნელი ტერმინები — ლეკი, მულალი, ინგილო—არსებულ საბუთებში ხშირად სოციალურ ტერმინებად გვევლინება. ეს გარემოება ძალზე ართულებს აღნიშნული ურთიერთობის დახასიათებას.

ზაქათალის კომისიის ზღვა მასალებში, სადაც დიდი ადგილი ეთმობა ცალკეული სოფლების რწმუნებულთა დაკითხვებს, ხშირად ტერმინი „მულალი“ აღრეულია და ამიტომ გაუგებრობას ქმნის, ზოგჯერ კი თითქოს ნათლად ჩანს, რომ იგი, როგორც სოციალურად დაკნინებული კატეგორია, უპირისპირდება „ლეკს“ — გაბატონებულ კატეგორიას. ასევე ზოგჯერ ჩანს, რომ „მულალიც“, ძლიერი და იგი არაფრით არ განსხვავდება „ლეკისაგან“. რაც შეეხება „ინგილოს“ იგი თითქოს გარკვევით აღნიშნავდა დამორჩილებულ ყმა გლეხს, მაგრამ არც ეს გამორიცხავდა, რომ ინგილოთაგანაც ბევრს გაბატონებული მდგომარეობა ჰქონდა.

აღნიშნულ ტერმინებს XIX საუკუნეში, განსაკუთრებით 1830 წ. შემდეგ, თავისი ძველი მნიშვნელობა მხოლოდ ნაწილობრივ ჰქონდათ. ამ დროის „ლეკი“, „ინგილო“, თუ „მულალი“ თითქმის შინაარსგამოცლილი სიტყვები იყვნენ და ყოველ მათგანში იგულისხმებოდა გაბატონებული და დამონებული. მიუხედავად ამისა ამ ტერმინებს თავისი სოციალური მნიშვნელობა ბოლომდის არ დაუკარგავთ და ისინი დარჩნენ გაბატონებულის (ლეკი), გარდამავალი სოციალური ჯგუფის (პირობით — მულალი), თუ დამორჩილებულის (ინგილო) მხოლოდ მიახლოებით სინონიმებად. ამდენად აღნიშნული ტერმინების ხმარება სოციალურ ტერმინებად XIX საუკუნის პერიოდისათვის მხოლოდ პირობით თუ შეიძლება.

რამდენიმე სიტყვით შევჩერდებით „სოციალური“ ტერმინის — „მულალის“ შესახებ, რადგან ეს ტერმინი სხვადასხვა მნიშვნელობითაა წარმოდგენილი.

ერთი ოფიციალური წერილის ცნობით, XIX საუკუნის დამდეგამდე მულალები საინგილოში ხნავდენ მებატონის მიწას, თესდნენ, მკიდნენ, უვლიდნენ ბალებს, ეზიდებოდნენ შეშას; მებატონეს მულალთა ოჯახებიდან აჰყავდა ხელზე მოსამსახურე. ერთი სიტყვით, ისინი ყმა გლეხები იყვნენ¹. ეს დახასიათება, როგორც ჩანს, ეხებოდა მულალთა მხოლოდ ერთ ჯგუფს.

¹ Джаро-белаканцы до XIX века.

მეორე ოფიციალური წერილი ასხვევებდა მულალთა 2 კატეგორიას: 1. ვინც ლეკებთან ერთად ჩამოსახლდა და ლეკებს უფლებრივად გაუტოლდა, 2. ვინც გვიან ჩამოსახლდა და ლებულობდა უძრავი ქონების შექმნის უფლებას, ექცეოდა მიწისმფლობელთა კაბალაში¹.

ზაქათალის ცნობილი კომისია შენიშნავდა, რომ მულალები საერთოდ გვიან დასახლდნენ ლეკთა მიერ დაპყრობილ მიწებზე, იკისრეს გადასახადები, მაგრამ როგორც ლეკებთან ერთმორწმუნეები, მათთან გათანასწორდნენ უფლებრივადაც. იქვე დამოწმებულია მაშინ არსებული მდგომარეობა (1872 წ.), როდესაც მულალებს საკუთარი მიწა ჰქონდათ და ლეკთა მსგავსად ლებულობდნენ გადასახადებს ინგილოებისაგან; „ხოლო ის მულალები, რომლებმაც ვერ მოასწრეს გაბატონებულ ხალხთან შერწყმა, დარჩნენ მებატონეთა საკუთრებაში ზუსტად ისევე, როგორც ინგილოები“².

1872 წ. არსებული მდგომარეობა უფრო მეტად შედეგი იყო იმ სოციალური დიფერენციაციისა, რომელიც მაშინ გლახთა შორის ხდებოდა. მიუხედავად ამისა, კომისიის მითითება იმის შესახებ, რომ ლეკებთან სარწმუნოებრივმა ერთიანობამ ხელი შეუწყო მულალთა ერთი ნაწილის დაწინაურებას, ანგარიშგასაწევია. გარდა ამისა ნათლად ჩანს, რომ „მულალობა“ მთლიანი კატეგორია არ იყო. დამახასიათებელია აგრეთვე ჰარელ ლეკთა განცხადება, რომ „ყველა გვიანჩამოსახლებულს ლეკები უწოდებდნენ მულალს მათ გამოკლებით, რომლებიც ჰარში დასახლდნენ და რომელთაც მცირერიცხოვანობისა გამო ეძახიან ლეკებს“³. აქ კარგად ჩანს მულალთა ერთი ნაწილის სოციალური გათანასწორება ლეკებთან და ამავე დროს ეთნიკური შერწყმაც.

გოგამელი რწმუნებულები ჩიოდნენ, რომ ისინი უმართებულოდ მიაწერეს „მულალთა წოდებას“⁴. ამ საჩივარში სიტყვა „წოდება“ გვიანჩამოსახლებულის მნიშვნელობითაა ნახმარი და შეიძლება ვიგულისხმოთ, რომ „მულალი“ სოციალური ნიუანსით ზოგჯერ იგივე გვიანჩამოსახლებული ლეკია. „გვიანჩამოსახლებული ლეკიც“ დამორჩილებულის, არაპრივილეგირებულის მნიშვნელობით ესმოდათ.

¹ Закаतालский округ. Кавказский календарь 1917, გვ. 300.

² საარქივო საბუთები ჰარ-ბელაქნ. შესახებ, გვ. 507.

³ იქვე.

⁴ იქვე. გვ. 508.

მულალთა ერთი ნაწილის გადასვლა გაბატონებული კლასის რიგებში ზოგჯერ იწვევდა მათი ეთნიკური სახელის შეცვლასაც, ეს ხდებოდა უფრო გვიან, XIX საუკუნის 60—70-იან წლებში. მაგ., სოფელ გიულუკში (ვარდიანი) იყო რამდენიმე მულალური კომლი, რომელიც „ლეკებს გაუთანაბრდა“ ისე, რომ თავს „ლეკს უწოდებდა“¹.

ერთი სიტყვით, „მულალობა“ საკუთარ თავს უარყოფდა და „ლეკობისათვის“ იბრძოდა. ასეთ მისწრაფებაში ყოველთვის არ იგულისხმებოდა გაბატონებული მდგომარეობის მოპოვება. XIX საუკუნის I ნახევარში ჯერ კიდევ ცოცხლობდნენ თავისუფალი ლეკური თემების ძველი წყობილების გადმონაშთები. მიუხედავად ამ თემების დაშლისა ლეკთა საგრძნობმა ნაწილმა შეინარჩუნა ძველი თავისუფლება (თუ მხედველობაში არ მივიღებდით სახელმწიფო ბეგარას, რომელიც ამ ნაწილსაც ეკისრა 1830 წ. შემდეგ) და სათემო პრივილეგიების ელემენტები — უფლება სათემო მიწისნაკვეთებზე, მონაწილეობა მთის საძოვრებში და სხვ. ასეთი უფლებების მოპოვება მულალისათვის მდგომარეობის გაუმჯობესებას მოასწავებდა.

მიუხედავად აღნიშნული მომენტებისა „მულალი“ თავისი გარეგნული სოციალური მნიშვნელობით ინგილოსთან შედარებით მაინც პრივილეგიურებულად გამოიყურებოდა თუნდაც იმით, რომ იგი ლეკთან ახლოს იდგა. „გვიანჩამოსახლებული“, რასაც ლეკები მულალებს ეძახდნენ², ინგილოსთან შედარებით უკეთეს მდგომარეობაში იყო. გვიანჩამოსახლებულთა საგრძნობი ნაწილი მაინც სარგებლობდა პირადი თავისუფლებით, ინგილოთა ძირითადი მასა კი ამასაც მოკლებული იყო. იყო შემთხვევა, როცა გამუსლიმანებული ინგილო ჩემულობდა „მულაობას“. მაგ., იქ, სადაც სოფელი ძველი შოთავრიხა და ბაბალოს საქეშქელო ნაკვეთებზეა საუბარი, ზაქათალის კომისია შენიშნავს: „ამ ქეშქელებს ამუშავენს ინგილო-მუსლიმანთა 35 კომლი. თუმცა მცხოვრებნი თავიანთ თავს არა ინგილოებად, არამედ მულალებად სცნობენ“³. ამის მიზეზი ისიც უნდა ყოფილიყო, რომ მულალთა გადასახადები ზოგჯერ ნაკლები იყო ვიდრე ინგილოებისა; ასე იყო, მაგალითად, ელისუს სასულტნოში⁴.

მწარმოებელი კლასის ძირითად მასას საინგილოში შეადგენდნენ ყმა გლეხები, რომელთა რიგში იგულისხმებოდა საინგილოს ტერიტორიაზე მცხოვრები ყველა ეთნიკური ჯგუფის წარმომადგენელი

¹ ცსსა, ფ. 236, აღწ. 1, საქმე 14, ეურნ. № 55.

² საარქ. საბ. ქარ-ბელაქნ. შესახებ, გვ. 519.

³ ცსსა, ფ. 236, აღწ. 1, ეურნ. 15, ფურ. 76.

⁴ Петрушевский. Джарс-Ялак., გვ. 31.

ჩინგილო, ავარი, მულალი), მაგრამ ი ნ გ ი ლ ე ბ ი მათ შორის უმრავლესობას შეადგენდნენ.

საინგილოში ყმა გლეხთა ტიპიური წარმომადგენლები იყვნენ ძველი ქართველი თავადების — ვაჩნაძეების (გალაჭევეების) ყმები ბელაქანში. თვით ამ მემატონეთა განცხადებით, რაც აგრეთვე ლეკური სხვა სოფლების „საპატიო პირებმა“ დაადასტურეს, ვაჩნაძეთა მიწაზე მცხოვრები გლეხები იწოდებოდნენ „რაიათებად“. ეს იყო ყმა გლეხთა აღმნიშვნელი მუსლიმანური სახელი; მაგრამ „რაიათი“ ყოველთვის არ გადმოგვცემდა ქართული ბატონყმური სისტემის ყმა გლეხის შინაარსს. მაგალითად, რაიათი აღმოსავლეთ ამიერკავკასიის მუსლიმანურ რაიონებში ქართული ყმა გლეხისაგან განსხვავდებოდა. ასე არ ითქმის კერძოდ საინგილოს რაიათებზე. ამათ შესახებ კი შეიძლება ითქვას, რომ ისინი, თუ მთლიანად არა, უმეტესი ნიშნების მიხედვით მაინც ყმა გლეხები იყვნენ.

აქვე უნდა შევნიშნოთ, რომ საინგილოს შიგნითაც ყველა რაიათი ერთნაირი მდგომარეობით არ ხასიათდებოდა. მაგალითად, განსხვავება იყო კერძოდ ბელაქნის რაიათებსა და ელისუს სასულტნოს რაიათებს შორის. ეს იქ გამოჩნდება, სადაც ბევრადმი დამოკიდებულების შესახებ ვისაუბრებთ.

ბელაქნის რაიათები მე-18 საუკუნის II ნახევარსა და XIX საუკუნის დამდეგს თავიანთი მემატონეებისადმი ვალდებული იყვნენ თითქმის ისევე, როგორც ქართველი ყმა გლეხები. ეს კარგად ჩანს რაიათებზე დაკისრებულ ბეგარა-გადასახადებში.

ყმა გლეხი — რაიათი მოვალე იყო:

1. მიეცა მემატონისათვის მიწის შემოსავლის ერთი მერვედი.
2. მიეცა მემატონისათვის აბრეშუმის შემოსავლის ერთი მესამედი, ასევე ხილის ბაღებისა და ვენახისაგან.
3. მიეზიდა მემატონისათვის ტყის მასალა, შეშა იმ ადგილიდან, სადაც ბატონი მიუთითებდა.
4. მოეთიბა თივა, რომლის ორი მესამედი ბატონისათვის უნდა მიეტანა, ხოლო $\frac{1}{3}$ მას დარჩებოდა.

5. ემუშავნა მემატონის ნაკვეთზე, მოეხნა-დაეთესა და აღებული მოსავალი მთლიანად ბატონისთვის მიეტანა. ამ სამუშაოს გლეხები რიგ-რიგობით ასრულებდნენ. საბატონო სამუშაოების დროს „სურსათი ბატონისა იყო“¹.

¹ „... рабочие получали в это время продовольствие от помещика“ (ცხსა, ფ. 236, აღწ. 1, საქ. № 14, უტრნ. 58, ფურ. 106—107). საარქივო საბ. კარბელაქნ შესახებ, 518—519.

6. ქალიშვილის გათხოვებისას პატარძლის მშობლები აძლევდნენ მებატონეს გარკვეულ თანხას (3 მან., 7—20 მან.)¹.

7. გლეხი მოვალე იყო გადაეყვანა თავისი მებატონე ზაფხულობით სააგარაკოდ და უკან.

8. მებატონის მოთხოვნით გლეხი შეიძლებოდა აყვანილიყო შისაყმად — ხელზე მოსამსახურედ².

როგორც ვხედავთ, წარმოდგენილია სამივე სახის რენტა. მათ შორის ფულადი რენტა უმნიშვნელოა. ამის მიზეზია ნატურალური მეურნეობის ბატონობა, ფულადი-სასაქონლო ურთიერთობის განუყოფარებლობა.

წარმოდგენილი ვალდებულებანი ტიპიურია ქართული ბატონყმური წყობილებისათვის. გამუსლიმანებულ ვაჩნაძეს შენარჩუნებული აქვს ძველი კახელი მებატონის თვისებები. დამახასიათებელია აგრეთვე ისიც, რომ ვაჩნაძის საყმო უბანში პირადად თავისუფალი გლეხები არ ჩანან. გადასახადებისაგან განთავისუფლებულებს—განატებულებს მაინც ეკისრებოდათ ბატონის სამსახური.

აღნიშნული დამოკიდებულება არსებობდა ვიდრე 1830 წლამდე. ამ წლის შემდეგ კი ვაჩნაძეთა უფლებები თავიანთ ყმა გლეხებზე თანდათანობით ქრება. ამის მიზეზი ყოფილა არა მარტო აჯანყება, არამედ ვაჩნაძეთა გლეხების დიდი ნაწილის გადასახლება ლაგოდეხისაკენ. ეს მომხდარა ადგილობრივი ხელისუფლების წაქეზებით. შემდეგ ეს გლეხები ისევ ბელაქანში დაბრუნებულან, მაგრამ რუსულ მმართველობას, ვაჩნაძეთა განცხადებით, მოუთხოვნიან, რომ არ შეევიწროებინათ რაიათები „ზემოთ აღნიშნული გადასახადებით“. ამას კი შედეგად მოჰყვა ის, რომ „რაიათები სულ უფრო ნაკლებსა და ნაკლებ შემოსავალს აძლევდნენ მებატონეებს და ბოლოს გადასახადების გადახდა სულ შეწყვიტეს“. მართლაც, 1830 წლის შემდეგ მებატონე ვაჩნაძეები გამუდმებით ჩივიან რუსეთის მთავრობასთან და მოითხოვენ, „აიძულონ მათ მიწაზე მცხოვრები გლეხები, რომ გადაიხადონ ძველი გადასახადები“³.

როგორც ზევით ითქვა, 1830 წ. აჯანყებასთან დაკავშირებით რუსეთის მთავრობამ თავისუფლება გამოუცხადა „ბელაქნის, კატეხისა და მაწეხის მულალებს“ (აქაურ მულალებში იგულისხმებოდა ინგილოთა გარკვეული ნაწილიც), ისინი იწერებოდნენ სახაზინო

¹ საარქ. საბ. კარ-ბელაქნის შესახებ, გვ. 519, 538.

² ცსსა, ფ. 236, აღწ. 1. საქ. 14, უკრნ. 58, ფურ. 106—107.

³ იქვე, ფურ. 108—109.

გლახებად. ამის შემდეგ ვაჩნაძეებს დიდი ბრძოლა მოუხდათ ძველი მდგომარეობის აღდგენისათვის. მათ ეს მხოლოდ ნაწილობრივ შესძლეს.

პროფ. პეტრუშევსკის მოსაზრებით, ავართა ბატონობის პირველ პერიოდში ინგილოთა ბეგარა უნდა შემცირებულიყო იმის გამო, რომ ავართულ საგვარეულოებს პრიმიტიული სამეურნეო წყობა ჰქონდათ. საბატონო მუშაობითი ბეგარა უნდა გაუქმებულიყო იმიტომ, რომ ახალ მესაკუთრეებს არ ჰქონდათ საკუთარი მსხვილი მეურნეობა, რასაც მუშა ხელი უნდა მოეთხოვა. ეს დასკვნა ავტორის მიერ გამაგრებულია იმით, რომ გლახების განცხადებით წინათ ისინი იხდიდნენ ძალზე მცირე რაოდენობის მარცვლეულს და ერთ ნაჭერ „ლეინს“ (ბამბის ქრელი ქსოვილი, შინამრეწველური ნაწარმი, 1,6 მეტრის სიგრძისა). ასეთი იყო გადასახადი ლექთა სასარგებლოდ მე-18 ს. ბოლომდე, შემდეგ იგი თანდათანობით იზრდებოდა¹; იხდიდნენ 3—3 ნაჭერ ლეინსაც, ზოგჯერ 5-საც. XIX ს-ში ეს გადასახადი ქრება. ამის მიზეზია საქონლადი ურთიერთობის განვითარება, ლეინის წარმოების დაცემა, მარცვლეულით გადასახადის ზრდა².

აღნიშნული მოსაზრება ჩვენ მთლად სწორად არ მიგვაჩნია. დასაწყისში, როგორც ზევით დავინახეთ, იქ, სადაც ძველი მებატონეები შემორჩნენ, ძველი დამოკიდებულება ძალაში დარჩა. აღრინდელი მსუბუქი დაბეგრა, რომლის შესახებ ხსენებული ავტორი მიუთითებს, გულისხმობს, როგორც ჩანს, მხოლოდ ცალკეული სოფლებს მაგალითს, შეიძლება ისეთ სოფლებს, რომელთა ძველი მებატონეები მოსულეებმა მთლიანად განდევნეს. ლექურ „ჭგუფურ სენიორიას“ კი დასაწყისში, კერძოდ იმ საფეხურზე, როდესაც ლექურა თემები გადაგვარებას იწყებდნენ, ბევრის მოთხოვნა ინგილოთაგან მართლაც არ შეეძლოთ. ან კიდევ, თითო ნაჭერი ბურმეთის მოთხოვნა და მარცვლეულის მცირე გადასახადი შეიძლებოდა ყოფილიყო ერთგვარი ხარკი, რომელიც გაბატონებულმა ლექურმა თემებმა დაპყრობილი მკვიდრი მოსახლეობის ერთ ნაწილს დააკისრეს. ამ შემთხვევაში ეს ხარკი იქნებოდა უცხო დამპყრობლის სასარგებლოდ შესაკრები გადასახადი და, არა ფეოდალური დამოკიდებულების მოვლენა³.

1 პეტრუშევსკის დასახ. წიგნი, გვ. 42, 50.

2 იქვე, გვ. 51—52.

3 პეტრუშევსკი ბურმეთით გადასახადს უწოდებს „ფეოდალურ რენტას“ (გვ. 42). ეს ჩვენ არ მიგვაჩნია სწორად.

გარდა ზემოაღნიშნულისა გასათვალისწინებელია ისიც, რომ ძალზე საეკეოა ზაქათალის კომისიისადმი საინგილოს გლეხთა იმ განცხადებებზე დანდობა, რომლებშიც ისინი ძველ საგადასახადო დამოკიდებულებას ახასიათებდნენ. ცხადია, რომ გლეხები იბრძოდნენ თავიანთ მდგომარეობის შემსუბუქებისათვის. თვით ზაქათალის კომისიის მოღვაწეობა გლეხებში განთავისუფლების იმედს სახავედა და ისინიც ცდილობდნენ შემცირებით წარმოედგინათ თავიანთი ძველი და ახალი ვალდებულებანი და თხოვდნენ მთავრობას, რომ გლეხთაგან მებატონეებს ძალზე ცოტა, ან სულ არაფერი არ მოეთხოვათ.

ძველ ვალდებულებათა შემცირებით წარმოდგენის ცდები გამოსჭვივოდა თვით გლეხთა განცხადებებში. დამახასიათებელი ფაქტები მოჰყავს თვით პეტრუშევსკისაც. მაგალითად, სოფ. ვერხვიანის რწმუნებულები წინათ არსებული გადასახადების შესახებ უცხადებდნენ ზაქათალის კომისიას: „გადასახადი იყო თვითნებური (იგულისხმება მებატონეთა ძალადობა, მ. დ.), თუმცა დაკისრებული გექონდა (20-იან წლებში) 6—6 თალარი... ლეკებთან ლაპარაკი არ შეიძლებოდა. ფეხებით გვკიდებდნენ. ასე გრძელდებოდა 1830 წლამდე“¹.

ინგილოებისა და მულალების განცხადება ლეინით გადასახადის შესახებ, რომელსაც პეტრუშევსკი ეყრდნობა, ავტორის მიერ სისრულით გათვალისწინებული ვერაა. ზაქათალის კომისიის № 46-ეურნალში ნათქვამია, რომ ლეკებმა დასაწყისში მცხოვრებლებს დააკისრეს თითო ცალი ლეინი ყოველ კომლზე. „შემდეგ კი 5—5 ჩანახი პური“, რომლის გადასახადი თანდათან იზრდებოდა². აქ რწმუნებულები არ ასრულებენ თავიანთ ახსნა-განმარტებას და დასძენენ, რომ აღნიშნულს გარდა, ქალიშვილის გათხოვებისას ისინი ლეკებს უხდიდნენ 7-დან 20 მანეთს. ამით სწურავდნენ ისინი თავიანთ ვალდებულებებს. მაგრამ იქვე ჰარელი ლეკები უმატებდნენ, რომ მათ გლეხებს საბატონო სამუშაოები ეკისრათ. პურის გადასახადის მოტანისას ყმა გლეხები ლეკის ბრძანებით რამდენიმე დღით რჩებოდნენ მის ოჯახში და უნდა შეესრულებინათ მათზე დაკისრე-

¹ „ЦАУГ Фонд Закатальской сосл. поземельн. комиссии, дело 40, л. 116“ (Петрушевский. Джаро-белак. вольн. общ., 50—51).

² „По словам поверенных от иттилойских и мугалыкских селений, лезгинские общества... обложили жителей данью с начала по штуке бурмета (бумажная крашенная материя) с каждого дыма, а потом по 5 чанахов хлеба“ (სარკ. საბ. ჰარ-ბელ., 538). აქ ნახმარი სიტყვა—დანь პეტრუშევსკის მიერ გააზრებულია, როგორც—„дань (феодалыная рента)“. დასახ. ნაშრ. გვ. 42.

ბული სამუშაოები: მოეზიდათ შეშა, შეეკეთებინათ სახლი ან ღობე, გაეკრათ თხრილი და სხვ. („...починить сажу или плетень, скопать ров и т. п.“)¹.

აღნიშნულიდან ჩანს, რომ დასაწყისში ლექთა სასარგებლოდ გაწერილი ხარკი თანდათანობით იქცეოდა ფეოდალური დამოკიდებულების ფორმად და ასეთი გადაქცევა უნდა მომხდარიყო ლექური თემების დაშლასთან დაკავშირებით.

მოტანილ ცნობაში მითითებული საბატონო სამუშაო უკავშირდება ბატონთან პურიტ გადასახადის მიზიდვის მომენტს. ეს საფუძველს აძლევს პეტრუშევსკის, რომ აღნიშნული მდგომარეობა გამოაცხადოს „უფრო მეტად“ აზერბაიჯანში არსებული მოვლენის ანალოგიად, სადაც რაიათები ყოველ წელიწადში 3—4 დღეს გამოდიოდნენ საბატონო სამუშაოებზე ბეგთა სასარგებლოდ. იმავე ავტორის განცხადებით, აღნიშნული დამოკიდებულება „ნაწილობრივ“ ჰგავდა საქართველოში არსებულ პირად ბეგარას².

ჩვენ ზემოთ მივუთითეთ, რომ ვაჩნადეთა ყმა გლეხების საბატონო სამუშაოები არ იყო დაკავშირებული პურიტ გადასახადის შეტანის მომენტთან. ბელაქნის გლეხებს საბატონო ბეგარა ეკისრათ საველე სამუშაოების მთელი სეზონის განმავლობაში. გარდა ამისა, 1831 წ. ჰარის საოლქო მმართველობის მიერ შეკრებილი ცნობებით მაწუხის, კატეხის, გოგამისა და სხვა სოფლების მებატონეთა გლეხები «пахали для своих агаларов землю, собирали с полей хлеб, доставляли оный на место, возили дрова и производили разные другие работы»³.

ერთი სიტყვით, ზაქათალის კომისიის მასალებში მოცემული წინააღმდეგობა გადალახულია თვით ამავე მასალებში დაცული საბუთიანობით. ამიტომ ამ მასალათა გამოყენებისას უნდა განსხვავებულ იქნას ის ადგილები, სადაც კომისია ახდენს რწმუნებულთა განცხადებების რეგისტრაციას და ის ადგილები, სადაც იგი იმოწმებს სა-

¹ საარქივო საბ. ჰარ-ბელ. შესახებ, გვ. 538. საყურადღებოა, რომ ჰარელმა ლეკებმა შეითვისეს ტერმინი „სახლი“. ეს იმის ერთი ნიშანი იყო, რომ ისინი აქ ეზო-არნენ ქართულ კულტურულ ცხოვრებას.

² პეტრუშევსკის დასახ. წიგნი, გვ. 52.

³ საარქივო საბ. ჰარ-ბელაქნ. შესახებ, გვ. 518—519. აღნიშნული დამოკიდებულება პროფ. პეტრუშევსკის რატომღაც არ მიაჩნია „ნამდვილ“ საბატონო სამუშაო ბეგარად (დასახ. წიგნი, გვ. 53).

ბუთებს. საკითხისადმი ასეთი მიდგომით არსებულ მასალებს იმ დასკვნამდე მივყავართ, რომ საინგილოში არსებული ურთიერთობა ძირითადად იგივე ქართული ბატონყმური ურთიერთობა იყო.

ერთი ოფიციალური წერილის ავტორი ხაზს უსვამს საინგილოს მემატონეთა მიერ ყმა გლეხების გაყიდვის პრაქტიკას და დასძენს, რომ გაყიდვა უნდა მომხდარიყო მიწიანად. ამასთან ერთად იგი აღნიშნავს, რომ გლეხებს ევალებოდათ მემატონის გამასპინძლება, რომელიც ისეთივე მძიმე ბეგარად გამოიყურებოდა, როგორც საერთოდ გვიანფეოდალურ საქართველოში: „როდესაც მემატონეები ეწვეოდნენ თავიანთ გლეხებს, ეს უკანასკნელნი მოვალენი იყვნენ მემატონეთა სოფელში დარჩენის დროის განმავლობაში გამოეკვებათ ისინი — გაეწიათ მასპინძლობა“¹.

„მობრძანდებოდა თუ არა ჩვენთან მემატონე ლეკი, — იგონებდნენ ინგილოები, — პატივი უნდა გვეცა არა მარტო მისთვის, არამედ მისი ცხენისთვისაც. შემოვიდოდა თუ არა ჩვენს ეზოში და ჩამოხტებოდა ცხენიდან, მისი ცხენის ქვეშ ჩეჭიმი ან ფარდაგი უნდა გაგვეშალა და ზედ უნდა მდგარიყო ცხენით... ჩვენი რაც კი მოეწონებოდა ლეკს სახლ-კარში, მაშინვე ხელს დაადებდა და თან წაიღებდა“².

მძიმე სოციალური ჩაგვრა საინგილოში მეტად ამწვავებდა კლასობრივ წინააღმდეგობას ინგილოებსა და მემატონე ლეკებს შორის. დ. ჭანაშვილის გადმოცემით, „ყოველი ინგილო იცნობდა თავის მემამულე ბატონს“. განსაკუთრებით აუტანელი იყო გლეხებისათვის მემატონეთა სტუმრობა. „ესენი თურმე ორმოცამდე მოვიდოდნენ ინგილოს სახლში, ხეთქამდნენ (სჭამდნენ...), და მერე მოჰყვებოდნენ ქალის, რძლის და დედაკაცების ლანძღვას, რომელ უსვინდისოებისათვისაც ინგილოს ბევრი ქარელებისთვისაც კისერი მოუგლეჯია და ბრულში ჩაუჩრია“. გულქვა მემატონე ხშირად ფიზიკურად სჯიდა და სიცოცხლეს ასალმებდა თავის ყმას, „კისერში საბელს და ვაზს უგდებდა და ახრჩობდა, თვალებსა სთხრიდა, ინგილო კიდე მას მალვით გულზე ტყვიას აკერებდა“³.

განსაკუთრებით იზრდებოდა გლეხთა ნატურალური ბეგარა — პურის, ქერისა და ბრინჯის გადასახადი, რომელიც „საქეშქელო გა-

¹ Джаро-белаканцы до XIX века. Газ. „Кавказ“, 1846 г. № 2—3.

² გადმოცემა მოყავს ზ. ედილს. დასახ. წიგნი, გვ. 74.

³ დ. ჭანაშვილი. წარსული და მომავალი ინგილოების ცხოვრება. „დროება“, 1867 წ. № 47.

დასახადის“ (ამაზე ქვემოთ) სახელით იყო ცნობილი. იგი აღწევდა ზოგჯერ მთელი ზოსავლის 30—40%-ს და კიდევ მეტსაც¹.

აღსანიშნავია აგრეთვე, რომ პურით გადასახადის სიმძიმე მარტო დიდი მოცულობით არ აიხსნებოდა. მოუსავლიანობის შემთხვევაში გლეხის ვალდებულება მაინც ძალაში რჩებოდა. მებატონე მას არავითარ ანგარიშს არ უწყევდა. მებატონე ასეთ შემთხვევაში თავისი რაიათის მოძრავი ქონებიდან წაიღებდა მარცვლეული გადასახადის საზღაურს².

მწარმოებელი კლასის ხარჯზე იყენენ სასოფლო მოხელები — ქვეხები, მამასახლისები, მოლები, ყაზიები, შოუშები (შიკრიკები), იასაულები და სხვანი. მაგ., ჩოუში, იმის გარდა, რომ გადასახადებისაგან საერთოდ თავისუფალი იყო, სოფლის მცხოვრებთაგან ლებულობდა ჯამაგირს — 25—30 მანეთს, ან ფულის ნაცვლად პურს³.

სოფლის ყაზიები და მოლები სამემკვიდრეო ქონების გაყოფისას გლეხთაგან ლებულობდნენ 10 მან. და 25 კაპიკს, ქორწინებისათვის 20—25 კაპ., დასაფლავებისათვის ჰირისუფლისაგან — „შეძლებისდაგვარად“, იმამები ცხედრის წინაშე ყურანის წაკითხვისათვის იღებდნენ თითო მანეთს, სოფლის მამასახლისები და ქვეხები სამართლის გაჩენისას, სასჯელის დადების დროს — თითო მანეთსა და 10 კაპ. ასეთივე გზით კმაყოფილდებოდნენ იასაულები და სხვა მოხელები⁴. რუსული მმართველობის შემოღების შემდეგ სასოფლო სასულიერო პირებზე დაკისრებულ გადასახადს იხდიდა მთლიანად სოფელი⁵.

1803 წლიდან, როცა ჰარ-ბელაქანს მეფის რუსეთის მთავრობამ მფარველობაში მიღებასთან დაკავშირებით ხარკი დაადო (1 100 ლიტრა აბრეშუმი), გლეხთა მდგომარეობა შედარებით უნდა დამძიმებულიყო. მებატონე ლეკები ცდილობდნენ გაეზარდათ გადასახადები და განსაკუთრებით მარცვლეულის გადასახადი. ჰარი ძველებურად რჩებოდა დალისტნელ აბრაგთა საბუდრად, რუსეთის წინააღმდეგ მებრძოლ ერთ ბანაკად. მოთარეშე რაზმებს ინახავდნენ ჰარილი მიბატონეები ინგილო და მულალი გლეხებისაგან მიღებული პროდუქტებით.

1806 წ. 8 დეკემბერს საქართველოს მთავარმმართველი გუდოვიჩისადმი გაგზავნილ წერილში გენ. ორბელიანი ახასიათებდა ინგი-

¹ პეტროშევსკის დასახ. წიგნი, გვ. 51. ზ. ელილი. დასახ. წიგნი, გვ. 74.

² საარქივო საბ. ჰარ-ბელაქნ. შესახებ, გვ. 542.

³ იქვე, გვ. 534.

⁴ Джуро-белакты и до XIX века. Газ. „Кавказ“, 1846 г., № 2—3.

⁵ ცსსა, ფ. 236, აღწ. 1, საქ. № 13, ფურ. 23.

ლოური სოფლების — ალიაბათის, მოსულის, ვერხვიანის, თასმალოს, ზაგამის, ლალა-ფაშას, ყანდახის, ისმაურის (?) და ენგიანის — მცხოვრებთა აუტანელ მდგომარეობას. იგი აღნიშნავდა, რომ ჰარელი ლეკები „მთელ სურსათს ღებულობდნენ“ დასახლებული სოფლებიდან.

„აღნიშნული სოფლების მცხოვრებლები, რომლებიც დიდი ხანია რაც ჰარელებმა ძალით დაიმორჩილეს და ყმა გლეხებად გაიხადეს, არიან მკვიდრი ქართველები, რომლებიც საქართველოს სახელმწიფოს ეკუთვნოდნენ. ჰარელთა გაძლიერების შედეგად ისინი ისე შევიწროებული არიან, რომ თავისუფლებაზე ფიქრსაც კი ვერ ბედავენ. დაჰკარგეს რა ქრისტიანული სარწმუნოება, გახდნენ უაწონო ხელისუფლების აღვირახსნილობის მსხვერპლი, განიცდიდნენ მათგან ძარცვას, ძალმომრეობას, ტირანობას; ახლა ისინი ერთსულოვნად ითხოვენ, რომ მცირე თანაგრძნობა მაინც გამოეცხადოს მათ მძიმე ხვედრს და შეუმსუბუქდეთ მონური უღელი“. ამასთან დაკავშირებით ორბელიანს საჭიროდ მიაჩნდა, რომ ჰარელი ლეკებისათვის ჩამოერთვათ გლეხები. ეს ღონისძიება ჰარელ მებატონეებსა და აბრაგებს მოუსპობდა საშუალებას, რომ მოეწვიათ დასახმარებლად დაღისტნელი თანამომხმეები, რადგან დაღისტნელი აბრაგები ჰარში ყოფნის დროს დამონებულ ინგილოთა ხარჯზე იკვებებოდნენ¹.

არსებული ფეოდალურ-ბატონყმური ურთიერთობის დახასიათებისას უნდა შევეხეთ გლეხთა პირადი დამოკიდებულების, გარეშე ეკონომიკური იძულების საკითხსაც. ამხანაგი ს ტ ა ლ ი ნ ი გვასწავლის:

„რა თქმა უნდა, გარეშე ეკონომიკური იძულება როდესაც ასრულებდა მემამულე-მებატონეების ეკონომიკური ძალაუფლების განმტკიცების საქმეში, მაგრამ იგი კი არა, არამედ მიწის ფეოდალური საკუთრება წარმოადგენდა ფეოდალიზმის საფუძველს“².

საჭიროა გაირკვეს, თუ რამდენად შორს წავიდა და განმტკიცდა მებატონეთა ძალაუფლება ყმა გლეხებზე. ვ. ი. ლ ე ნ ი ნ ი, საბატონო მეურნეობის ძირითადი ნიშნების დახასიათებისას, შენიშნავდა: „მემამულეს რომ არ ჰქონოდა პირდაპირი ძალაუფლება გლეხის პიროვნების მიმართ, ის ვერ შესძლებდა თავის სასარგებლოდ ემუშავებინა ადამიანი, რომელსაც მიწა მიუღია და რომელიც საკუთარ მეურნეობას ეწევა“³. ეს „პირდაპირი ძალაუფლება“ გლეხზე შეუჩე-

¹ АКТЫ, т. III, № 587, გვ. 321.

² ვ. ი. ს ტ ა ლ ი ნ ი, სოციალიზმის ეკონომიკური პრობლემები სსრ კავშირში, 1952 წ., გვ. 45.

³ ვ. ი. ლ ე ნ ი ნ ი, ტ. 3, გვ. 208.

რებლივ იზრდებოდა იმ დროიდან, როცა მიწის ფონდი ფეოდალთა ხელში მოექცა. ზემოთ ჩვენს მიერ მოტანილი მასალა ნათლად მეტყველებს, რომ მიწისმფლობელები, როგორც წესი, აიძულებდნენ გლეხებს ემუშავათ მათ სასარგებლოდ. ახლა გასარკვევი რჩება საკითხის იურიდიული, ფორმალური მხარე, ანუ ის, თუ რამდენად უფლებამოსილი იყო გლეხი გასცლოდა თავის მებატონეს, მიეტოვებინა მისი მიწა და სხვაგან წასულიყო, მიჯაჭვული იყო თუ არა გლეხთა ძირითადი მასა მებატონის მიწაზე.

1830 წ. გატარებული ღონისძიებებით რუსეთის მთავრობამ „პირადი თავისუფლება“ მისცა ინგილო და მულალ გლეხებს. ამით მთავრობა ადასტურებდა, რომ 1830 წლამდე აღნიშნული გლეხები პირადად თავისუფალი არ იყვნენ. მაგრამ შემდეგში, როდესაც ზაქათალის კომისიამ საინგილოში არსებული ურთიერთობის შესახებ დასკვნა გამოიტანა, მთავრობა ამ კომისიის პირით აღიარებდა, რომ იქ არსებული ურთიერთობა მებატონე ლეკებსა და გლეხებს შორის განისაზღვრებოდა მხოლოდ გარკვეული გადასახადის გადახდით, რაც შეეხებოდა ინგილოებსა და მულალებს, მათი პიროვნება „არ შეადგენდა და არ შეადგენს ლეკთა მებატონურ კუთვნილებას“¹.

აღნიშნული სიტყვები ნათქვამი იყო XIX ს. 70-იან წლებში, როდესაც საინგილოს გლეხთა დიდი ნაწილის პირადი დამოკიდებულება, შეიძლება, მართლაც სადავო იყო. მაგრამ კომისია ამავე დროს უარყოფდა ძველ შეხედულებასაც და ხაზს უსვამდა, რომ გლეხების პირად დამოკიდებულებას არც წინათ ჰქონია ადგილი. კომისიის ეს განცხადება გამოწვეული უნდა ყოფილიყო იმით, რომ მთავრობასაკუთარ ხარჯებს ზოგავდა. მას არ სურდა ჭარელი ადალარებისათვის მიეცა საზღაური გლეხთა განთავისუფლებისათვის.

პეტრუშევსკი სამართლიანად არ იზიარებს კომისიის დასახელებულ დასკვნას და აღნიშნავს, რომ ჭარში მოქმეშქელე გლეხი მიმაგრებული იყო მიწაზე, რომლის დატოვება მას არ შეეძლო. აქ ჩანდა გარეშე ეკონომიური იძულება. მაგრამ ამავე დროს ავტორი თვლის, რომ ჭარში ჩვენ არ შეგვიძლია დავინახოთ „გაფორმებული ბატონყმური მდგომარეობა“. აქ ჩანს გლეხთა დამოკიდებულების ისეთი ხარისხი, რომელიც შეესაბამება „ფეოდალური ფორმაციის განვითარების ადრეულ სტადიებს“². ავტორის ეს უკანასკნელი დასკვნა ჩვენ მთლად დამაჯერებლად არ გვეჩვენება. ჩამოყალიბებული

¹ საარქივო საბ. ჭარ-ბეოჯან. შესახებ, გვ. 538

² პეტრუშევსკის დასახ. წიგნი, გვ. 57.

იურიდიული ნორმების არ არსებობა კარში, რასაც ყურადღებას აქცევს პეტრუშევსკი, არსებული მდგომარეობის კვალიფიკაციას ვერ შეცვლის. კარში არსებული ურთიერთობის იურიდიულ ნორმებს დამოუკიდებელი წყარო არ შეიძლებოდა ჰქონოდა. არქაული წყობილების გადანაშთობრივ მოვლენებთან ერთად აქ აღვილი ჰქონდა ქართული ბატონყმური სამართლის მოქმედებასაც. ეს რამდენადმე გამოსკვივის თუნდაც სისხლის შეფასების საკითხში — თუ ვინმე მებატონეს, ლეკს, მოკლავდა, მას 120 მანეთი უნდა გადაეხადა, ხოლო ინგილოს თუ მულალის მოკვლის შემთხვევაში 60 მანეთი — ორჯერ ნაკლები¹.

XIX საუკუნეში, პეტრუშევსკის განცხადებით, გლეხთა პირადი დამოკიდებულების ელემენტები უფრო ცხადად ჩანს. ამავე საუკუნის 20-იან წლებში მებატონეები ჰყიდიან არა მარტო მიწებს (ქეშქელებს), არამედ მიწაზე მჯდომ გლეხებსაც. მაგ., კარელმა მოლა ცეტოვმა იყიდა გლეხის ოჯახი $\frac{3}{4}$ ქეშქელით (1826 წ.). იმავე ცეტოვმა 120 მანეთად „იყიდა გლეხები“ ნახევარი ქეშქელით².

მოტანილი ფაქტი არ შეიძლება ვალიაოთ პირადი დამოკიდებულების მხოლოდ „ელემენტებად“. პირადი დამოკიდებულება კარში არსებულ ურთიერთობას საერთოდ ახასიათებდა. არ იქნებოდა სწორი, რომ ამის დასამტკიცებლად მიგვემართა მარტო გლეხთა გაყიდვის ფაქტებისა და იურიდიული ნორმებისადმი. გადამწყვეტია ფაქტიური მდგომარეობა. პეტრუშევსკიც უენიშნავს, რომ „ფაქტიურად... მოქეშქელთა მასა მიმაგრებული იყო მიწაზე“³.

როგორც უკვე ითქვა, 1830 წ. რუსეთის მთავრობამ დაადასტურა, რომ საინგილოს გლეხობა მებატონე ლეკთა პირად დამოკიდებულებაში იმყოფებოდა, პირად თავისუფლებას მოკლებული იყო⁴.

მიწაზე მიმაგრებული ყმა გლეხობა მწარმოებელი კლასის ძირითად მასას შეადგენდა.

პარისა და ბელაქნის რაიონებში იყვნენ აგრეთვე შინა ყმა-მსახურები. რომელთა რაოდენობა მცირე იყო. ზოგ მათგანს მფლობელი მიწაზე სვამდა სათანადო გადასახადის გაღების პირობით, მაგრამ ამავე დროს მფლობელი ინარჩუნებდა ასეთი ყმის აყრის უფლებას⁵.

¹ Джаро-белаканцы до XIX века, газ. „Кавказ“, 1846 г. № 2—3.

² პეტრუშევსკი. დასახ. ნაშრ., გვ. 54.

³ იქვე.

⁴ საარქივო საბ. კარ-ბელაქნ. შესახებ, გვ. 513.

⁵ პეტრუშევსკის დასახ. წიგნი, გვ. 55.

აღნიშნული შინაყმა მსახური ზოგჯერ „მონადაც“ იწოდებოდა. სოფელი მაწახის მცხოვრებთა განცხადებით, „მონები“ იყვნენ ტყვეები, რომლებიც მოხვდნენ ამ მდგომარეობაში უცოლოდ, დასახლდნენ მებატონის სახლში, შეირთეს ცოლი და მებატონისაგან მიიღეს კარ-მიდამო. „მონებს ეკისრათ თავისი მებატონის სახლსა და მეურნეობაში ყოველგვარი სამუშაო“¹.

დასახლებული კატეგორიისათვის ტყვედ ჩავარდნა, რა თქმა უნდა, სავალდებულო არ იყო. ზოგჯერ ყმა გლეხი შეიძლებოდა თავისი ოჯახით მიკედლებოდა რომელიმე მებატონეს, რომელსაც მის მიმართ ექნებოდა შეუზღუდველი უფლებები სიკვდილით დასჯის გამოკლებით.

როგორც ვხედავთ, აღნიშნული კატეგორიის გლეხები საინგილოში მოგვაგონებენ დასავლეთ საქართველოს მოჭალაბეებს.

იყვნენ აგრეთვე მოხეტიალე, ხელზე მომუშავე, მთიდან ჩამოსული გლეხები, რომელთაც „რეჩბარებს“ ეძახდნენ².

გლენტა ძირითადი მასა, როგორც ვთქვით, საინგილოში ფეოდალთა მიწაზე იჯდა და პირად თავისუფლებასაც მოკლებული იყო. მიწაზე მიმაგრებულთა რიგში იყვნენ უმთავრესად ინგილოები, მუღალეები და ავართა დიდი ნაწილი. მაგრამ ამავე დროს საინგილოში საკმაო რაოდენობით იყო თავისუფალ მიწისმოქმედთა ფენა. ეს კი იმაზე მიუთითებდა, რომ გლენტა მიწაზე მიმაგრების პროცესი ჯერ კიდევ არ იყო დასრულებული. ეს გარემოება უმთავრესად იმით აიხსნებოდა, რომ საინგილოს მოსახლეობაში იმ დროს ბლომად იყვნენ დაღისტნიდან ჩამოსახლებულები, რომლებიც აქ მოვიდნენ თავიანთი ტომობრივ-თემური წყობილებით. საკმაოდ დიდხანს მიმდინარეობდა ბრძოლა ამ წყობილებასა და ბატონყმურ გარემოს შორის. ბრძოლა მთავრდებოდა ამ უკანასკნელის გამარჯვებით. ბატონყმურმა კახეთმა თავისი სამეურნეო და სოციალური კულტურის გავლენის ქვეშ მოაქცია ჩამოსახლებული ტომები.

ბატონყმობა ავარ-წახურებში სწრაფი ტემპით დევნიდა არქაული წყობილების გადანაშთებს. ამის ერთი შედეგი იყო თავისუფალ მიწისმოქმედთა ფენის შეუჩერებელი შემცირება.

7. ნახურ-აღისუს სარჯანი და ბეგები

წახურ-ელისუს სულტნის სამფლობელო ძველი კახეთის სამეფოს ტერიტორიაზე იყო. ლეკური თემებისაგან მას გამოყოფდა მდ.

¹ ცსსა, ფ. 236, აღწ. 1, უფრნ. № 45, ფურ. 23—33.

² იქვე.

ყაფუ-ჩაი და მუხახის-წყალი, სამხრეთიდან მდ. ალაზანი და მისი შენაკადი — აგრი-წყალი, აღმოსავლეთიდან იგი ემიჯნებოდა შაქის სახანოს, საიდანაც მას ყოფდა კაშკა-წყალი. წახურ-ელისუს სულტანის სამფლობელოში შედიოდა აგრეთვე კავკასიონს გადაღმა მყოფი 4 წახურული სოფელი. ჩრდილოეთი საზღვარი აღწევდა ქიურის სახანომდე.

ზემოთ მოტანილი დახასიათება, სამეურნეო-ეკონომიური მდგომარეობისა, აღნიშნულ სასულტნოსაც გულისხმობდა. ეს გასაგებიცაა, რადგან სასულტნო საინგილოს სამეურნეო-ეკონომიური ცხოვრების განუყოფელი ნაწილი იყო. ასევე ითქმის მოსახლეობაზეც.

სასულტნოში გაბატონებული საზოგადოებრივი ფენა თავისი კლასობრივი მნიშვნელობით ძირითადად ისეთივე იყო, როგორც ლეკურ თემებში — ქარ-ბელაქანში, მაგრამ განსხვავება მათ შორის არსებობდა.

XIX საუკუნის დასაწყისში რუსული მმართველობა ელისუს სასულტნოს საერთოდ „ქარის პროვინციაში“ გულისხმობდა. ეს ნაკარნახევი იყო ამ დროს სულტნის მდგომარეობით. მაშინ სულტანი ფაქტიურად ქარის ჯამაათის ვასალი იყო; მის ასეთ დამოკიდებულებას XIX საუკუნის დასაწყისში რამდენადმე ხელი შეუწყო რუსულმა მმართველობამაც, რომელმაც იგი ქართან ერთად გამოაცხადა მჭარველობაში მიღებულად. სულტანი მოვალე გახდა, რომ მასზე დაკისრებული ხარკი ქარის მეშვეობით გადაეხადა. გარდა ამისა, მაშინ წახურ-ელისუს სულტანი ძალზე დასუსტებული ჩანდა.

როგორც ვახუშტისეული გადმოცემიდან და წახურ-ელისუს მფლობელთაგან სპარსეთის შაჰისა და თურქეთის სულტნის მიერ გაცემული სიგელებიდან ჩანს¹, სულტნის თანამდებობა ადრე ეკავათ გამაჰმადიანებულ ქართველ თავადებს, რომლებიც თავიანთ მდგომარეობას საგარეო ძალაზე დაყრდნობით ინარჩუნებდნენ. სულტნის ქართულ წარმოშობას ამ შემთხვევაში მნიშვნელობა აქვს მხოლოდ მისი, როგორც ფეოდალის, დახასიათებისათვის.

XIX საუკუნის დამდეგამდე სულტნის მდგომარეობას სპეციფიურს ხდიდა ის გარემოება, რომ იგი ფლობდა ე. წ. წახურის მაჰალს და ინგილო-მულალურ სოფლებსაც. წახურული სოფლებისადმი სულტნის უფლებები, როგორც ჩანს, შეზღუდული იყო. როგორც პეტრუშევსკი შენიშნავს, „წახურები სასულტნოში პრივილეგირებულ ჯგუფად ითვლებოდნენ“. მათი მხარდაჭერით სულტნებს უნდა

¹ ვახუშტი. დასახ. ნაშრომი, გვ. 95—96; Акт I, т. I, გვ. 1035—1074.

ჯანმეტყიცებინათ ხელისუფლება რწგილოებსა და მუღალებზე. ასეთი მდგომარეობა სულტნის ხელისუფლებას ორმხრივ ხასიათს აძლევდა: „სულტანი იყო (უფრო სწორად ითვლებოდა) ერთდროულად ოთხი თავისუფალი თემის არჩევითი მეთაური და ფეოდალური სენიორი“¹. ეს ოთხი თავისუფალი თემი იყო: წახურის, სუვაგილის, ყარადულაყისა და ელისუს.

აღნიშნული 4 თემი, როგორც ჩანს, ინარჩუნებდა თავის საშინაო დამოუკიდებლობას და სულტნის მიმართ, ლაშქრობის გარდა, არაფრით არ იყო ვალდებული. სულტანიც მათ საშინაო საქმეებში არ ერეოდა².

აღმოსავლეთ ამიერკავკასიის მუსლიმანურ რაიონებში სულტანი აღნიშნავდა სამემკვიდრეო მფლობელს, რომელიც თავისი ხარისხით ხანთან შედარებით დაბლა იდგა. ღირსებით მას მოსდევდა ბეგი³.

სულტანს ირჩევდა ჯამაათი სასულტნო გვარის წარმომადგენლებიდან. ეს იყო, როგორც ჩანს, მხოლოდ ადრეულ პერიოდში, შემდეგ კი ჯამაათის როლი შემცირდა და სულტნის პრივილეგია ერთი ოჯახის საკუთრებად დარჩა.

ზაქათალის კომისია, რომელიც სულტნის უფლებებს არკვევდა, აღნიშნავდა, რომ სულტნის თანამდებობა არჩევითი იყო; ამის დასამტყიცებლად იმოწმებდა ჰარ-ბელაქნის ოლქის მმართველის 1847 წ. 28 თებერვლის მოხსენებას, სადაც ნახსენებია სულტანი ხან-ბაბა-ბეგი, რომელიც 30 წლის წინათ „იყო დანიშნული სულტნად, ხალხის არჩევით, წახურელის სახელწოდებით“⁴.

აღნიშნული ცნობა გულისხმობს 1817 წლის ახლო პერიოდს, როდესაც „ხალხის არჩევანი“ მხოლოდ ფორმალურ მხარეს წარმოადგენდა, მაგრამ ამავე დროს ტრადიციული წესი გარეგნულად შენარჩუნებული იყო. ეს სხვა ფაქტებიდანაც ჩანს. მაგ., სასულტნოში იყო სოფლები, რომლებიც გადადიოდნენ მემკვიდრეობით სულტნის ბირად საკუთრებაში და ისეთი სოფლებიც, რომლებიც თანამდებო-

¹ პეტრუშევსკი. დასახ. ნაშრ., 65.

² ს. ესაძე მიუთითებს, რომ დასახელებული 4 თემი იხილა მხოლოდ სახელმწიფო გადასახადს (Эсадзе. Истор. Заїска, т. 1, 488), ლინევიჩი კი ამას არ იზიარებს და აღნიშნავს, რომ ამ თემებს სამხედრო სამსახური ეკისრათ (Левинч, Бывшее Енисийск. с. 10) პეტრუშევსკი იცავს ამ უკანასკნელ მოსაზრებას და იშველებს ზაქათალის კომისიის მასალებს (დასახ. ნაშრ., 67—68).

³ Ц. П. Ага я н. Бакиханов, Изд. АН Аз. ССР, 1948, стр. 138. А. Губайдуллин. Феодалные класы и крестьянство в Азербайджане, გვ. 31.

⁴ ცსსა, ფ. 236, აღწ. 1, საქ. № 1, ფურ. 131.

ბის საკუთრებად ითვლებოდნენ, „სულტნიდან სულტნის ხელში გადადიოდნენ“¹. აქ თითქოს ჩანს, რომ სულტნის თანამდებობა რომელიმე ფეოდალური ოჯახის საკუთრება არ ყოფილა.

სულტნის მდგომარეობის მოპოვებისათვის, როგორც ჩანს, სასულტნო საგვარეულოს შიგნით, განსაკუთრებით ადრეულ პერიოდში, ბრძოლა სწარმოებდა. ტახტის პრეტენდენტები ზოგჯერ დიდ საჩუქრებს არიგებდნენ თავიანთ ამომრჩევლებში და ეს ისე ფართო ხასიათს იღებდა, რომ მათ ქონებრივ გაჩანაგებას იწვევდა².

რუსეთის მთავრობამ სულტნის ხელისუფლება სამემკვიდრეოდ გამოაცხადა. იგი განმტკიცდა ახმედ-ხანის ჩამომავლობაში (1805 წ.). ამავ დროიდან სულტნის საოჯახო მფლობელობაში ის სოფლებიც დარჩა, რომლებიც მას ერგებოდა, როგორც ქვეყნის მმართველს³.

ჭარბელაქანში რუსული მმართველობის შემოღების შემდეგ სულტნის მემკვიდრეს, როგორც წესი, ამტკიცებდა რუსეთის მეფე⁴.

საერთოდ სულტანი, როგორც მეტად მცირე მასშტაბის ხელისუფალი, ეკონომიურადაც სუსტი იყო. იგი ყოველთვის ჩიოდა შემოსავლის სიმცირეზე, მოითხოვდა პენსიას, ცდილობდა გაეზარდა თავისი მამულების რაოდენობა.

კერძოდ, 1832 წლისთვის სულტნის განკარგულებაში წინათ მყოფი 5 სოფლიდან (კახი, ალიბეგლო, აგათაი, მეშაბაში და ყარა-მეშა) რჩებოდა მხოლოდ 2 სოფელი — კახი და ალიბეგლო (ქათმისხევი). აქედან, როგორც სულტანი დანიელი აცხადებდა, სოფ. კახი მიჩენილი ჰქონდათ გასამრჯელოდ მის იასაულებს, სულტანს მხოლოდ ალიბეგლო რჩებოდა. გარდა ამისა 2 სოფელი სულტნის ძმების საკუთრებაში ყოფილა, ხოლო ერთი — ყარა-მეშა ჯერ კიდევ ახმედ-ხანს გაუჩუქებია⁵.

რუსული მმართველობა მხარს უჭერდა თავის სულტანს, რომელიც უკვე ამ მმართველობას ერთგულებდა და მისი აგენტი იყო. ამიტომ მაღლიერმა მთავრობამ სულტანს მიაკუთვნა აგრეთვე სოფლები ონჯალო, ბაბალო, ღორადანი, შოთავარი, აღმალო და სონ-კანი⁶. აღნიშნული სოფლების ერთი ნაწილი, როგორც ჩანს, წახურელისუს სულტნის უფლებაში გადასვლამდე ჰქარელ იმ მებატონეთა

¹ ცსსა, ფ. 236, აღწ. 1, საქ. 1, ფურ. 132.

² იქვე.

³ იქვე.

⁴ იქვე, ფურ. 133.

⁵ იქვე, ფურ. 135.

⁶ Линевиц, Бывшее Елисейск. с.л.т. 15.

კუთვნილებაში იყვნენ, რომლებსაც მთავრობამ 1830 წ. აჯანყებაში მონაწილეობისათვის ისინი ჩამოართვა და სახაზინოდ სცნო. ამ სოფლების მეორე ნაწილი სულტანს მიათვალეს ელისუს სხვა ბევთი საკუთრებიდან.

ელისუს სულტნის, როგორც ფეოდალისა და პოლიტიკური ხელისუფლის, უფლებები გაფართოვდა რუსეთის მმართველობის პირობებში. სულტანი ბეგრავდა თავისდა სასარგებლოდ არა მარტო ინგილო და მულალ გლეხობას, არამედ თავის „შორეულ ნათესავებსაც“—ბეგებსაც. თვით ბეგთა განცხადებით, სულტანი მათ ართმევდა საკუთარ მიწებსაც კი¹. მიუხედავად ამისა ინგილოებისა და მულალების დამონებაში სულტანი თავისი კლასობრივი მოძმეების—ბეგების ერთი ნაწილის მხარდაჭერითაც სარგებლობდა, მაგრამ ბეგებსა და სულტანს შორის წინააღმდეგობა მეტად გამწვავებული იყო. ამ მომენტს შენიშნავდა ზაქათალის ცნობილი კომისიაც, რომელიც გადმოგვცემს, რომ სულტანი უფრო ეყრდნობოდა „ლეკებს“ (ამ შემთხვევაში წახურებს), რომელთაც ქვეყნის პოლიტიკურ წყობილებაზე გავლენა ჰქონდათ². მართლაც, ხელსაყრელი ჩანდა წახურულ „თავისუფალ“ მოთემეთა გამოყენება ურჩი ბეგების წინააღმდეგ ან საშუალებას, როგორც ჩანს, სულტნის მოწინააღმდეგე ბეგებიც მიმართავდნენ³.

ელისუს სასულტნოს ბეგები, რომლებიც ფეოდალური კლასის ტიპური წარმომადგენლები იყვნენ, არსებობდნენ სოფლებში: კახში, ამბარჩაიში, ყიფჩალში, ბაიდარლოში, იბახლოში, შიხლიარში და სხვაგანაც.

დამახასიათებელია, რომ ელისუს ბეგების მიწისმფლობელობა მოხლეობასთან არ იყო დაკავშირებული. ისინი თავიანთი ყმა გლეხების მემკვიდრეობითი მფლობელები იყვნენ და ამით განსხვავდებოდნენ იმ დროს მეზობელ მუსლიმანურ რაიონებში არსებულ ბეგებისაგან. მართალია, აღნიშნულ რაიონებშიაც ბეგთა მოხლეობასთან დაკავშირებული მფლობელობა სამამულო მფლობელობის გზით ვითარდებოდა, მაგრამ ელისუს უბანში ეს უკვე მომხდარი ფაქტი იყო. ასეთი მდგომარეობა, რა თქმა უნდა, ქართული ბატონყმური წყობილების გავლენის შედეგი იყო. ელისუს ბეგები ამ შემთხვევაში თავიანთი სოციალური ბუნებით ქართული ტიპის მებატონეები იყვნენ.

¹ ცსსა, ფ. 416, აღწ. 3, საქ. 1295, ფურ. 5--13.

² იქვე.

³ იქვე.

განსხვავება უმთავრესად მუსლიმანურ სარწმუნოებასთან დაკავშირებულ თავისებურებაში ჩანდა.

ელისუს ბეგებს თავიანთი მიწების სრულუფლებიან მესაკუთრეებად სცნობდნენ როგორც წახურები, ისე ბეგთა მიწებზე მჭდომი გლეხებიც¹.

ბეგები სამი კატეგორიისაგან შედგებოდნენ. პირველს ეკუთვნოდნენ სულტნის საგვარეულოს ბეგები. მათგან უპირატესობა ჰქონდათ სულტნის ოჯახის წევრებს და ბეგთა იმ შვილებს, რომლებიც კანონიერ ცოლთაგან იყვნენ. ამ კატეგორიისათვის შეიძლებოდა გვეწოდებინა ნათესავით ბეგები. მეორე კატეგორიად თვლიდნენ სასულტნოში შესახლებულ—მოსულ“ ბეგებს, მესამე რიგში აღინიშნებოდნენ მებეგრეთაგან გამოსული ბეგები, რომლებმაც ეს პატივი სულტნებისაგან მიიღეს².

რევოლუციამდელ ზოგიერთ ნაშრომში ჩანს მიდრეკილება დახატონ ბეგთა ადრინდელი (1830 წლამდე) უფლებები მეტად შეზღუდული სახით. აღნიშნულია, რომ თითქოს ადრე ბეგები თავიანთი გლეხების—რაიათების საშინაო საქმეებში ვერ ერეოდნენ, ამ უკანასკნელთა ბეგთა სახელმწიფო ბეგარას ჰგავდა და სხვ. ამტიციებდნენ აგრეთვე, რომ ბეგთა უფლებები გაიზარდა რუსული მმართველობის დროს, როდესაც მათ დაიწყეს „სამამულო უფლებების მითვისება, საგლეხო მიწებზე განკარგულებებში ჩარევა, ამ მიწების დაკავება და დაბეგვრის თვითნებური გაზრდა“³.

რუსეთის მთავრობის პოლიტიკა ბეგთა მიმართ ისეთივე არ ყოფილა, როგორც ჰარელი მეზატონეების—ქეშქელისმფლობელების მიმართ. ქეშქელისმფლობელთა სპეციფიური მდგომარეობა, თავი რომ დაეანებოთ მათ აშკარად მტრობას რუსეთისადმი, მაინც საფუძველს აძლევდა მთავრობას მათი წოდებრივი უპირატესობა სადავოდ

¹ აღნიშნულ გლეხთაგან ზოგიერთები, სურდათ რა ბატონყმური უღლისაგან თავის ხსნა, აცხადებდნენ, რომ წინათ ისინი იყვნენ თავისუფალნი, ხარკს არავის არ უხდიდნენ და არც არავის ემორჩილებოდნენ მანამდის, ვიდრე ბეგებმა, მათთან მოსულ ლეკებთან ერთად არ გამოაცხადეს, რომ მიწა მათ ეკუთვნოდათ და მოითხოვეს მიწის გადასახადი (ცსსა, ფ. 416, აღწ. 3, საქ. 1295, ფ. 5—13).

² ცსსა, ფ. 236, აღწ. 1, საქ. 1, ფურ. 201—208. XIX ს-ის 70-იანი წლებისთვის აღნიშნული კატეგორიების გვერდით მითითებულია მე-4-ე, ანუ ისეთები, რომლებმაც მალაი წოდების უფლება მიიღეს რუსთა სამსახურში (იქვე). ეს კატეგორია XIX ს-ის პირველ ნახევარში სავარაუდებელი არაა. პეტრუშევსკი მიუთითებს ბეგთა 2 კატეგორიაზე. მეორე კატეგორიის ვალდებულებად იგი თვლის სულტნის კარზე სამსახურს (დასახ. ნაშრ. 67).

³ Закавказский округ („Кавказский календарь, на 1917 г. გვ. 306)::

გამოეცხადებინა. რაც შეეხებოდა ბეგებს, მით უფრო სულტნის საგვარეულოს წარმომადგენლებს, აქ სადავო თითქოს არაფერი არ ყოფილა. გარდა ამისა, კარელ ლეკთა მიერ დაჯაბნული ელისუს სულტანი რუსეთის მთავრობას ერთგულებდა. მისი ქვეშევრდომი ბეგები XIX საუკუნის ანტირუსულ საქმიანობაში არ ჩანდნენ. მიუხრიდებმა მათთან, როგორც ჩანს, საერთო ენა ვერ გამოხატეს. მეფის მთავრობას ბეგთა უფლებები უნდა დაეცვა. მაგრამ ეს იმას როდი ნიშნავდა, რომ ზემოთ მითითებული უფლებები ელისუს ბეგებმა მოიპოვეს რუსული მმართველობის პირობებში.

ელისუს ბეგები საინგილოში რუსული მმართველობის შემოდებამდეც სარგებლობდნენ ბატონყმური უფლებებით თავიანთ გლეხებზე. ეს უფლებები დაიცვა და განამტკიცა რუსეთის მთავრობამ და ამით იქ საიმედო დასაყრდენი შეიქმნა. ამავე დროს უნდა მომხდარიყო ბეგთა უფლებების ნაწილობრივი გაფართოებაც.

XIX საუკუნის 80-იან წლებში საინგილოში ბეგთა საკუთრებად სცნობდნენ 14 სოფელს: აღმალო, შიხლიარი, დეგმადაგელდი (ნაწილი), ყიფჩალი, კაისარლო, ონჯალო (აღმათ დანიელ სულტნის გაქცევის შემდეგ), ყაზშილიარი, ქიჩიქ-ქოთუქლო, ყარა-თალა, ბაიდარლო, ამანლო, უზუნ-თალა, იბახლო და კახი (მისი მულალური ნაწილი)¹.

დანიელ სულტნის შამილთან გაქცევის (1844 წ.) შემდეგ მისი სამფლობელო სოფლები ხაზინის საკუთრებაში გადავიდა, მაგრამ, როგორც ჩანს. ამ სოფლების გარკვეული ნაწილის დატაცება ბეგებმაც შესძლეს; ასევე კარელმა მებატონეებმაც².

ბეგთა დახასიათება უფრო სრული გახდება მომდევნო განყოფილებაში.

8. ბეგთა მცნებები

არსებულ ლიტერატურაში აღმოსავლეთ კახეთის ბეგთა გლეხებს უდარებენ აღმოსავლეთ ამიერიკავკასიის მუსლიმანური რაიონების რაიათებს; ერთმანეთისაგან განსხვავებულია რაიათებიც ცალკეული ჯგუფები და მათი დამოკიდებულების ფორმები ცალკეულ პერიოდებში, მაგრამ საინგილოს რაიათების დახასიათებაში საფუძვლად მაინც აღებულია ხსენებულ რაიონებში საერთოდ არსებული მდგომარეობა. საკითხისადმი ასეთი მიდგომა სწორი არ იქნებოდა. განმსაზღვრელად, ჩვენი აზრით, რაიათებისათვის საერთოდ დამახა-

¹ Д. Бакрадзе. Заметки о Закаст. окр. 279.

² ცსსა, ფ. 236, აღწ. 1, საქ. 1, უფრნ. 15.

სიათბელი სპეციფიური ნიშნები ვერ გამოდგება. ასეთ ნიშნებს მხოლოდ გარკვეული მნიშვნელობა აქვთ და არა განმსაზღვრელი.

ელისუს სასულტნოში მცხოვრები ინგილო გლეხობა სულტნისა და ბეგებისადმი ბატონყმურ დამოკიდებულებაში იმყოფებოდა. წყაროების მითითება იმის შესახებ, რომ „წინათ“ ბეგების უფლებამოსე გლეხებზე შეზღუდული იყო, როგორც ჩანს, გულისხმობს იმ დროს, როდესაც გლეხთა მიწაზე მიმაგრება ჯერ კიდევ არ იყო დასრულებული. რუსული მმართველობის შემოღების დროს ბეგებმანაწილობრივ გააფართოეს თავიანთი უფლებები ყმა გლეხებზე. ზოგიერთი ავტორი აქარბებს და თვლის, რომ, ადრე, რუსული მმართველობის შემოღებამდე, კერძოდ ელისუს სასულტნოს რაიათები სახელმწიფო გლეხებს გავდნენ¹. ეს კი სწორი არაა. ელისუს სასულტნოში მცხოვრები ინგილო გლეხობა იქ რუსული მმართველობის შემოღებამდეც ბეგთადმი ისეთსავე ყმურ დამოკიდებულებაში იმყოფებოდა, როგორც საერთოდ ბატონყმურ საქართველოში. ბეგთა უფლებების ნაწილობრივი ზრდა არსებით ცვლილებებს არ მოასწავებდა.

სამართლიანად შენიშნავდა ისტორიკოსი დიმიტრი ბაქრაძე, რომ ბეგთადმი დამოკიდებულება ეს იყო „ეკონომიური მონობა“, რომ ბევრ სარაიათო სოფლებში ბეგები თავს თვლიდნენ გლეხთა. სახნავ-სათესებისა და კარ-მიდამოების მფლობელებად, ჩემულობდნენ უძიოდ გადასულთა მამულებს, უკრძალავდნენ რაიათებს გამოესყიდათ ის მიწები, რომლებითაც „უხსოვარი დროიდან სარგებლობდნენ“ და სხვ.²

ელისუს სასულტნოს გლეხთა საერთოდ მძიმე მდგომარეობას ახასიათებდა ბეგთა სიმრავლე და წვრილი მფლობელობა. მარტო სულტნის ჩამომავალ ბეგთა რიცხვი ელისუს უბანში აღწევდა 80 ოჯახამდე³.

ბეგთა წვრილი მფლობელობის გვერდით აღსანიშნავია ისიც, რომ მათ საკუთრებაში მყოფი გლეხური ოჯახები გაფანტული იყვნენ სხვადასხვა სოფლებში. მაგ., სოფ. ყიფჩალში ბეგთა 8 ოჯახს ჰყავდა რაიათები, მათგან ზოგს 9 კომლი, ზოგს 7, ზოგს კიდევ 3. ასევე იყო სხვა სოფლებშიაც, სადაც ცალკეულ ბეგთა მფლობელობაში თითო-თითო კომლიც კი ჩანდა⁴. მფლობელობის ასეთი დაქსაქსუ-

¹ Закаतालский округ. Кавказский календарь 1917 . г.г. 306. „К вопросу о раятах“. Газ. „Дагестанские ведомости“, 1910, № 13, 28.III.

² Бакрадзе. Заметки о Закат. окр. г.г. 281.

³ ცხსა. ფ. 416. აღწ. 3, საქ. 1295, ფურ. 5—13.

⁴ ЦГИА Азерб. ССР, ფ. 15, оп. № 1, д. 23, ფურ. 79—86.

ლობა და მცირე ყმა-მამულიანობა საერთოდ ახასიათებდა ქართულ ბატონყმურ წყობილებას.

ბეგთა სოფლებში მთელი მიწა ითვლებოდა მებატონეთა საკუთრებად. გლეხებს არ შეეძლოთ მიწის გაყიდვა. მათ არ შეეძლოთ აგრეთვე „ახუს“ (ტყისაგან გაწმენდილი ნაკვეთის) გაყიდვაც¹.

„ახუს“ გაჭრა შეიძლებოდა ბეგის მიწაზე, მასთან შეთანხმებით. გლეხი ახალი ნაკვეთით თავისუფლად სარგებლობდა 3 წლის განმავლობაში, შემდეგ კი მოვალე ხდებოდა, რომ ახუზე მალჯაათი (მოსავლის ერთი მეათედი, ან მეშვიდედი) გადაეხადა².

ბეგთა გლეხები საინგილოში მოკლებული იყვნენ პირად თავისუფლებას. პირადი დამოკიდებულება ახასიათებდა აგრეთვე აზერბაიჯანის ზოგიერთ სახანოებში არსებულ ურთიერთობასაც. მაგ., ხანები ზოგჯერ სცემდნენ კანონებს, რომელთა საფუძველზე ფეოდალებს ეძლეოდათ უფლება გადაესახლებინათ გლეხები სხვაგან³.

ცნობილი აზერბაიჯანელი ისტორიკოსი და საზოგადო მოღვაწე ბაკიხანოვი წერდა: „როდესაც ბეგთა რაიათები გარბოდნენ, ან სხვა ბეგებს მიეკედლებოდნენ, მაშინ ამ უკანასკნელებს არ ჰქონდათ უფლება დაეკავებინათ ისინი, გლეხები უნდა დაებრუნებინათ თავიანთი მეპატრონისათვის. თუ გლეხი ხანის საკუთარ რაიათებთან მივიდოდა... მას ასევე დააბრუნებდნენ თავის მფლობელთან“⁴. მიუხედავად ამისა XIX საუკუნეში აზერბაიჯანში გლეხთა მიერ პირადი თავისუფლების დაკარგვის პროცესი ჯერ კიდევ არ ყოფილა დასრულებული. როგორც ჩანს, ეს პროცესი შორეული წარსულიდან მომდინარეობდა⁵.

¹ Писаревский Г. Г. Уничтожение в Закавказье зависим. отнош., 33, 37.

² ცსსა, ფ. 236, აღწ. 1, საქ. 27, ფურ. 22.

³ Указы Кубинских ханов. кн. 3 Тбилиси, 1937, გვ. 63, № 3.

⁴ Колон. политика царизма в Азербайджане, გვ. 143.

⁵ Агаян. Бакиханов. გვ. 17. პახომოვი თვლიდა, რომ აზერბაიჯანში რუსული ხელისუფლების დამყარებამდე გლეხები სარგებლობდნენ პირადი თავისუფლებით (Е. А. Пахомов, О сословно-поземельном вопросе в Азербайджане, გვ. 3) პახომოვი ცდება.

⁶ И. П. Петрушевский. Очерк по истории феодальных отношений в Азербайджане и Армении в XVI—начале XIX в.в. Ленинград, 1949, გვ. 250, 252.

საინგილოს აღმოსავლეთ ნაწილში, ელისუს სასულტნოში, მცხოვრები ინგილოები ბევრად მიწაზე მიმაგრებული იყვნენ. განსხვავდებოდა მხოლოდ გვიან ჩამოსახლებული ეთნიკური ელემენტის მდგომარეობა. აქაც იყვნენ თავისუფალი მიწისმოქმედი წახურები, რომელთაც, განსაკუთრებით მთის კალთებზე, ბრძოლით შეინარჩუნეს თავიანთი თავისუფალი მდგომარეობა. ამიტომ გასაგები იყო, რომ ზაქათალის კომისია სასულტნოში გლეხობას ყოფდა ორ ჯგუფად — თავისუფლებად და რაიათებად¹.

თავისუფალი ავარ-წახურები მიწითსარგებლობისთვის არავის არ უხდიდნენ, მიწას თავიანთ საკუთრებად თვლიდნენ, რაიათებს კი, გარდა იმისა რომ ისინი მიწით სარგებლობისათვის გადასახადს იხდიდნენ, ეკისრათ აგრეთვე პირადი ბეგარაც².

აღნიშნულთა გარდა სასულტნოში იყვნენ აგრეთვე ისეთი გლეხებიც, რომლებიც გამოდიოდნენ გადასახადებისაგან განთავისუფლებულთა პრეტენზიებით. ესენი იყვნენ მ ა ა ფ ე ბ ი, რომელთა შესახებ ზევით ითქვა, მოლები — სასულიერო პირები და სეიდები, რომლებიც თავს აღიარებდნენ „მოჰამედის ჩამომავლებად“ და გადასახადთაგან განთავისუფლებას მოითხოვდნენ³. გადასახადთაგან მათი განთავისუფლება უმეტეს შემთხვევაში ხდებოდა ყმა გლეხთა ხარჯზე და გასაგებია, რომ ეს გარემოება მწარმოებელი კლასის ეკონომიურ მდგომარეობას აუარესებდა⁴.

ელისუს გლეხებს, ისე როგორც საერთოდ ინგილოებს აღმოსავლეთ კახეთში, მძიმე გადასახადები და ვალდებულებანი ეკისრათ. ეს ვალდებულებები ყველა სოფელში ერთნაირი არ ყოფილა.

1830 წლამდე გლეხები მოვალენი იყვნენ ბეგათავის მიეცათ, ხორბლეულის მოსავლის ერთი ნაწილის გარდა, თაფლი, მატყლი,

¹ სიტყვა „რაიათის“, „რა'იათ“-ის განსაზღვრას იძლევა პეტრუშევსკი, დასახ. წიგნში, გვ. 249. იგი იხმარებოდა ფეოდალურად დამოკიდებული მიწისმოქმედ-გლეხის აღსანიშნავად (იქვე).

² ცსსა, ფ. 236, აღწ. 1, საქ. 1, ფურ. 201—208.

³ იქვე, ფურ. 202.

⁴ სეიდების შესახებ მითითებული იყო 1857 წ. კანონმდებლობაში: Принадле-
жские к податным сословиям сейды не освобождаются от платежа по-
датей и повинностей; но самым обществам, к коим сейды приписаны, пред-
ставляются, в случае собственного желания принимать на себя уплату
причитающихся с сейдов сборов“ (ცსსა, ფურ. 236, აღწ. 1, საქ. № 1, ფურ-
210, 1857 წ. გამოც. კანონთა მე-3 მუხლი ტ. V).

ცხვარი და სხვა¹. გლეხს ევალებოდა აგრეთვე მიეცა ბეგისათვის ზოგჯერ ცხენი, გადაეყვანა იგი სააგარაკოდ და უკან; ამასთან ერთად ცოლის შერთვის შემთხვევაში გლეხისაგან ბეგს მიჰქონდა ძღვენი, ერთიდან 5 მანეთამდე ფული (თუ ქალს ირთავდა საკუთარ სოფელში), ან ათიდან 20 მანეთამდე (თუ ქალი მოჰყავდა სხვა სოფლიდან)². ბეგის მიერ სოფელში დანიშნულ გადასახადის ამკრებს გლეხი უხდიდა 15—30 ჩანახ ხორბალს. ამ გადასახადს ეძახდნენ „დარგალუკს“ — სამოხელეოს³.

გლეხი მოვალე იყო აგრეთვე გამასპინძლებოდა თავის ბატონსა და მის მსლებლებს, რომლებიც მას ეწვეოდნენ წელიწადში ერთჯერ ან ორჯერ; ასევე შემთხვევითი სტუმრობის დროსაც. მასვე უნდა მიერთმია ბატონისათვის „ქათამი, კვერცხები, ერბო, ხილი“ და სხვ.⁴.

გლეხს ბეგისათვის სახლში უნდა მიეზიდა ღალა — მოსავლის $\frac{1}{10}$ ან $\frac{1}{7}$ აგრეთვე ხილის ბალებზე გარკვეული გადასახადი ნატურით ან ფულით. გარდა ამისა იგი მოვალე იყო გარკვეულ დღეებში ემუშავნა ბეგის მიწაზე, მოეხნა, დაეთესა, აელო მოსავალი. ამ ვალდებულებას გარეგნულად „ნადობის“ ფორმა ჰქონდა, როცა მე-ბატონეს მასთან მომუშავე გლეხი უნდა გამოეკვება, მაგრამ ეს დამოკიდებულების შინაარსი არ ცვლიდა. მაგ., სოფ. ჩუღდულოს მცხოვრებნი მოვალენი იყვნენ ყოველწლიურად დაემუშავებინათ ასლან-ბეგისთვის გარკვეული მოცულობის ფართობი, აელოთ მოსავალი და ბეგისთვის მიერთმიათ. ასევე უნდა მიეტანათ მისთვის თივა, შეშა და სხვ.⁵. ბეგები ხშირად აჭარბებდნენ ყმებთან ურთიერთობის ნორმებს და თავისუფლად მოიხმარდნენ მათ ქონებას⁶.

¹ ცნობის ავტორი დასძენს, რომ 1830 წლამდე რაიათები „находились в самой строгой личной зависимости“ (Посербский, Закат. округ, „Кавказ“, 1864 г. № 59).

² Колюбакин, Об отношениях поселян... „Кавказ“, 1848 г. № 52.

³ ჩანს, მოდის სიტყვა „ტარულა“-დან, რაც მოხელეს ნიშნავს.

⁴ Бакрадзе, Заметки о Закат. окр., 280. მ. ჯანაშვილი. საინგილო, გვ. 89—90.

⁵ ცსსა, ფ. 236, აღწ. 1, საქ. 14, ურნ. 56, ფურ. 69.

⁶ ელისუს უბნის უფროსად ნაშუოფი პეჩკოვსკის ცნობით (1840 წ.) „... помещики вольны были для услуг и при поездке куда либо брать потребное число конновооруженных людей, арб и лошадей для себя и для вещей; сверх того по мере надобности и урожая, помещики собирали с крестьян масло, курей, яиц, табак и прочие огородные овощи и садовые фрукты. Продукты эти бралась в неопределенном количестве...“ (იქვე, საქმე № 1, ფურც. 146).

ე. წ. „წვრილმანი გადასახადები“ ბევთა სასარგებლოდ მეტად მძიმე და აუტანელი იყო. იგი ბევთა შეუზღუდველ თვითნებობას გამოხატავდა და ძალზე ამწვავებდა კლასობრივ წინააღმდეგობას. ამ გარემოებას არ მალავდა ზაქათალის კომისიაც, რომელიც XIX ს-ნის 70-იან წლებში, პირველ რიგში აყენებდა აღნიშნული „წვრილმანი გადასახადების“ ლიკვიდაციის პროექტს¹. შემოსულა წესად აგრეთვე ისიც, რომ, როდესაც გლეხი საშოვარზე გავიღოდა, მას შეძენილი ფულის ერთი მესამედი ბეგისათვის უნდა მიეცა.

როგორც ვხედავთ, ელისუს სასულტნოში მცხოვრები ინგილო გლეხობა ბევთადმი ბატონყმურ დამოკიდებულებაში იმყოფებოდა. ეს დამოკიდებულება თითქმის იგივე იყო, რაც საერთოდ ქართულა ბატონყმური ურთიერთობა. ამ უკანასკნელისაგან განსხვავებით საინგილოში შედარებით ნაკლებად ჩანდა ყმა გლეხთა ყიდვა-გაყიდვის შემთხვევები. ეს შეიძლება იმის მაჩვენებელიც იყოს, რომ საინგილოში არსებულ ურთიერთობას რამდენადმე ნაკლები სიმწვავით ახლდა ბატონყმობისათვის საერთოდ დამახასიათებელი ძალადობის ნიშნები. ამის მიზეზი კი ის უნდა ყოფილიყო, რომ აქ მიწაზე მიმაგრებულ გლეხთა ძირითადი მასის გვერდით საკმაოდ მრავლად იყვნენ თავისუფალი მიწისმოქმედი გლეხები, რომლებიც ძირითადად მოსული ელემენტებისაგან შედგებოდნენ. გარდა ამისა, 1830 წ. შემდეგ ჩქარი ტემპით იზრდებოდა სახაზინო გლეხთა რიცხვი, ხოლო ელისუს უკანასკნელი სულტნის — დანიელის გაქცევას მოჰყვა მის განკარგულებაში მყოფ ინგილოთა მთლიანი გადაყვანა სახაზინო ფონდში. ასე, მაგალითად, 1848 წ. ცნობით, ყოფილ ელისუს სასულტნოში სახაზინო გლეხთა რიცხვი აღწევდა 15196 სულს, ხოლო ბევთა მიწებზე მჯდომი გლეხობა — 3084-ს².

მიუხედავად ზემოთ აღნიშნულისა ელისუს სულტანი და ბეგები თავიანთ ყმა გლეხთადმი უდიდეს სისასტიკეს იჩენდნენ. უკანასკნელი სულტანი დანიელი ამ მხრივ ყოველგვარ საზღვარს სცილდებოდა. მაგ., დანიელმა ელისუსში რუსული მმართველობის მიერ დანიშნულ მოხელეს — მელეშკოს, მის თანაშემწესთან ერთად, რაღაც მიზეზის გამო, თავი მოჰკვეთა³. მისივე ბრძანებით კახში ჩა-

¹ იქვე, ფურ. 181. ბევთა თვითნებობაზე მიუთითებდა ცნობილი ბაქიხანოვიც: „что было им. нужно и в чем представлялась надобность они брали раята и заставляли их работать“ (Колоп. политика царизма в Азербайджане в XIX в., ч. 1, გვ. 143).

² ცსა, განსაკ. მნიშვ. საქმ. ფ. საქმე № 13, ფურ. 2—3.

³ ცსა, ფ. 240, საქ. 572, ფ. 25.

მოახრჩვეს ორი ინგილო—ხუციშვილი და ოთარაშვილი¹. ზაქათა ლის კომისია თავის ჟურნალებში მიუთითებდა იმ გლეხებზე, „რომელთაც სძულდათ თავიანთი მფლობელი ბეგები“². მებატონეთა ძალმომრეობის შედეგი იყო გლეხთა ხშირი გაქცევა და ყაზახობა, როგორც კლასობრივი ბრძოლის ეს ერთი საშუალება.

საინგილოს დასავლეთ ნაწილის, საკუთრივ ქარ-ბელაქნის გლეხთა მდგომარეობასთან შედარებით სასულტნოს გლეხობა უფრო მძიმე ჩაგვრას განიცდიდა. ელისუს ბარში გლეხთა საბოლოო მიჯაჭვა მიწაზე, პირადი თავისუფლების დაკარგვა უკვე კარგა ხნის ფაქტი იყო. სულტნისა და ბეგთა ძალმომრეობა მშრომელთა მიმართ ყოველგვარ საზღვარს სცილდებოდა. სულტნის მოხელეები „მოივლიდნენ მთელს სოფლის მამულებს გზირით და ნაცვლით და რაც ხეხილი მოეწონებოდათ მოგლეჯდნენ და წაიღებდნენ ილისოს, თავის მამულში ჩასარგმელათ“³. სულტან ალი-ბეგს ელისუში ჰარამ-ხანა ჰქონდა და „ყოველწლიურად იგი ინგილოებისაგან ქალების ზარჯს იღებდა“⁴.

დამონებული ინგილო გლეხობა სხვადასხვა საშუალებებით იბრძოდა სოციალური ჩაგვრის წინააღმდეგ. ასეთი ბრძოლის ერთ საშუალებად ჩანდა თავისუფლების ძიება (თუნდაც ყალბი გზით) რუსული მმართველობის პირობებში, სახაზინო თანრიგში გადარიცხვისაკენ მისწრაფება, საშოვარზე გასვლა და სხვ. კლასობრივი წინააღმდეგობა სულ უფრო და უფრო მწვავედებოდა, განსაკუთრებით XIX საუკუნის 50-იანი წლებიდან, ფულადი-სასაქონლო ურთიერთობის განვითარების შედეგად.

¹ ხ. ედილი. საინგილო, გვ. 54.

² ცნსა, ფ. 416. აღწ. 3, საქ. 1295, ფურ. 5—13.

³ დ. ჯანაშვილი. წარსული და მომავალი ინგილოების ცხოვრება, „დროება“, 1867 წ. № 47.

⁴ იქვე, № 48.

აღმოსავლეთ კახეთის შემოერთება მეზის რუსეთის- შიერ

1. შემოერთების პიკაიდი ცეკი (1801—1804 წ.)

1801 წელს მეფის რუსეთმა გააუქმა ქართლ-კახეთის სამეფო. ეს აქტი რუსეთისათვის მეტად ხელსაყრელ ვითარებაში მოხდა. აღმოსავლეთ საქართველო ხანგრძლივი პოლიტიკურ-ეკონომიური დაცემისა და შინაფეოდალური ბრძოლების შედეგად გაჩანაგებული იყო. რუსეთის პოლიტიკური მეტოქეები აღმოსავლეთში—ოსმალეთი და სპარსეთი წელში გატეხილი აღმოჩნდნენ. ნაპოლეონის აგრესიის შედეგად დამფრთხალი სულტანი რუსეთის იმპერატორისაგან მოელოდა შევლას, ხოლო დაუძლურებული სპარსეთი, სხვა ქვეყნების დახმარების მოლოდინში, რუსეთის წინააღმდეგ აქტიურ გამოსვლას იმ მომენტში ვერ ბედავდა.

მიუხედავად აღნიშნულისა, აღმოსავლეთ საქართველოში ახლად გაბატონებული რუსეთის მდგომარეობა სახიფათოდ გამოიყურებოდა.

ქართლ-კახეთის შემოერთება მეფის რუსეთის მიერ დასახული ფართო გეგმების განხორციელების დასაწყისი იყო. რუსეთი ამით აღებულიობდა კონსტანტინოპოლისაკენ მიმავალი ბალკანეთის სახიფათო გზის მაგიერ შემოსავლელ ახალ გზას, რომელიც საქართველოზე გადიოდა. მაგრამ საქართველოში გაბატონებული მდგომარეობის შენარჩუნება შეუძლებელი იქნებოდა სპარსეთისაგან ნახევრად დამოკიდებული აზერბაიჯანის სახანოების მტრული მეზობლობის პირობებში. ამ სახანოების დამორჩილება და მათში სპარსული გავლენის მოსპობა მწვავე ამოცანად იდგა. საგარეო საფრთხეს ენასკვებოდა 1801—1802 წლებიდანვე დაწყებული შფოთი და არეულობანი ახლად დამორჩილებულ აღმოსავლეთ საქართველოში.

XIX საუკუნის დამდეგს ქარს გავლენა ჰქონდა ელისუს სულტანსა და მეზობელ სახანოებზე. მასვე ეპირა უაღრესად ხელსაყრელი სტრატეგიული პოზიცია. იგი, ისე როგორც წინათ, წარმოადგენდა დაღისტნელი აბრაგების სადგურს, საიდანაც უკანასკნელნი გამუდმებით თავს ესხმოდნენ კახეთს. 1801 წლიდან

ქარ-ბელაქანი უკვე „რუსეთის გუბერნიის“ სახიფათო მეზობელი იყო და მაჰმადიანურ სახანოებთან კავშირში დიდ საშიშროებას უქმნიდა რუსთა ბატონობას აღმოსავლეთ საქართველოში.

კახეთის სამხრეთ-აღმოსავლეთით მდებარე სახანოების წინააღმდეგ რუსეთის ბრძოლის შემთხვევაში ქარ-ბელაქანი რუსთა რაზმების ზურგში ჩანდა.

ქარ-ბელაქანი ქართლ-კახეთზე ე. წ. „ლეკური“ თავდასხმების, ანუ დალისტნელ და ქარელ აბრაგთა დიდი რაზმების მტაცებლურ შემოტევათა ტრადიციული საბუღარი იყო.

ჯერ კიდევ მე-18 საუკუნეში, 1784 წ. 14 დეკემბერს, რუსთა რაზმებმა, ქართველებთან ერთად, ერეკლე მეფის წინამძღოლობით, მონაწილეობა მიიღეს ქარელ ლეკებთან ბრძოლაში მდ. ალაზნის ნაპირზე. ეს ბრძოლა რუსთა და ქართველთა გამარჯვებით დასრულდა, მაგრამ იგი მხოლოდ ეპიზოდური გამარჯვება იყო. საყურადღებოა, რომ მაშინაც რუსეთის სამხედრო მოღვაწეები ყაჩაღურ თავდასხმათა საბოლოო ალაგმვის მიზნით აუცილებელ საჭიროებად თვლიდნენ ლეკთა წინააღმდეგ ძლიერი კონცენტრირებული შეტევის მოწყობას¹.

1795 წ. ირანის მფლობელი ალა-მაჰმად-ხანი ქართლ-კახეთზე სალაშქროდ ემზადებოდა. იგი დასაყრდენსა და მოკავშირეებს პოულობდა არა მარტო აღმოსავლეთ ამიერკავკასიის სახანოებში, არამედ ქარ-ბელაქანშიაც. ამის შესახებ ერეკლე მეფემაც იცოდა. ერეკლე აღნიშნული წლის აგვისტოში ატყობინებდა გენ. გუდოვიჩს, რომ ვერაგი ალა-მაჰმადი ქარელებსაც მოუწოდებდა საქართველოს წინააღმდეგ².

მე-18 საუკუნის მიწურულს, 1799 წ. 26 ნოემბერს, თბილისში ჩამოსულ რუსთა რაზმს მალე მოუხდა ბრძოლა ისევ ლეკებთან.

1800 წ. აგვისტოს ბოლოს ავარიის ომარ-ხანი გამალებით ემზადებოდა ქართლ-კახეთზე სალაშქროდ. ქარ-ბელაქანი მისი ჯარების შესაკრები ბაზა იყო. 7 ნოემბერს მოხდა გადამწყვეტი ბრძოლა მდ. იორის ნაპირზე, სოფ. კაკაბეთთან. ომარ-ხანის 20-ათასიანი რაზმის წინააღმდეგ ბრძოლაში მონაწილეობდნენ 3.000-მდე ქართველი მებრძოლი ბაგრატიისა და იოანე ბატონიშვილების სარ-

¹ Бутков. Материалы для новой истории Кавказа. ч. II, СПб, 1869, гл. 158.

² „Ага-Магомед-хан писал к Черальским жителям, что он на Грузию хочет идти, и чтоб оные в том ему помогли, и каждому человеку обещать по сту рублей“ (Грамоты и друг. докум., т. 2, вып. II, гл. 98).

დლობით და 1224 კაცისაგან შემდგარი რუსთა რაზმი გენ. ლაზარევის წინამძღოლობით. 3 საათის განმავლობაში გრძელდებოდა სასტიკი ბრძოლა, რომელიც ომარ-ხანის დამარცხებით დასრულდა¹.

არც აღნიშნული გამარჯვებით გადაჭრილა ქურდულ-მძარცველურ შემოსევათა ალაგმვის საკითხი. თავდასხმები გრძელდებოდა ძველგზური სიბშირითა და საშინელებით. მაშინდელი ამბების მოწმე გიორგი XIII-ის მემკვიდრე დავით ბატონიშვილი ლეკურ შემოსევათა საერთო ხასიათის შესახებ შენიშნავდა:

„...არასოდეს მოიხსენების და ვერცა დაიტევს ისტორიაი ესე, თუ ვითარი ოხრება იყო ლეკთაგან საქართველოსა შინა“².

აღნიშნულ პერიოდში ქარ-ბელაქანი ძლიერად გამოიყურებოდა მიუხედავად იმისა, რომ ცალკეულ ლეკურ სოფლებს შორის კავშირი მტკიცე არ ყოფილა. სიძლიერე იქმნებოდა ამ უბნის მკიდრო კავშირით დალისტანთან. საქმე იმაში იყო, რომ დალისტნურ აბრაგულ რაზმებს, რომლებსაც ხშირად ოსმალეთის აგენტურა ამოძრავებდა, ქართლ-კახეთზე ლაშქრობისას აუცილებლად ქარ-ბელაქანი უნდა გადმოეელოთ. იქ მარაგდებოდნენ ისინი სურსათით ავსებდნენ თავიანთ რიგებს ქარ-ბელაქნელი თანამოძმეებით და ზურგგამაგრებულნი იწყებდნენ ძარცვა-გლეჯას, ასე რომ ქარ-ბელაქნელი ლეკობა და დალისტნელი აბრაგები ქართლ-კახეთისა და რუსთა რაზმების წინააღმდეგ მებრძოლ ერთ ბანაკს ქმნიდნენ. ამაში ჩანდა ქარის მოჩვენებითი სიძლიერე, რომელიც მაშინვე ამეღავნებდა თავის უმწეობას, როდესაც მის ზურგში დალისტანი არ იდგა.

თუ რამდენად დიდ ზიანს აყენებდა საქართველოს ქარ-დალისტნის კავშირი და როგორ სახიფათო იყო ქარის მეზობლობა კერძოდ კახეთისათვის, ეს ნათლად ჩანს ქართველი ელჩების ქაეკავადის, ავალიშვილისა და ფალავანდიშვილის იმ ნოტიდან, რომელიც მათ 1801 წ. რუსეთის მთავრობას წარუდგინეს.

ელჩები საქართველოს მცხოვრებთა უშიშროების უპირველეს გარანტიად თვლიდნენ ქარ-ბელაქნის დამორჩილებას: „მოყვანები სათვის მყოფთა მუნ უშიშროებისა მდგომარეობასა შინა პირველ საქმედ ვრაცხავთ ამას, რათა მივიღოთ სახმარი გაბთხილება მეზობელთა მათ ქარელთაგან, რომელნიცა შთამომავლობით თვისი“

¹ ცხოვრება გიორგი მეცამეტისა, 1936, გვ. 191. Джаро-белаканцы д. XIX в. „Кавказ“, 1846, № 2—3; Бутков. Материалы, т. III, гв. 180, Дубровня. Ист. войны, ч. II, гв. 327—328.

² დავით ბატონიშვილი ი. ახალი ისტორია, გვ. 29.

არიან ძველნი კახეთისაგანნი, და ადგილი იგი, რომელთაცა ზედა-
დაშენებულ არს, აწცა კახეთისაა...“.

ელჩების განცხადებით, მარტო ქარელები როდი წარმოადგენ-
დნენ ისეთ ძალას, რომელიც საფრთხეს შეუქმნიდა საქართველოს.
ძლიერების მთავარი პირობა ის იყო, რომ ქარელნი „წარმოდგო-
მილ არიან შესავედრებლად და სადგურად ყოველთა ლექთა ავა-
ზაკთა, და თვით ომარხან ჰავარისასაც ესრეთ, რომელ ოდესცა...
იგინი განიზრახვენ მორბევასა საქართველოსა მიწათასა, მაშინ მოი-
წვევიან ქარელთადმი და მიიღებენ თავისადმი მოსყიდვით მათგან
საგძალთა, და ყოველივე სახმარათა ნივთთა, და თვით მათცა თვის-
თან შეიერთებენ, და ამით განიმრავლებენ ჯართა თვისთა, და წა-
რიყვანენ მათგან გზის-მცოდნეთა, და ყველა უზღვენთა, რომელთა-
ცა, მახლობლად მოსახლეობითა უწყიან, სადა, ანუ თუ რომელსა-
ცა ადგილსა სცხოვრობენ ქართველნი, გაუფრთხილებლად და მოუ-
ლოდნელად თავდასხმასა მის მტერთასა“. ელჩების აზრითაც, შემ-
თხვევითი არ ყოფილა, რომ „უკანასკნელი იგი შემოსვლა ომარხანი-
სა საქართველოსა შინა იყო იმათზედ გამოვლით, და მხედრობა-
ცა მათი იყო მასთან“. არა მარტო დალისტან-ქარის კავშირზე მიუ-
თითებდნენ ელჩები, არამედ თავისებურად აღნიშნავდნენ ქარ-და-
ლისტნელი აბრაგების ოსმალეთთან კავშირის შესახებ: „...ყოველ-
ნი იგი ლეკნი, რომელნიცა წარმოვლენ საქართველოსა შინა მორ-
ბევისა და აოხრებისათვის ისმალოს მხარედგან, მაშინ იგინი პირ-
ველ მოიწვევიან ქარელთადმი და მუნითგან სწორედ მივლენ ახალ-
ციხეს“.

საქართველოს ელჩები ასაბუთებდნენ, რომ ქარ-ბელაქანი,
რომლის ზურგში დალისტნელი აბრაგები და ოსმალეთი იდგნენ,
ის ბოროტი ძალა იყო, რომელიც საქართველოს არ მოასვენებდა,
ამიტომ საჭიროდ თვლიდნენ უაღრესად რადიკალური ღონისძიე-
ბების გატარებას—ქარელ ლექთა აყრა-გადასახლებას, მათ დათან-
ტვას საქართველოს მოსახლეობაში. ელჩთა ეს მოთხოვნა გამაგრე-
ბული იყო ქართლ-კახეთის სამეფოს ისტორიული გამოცდილებით.
ხშირად ყოფილა, რომ საქართველოს ჯარებს ჰარი დაუპყრიათ,
ქარელ მებატონეებს თავი მოუკატუნებიათ, ფიცით აღუთქვამთ
მორჩილება და „მონად ქართველთა“ დარჩენა, ოღონდაც ისინი
თავიანთ საცხოვრებლებში დაეტოვებინათ და არ დაეხოცნათ, მაგ-
რამ მათი ასეთი საქციელი მხოლოდ გაიძვერული მანევრი იყო:
„...გარნა ესე პირობა, რომელიც არა ერთგზის მათგან
ქმნილ-არს, არამედ დიახ მცირედ აღუსრულებიათ, და უფროსლა-

ყოველთათვის გარდახლომილან, რჩევისამებრ ზემოთქმულთა მეზობელთასა თურქთასა, და ამისთვის, ვითარცა არა მისანდობელთა, არს საჭირო, რათა გამოყანილ იქმნენ და დაესახლენ სხვა და სხვასა შინა ადგილსა“.

დასასრულ, ელჩები თითქოს გრძნობდნენ, რომ ქარის გზით მოდენილი უბედურების სათავე იღო არა ხალხში, ლეკურ-და-ღალსტნურ მოსახლეობაში საერთოდ, არამედ ამ ხალხის ზედაფენაში. ელჩები მოითხოვდნენ, რომ ქარელთა „უფროსები“ თავიანთი ხალხით გადასახლებულიყვნენ ყიზლარში და იქ მებაბრეშუმეობისათვის მიეყოთ ხელი¹.

ქართველი ელჩების ნოტა ქართლ-კახეთის უკვე გაუქმებული სახელმწიფოს და იმ დროის საზოგადოებრიობის აზრს გამოხატავდა. ახლად დამყარებული რუსული მმართველობა ითვალისწინებდა ზემოთ მოტანილ მითითებებს, მაგრამ XIX საუკუნის დამდეგს იგი ჯერ კიდევ თავს მტკიცედ ვერ გრძნობდა, რომ ასეთი საკმაოდ რთული პრობლემა გადაეწყვიტა. ახალი მთავრობა მაშინ ლეკურ თავდასხმებს გამუდმებით იგერიებდა და ფართო მასშტაბის ოპერაციებისაგან ჯერ კიდევ თავს იკავებდა.

ვერ დავეთანხმებით პეტრუშევსკის, რომელიც თვლის, რომ 1801 წელს რუსეთის მთავრობის შიში, ლეკთა მხრიდან მოსალოდნელი თავდასხმების გამო, გადაჭარბებული იყო, რადგან 1801 წელს რუსთა წინააღმდეგ არც ერთი მსხვილი ექსპედიცია არ მოუწყვიათ. კიდევ მეტი, ხსენებული ავტორი მომდევნო წლებისთვისაც „პანიკურ შიშად“ თვლის რუსთა მიერ მიღებულ ზომებსა და მხადყოფნას მოსალოდნელი შემოტევების მოლოდინში².

ჩვენი აზრით, მთავრობის უსაფუძვლო და გადამეტებული შიშის საბუთად ვერ გამოდგება ის გარემოება, რომ 1801 წ., თუ მომდევნო წლებში, მსხვილ შემოსევებს ადგილი არ ჰქონია.

რუსთა რაზმების მხოლოდ მობილიზებულ მხადყოფნას შეეძლო შეეჩერებინა მსხვილი შემოტევები. საკამათო როდია, რომ ქარულსა და ღალსტნურ აბრაგულ რაზმებს რუსთა რეგულარული ნაწილების წინააღმდეგ ბრძოლის მოგება მხოლოდ მოულოდნელი თავდასხმის შემთხვევაში თუ შეეძლოთ. რუსთა სარდლობა, როგორც ჩანს, ამ გარემოებას ითვალისწინებდა და სათანადო ზომებს იღებდა.

¹ Грамоты и др. докум. т. II. вып. 1. 1898, გვ. 207—209.

² Петрушевский. Джаро-белак., გვ. 79—80.

ჩვენ სწორად არ მიგვაჩნია აგრეთვე პეტრუშევსკის მოსაზრება იმის შესახებ, რომ რუსეთის მთავრობის შიში ქარელებისა და საქართველოს გლეხობის მოსალოდნელი ანტირუსული კავშირის შესახებ „საფუძვლიანი“ იყო¹. განაიდაგებული ქურდული თავდასხმების შედეგად სიცოცხლეგამწარებული ქართველი გლეხობა ქარელ ლეკებს თავის შეურიგებელ მტრებად თვლიდა. ოდესღაც თავისუფალ ლეკებსა და ქართველ გლეხებს შორის არსებული კავშირი, „უბატონობის“ დროშით გამაგრებული, როგორც ვიცით, მალე დაირღვა და შემდეგ იგი აღარ აღდგენილა. ამის მიზეზი ვახდა ლეკთა მიერ ქართველი მებატონეების ადგილის დაკავება.

ქართველი მოსახლეობა ენერგიულად უქერდა მხარს რუსთა რაზმებს ლეკურ-აბრაგული პარტიების წინააღმდეგ ბრძოლაში. ხშირად ქართველობა მომეტებული გააფთრებით იბრძოდა და ასეთ მოქმედებაში ჩანდა მიყენებული ზიანის გამო შურისძიების მომენტიც, რაც ფეოდალური წყობილების პირობებში ხშირი მოვლენა იყო. ამ მხრივ საგულისხმოა ერთი ეპიზოდი, როდესაც რუსთა სარდლობას „მოუხდა სამხედრო დისციპლინის მთელი სიმკაცრით დაცვა, რომ შეენელებინა ქართველთა რაზმის გააფთრება“ ქარსა და ბელაქანში².

1801 წ. 6 აპრილს სიღნაღში მყოფი პოლკოვნიკი კარიაგინი სწერდა ლაზარევს, რომ ლეკთა ორი რაზმი (ერთი 1000 კაცისაგან შემდგარი, მეორე—3000 კაცისაგან) ალექსანდრე ბატონიშვილის მეთაურობით ემზადებოდა საქართველოში შემოსაჭრელად³. ამჟამად წლის 20 ივლისის ცნობით, 400 ლეკი ოსმალებთან ერთად ახალციხის მხრიდან შემოიჭრა საზღვრებში და სოფლები დაარბია⁴. აბრაგული რაზმების შემოსევათა შედეგად გაპარტახდნენ სოფლები სამხრეთ საქართველოში—ზღუდერი, საპიტიახშო და სხვ. 28 ივნისს გენ. ლაზარევს ატყობინებდნენ ლეკებთან ერთი ბრძოლის შესახებ სოფ. საპიტიახშოს ახლოს. ამ დროს ცნობილი იყო ლეკთა საბუღარი „ბეზირგანბულახში“ (ქიზიყის ახლოს), საიდანაც ქურდული რაზმები გადმოდიოდნენ იორზე, მტკვარზე და აწიოკებდნენ მცხოვრებლებს⁵. ლეკთა წვრილი თავდასხმები გრძელდებოდა მთე-

¹ იქვე, გვ. 18.

² გენერალ ციციანოვის წერილი რუსეთის იმპერატორისადმი 1803 წ. 23 მაისს (АКТЫ, т. II, № 1387, გვ. 685).

³ АКТЫ, т. I, № 901, გვ. 640.

⁴ იქვე, № 907, გვ. 647.

⁵ იქვე, გვ. 649.

ლი 1801 წ. განმავლობაში. ეს წერილი თავდასხმები არა ნაკლებ საშიში და საზიანო იყო, ვიდრე მსხვილი შემოსევები. უნდა აღინიშნოს, რომ რუსთა რაზმები ებრძოდნენ ამ თავდასხმებს, რომლებიც აქ მყოფ ისედაც მცირერიცხოვან ნაწილებს აბანდებდნენ. არც ისე მცირე იყო ლეკთა თავდასხმა 1801 წ. 23 აგვისტოს, როდესაც პოლკოვნიკი სოლენიუსი სწერდა ლაზარევს: „ამ ბრძოლაში...ლეკთა მხრიდან მოკლულია ორასზე მეტი კაცი, ტყვედ წამოყვანილია 7 კაცი, მათ შორის სოფ. ქარის იბრაგიმ-ალა, მთელ ლეკეთში ყველაზედ უფრო სახელგანთქმული გვარისა და ისეთი კაცი, რომ მხოლოდ იშვიათი ქურდული კრება თუ მოეწყობა მისი თანხმობის გარეშე“¹.

ქარელ და დალისტნელ მოთარეშეებს იყენებდნენ თავიანთ მიზნების განსახორციელებლად რუსეთის პოლიტიკური მოწინააღმდეგეები საქართველო-ამიერკავკასიის დაუფლებაში. აბრაგული რაზმების განსაკუთრებული წამქეზებელი იყო ოსმალეთი, რომელიც, მართალია, XIX საუკუნის დამდეგს რუსეთთან იძულებით კავშირში მყოფი, აშკარა მოქმედებისაგან თავს იკავებდა, მაგრამ ჯერ ფარულად (1806 წლამდე), შემდეგ კი აშკარად ყოველ ღონეს ხმარობდა რუსთა რაზმების გასაღვენად საქართველოდან. ასევე იქცეოდა სპარსეთიც. იყო შემთხვევა, როცა აბრაგულ რაზმებს ერთმანეთს მიუსევდნენ მოქიზზე თავადებიც².

აღნიშნულ ვითარებაში ყაჩაღური შემოსევები ანადგურებდა აღმოსავლეთ საქართველოს სოფლებს და ოსმალეთ-სპარსეთის მტაცებლურ მიზნებსაც უპასუხებდა, რუსთა ბატონობას ემუქრებოდა.

რა თქმა უნდა, როდესაც მეფის რუსეთი ქარელ-დალისტნელ მტაცებელთა ალაგმვის გეგმებს ახორციელებდა, საკუთარი ინტერესებიდან გამომდინარე, მაგრამ ამავე დროს ესწინტერესი—მფლობელობის გაფართოება, დაპყრობილის შენარჩუნება — ქართველი ხალხის ინტერესებსაც უპასუხებდა. ეს ხდებოდა მთავრობის სურვილისაგან დამოუკიდებლად. რუსეთის მთავრობას თავისი ბატონობის აქ შენარჩუნება მოსახლეობის მხარდაჭერის გარეშე არ შეეძლო. მას ეს მოსახლეობა ფიზიკური გადაშენებისაგან ძალაუვნებურად უნდა დაეცვა. აბრაგული თავდასხმების წინააღმდეგ თუ ქარდალისტნის დაპყრობის მიზნით, რუსთა რაზმების მიერ წარმოებუ-

¹ იქვე, გვ. 651.

² Акты, т. I, № 913, გვ 653.

ლი ბრძოლა, რომელიც ქართველთა მხარდაჭერით მიმდინარეობდა, საერთოდ ქართველობის ინტერესებს ენსახურებოდა.

1802 წ. მდგომარეობა კიდევ მეტად გამწვავდა. ამ წელს მოხდა კახი თავადების შეთქმულება, რომელიც მიზნად ისახავდა ქართლ-კახეთში მეფის ხელისუფლების აღდგენას. ამავე წელს გააქტიურდა თავადაზნაურული ოპოზიცია და ალექსანდრე ბატონიშვილის თაოსნობით ეწყობოდა ძლიერი შეერთებული გამოსვლა ქართლ-კახეთში რუსთა ბატონობის მოსასპობად. ამ დროს საგრძნობ ძალას წარმოადგენდა ქარ-ბელაქნელი ლეკობა. შეთქმულთა მხარეზე გამოდიოდა ლეკთა „მჟარეელი“ ახალციხის ფაშაც.

რუსეთის მთავრობამ პროტესტი შეუთვალა სულტანს, რომ ახალციხის ფაშა ხელს უწყობდა ლეკთა თავდასხმებს საქართველოზე. ამის შედეგი იყო ჩილდირისა და ერზერუმის ვალის—მოჰამედის წერილი ლეკებისადმი, რომელთაც იგი „გზას უკეტავდა“ ახალციხის საფაშოსაკენ¹. ახალციხის ფაშაც 1802 წ. 1 ივნისს სწერდა კნორინგს: „მე აღარ შემოუშვებ ლეკებს ჩემს სამფლობელოში“, ისინი „მეც გაწუხებენო“². მაგრამ ეს დიპლომატიური განცხადება იყო. 1802 წ. 13 სექტემბრის წერილით მეფისადმი კნორინგი ამხელდა შერიფ-ფაშისა და მისი სულტნის მუხანათობას: „ამ შერიფ-ფაშამ დაგზაფნა სამხრეთ დაღისტანში სულტნის სახელითა და ყალბი ბეკდის დასმით მოწოდება, რითაც ამხედრებს ლეკებსა და სხვებს მის ძალებთან შესაერთებლად საქართველოდან რუსების გაძევების მიზნით“³.

1802 წ. განმავლობაში ქურდულ ყაჩაღური შემოსევები ძალზე ხშირი მოვლენა იყო: „კვალად აღდგნენ ლეკნი და იწყეს ტყუშნვა ქართლისა, დაესხნენ ორგზის ქარელსა და მოსწყვიტნეს მრავალნი მუნებურნი. კვალად მიუხდნენ და წარტყუშნვეს... მსგავსისავე სახით კახეთიცა, წარიღეს მელაანი: კვალად შეკრბნენ კარელნი, მოვიდნენ და წარიღეს ივრის ცხვარი თუშთა ვიდრე ოცდა ათი ათასამდე...“⁴.

საქართველოს მთავარმმართველ კნორინგის განკარგულებით რუსთა რაზმები საველე სამუშაოების დროს გამოდიოდნენ გლეხთა დასაფარავად. ასეთი გამოსვლისას ხშირი იყო შეტაკება მარბიელ ქურდულ რაზმებთან. 1802 წ. ივლისში კარელმა ყაჩაღებმა გაიტაცეს

¹ Акты, т. I, № 927, გვ. 657.

² იქვე, № 928, გვ. 653.

³ იქვე, № 950.

⁴ დ ა ვ ი თ ბ ა ტ ო ნ ი შ ვ ი ლ ი. ახ. ისტ., გვ. 27—29.

96 კაცი. ამავე დროს შეპყრობილ ერთ ყაჩაღურ ჯგუფს უნახეს ლეელები, რომლებითაც ისინი ბორკაედნენ ტყვედ შეპყრობილ ქართველებს¹⁴. აგვისტოში მოთარეშე ბრბოები კვლავ დაძრწოდნენ ქართლსა და კახეთში, იძალებოდნენ საგურამოსთან, სექტემბერში თავს ესხმოდნენ ბამბაკს, ოქტომბერში ძარცვა-გლეჯით აოხრებდნენ სიღნაღის მაზრას...გენ. კნორინგს ახალი რაზმები გადმოყავდა კავკასიის ხაზიდან².

საყურადღებოა ის გარემოება, რომ ისტორიკოსი დავით ბატონიშვილი საქართველოს მთავარმმართველ კნორინგის გადაყენების მიზეზად თვლიდა ქართლ-კახეთის აოხრებას ლეკთა მიერ³.

1802 წ. სექტემბერში აქტიურად მოქმედებდა ალექსანდრე ბატონიშვილი, რომელიც განჯაში ჩასულიყო და დაღისტნელ და ქარელ აბრაგებთან მოლაპარაკებას აწარმოებდა. მისთვის დახმარება აღუთქვამთ შუშისა და განჯის ხანებს.⁴ მაგრამ შეერთებული გამოსვლა რუსთა წინააღმდეგ ვერ განხორციელდა. ამის ერთი მიზეზი ის იყო, რომ მეგრძოლთა ბანაკში ერთსულოვან შეთანხმებას ვერ მიაღწიეს. რუსეთის მთავრობამაც მოსალოდნელი გამოსვლის თავიდან ასაცილებლად წინასწარი ზომები მიიღო.

მოტანილი მოკლე მიმოხილვიდან თითქოს ცხადი ხდება, რომ XIX ს.-ის პირველ წლებში არსებული მეტად მძიმე მდგომარეობის ერთ მიზეზად ძველებურადვე რჩებოდა ქარელი და დაღისტნელი აბრაგების გამუდმებული შემოსევები. ეს მოვლენა ამ დროსაც თითქმის ისეთივე ტრაგიკული შედეგების მომტანი იყო, როგორც წინათ. აქედან გასაგებია, რომ რუსეთის მთავრობის წინაშე მთელი სიმწვავეთ დგებოდა ქარ-ბელაქნის, როგორც ქურდულ-აბრაგული შემოსევების დაყრდენი ბოძისა და საბუღარის, დაპყრობის ამოცანა⁵. ამ ამოცანის გადაჭრა გადაუღებელი ჩანდა აგრეთვე იმიტომაც, რომ ქარ-ბელაქანი ოსმალეთისა და სპარსეთის წინააღმდეგ მოსალოდნელ ომში იქნებოდა რუსთა ზურგში მყოფი ის მტრული ძალა, რომელსაც სერიოზული ზიანის მიყენება შეეძლო.

¹ Бутков. Материалы, часть II, гв. 531.

² იქვე, გვ. 530—532.

³ დავით ბატონიშვილი. ახ. ისტ., 28.

⁴ Акты, т. I, № 987, გვ. 672.

⁵ არაა სწორი პეტრუშევსკის მითითება იმის შესახებ, რომ ქურდულ თავდასხმებს თითქოს ორმხრივი ხასიათი ჰქონდა. ამის დასამტკიცებლად მოყვანილია ერთი ფაქტი, როცა გავახელებმა 10 ლეკი დახოცეს (დასახ. ნ. შრ. გვ. 82). ასეთი გამონაკლისი შემთხვევა „საპასუხო თავდასხმების“ მაჩვენებელი როდია; აგი ყაჩაღთაგან თავდაცვის გამოძახილი იყო.

აღმოსავლეთ საქართველოში გაბატონებული რუსეთის მთავრობა დასაწყისში (და შემდეგაც, სადაც საჭიროდ სცნობდა) ძველი ქართული მიწა-წყლის შეკრება-გაერთიანების ლოზუნგითაც გამოდიოდა ქარ-ბელაქნის დამორჩილებისათვის. ასეთი მოტივი საცხებით საფუძვლიანი იყო და იგი კარგად ფარავდა მთავრობის ნამდვილ მიზნებს საქართველო-ამიერკავკასიის სრულად აპრობის საქმეში. ქარ-ბელაქანი, ანუ აღმოსავლეთ კახეთი, იგივე საინგილო, ისტორიული საქართველოს განუყოფელი ნაწილი იყო. ეს გარემოება აგრეთვე განსაკუთრებით აქეზებდა ქართველებს, რომ ენერგიული მონაწილეობა მიეღოთ საინგილოს შემოერთების საქმეში.

როდესაც მეფის რუსეთი ისტორიული საქართველოს მიწა-წყლის შეერთების ნიღაბით იბრძოდა, რა თქმა უნდა, უპირველეს ყოვლისა იგი თავის მიზნებს ემსახურებოდა: ამტკიცებდა და აფართოვებდა თავის მფლობელობას საქართველო-ამიერკავკასიაში, სადაც ქმნიდა ბაზას აღმოსავლეთში შემდგომ გეგმათა განსახორციელებლად. ამავდროს ასეთ ბრძოლას ქართველი ხალხისათვის უდიდესი მნიშვნელობა ჰქონდა. საქართველო იკრიბებოდა და ერთიანდებოდა რუსეთის ხელისუფლების ქვეშ და ამით ქართველი ხალხის კულტურულ-ეკონომიური აღმავლობის პირობები იქმნებოდა.

1801 წლიდან იწყება რუსული მმართველობის ოფიციალური ურთიერთობა ქარისა და ბელაქნის თემებთან. ეს ორი თემი ამ დროს ცალ-ცალკე გზავნიდა წერილებს კნორინგთან. ლეკურ სოფლებს მთლიანობა უკვე აღარ ჰქონდათ.

ქარელ უბუცესთა წერილში კნორინგისადმი შეიმჩნეოდა ლექთა მედიდური ტონი. ისინი თანხმობას აცხადებდნენ ზავზე¹. იხსენიებდნენ მათ მიერ დადებულ ზავს ერეკლე მეფესთან.

ეტყობოდა, რომ ქარელ ლეკებს ამ მომენტში რუსთა რაზმებისა მართლაც არ ეშინოდათ და მათ გულგრილად უყურებდნენ.

ბელაქნელმა ლეკებმა, როგორც ჩანს, ქარელთაგან განსხვავებით, რუსეთის მფარველობა ითხოვეს. მათი წარმომადგენლები—ალი და ჯუჯი—გენ. ლაზარევთან მისულან და ამის შესახებ გაუცხადებიათ. საყურადღებოა, რომ ლაზარევს მათგან სამფარველო პირობის საწინდრად მოუთხოვია მძევლები უპირველესი გვარებისაგან, რომლებიც თვითონ მას დაუსახელებია — „აბდულინთა გვარის

¹ Акты, т. I, № 899, გვ. 645.

მურთუზ-ალის შვილი ალი...ანანიანოვის (Ананиановоѣ) გვარისაგან გოჯახი“ და სხვ.¹ ლაზარემა ბელაქნელებს სამფარველობო პირობები წაუყენა და თავისი წარმომადგენელი ადამ ბებურიშვილიც გააყოლა. ლაზარევი უპირველეს პირობად სდებდა, რომ ბელაქნელებსა და ქარელებს შეეწყვიტათ ქურდული თავდასხმები, დაებრუნებინათ გატაცებული ტყვეები, წინააღმდეგ შემთხვევაში გენერალი მათ მუქარას უთვლიდა, რომ ისინი შესაფერის სასჯელს მიიღებდნენ².

ლაზარევისა და ბელაქნელთა ურთიერთობიდან ნათლად ჩანს, რომ რუსეთის მთავრობა კარგად იცნობდა ქარ-ბელაქნის მოსახლეობას. ადამ ბებურიშვილის იქ გაგზავნა საკმაოდ მოფიქრებული ღონისძიება ჩანდა. ბებურიშვილი ვაჩნაძეთა ფეოდალური საგვარეულოს წარმომადგენელი იყო და იგი ბელაქანში თავის თანამოგვარეებს უნდა შეხვედროდა. ასევე არ იყო შემთხვევითი, რომ ლაზარევი მძევლებს იძხოვდა „ანანიანოვის“ (ონანაშვილების) გვარისაგან, რომელიც, როგორც ვხედავთ, ერთი უპირველესი გვარი იყო ბელაქანში. ონანაშვილები იგივე ვაჩნაძეები იყვნენ³. შემდგომი მოვლენებიდან ჩანს, რომ ბელაქნის ვაჩნაძეებმა ამ ქვეყნის შემოერთებაში რუსეთის მთავრობას გარკვეული დახმარება გაუწიეს.

გენ. ლაზარევის მბრძანებლური მოთხოვნები, რა თქმა უნდა, არ მოეწონებოდათ ქედმაღალ ბელაქნელებს, რომლებიც ჯერ კიდევ სათანადოდ ვერ აფასებდნენ რუსთა ძლიერებას. გარდა ამისა მათ მიერ გატაცებული ტყვეების ოჯახებისაგან ისინი ფულად საზღაურს მოელოდნენ; ეს მათთვის შემოსავლის ერთი წყარო იყო. ეს უნდა ყოფილიყო იმის ერთი მიზეზი, რომ ბელაქნელთა მეთაურებმა ლაზარევის წერილი დახიეს, თავიანთი დეპუტატების სახლები გადასწვეს, ერთი მათგანი (ალი) მოჰკლეს კიდევ. გარდა ამისა ქარ-ბელაქნელებმა შაქისა და შუშის ხანებისაგან დახმარების პირობა

¹ Акты, т. I, № 915, გვ. 563.

² იქვე.

³ ისტორიის ინსტიტუტის უფრ. მეცნ. თანამშრომელმა მ. ბერძნიშვილმა მიგვითხა ერთ საარქივო საბუთზე, რომელშიც მოხსენებულია Ниния Онанашвили, он же Вацнадзе (საქ. ცსსა ფ. 2/8, საქ. 272, ფურ. 74—75). ვაჩნაძეთა გვარში არსებული გადმოცემა (დოც. ს. ვაჩნაძის) ადასტურებს ამ გვარის 4 შტოს: ონანაშვილები, ავათოშვილები, ბებურიშვილები და ელიშოშვილები.

მიიღეს. მათვე აიძულებდა „ომარ-ხანის მაგიერ მყოფი ალისკანტიც“. ამასთან დაკავშირებით გენ. ლაზარევი მოითხოვდა ნებართვას კნორინგისაგან იმისათვის, რომ „უტიფრები“ სამაგალითოდ დაესაჯა¹.

ქარ-ბელაქნელები იძულებული იყვნენ კავშირი გაეხატათ ქართლ-კახეთში გაბატონებულ რუსეთის მთავრობასთან. ამის პთავარი მიზეზი ის იყო, რომ მათ ქართლ-კახეთთან ეკონომიური კავშირის გარეშე არსებობა არ შეეძლოთ. ალაზნის გამოღმა ნაპირიდან ქარში მიჰქონდათ პირველი მოთხოვნილების საგნები. კახეთის საძოვრების გარეშე ისინი ვერ შესძლებდნენ პირუტყვის გაჰოკვებასაც და სხვ. ამრიგად, ქართლ-კახეთისაკენ გზის ჩაკეტვა მათ საფრთხეში ჩააგდებდა². ამიტომაც იყო, რომ ბელაქნელები და ქარელები თვით ცდილობდნენ ზავის ჩამოგდებას. ამავე დროს დიპლომატიური ხერხებით ფაქრობდნენ თავი დაეღწიათ რუსთა მიერ ქარის ოკუპაციისაგან:

გენ. კნორინგის მთავარმმართველობის დროს ქარ-ბელაქნის დამორჩილების საკითხი არ გადაწყვეტილა. ქარელებიც, როგორც ჩანს, ფრთხილობდნენ და ახალ სიტუაციას მოელოდნენ. ასეთი მოლოდინის მდგომარეობა გამოწვეული იყო იმითაც, რომ ისინი მკიდროდ იყვნენ დაკავშირებული ამიერკავკასიაში მაშინ რუსთა ბატონობის წინააღმდეგ მებრძოლ ძალებთან, მათთან ახლო ურთიერთობა ჰქონდა ალექსანდრე ბატონიშვილსაც, რომელიც საქართველოში ბაგრატიონთა სამეფო სახლის ხელისუფლების აღდგენისათვის იბრძოდა.

1802 წ. 18 აპრილს კნორინგი სწერდა „ხალხის ნდობით აღკურვილ“ ქარელ უფროსებს: „...თქვენი და საქართველოს მცხოვრებთა მშვიდობიანობის საქმეებზე თათბირისათვის დაუჩქარეთ ჩემთან გამოცხადება თბილისში.—ამის მიღებიდან 7 დღის განმავლობაში“³. მაგრამ ქარელები აღნიშნულ მოთხოვნას არ გამოხმაურებინან.

1803 წლის დასაწყისში განთავსდებულ კნორინგის მაგიერ საქართველოს მთავარმმართველად თბილისში მოვიდა ნიკიფრი სარდალი, დიპლომატი და მეფის ერთგული გენერალი პავლე

¹ Акты, т. 1, № 917, გვ. 654.

² ეს ჩანს XIX ს-ნის დამდეგის საბუთებში (Акты, т. I, № 926, გვ. 657; № 935, გვ. 660...).

³ Акты, т. 1. № 922, გვ. 655.

ციციანოვი (ციციშვილი). თავისი მმართველობის ხანმოკლე წლებში ციციანოვმა შესძლო გაეფართოებინა რუსთა რაზმების სამოქმედო ასპარეზი კასპიის ზღვიდან შავ ზღვამდის და ზოგჯერ დიპლომატიური ხერხებით, ზოგჯერ კი სამხედრო ძალებით, რუსეთის პოლიტიკური ბატონობის ქვეშ მოექცია დასავლეთ საქართველოს სამეფო-სამთავროებისა და აზერბაიჯანის სახანოების უმეტესი ნაწილი.

ციციანოვი თავის ერთ სერიოზულ ამოცანად ისახავდა ქარბელაქნის დამორჩილებას. 1803 წ. 4 თებერვალს იგი სწერდა გენ. გულიაიკოვს: „მთელი სირთულე იმაში მდგომარეობს, რომ ზუსტად დაერწმუნდეთ ქარელ უფროსთა და მცხოვრებთა ჩვენდამი განწყობილებაში...“¹.

ციციანოვი ქარბელაქნისადმი ატარებდა მისთვის საერთოდ ჩვეულ პოლიტიკას—მფარველობითი „კავშირის“ გზით დამორჩილების ღონისძიებას. ამ მიზნით მან ქარისათვის სათანადო მუხლებიც შეიმუშავა და, როგორც ჩანს, გენ. გულიაიკოვს დაავალა, რომ ქარელთა უარის შემთხვევაში იარაღით ემოქმედნა. ქართან და ბელაქანთან ე. წ. „საზავო პირობები“ ითვალისწინებდა:

1. არ მიეცათ თავშესაფარი ალექსანდრე ბატონიშვილისათვის.

2. ქარსა და ბელაქანში შეყვანილი უნდა ყოფილიყო „მუდმივ სამყოფელად“ რუსთა გარნიზონი, საკუთარი ხარჯით.

3. ქარ-ბელაქანს ეკისრებოდა აბრეშუმის ხარკი, „რომელსაც იგი წინათ ქართველ მეფეებს უხდიდა“.

4. ქარსა და ბელაქანს რუსული მმართველობისათვის უნდა გაეგზავნა 5—5 მძევალი „საპატიო პირთაგან“.

5. რუსეთის მთავრობა ქარ-ბელაქნის საზინაო საქმეებში არ ერეოდა.

აღნიშნული მუხლების მიღების შემთხვევაში ქარ-ბელაქნიდან ციციანოვთან უნდა გამოცხადებულიყვნენ დეპუტატები, რომლებიც ფიცით დაადასტურებდნენ ამ მუხლებს².

ქარ-ბელაქნის ლეკური სოფლები აღნიშნული პირობების საფუძველზე ფაქტიურად ჰქარგავდნენ ყოველგვარ დამოუკიდებლო-

¹ Акты, т. II, № 1382, გვ. 683.

² Акты, т. II, გვ. 683—684.

ბას და რუსთა მბრძანებლობის ქვეშ ექცეოდნენ. ქარელი პოლიტიკოსებისთვის ასეთი „ზავი“, რა თქმა უნდა, ხელსაყრელი არ იყო. ეს კარგად ესმოდა ციციანოვსაც, რომელიც სათანადო თადარიგს ღებულობდა და სამხედრო ნაწილებს ბელაქნის მიპართულებით აგზავნიდა.

1803 წ. 12 მარტს ქართველთა და რუსთა რაზმები გენ. გულიაკოვის სარდლობით ბელაქნთან წარმატებით იბრძოდნენ¹. გულიაკოვის ლაშქარმა „სავსებით გაანადგურა“ ბელაქანი, ცეცხლს მისცა იგი². ამის შემდეგ ქარი ქარისაკენ წავიდა. ქარელი რწმუნებულები პროტესტს აცხადებდნენ ზემოთ აღნიშნულ პირობებზე. მათ არ სურდათ რუსული გარნიზონის მიღება და აბრეშუმის ხარკის გადახდა. ამით ისინი უარყოფდნენ რუსეთის მთავრობისადმი ყოველგვარ მორჩილებას.

რუს-ქართველთა რაზმები 27 მარტს ქარს მიუახლოვდნენ. მცირე შეტაკების შემდეგ ქარი აღებულ იქნა. ქარის რწმუნებულები უკვე გენ. გულიაკოვის წინაშე იდგნენ „პატიების თხოვნით“.

1803 წ. 12 აპრილს ციციანოვთან გამოცხადდნენ ქარის, თალას, მუხახის, ჯინიხისა და ელისუს ალი-სულტნის დეპუტატები. ციციანოვმა მათ უკარანახა თავისი მოთხოვნები, რომლებიც დეპუტატებმა ფიცით დაამტკიცეს.

ზემოთ აღნიშნული მუხლებისაგან განსხვავებით, როგორც ჩანს, ციციანოვმა რამდენადმე ანგარიში გაუწია ქარელ რწმუნებულთა მოთხოვნებს იმით, რომ რუსთა რაზმის სამყოფელ პუნქტად, ნაცვლად ქარ-ბელაქნის სოფლებისა, არჩეულ იქნა მდ. ალაზნის ნაპირი, ურდოს ფონთან. განისაზღვრა აბრეშუმის ხარკის რაოდენობა—220 ფუთი (1100 ლიტრა). ლეკები კისრულობდნენ აგრეთვე, რომ არ გამოეტარებინათ დალისტინიდან საქართველოს დასარბევად მოღწეილი მძარცველური რაზმები.

ხელშეკრულების გაფორმების დროს ლაპარაკი ყოფილა ალიაბათის ქართული სოფლების შესახებ. როგორც ჩანს, ციციანოვი მოაგონებდა ლეკური სოფლების რწმუნებულებს, რომ ალიაბათის სოფლებზე მათი ხელისუფლება უკანონო იყო. საფიქრებელია, რომ ეს საკითხი ციციანოვმა ქარელი რწმუნებულების და-

¹ ექსპედიციაში მონაწილეობდა 4500 ქართველი და 1482 რუსი ჯარისკაცი (Дубровин. Ист. воинов..., т. IV, გვ. 75).

² Акты, т. II, № 1385, გვ. 685; Дубровин. Ист. воинов..., т. IV, გვ. 75—81. ბ ა გ რ ა ტ ბ ა ტ ო ნ ი შ ვ ი ლ ი, ახალი მოთხრობა, გვ. 83—85.

³ Акты, т. II, გვ. 686.

საშინებლად დასვა. ძნელია იმის თქმა, რომ ამ დროს ციციანოვს ალიაბათელების სოციალურ თავისუფლებაზე შეეძლო ეფიქრა. ხელშეკრულების მე-9 მუხლში ნათქვამი იყო:

„თანახმად ჩვენი (ქარელი რწმუნებულების, მ. დ.) თხოვნისა მთავარსარდალმა ინება მოეცა პირობა, რომ ალიაბათის ქართული სოფლები, რომლებიც დიდი ხანია რაც ჩვენს თემებთან შეერთებული არიან, ჩვენსავე მმართველობაში დარჩებიან წინანდელი უფლებისა და ჩვეულებების საფუძველზე“¹.

როგორც ვხედავთ, მეფის რუსეთის მთავრობამ, ციციანოვის სახით, სცნო ქარელი მებატონეების უფლებები მათ მიერ მინატაცებ მიწა წყალზე. ეს ფაქტიურად მოასწავებდა ოსმალეთის სულტანის მიერ 1727 წ. ქარელებისათვის მიცეპული სიგელის დამტკიცებას. როგორც ზემოთ ითქვა, სულტანი სამუდამოდ უმტკიცებდა მოძალადეებს აღნიშნულ მიწა წყალს. „ცარიზმმა იცნო ქარ-ბელაქნელ ალაღარების მებატონური „უფლება“ ინგილოთა სოფლებზე, ინგილოთა მიწებზე“ და ამის შემდეგ გასაკვირი .არ იყო, თუ ქარელი ალაღარები სულტანის სიგელს უფრთხილდებოდნენ როგორც „წმიდათა წჰიდას“².

მიუხედავად აღნიშნულისა, რუსეთის მთავრობა მაინც გამოეჭომაგა საინგილოს ქართველობას და მოითხოვა, რომ ლეკებს „ხელი არ შეეშალათ ინგილოებისათვის ქრისტიანული სარწმუნოების თავისუფლად დაცვაში, რომელი სარწმუნოებაც მათ ბევრს. დაატოვებინეს და ძალმომრეობით მიაღებინეს მაჰმადიანობა“³.

ქარ-ბელაქანთან ერთად, ციციანოვმა რუსეთის მორჩილებაში შეიყვანა ელისუს ალი-სულტანიც, რომელიც აგრეთვე რუსეთის მოხარკე შეიქნა.

აღნიშნული ხელშეკრულების გაფორმებისა და ფიცის დადების მომენტში ციციანოვთან არ ყოფილან ბელაქნის, კატეხისა და მაწეხის რწმუნებულები. ამის მიზეზი ის იყო, რომ ბელაქანი გულიაკოვის რაზნებმა ძალზე დაარბიეს და ბევრი მცხოვრები ზთებს შეეხიზნა. ასევე მოიქცნენ კატეხისა და მაწეხის ლეკებიც. მიუხედავად ამ სოფლების რწმუნებულთა გამოუცხადებლობისა, ქარელმა დეპუტატებმა მათზე პასუხისმგებლობა იქისრეს. ეს გარემოება ქარის ძველ გავლენაზე უფრო მიუთითებდა, ვიდრე მაშინ არსე-

¹ Акты, т. II, გვ. 686. ხელშეკრულების მე-10 მუხლი ითვალისწინებდა ტყვეების გაცვლას, ან გამოსყიდვას.

² ნ. ბ. ე. ნ. ი. შ. გ. ი. ლ. ი. აღმოსავლეთ კახეთის წარსულიდან. გვ. 84. შენ. 1.

³ საარქივო საბ. ქარ-ბელაქნ. შესახებ. გვ. 511.

ბულ დაპოკიდებულებაზე. აღნიშნულ მომენტში ქარის მაგალითი სხვა სოფლებისათვის არც თუ ისე სავალდებულო იყო.

1803 წ. 17 აპრილს ციციანოვი ულოცავდა ალექსანდრე პირველს წარსულში ჩამოცილებული „ქარის პროვინციის შეერთებას საქართველოს სამეფოსთან“. ციციანოვის ბრძანებით ალაზანზე, ურდოს ფონთან, რომელიც ქარის კარებს წარმოადგენდა, ააშენეს რუსთა რაზმების სამყოფელი სიმაგრე.

რუსთა რაზმების გაადვილებულ შესვლას ქარში ხელი შეუწყო ლეკურ თემებს შორის არსებულმა უთანხმოებამაც. თალაელი ლეკების ერთი ნაწილი ქართან მტრობის ნიადაგზე შეელოდნენ რუსებს. ამ თემის მამასახლისები პაჯი-ყურბან-ოღლი და აბდულ-რახმან-ალა ცნობებს აწვდიდნენ კოვალენსკის¹. რუსეთის აგენტი, ანწუხელ ლეკთა უფროსი ომარ-ხანი მოახსენებდა გულიაკოვს ალექსანდრე ბატონიშვილისა და მისი ჯგუფის მოქმედების შესახებ². ქარის ოლქის დაბალი ფენები მხარს უჭერდნენ რუსთა რაზმების შემოსვლას. მებრძოლ ფეოდალებს საგარეო ვითარებაც არ წყალობდა. სპარსეთისაგან დახმარების იმედი გადაწურული იყო, დაღისტინიდან გადმოსასვლელი გზები კი—თოვლით ჩაკეტილი. ერთი იმედი ქარელებისა შაჰის მამედ-ჰასან-ხანი იყო, რომელმაც რუსთა მიერ ბელაქნის დარბევისას უღალატა ქარელებს და ბრძოლის ველიდან გაიქცა.³ ასევე გულგრილად უყურებდა ქარის მარცხს ელისუს სულტანი.

რუსეთის მთავრობის გამარჯვების ერთი მთავარი პირობა ქართველების მხარდაჭერა იყო. ქარ-ბელაქნის სამხედრო ექსპედიციაში, რომელსაც შედეგად მოჰყვა მისი დამორჩილება, 4500 კაცისაგან შემდგარი ქართველთა რაზმი მონაწილეობდა. ქართველობა ამ დროს თავისი ძველი ისტორიული მიწა-წყლის შემოერთებისათვის იბრძოდა. ასე ესმოდა ქარის შემოერთება მომდევნო თაობას. XIX საუკუნის პრესაში ხშირი იყო მითითება იმის შესახებ, რომ 1803 წელს „რუსეთმა დაუბრუნა საქართველოს თავისი ძველი საკუთრება“—საინგილო.⁴

¹ Акты, т. II № 273, 83. 152.

² იქვე, № 275, 33. 153.

³ იქვე, 83. 685.

⁴ Джаро-белаканцы до XIX в. („Кавказ“, 1846 г. № 3); Колубакин. Об отношениях поселян... („Кавказ“, 1848 г. № 52).

1803 წ. არ მომხდარა საინგილოს შემოერთება. იგი მხოლოდ დამორჩილებულ იქნა მთარველობითი კავშირის გზით. ლეკური თემები ინარჩუნებდნენ აავეიანთ თვითმმართველობას. მაგრამ ამავე დროს აღნიშნული მთარველობითი კავშირი წარმოადგენდა გარდამავალ საფეხურს საინგილოს საბოლოო შემოერთებისათვის.

აღნიშნულ აქტს საქართველოსათვის დიდი მნიშვნელობა ჰქონდა. საინგილო რუსეთის ბატონობის სფეროში ექცეოდა და ამით თავის დედა სამშობლოს—საქართველოს უახლოვდებოდა. ქარ-ბელაქნის მთარველობითმა შემოერთებამ „დიდი და გულწრფელი სიხარული გამოიწვია საქართველოში“¹.

ქარელებმა მალე დაარღვიეს ციციანოვთან გაფორმებული ხელშეკრულება და განაახლეს ქურდული თავდასხმები ქართლ-კახეთზე: „...მოვიდნენ ქარელსა და მოსწყვიტნეს რუსნი უმეტეს ასისა ტყვისა. კვალად ბელაქნის მახლობელ წარიღეს რუსთა ცხენნი უმეტეს ხუთასისა და ეგრეთვე მახლობელ ქალაქისა წარიღეს უმეტეს ოთხასი ცხენი. და იყო მრავლი ვნება ლეკთაგან“².

1803 წ. 2 ივნისს ქარელები გენ. გულიაკოვის მეშვეობით ცდილობდნენ ციციანოვთან მოსვლას იმ მიზნით, რომ უსასყიდლოდ მიეღოთ ქართლ-კახეთში მყოფი მათი ტყვეები³. ეს მაშინ, როცა თვითონ ისინი გატაცებულ ტყვეებს უსასყიდლოდ არ აბრუნებდნენ. ქარელთა მხრიდან ეს განცხადება დადებული ხელშეკრულების დარღვევას მოასწავებდა. ტყვეები მათ უნდა გაეცვალათ ან გამოესყიდათ. გარდა ამისა, ციციანოვს ხელშეკრულების დარღვევის სხვა საბუთებიც ჰქონდა. ქარიდან ქურდული თავდასხმები გრძელდებოდა. ამიტომ გასაგები იყო მისი მუქარა „მოლა-ლატე და უსირცხვილო“ ქარელებისადმი, რომლებსაც იგი მოაგონებდა, რომ „ვისაც ძალა ხელში აქვს, სუსტს კი არ ევაჭრება, არამედ მას უბრძანებს“⁴.

1803 წ. 9 ივლისს დალისტნელ აბრაგთა ძლიერი რაზმი ქარის გავლით ალაზანზე გადავიდა და რუსთა რაზმს თავს დაესხა⁵.

¹ Ковалевский. Завоевание Кавказа Россией. гл. 85.

² დავით ბატონიშვილი. დასახ. ნაშრ., გვ. 28.

³ ცსსა. განსაკ., საქმ. ფონდი. საქმე № 1, ფურ. 59.

⁴ Ачты, т. II, № 1392, გვ. 68E.

⁵ Дубровин. Ист. войны... т. IV, гл. 131.

რუსეთის მმართველობასთან ურთიერთობა მეტად ბწევადებოდა იმითაც, რომ ქარელები მათზე დაკისრებულ ხარკს არ იხდიდნენ. 3 სექტემბრის მოწოდებაში ციციანოვმა მწყარალი ტონითა და მუქარით უკუაგდო ქარ-ბელაქნელ მებატონეთა თხოვნა ხარკისაგან განთავისუფლების შესახებ: „მე ვხედავ თქვენი წერილიდან, რომ თქვენ რწმუნებათა საფუძველი მხოლოდ ტყუილებია... თქვენ სიღარიბით იმართლებთ თავს, არა ხართ რა ღარიბნი... მაგრამ, ჩანს, თქვენ ვერ გრძნობთ ჩემს სიხარბეს, მდინარეებად ვღვარო თქვენი სისხლი, დაგტოვით თქვენ უსახლკაროდ, უმამულოდ... მეორეჯერ ველარ მომატყუებთ. ალგვით პირისაგან მიწისა და ველარ იხილავთ თქვენს სოფლებს. წამოვალ თქვენი ჩვეულებისამებრ ცეცხლით და, თუმცა რუსები ჩვეულებით არ არიან სწვან, ნაცარტუტად ვაქცევ ყოველივეს, რასაც ჯარებით ვერ დავიკავებ და საუკუნოდ დავემკვიდროები თქვენს ქვეყანაში. დავინახავთ, მოგებმარებიან თუ არა თქვენ დალისტნელები ჩემს გაპოძევეებაში და შესძლებენ თუ არა ამის გაკეთებას... გენერალს კი არ გამოგვზავნი თქვენთან რაზმებით, არამედ თვით წამოვალ. თქვენ მიწას თქვენივე სისხლით დაფარავ და იგი გაწითლდება“¹...

თუ ქარელები წერილის მიღებიდან 4 დღის განმავლობაში გადასახადს არ გადაიხდიდნენ, მაშინ ციციანოვი მათ ჰპირდებოდა, რომ დიწყებდა მტრობას მა ი „მძევლების უსასტიკესი დასჯით“². რუსეთის მთავრობის მოთხოვნები ქარელებისადმი მარტო ხარკის გაღებით არ ამოიწურებოდა. მათგან მოითხოვდნენ, რომ დაეცვათ დალისტნიდან საქართველოსაკენ მომავალი გზები. ასეთი გზები გადმოდიოდა ბელაქანზე, კატეხზე, ქარზე და მუხახზე. დალისტნიდან მოდენილი ქურდული რაზმების შეკავება, რა თქმა უნდა, მოითხოვდა რეგულარული ჯარების ჩაყენებას არა მარტო მითითებულ გზებზე.

ციციანოვს სამიზეზოდ ბევრი რამ ჰქონდა: გადასახადების გადაუხდელობა, დალისტნიდან ქურდული რაზმების დენა ქარის ტერიტორიის გავლით, ტყვეების გამოუსყიდველობა, ურთიერთობა რუსეთისათვის მტრულ პირებთან და სხვ. ციციანოვის ზომადგადასული მუქარები ქარელთა შესაძლებლობას არ ითვალისწინებდნენ. რუსეთის მთავრობას არ აინტერესებდა გაეგო, მართლა სამძიმო იყო თუ არა ქარისათვის ყოველწლიურად 1100 ლიტრა აბრეშუმის გადახდა, ან შეეძლოთ თუ არა ქარელებს დალისტნიდან

¹ Акты, т. II, № 1397, გვ. 690.

² იქვე, № 1398, გვ. 690.

მომავალი იმ გზების ჩაკეტვა, რომელთა გამაგრება რუსთა რეგულარულ რაზმებსაც გაუჭირდებოდათ. მიუხედავად ამისა ციციანოვის მუქარა საფუძველს მოკლებული მაინც არ ყოფილა: ქარის კარები მუდამ ღია იყო მარბიელ-გადამთიელი რაზმებისათვის.

ციციანოვის მუქარამ ქარელებზე დიდი ეფექტი ვერ მოახდინა. ამის ერთი მიზეზი ისიც იყო, რომ მზადდებოდა ომი სპარსეთთან და დაღისტანში ახალ მოვლენებს ჰქონდა ადგილი (ყაზიყუმუხის ხანის — სურხაის გამოსვლა). ქარელებს დაღისტნელთა მხარდაჭერის იმედი ჰქონდათ¹.

21 ოქტომბერს დაღისტნელთა და ქარელთა 10000-ანი რაზმი სურხაი ხანისა და ავარელი ალისკანტის მეთაურობით მდ. ალაზანზე გადმოვიდა და თავს დაესხა სოფ. ფეიქაროსთან მდგომი მელიქოვის რაზმს². სურხაი-ხანი სასტიკად დამარცხდა. დამარცხდნენ ქარელებიც³.

1803 წ. დეკემბერში კვლავ მოვიდა სურხაი-ხანი 6000 კაცით. მან დაუბრკოლებლად გადმოიარა ქარი. გენ. გულიაკოვი 12 ასეულითა და ღონის კაზაკებით წავიდა მის შესახვედრად.

აღნიშნული ამბების გვერდით რუსთა სარდლობა საქართველოში კიდევ უფრო ფარდო მასშტაბის სამხედრო ოპერაციებს აწყობდა. ციციანოვი პირადად მიუძღოდა რაზმებს განჯის სახანოს დასაპყრობად. 1804 წ. 3 იანვარს მან აიღო ციხე-ქალაქი განჯა; შემოერთებულ იქნა განჯის სახანო. განჯასთან ბრძოლაში შაჰინაალმდეგებმა დაჰკარგეს 2000-დე კაცი. რუსთა რაზმებმა ხელთ იგდეს 17000 ტყვე და დიდძალი ნადავლი. განჯის ხანი — ჯევად და ჩისი ერთი შვილი ბრძოლაში დაიღუპნენ. აღნიშნულმა გამარჯვებამ დიდი გამოხმაურება ჰპოვა მთელს ამიერკავკასიასა და რუსეთში. „შედრწუნდა დაღისტანი და აზერბაიჯანი“. ზოგი ზავს თხოვდა ციციანოვს, ზოგი მფარველობას. მაგრამ მის განკარგულებაში მყოფი მცირე ძალები არ იძლეოდნენ საშუალებას, რომ მოპოვებული გამარჯვება სისრულით გამოყენებულიყო⁴.

¹ Петрушевский. Джаро-белак., გვ. 88.

² Дубровин. т. IV, გვ. 394—395. ციციანოვის დროის ლაშქრობანი ქარბელაქანში აღწერილი ჰქონია მირზა იუსუფ ყარაბაღელსაც (ვ. ფუთურიძე, მირზა იუსუფ ყარაბაღელი და მისი ისტორია „თარიხე საფი“. მასალები საქ. და კავ. ისტორიისათვის. ნაკვ. 29, გვ. 82).

³ Акты, т. II, № 915.

⁴ Акты, т. II, № 916.

• განჯასთან ბრწყინვალე გამარჯვებას ჩრდილი მიაყენა რუსთა რაზმების მოულოდნელმა დამარცხებამ ქარში.

სურხაი-ხანის მარბიელი რაზმების წესავედრად წასული გენ. გულიაკოვი 10 იანვარს უკვე ქარში იყო. დაღისტნელები და ქარელები პანიკურად გარბოდნენ ზაქათლის ხეობისაკენ. მაგრამ, როგორც აღმოჩნდა, ეს იყო ტაქტიკური უკანდახევა.

1804 წ. 15 იანვას მოხდა საბედისწერო ბრძოლა ზაქათლის ხეობაში. რუსთა რაზმებს წინ მიუძღო და ქართველთა ცხენოსანი ლაშქარი, რომლის ზურგში კვლავ ქართველთა ქვეითი რაზმი იყო. მათ მისდევდა კაზაკთა პოლკი, შემდეგ კი მიდიოდნენ ორი ბატალიონი და ეჯერთა პოლკი.

ზაქათლის ხეობაში შეტყუებულ რაზმებს თავისუფალი მანევრირების საშუალება არ ჰქონდათ. მოწინააღმდეგეები კი ხელსაყრელ პუნქტებში ჩასაგრდნენ. მოულოდნელმა და ინტენსიურმა სროლამ ვიწრო ხეობაში გულიაკოვის პოლკები არივ-დარია. გენ. გულიაკოვი მოჰკლეს¹. ბევრი ქართველი და რუსი მებრძოლი ღრმა ხეობაში გადაიჩეხა. მათ შორის იყვნენ გენ.-მაჟორი დიმიტრი ორბელიანი და გრაფი მიხეილ ვორონცოვი, რომლებიც შემთხვევით გადაურჩნენ სიკვდილს. ამ ბრძოლამ 300-ზე მეტი რუსი და ქართველი შეიწირა². მარცხმა საგრძნობლად შეარყია რუსთა ძლიერების გავლენა დაღისტანში. ქარელთა ურჩობა და მათი კავშირი დაღისტნელებთან ამიერიდან უფრო მეტად მტკიცდებოდა.

გულიაკოვის ექსპედიციის შემდეგ ქარისაკენ გაგზავნეს ახალი რაზმები გენ. ორბელიანის მეთაურობით. ამჯერად საქმე წარმატებით დასრულდა. როგორც ჩანს, ქარელებს ამ მომენტში დაღისტნელებმა ვერ უშველეს. დაუხმარებლად დატოვებულ ავარულ სოფლებში განხეთქილებამაც იჩინა თავი. თალას. მუხახისა და ჯინიხის სოფლების რწმუნებულები სამშვიდობო მოლაპარაკებისათვის ორბელიანთან ვამოცხადდნენ³. ქარმა მორჩილება განოაცხადა, მაგრამ ამ განცხადებას მხოლოდ მანამდის შერჩა ძალა, სანამ იქ რუსთა რაზმები იყვნენ. ამ რაზმების წასვლა და ქარელთა გაურჩევა ერთი იყო.

როგორც ვხედავთ, რუსეთის მთავრობის პირველი ცდები აღმოსავლეთ კახეთის დამორჩილებისათვის სასურველად ვერ და-

¹ გულიაკოვის მოკვლის ადგილზე დადგმულ იქნა თუჯის ძევილი (Писарбский. Очерк Закавказья, გვ. 24).

² Дубровин. т. IV, გვ. 394—395. დავით ბატონიშვილის სიტყვით, 500-ზე მეტი რუსი ჯარისკაცი დაიღუპა (დასახ. ნაშრ., 29—30).

³ Дубровин. т. IV, გვ. 386—397.

მთავრდა. ალაზნის გაღმა ნაპირის საბოლოო დამორჩილები'ს საკითხი ქარში პერიოდული ექსპედიციების გაგზავნით ვერ გადაწყდებოდა. ასეთი ექსპედიციები მხოლოდ დროებითს მორჩილებას იწვევდნენ. საჭირო იყო აღმოსავლეთ კახეთში დალი'ტნიდან გამოსასვლელ გზებზე მუდმივი და საკმაოდ ძლიერი რაზმის ჩაყენება. ეს აუცილებელი ჩანდა, რადგან ქარ-ბელაქნის ზურგი და მისი ძლიერება დალისტანი და იქიდან მოდენილი აბრაგული რაზმები იყვნენ. ვიღრე ეს ზურგი არ მოიხსნებოდა, ქარ-ბელაქნელებიც ქედს არ მოიხრიდნენ.

აღნიშნული ამოცანის შესრულება XIX საუკუნის დამდეგს რუსეთის მთავრობას არ შეეძლო. ეს მთავრობა ჯერ კიდევ მტკიცედ ვერ გრძნობდა თავს აღმოსავლეთ საქართველოში. ციციანოვის განკარგულებაში მცირერიცხოვანი რაზმები იყვნენ. გარდა ამისა იწყებოდა ომი სპარსეთთან. თანდათანობით ისახებოდა კონფლიქტი ოსმალეთთანაც, რომელიც მხოლოდ იძულებითს კავშირში იყო რუსეთთან. ახლადდამორჩილებულ ქვეყანაში საშინაო შფოთიც ღვივდებოდა. ბატონიშვილები და ფეოდალთა ერთი ჯგუფი სამეფო ხელისუფლების რესტავრაციისათვის იბრძოდნენ.

2. აღმოსავლეთ კახეთი რუსეთ-ირანისა და რუსეთ-თურქეთის ომების პერიოდში (1805—1829 წწ.)

განჯის სახანოს დაპყრობა რუსთა მიერ ღიდი მნიშვნელობის მოვლენა იყო. ამ სახანოს უალრესად სტრატეგიული პოზიცია ეკირა. მისი დაკავებით რუსეთი ემუქრებოდა ირანის ჩრდილო პროვინციებს. განჯის შემოერთების შემდეგ ციციანოვმა თავის ქვეშევრდომად გაიხადა სამუხის მფლობელი, რომელსაც ყოველწლიური ხარკი დაეკისრა. შემდეგ დამორჩილებულ იქნა შაქის (ნუხის) სახანოც (1805 წ.)¹.

შაქის სახანოს დამორჩილებას ა'ანაკლები მნიშვნელობა ჰქონდა. აქ 20.000-ზე მეტი მცხოვრები იყო. ამ სახანოს უალრესად სტრატეგიული პოზიცია ეკავა. იგი შირვანისა და შუშის სახანოებს შუა იყო შექრილი. აღმოსავლეთიდან შაქი ჰკეტავდა კახეთსა და საინგილოს, ხოლო ამავე მიმართულებით ებჯინებოდა ყუბის სახანოს და ამით რუსეთისათვის უზრუნველყოფდა მარჯვე გზას კასპიის ზღვის ნაპირებისაკენ.

¹ АКТЫ, т. 2, № 916, გვ. 466.

შაქის სახანოს მაგალითს მალე მიჰყვა ყარაბაღის (შუშის) სახანოც. ამასთან დაკავშირებით რუსთა რაზმებმა დაიკავეს შუშის ძლიერი ციხე, რომელიც ირანის თითქმის ღია საზღვრებისაგან 80 ვერსზე იმყოფებოდა¹.

რუსეთის მფლობელობის სწრაფი გაფართოება საქართველო-ამიერკავკასიაში შიშის ზარს ჰგვრიდა ირანს და მის ზურგში მყოფ ევროპის კაპიტალისტებს. განსაკუთრებით აქეზებდა ირანს ნაპოლეონის საფრანგეთი, რომელიც იქ თავის სამხედრო სპეციალისტებს გზავნიდა. ტარდებოდა სამხედრო რეფორმა, ეწყობოდა ზარბაზნების წარმოება².

1805 წ. ირანმა რუსეთს ომი გამოუცხადა.

ამ დროისთვის რუსეთის გაბატონება დასავლეთ საქართველოში ერთი სერიოზული მიზეზი გახდა იმისა, რომ რუსეთ-ოსმალეთის დროებითი კავშირი დაირღვა. 1806 წ. ოსმალეთმაც გამოუცხადა ომი რუსეთს. ოსმალეთის ზურგშიაც ნაპოლეონი იდგა.

რუსეთის ბატონობა საქართველო-ამიერკავკასიაში ღიდი საფრთხის წინაშე აღმოჩნდა.

აღნიშნულ მომენტში ქარ-ბელაქნელი აღალარები დაღისტნელთა მხარდაჭერით განაგრძობდნენ ურჩობას. არ იხდიდნენ ხარკს. მათი სოფლები კვლავ რჩებოდნენ ქართლ-კახეთზე ამხედრებული რაზმების ბუნაგებად. მთავარსარდალი ციციანოვი მუქარას მუქარაზე უთვლიდა ქარელ „ურჯულთა არამზადებს“, სოფლების გადაწვას, ბავშვებისა და ქალების გაჟლეტას უქადდა³. ქარელები აცხადებდნენ, რომ ხარკის გადახდა ელისუს სულტანმა დააბრკოლა. მას თავისი წვლილი (100 ლიტრა აბრეშუმში) არ შემოუტანია⁴.

ელისუს სულტანიც რუსეთისადმი მზაკვრულ პოლიტიკას მისდევდა. იგი იფარებდა თავის სასულტნოში რუსთა მოწინააღმდეგე ელემენტებს. სპარსეთთან ომის ვითარებაში მას რუსთა წინააღმდეგ 300 კაცი გაუგზავნია. ამავე დროს იგი ციციანოვთან წერილებში თავს იკატუნებდა და მითქმა-მოთქმით ცდილობდა მის მოტყუებას. ციციანოვი კი თავის მხრივ წალეკვას უქადდა „უსირცხვილო და სპარსული სულისკვეთების სულტანს“, „ვირის კჳუსი პატრონს“, ავ მოხარკულს⁵...

¹ История СССР, т. II, под ред. Нечкиной, 1940, гл. 57.

² იქვე, გვ. 59.

³ Акты, т. II, № 1401, гл. 691.

⁴ იქვე, № 1404, გვ. 692.

⁵ იქვე, გვ. 695.

ქარ-ბელაქანზე დაკისრებული ხარკის დავალიანება 1806 წელსაც დაუფარავი იყო. 1805—1806 წლებში ქარისაკენ სამხედრო ექსპედიციები იგზავნებოდა. იქ ლაშქრობას მარტო ხარკის მიღება არ ჰქონია მიზნად. ხარკი უმეტეს შემთხვევაში ლაშქრობისათვის საბაზი ჩანდა. რუსთა სარდლობას უფრო აინტერესებდა ქარში მტრული ძალების პარალიზება, დალისტენელებთან მათი კავშირის გათიშვა.

რუსეთის მთავრობა ქარის შესასუსტებლად სამხედრო ძალის გარდა სხვა საშუალებსაც მიმართავდა. იგი განხეთქილებას სთესდა ლეკურ სოფლებს შორის. ამ მიზანს ემსახურებოდა ქრისტიანული სარწმუნოების აღდგენითი საქმიანობის დაწყება საინგილოში, სადაც მისიონერები გაგზავნეს. ამავე დროს ქარელთა მიერ დაჯაბნული ელისუს სულტნის დაპირისპირება ქარისადმი მეტად ხელსაყრელი ჩანდა. სულტნის თანამდებობა სამემკვიდრეო კუთვნილებად გახადეს და ამით იგი თავიანთ მორჩილ და ქარისაგან დამოუკიდებელ ერთეულად გადააქციეს (1805 წ.). გარდა ამისა აღმოსავლეთ კახეთში ძლიერი აგენტურა მოქმედებდა. მოსყიდვის გზით რუსულმა მმართველობამ იქ ბევრი მომხრე შეიძინა ვაბატონებული ფენებიდან: მიუხედავად ასეთი საქმიანობისა, მიმდინარეომის ვითარებაში რუსეთის მთავრობამ მაინც ვერ შესძლო საინგილოს საბოლოო დამორჩილება. ამის ერთი მიზეზი ისიც იყო, რომ ირანი, ოსმალეთი და მათ ზურგში მყოფი ევროპის სახელმწიფოები განაგრძობდნენ ძირგამომთხრელ მუშაობას საქართველო-ამიერკავკასიაში. ყველაზე უფრო ეს ჩანდა ამიერკავკასიის აღმოსავლეთ ნაწილში. ქარ-ბელაქანი რუსეთის წინააღმდეგ მებრძოლი ბანაკის გზა და ხიდი იყო.

გენ. ორბელიანი ქარში ახალი ექსპედიციისათვის ემზადებოდა, როდესაც მან ყაზიყუმუხელი სურხაი-ხანისაგან მუქარა მიიღო: „...ქარი არ განიყოფება ჩეჰი სამფლობელოსაგან; მე მზად ვარ ქარელებისათვის შეეწირო თავი და ქონება. აქ მოვედი მხოლოდ იმიტომ, რომ მათ არ ვთვლი თქვენი მეფის ქვეშევრდომებად. თუ თქვენ სიმშვიდე გსურთ, მაშინ გაიყვანეთ თქვენი ჯარისკაცები ამ სამფლობელოდან ალაზნის (ყანულის) იქითა მხარეს, მაშინ ჩვენს შორის შეტაკება არ მოხდება, წინააღმდეგ შემთხვევაში მე ამ ქვეყანაში თქვენს ხალხს მოსვენებას არ მივცემ“¹. საპასუხო წე-

¹ АКТЫ, т. II, № 159с, გვ. 774.

რილში ციციანოვი სწერდა: „...ქარელებს მთელი დაღისტნის შეერთებითაც კი არ შეუძლიათ ჩემი ხელისუფლებიდან თავის დაღწევა ისე, როგორც ბელურას არწივის კლანკებისაგან“¹.

როგორც უკვე ითქვა, ციციანოვმა განსაკუთრებულ წარბა-ტებებს მიაღწია ამიერკავკასიაში. დიდი სისწრაფით აფართოებდა იგი მეფის რუსეთის ბატონობის სფეროს. შაქისა და ყარაბაღის სახანოებში მას უკვე ჯარები ჰყავდა და ხანებისაგან ხარკსაც ლე-ბულობდა. 1805 წ. დეკემბერში შარვანის ხანმაც მოიხარა ქელი. მან რუსეთის სასარგებლოდ ხარკი იკისრა (8 ათასი „ჩერვონეცი“). მასვე, ისე როგორც შაქისა და ყარაბაღის ხანებს, ეკისრებოდა რუსთა რაზმებისათვის სურსათისა და შეშის მომზადება, მათთვის ბინის გამოყოფა, რუსეთისათვის მძევლების მიცემა.

შირვანის დამორჩილების შემდეგ ბაქოს სახანოს საქმე გა-დაწვეტილი იყო. ციციანოვმა ბაქოს ალყა შემოარტყა. დამარ-ცხებულმა ხანმა ციხის ჩაბარების შესახებ მოლაპარაკების მომენტში შეხვედრისას ციციანოვი მოაკვლევინა. ციციანოვის თავი თავრიზ-ში გაგზავნეს. ირანი ზემოთ ხედებოდა ამ ამბავს. ციციანოვის სიკვდილი ამ მომენტში მეფის რუსეთისათვის სერიოზული დანაკ-ლისი იყო. თავი წამოჰყვეს ურჩმა ვასალებმა. ამოძრავდნენ რუსე-თის მოწინააღმდეგეები. მაგრამ მათი ზეიმი ხანმოკლე აღმოჩნდა.

1806 წ. ზაფხულში ბაქოს სახანოსაკენ რუსთა ძლიერი რაზმი წამოვიდა დარუბანდის მიმართულებით. 22 ივნისს დაიკავეს დარუბანდი, ხოლო 3 ოქტომბერს ბაქო. ამას მალე მოჰყვა ყუბის სახანოს შეერთება რუსეთთან. ამავე წელს დამორჩილებულ იქნა თარლუს საშამხლო და ყარყაიტაგის უცმიის სამფლობელო². ამრიგად, რუსეთი გაბატონდა თითქმის მთელ აღმოსავლეთ ამიერ-კავკასიაში.

აღნიშნულ გამარჯვებათა შემდეგ ქარელებსა და მათ მოკავ-შირეებს ცუდი დღე დაუდგათ. 1806 წ. ნოემბერში გენ. ორბე-ლიანი თავისი რაზმებით „ქარის პროვინციის დასასჯელად წავიდა“. მან ხელახლა „დაიმორჩილა“ ქარი³.

ქარში მყოფი ორბელიანი ახასიათებდა ქარელების მძიმე მდგომარეობას. ჩანდა აგრეთვე, რომ რუსთა რაზმები ნთქავდნენ მოსახლეობის სურსათ-სანოვაგებს: „ისინი ზიზღის გამოთქმასაც

¹ Акты. Т. II, გვ. 774.

² История ОССР. Под ред. Нечкина, т. II, გვ. 59.

³ Акты, т. III, გვ. 319.

ვერ ბედავდნენ, როდესაც რაზმის მომარაგებისათვის... მიჰქონდათ და ახლაც მიაქვთ ყოველივე, რაც კი მარაგი დარჩენიათ სახლში¹.

გენ. ორბელიანი ამავე დროს ახასიათებდა ქართველი ინგილოების უმწეო მდგომარეობას ლეკთა ბატონობის უღელქვეშ. მას ქარ-დალისტნისაგან გამუდმებული თავდასხმების ერთ ხელისშემწყობ მიზეზად მიაჩნდა ის, რომ ლეკები მთელ სურსათ-სანოვაგეს უსასყიდლოდ ღებულობდნენ ინგილოური სოფლებისაგან. გაწამებული ინგილოები თხოვდნენ გენერალს 'შველასა და მფარველობას. ორბელიანის აზრით, საჭირო იყო ქარელებისათვის ინგილო გლეხების ჩამორთმევა, რითაც ქარელებს მოესპობოდათ საშუალება რუსთა წინააღმდეგ მოეწვიათ დალისტნელები, რომლებიც ინგილო „ქართველთა ზურგზე მარაგდებოდნენ“².

ორბელიანის წინადადება, რომელიც მან საქართველოს ახალ მთავარსარდალ გუდოვიჩს წარუდგინა, ურიგო არ იყო, მაგრამ იმ ნომენტში რუსეთის მთავრობას ამ წინადადების განხორციელება არ შეეძლო. ქარელი მემატონებისათვის ყმა გლეხთა ჩამორთმევა რუსთა პოზიციებს ქარში უფრო მეტად შეასუსტებდა. ოსმალეთ-სპარსეთთან ომი მიმდინარეობდა, ხოლო რუსეთს საკმაო ძალები ჯერ კიდევ არ გააჩნდა ქარელ-ლეკთა სრული განიარაღებისათვის; ეს მით უფრო, რომ 1803—1806 წლების განმავლობაში რუსთა გამუდმებულმა სამხედრო ექსპედიციებმა ქარში სანუგეშო შედეგები ვერ გამოიღო.

1807 წ. იანვარში გენ. ორბელიანს კიდევ მოუხდა ქარ-ბელაქნის „ხელახალი დაპყრობა“. მან კიდევ ერთჯერ დააფიცა ქარელი ლეკები რუსეთის ერთგულებაზე; იგი სწერდა გუდოვიჩს: „ქარის პროვინციის ყველა სოფლის ლეკები ახლა სავსებით დავიმორჩილეთ და მისი იმპერატორობითი უდიდებულესობის ერთგულებაზე დაეფიცეთ“-ო. ამასთან დაკავშირებით ქარელები აღიარებდნენ, რომ მათ რუსეთის ერთგულებაზე ჯერ კიდევ 1803 წ. დაიფიცეს, შემდეგ 1805 წელსაც გაიმეორეს ეს ფიცი და წერილობითი ვალდებულებით იკისრეს ხარკის გადახდა, „მაგრამ, — განაგრძობენ ისინი, — როგორც ფიცი... ისე პირობა ჩვენ სიბრძნისა და უცოდინარობის გამო დავარღვიეთ, თავს ვესხმოდით საქართველოს, ექპურდობდით, ვმტაცებლობდით და ტყვეებად მიგყვავდა მისი იმპერატორობითი უდიდებულესობის ქვეშევრდომნი. ასეთი მოქმე-

¹ Акты, т. III, № 587, გვ. 320.

² Акты, т. III, 587, გვ. 321.

დებით დავიმსახურეთ სასჯელი...ყოველივე ეს გულწრფელად მოვინანიეთ და ღმერთსა და ყოვლად მოწყალე ხელმწიფეს პატიება ვთხოვეთ...¹.

მორჩილების აღიარება ნაკარნახევი იყო ქარელთა დროებითი მარცხით. იგი დიდს ვერაფერს ჰპირდებოდა რუსეთის მთავრობას, რომელსაც ამის შემდეგაც ბევრჯერ დასჭირდა ექსპედიციების მოწყობა და კიდევ ხელახალი პირობის მიღება. ეს ცერემონიალი გრძელდებოდა საინგილოს საბოლოო დაპყრობამდე.

1808 წ. მაისში, როდესაც ცნობა იყო, რომ დაღისტანში საქართველოზე თავდასხმისათვის ემზადებოდნენ, გუდოვიჩი ლმობიერი ტონით მიმართავდა „ერთგულ ქარელებს“² (უფრო ადრე კი იგი მათ მოთხრას უქადდა). ეს იმითაც აიხსნებოდა, რომ ამ დროისთვის საქართველოში რუსთა რაზმების რიცხვი 9000 კაცამდე ძლივს აღწევდა³.

1807 წ. 18 ივნისს რუსეთსა და საფრანგეთს შორის დადებულ ზავთან ერთად დროებითი ზავი დაიღო ოსმალეთთანაც. მაგრამ ეს შეთანხმება მალე დაირღვა, საომარი ოპერაციები განახლდა 1809 წლიდან. ამ დროს გენ. ორბელიანი ფოთთან იბრძოდა, ხოლო საქართველოს ახალი მთავარსარდალი ტორმასოვი, რომელიც მაშინ ქარელებს ლმობიერად ეკიდებოდა, მათ სწერდა, რომ ქარში მალე მიავლენდა ორბელიანს. ამ დროს ქარელებს გართულებული ურთიერთობა ჰქონდათ შაქის სახანოსთან და ცდილობდნენ, რომ იქ ხანად დაესვათ სასურველი კანდიდატი. ამ სურვილის განხორციელებას ისინი რუსთა დახმარებით ცდილობდნენ⁴. მაგრამ, მიუხედავად ასეთი დროებითი შეხმატკბილებისა, ტორმასოვის მთავარმმართველობის დროსაც ქარელები დამშვიდებული არ იყვნენ.

აბრავთა პარტიების თავდასხმები, ქარის გადმოვლით, კვლავ გრძელდებოდა. ისტორიკოს დავით ბატონიშვილის გადმოცემით, ვერც ტორმასოვმა ალაგმა ეს თავდასხმები, „ლექები“ მარადის რყუნიდიან დაბეზსა და სოფლებსა საქართულოსასა და მარადის სტაცებდიან რუსთა და მათთა ყაზახთა ცხენთა პოლკებთასა; და

¹ ამას მოსდევს ძველად ნაკისრ ვალდებულებათა განმეორება (Акты, т. III, № 589, გვ. 324).

² იქვე, გვ. 325.

³ Дубровин, т. IV, 417.

⁴ Акты, т. IV, № 803, გვ. 542.

ყოფრიად განუსვენებლობა და ოხრება მათგან, თუმცა და ზოგად უსნიცა ამარცხებდინან, მაგრამ იგინი არაოდეს განეყენებოდინან ქულებათა თვისთა, ვითარცა მგელნი მტაცებლობისაგან ცხოვრთასა¹.

1811 წელს საქართველოს მოსახლეობა საერთოდ მძიმე საურსათო კრიზისს განიცდიდა. ასეთ ვითარებაში რუსთა რაზმენისათვის მოსახლეობას უკანასკნელ სანოვავეს ართმევდნენ. ამას ედ ემატებოდა გადასახადის ამკრეფი მეფის მოხელეების ბოროტოქმედება. 1811 წ. 31 იანვრის განკარგულებით ტორმასოვი ქარიაც გზავნიდა სპეციალურ მოხელეს პურის შესასყიდად². „შესიღვა“ რა თქმა უნდა, მცირე ფასებში წარმოებდა. ეს ფაქტიკრად მიათვისებას უდრიდი, რადგან მთავრობა ბაზარზე არსებულ კასებთან შედარებით რამდენჯერმე ნაკლებს იხდიდა.

1812 წ. თებერვალში დაიწყო კახეთის გლეხთა დიდი აჯანება³, რომელიც მეფის რუსეთის რეჟიმმა წარმოშვა. ახალი რეჟინის დამყარებამ უფრო მეტად დაამძიმა გლეხთა ფეოდალური ექსლოატაციის უღელი. გამუდმებული ოპიანობის დროს მოსახლეოას აწვა მძიმე სატრანსპორტო ბეგარა. სოფლებში ჩაყენებული აზები თვითნებობდნენ და შეურაცხყოფდნენ გლეხთა ოჯახებს. ანაწამებ გლეხებს სანატრელი გაუხდათ ქართლ-კახეთში მეფის ელისუფლების დრო. ისინი გააფთრებით იბრძოდნენ თავიანთი დგომარეობის შემსუბუქებისათვის. ამასთანავე ბაგრატიონთა დინასტიის აღდგენისათვის მებრძოლ ფეოდალთა ერთი წაწილი ცდილობდა თავისი მიზნებისათვის გამოეყენებინა გლეხთა შეიარაღეული აჯანყება⁴. ფეოდალთა ამ ბარტიას მეთაურობდა ირანში სოფი აღექსანდრე ბატონიშვილი, რომელიც ამ დროს წერილებს კზავნიდა ქარში, დუშეთში, ქიზიყსა და დაღისტანში. აღექსანდრე სოუწოდებდა ყველას საერთო გამოსვლისაკენ, რათა აღდგენილიყო ბაგრატიონთა სამეფო სახლის ძველი პრივილეგიები.

1812 წ. შემოდგომაზე აღექსანდრე ბატონიშვილი უკვე კახეთშია და ცდილობს რუსთა წინააღმდეგ ძლიერი გამოსვლის მოწ-

¹ დავით ბატონიშვილი, დასახ. ნაშრ., გვ. 33.

² Акты, т. IV. № 811, გვ. 544.

³ კაკვიძე. გლეხთა აჯანყება კახეთში 1812 წ., თბილისი, 1941.

⁴ Хачапуридзе Г. В. К истории Грузии первой пол. XIX в. Тбилиси, 1950, გვ. 116.

ყოფას, მას ხელს უწყობენ ყუბის გადაყენებული ხანი შიხ-ალი და ყაზი ყუმუხის ხანი სურხაი.

1812 წ. ოქტომბერში ირანის სარდალმა ფირ-ყული-ხანმა სცადა დაღისტანში შესვლა შაჰის სახანოს გავლით, მაგრამ მარცხი განიცადა. ირანის მორიგმა დამარცხებებმა რუსთა მოწინააღმდეგე ბანაკს იმედი გადაუწურა. ამითაც აიხსნებოდა, რომ ქარ-დაღისტანიდან 1812 წ., ირანთან ომის ვითარებაში და კახეთის აჯანყების მომენტში, რაიმე სერიოზულ გამოსვლას ადგილი არ ჰქონია.

აჯანყების დაწყების პირველ დღეებში ყაზახის მოურავი ბებუთოვი საქართველოს მთავარმმართველ მირკიზ პაულუჩს აცნობებდა, რომ ქარელებმა დადებითად უპასუხეს ყაზახის ალაღარების მიმართვას—უარი თქვეს კახეთის აჯანყებულებთან შეერთებაზე. ქარელები ამ მომენტში პირფერულად აცხადებდნენ, რომ მათ ორჯერ უარყვეს აჯანყებულთა წინადადება დახმარების აღმოჩენის შესახებ¹. ასეთი განცხადების გვერდით ქარელი მებატონეები მიმართავდნენ აგრეთვე შარვანის ხანს—მუსტაფას, რომელსაც თხოვდნენ აჯანყებულებთან შეერთებას და დასძენდნენ, რომ ქარში ყველა მზად იყო გამოსვლისათვის. მაგრამ მუსტაფა-ხანი ქარელებს არ მიემხრო. ახლა ისინი ემუქრებოდნენ შაჰის ფეოდალებს, მაგრამ არც ამას მოჰყოლია შედეგი².

ქარელები, როგორც ჩანს, ფარულად უწყობდნენ ხელს აჯანყებულებს³. რუსეთის მმართველობა კი განზრახ სდუმდა, თითქოს შთ მოქმედებას ვერ ამჩნევდა. ეს ალბათ იმიტომ, რომ მდგომარეობის გამწვავებას ერიდებოდა.

ქარელთა ერთი ნაწილი შეელოდა აჯანყებულებს სიღნაღში მყოფი რუსთა გარნიზონის გაქვითვაში. მთავარმმართველი პაულუჩი მოითხოვდა ქარელი უფროსებისაგან განმარტებას, თუ რატომ მოხდა, რომ ქარელები რუსთა წინააღმდეგ გამოვიდნენ⁴. მთავარმმართველი რტიშჩევი ერთ წერილში აღნიშნავდა, რომ „ქარელთა უდიდესი ნაწილი კახელ აჯანყებულებთან ერთად იბრძოდა“, მათ თავიანთ სოფლებზე „გამოატარეს კახეთისაკენ დაღისტნელები და ავარელი უჯუნური ალისკანტი...“⁵.

¹ Маркова. Восстание в Кавказе 1812 г., გვ. 181.

² იქვე.

³ სწორი არაა მარკოვა, როდესაც თვლის, რომ ქარელები კახეთის აჯანყების დროს რუსთა წინააღმდეგ არ გამოსულან და ეს რუსთა მოქნილი პოლიტიკის შედეგი იყო (დასახ. ნაშრ., გვ. 181—182).

⁴ Акты, т. V, გვ. 73, 129.

⁵ იქვე, № 684, გვ. 573.

როგორც ჩანს, ქარელი პოლიტიკოსები ცდილობდნენ გამოეყენებინათ მაშინ რუსეთისათვის შექმნილი მძიმე მდგომარეობა და თავი დაეღწიათ მათზე დაკისრებული ხარკისაგან. საქართველოს მთავარმმართველ რტიშჩევისადმი წერილში ისინი თითქოს ძველი ცოდვების მონანიების ტონით იწყებდნენ თავიანთი „ერთგულების“ დასაბუთებას: „მთელი ღრეულობანი. და უბედურებანი ჩვენ შეგვემთხვა ალექსანდრე ბატონიშვილისაგან“... ამასთანავე დასძენდნენ, რომ ისინი მაშინ დაამტკიცებდნენ თავიანთ ერთგულებას, როდესაც რტიშჩევს „მთავრადმეფენებელ შებოქილ მოლალატეებს“¹. ასეთ და მსგავსი განცხადებები ქარელებს სჭიროდათ მხოლოდ ერთი მიზნისათვის—აღედგინათ თავიანთი ძველი მდგომარეობა.

საომარი ვითარებისა და კახეთის აჯანყების პერიოდში რუსეთის მმართველობასთან გარეგნული სამშვიდობო ურთიერთობის ფორმებით გათამამებული ქარელები, ომის დასრულებისა და აჯანყების დამარცხების შემდეგაც, განაგრძობდნენ ცდებს თავი დაეღწიათ ხარკისაგან. 1813 წ. 24 იანვრის წერილში რტიშჩევისადმი ისინი ჩამოთვლიდნენ თავიანთ „დამსახურებებს“ მთავრობის წინაშე მაშინაც კი, როდესაც რუსეთს „მთელი სამყარო აუჯანყდა“ და ჯილდოსაც ითხოვდნენ². მაგრამ ეს ის დრო იყო, როდესაც რუსეთს ომები დასრულებული ჰქონდა და ქარელთა მოფერება საჭირო აღარ იყო. საპასუხოდ წერილში ტორმასოვი ამხელდა მათ მოქმედებებს 1812 წ. და დასძენდა, რომ მათი „სამსახურისათვის“ ისინი დაჯილდოებული უნდა ყოფილიყვნენ „ჩერვონცებით კი არა, არამედ ზარბაზნებითა და ხიშტებით“. მთავარმმართველი ქარელებს ერთი თვის ვადას უდებდა ძველ დავალიანებათა დასაფარავად³.

რუსეთმა გამარჯვებით დაასრულა ომი როგორც ოსმალეთთან, ისე ირანთან. მართალია, ფოთი და ახალქალაქი ისევ ოსმალებს დაუბრუნდათ, მაგრამ მოწინააღმდეგე იძულებული გახდა უარდეთქვა დასავლეთ საქართველოზე. იმავე დროს ოსმალეთი ხელს იღებდა ბესარაბიაზე, რომელიც რუსეთის ხელში გადავიდა⁴. გაცილებით უფრო დიდი წარმატებით დასრულდა ომი ირანთან,

¹ Акты, т. V, № 681, გვ. 571.

² Акты, т. V, № 679, გვ. 571—572.

³ იქვე, № 684, გვ. 572—573.

⁴ ზავი დაიდო ბუქარესტში 1812 წ. 16 მაისს (История СССР, т. II, 1949 გვ. 60).

რომელიც რუსთა მიერ ლენქორანის ალების შემდეგ (1812 წ. 31 დეკემბერი) ზავზე დათანხმდა. ირანმა რუსეთისად სცნო ყარაბაღის, განჯის, შაქის, შარვანის, დარუბანდის, ყუზის, ბაქოსა და თალიშის სახანოები. ზავის მე-5 მუხლის საფუძველზე მხოლოდ რუსეთს შეეძლო ჰყოლოდა სამხედრო ფლოტი კასპიის ზღვაზე¹.

მიმდინარე ომის პირობებში მეფის რუსეთმა გააუქმა იმერეთის სამეფო, დაიპყრო სუხუმი, მთარველობაში მიიღო აფხაზეთისა და გურიის სამთავროები: ამრიგად, რუსეთის ბატონობის ქვეშ ექცეოდა ამიერკავკასიის უდიდესი ნაწილი შავი ზღვიდან ვიდრე კასპიის ზღვამდე. ამიერიდან მთავრობისათვის ერთი სერიოზული საზრუნავი საგანი მოპოვებულ წარმატებათა შენარჩუნება იყო.

ქარ-ბელაქნის საბოლოო დამორჩილების საკითხი ჯერ კიდევ გადაუწყვეტელი რჩებოდა. ქარის ზურგში კვლავ იდგა დაღისტანი, სადაც რუსეთის მოწინააღმდეგე სახელმწიფოები თავიანთ ბაზას იქმნიდნენ.

მიუხედავად აღნიშნულისა, ომების დასრულების შემდეგ, ვიდრე მეორე ომამდე, ქარ-ბელაქანი წინანდელთან შედარებით წელში გატეხილი იყო და აშკარა ურჩობას ვერ ბედავდა. არც რუსეთი ადგა მის მიმართ მკაცრ პოლიტიკას. იგი რამდენადმე ანგარიშს უწევდა ქარში გაბატონებულ კლასს, რომლის სახითაც თავის დასაყრდენს ჰქმნიდა.

ზოგჯერ რუსეთის მთავრობა კიდევ ცდილობდა, რომ გამოეყენებინა ქარ-ბელაქნელები ურჩი დაღისტნელების წინააღმდეგ, მაგრამ ეს ცდა მიზანს ვერ აღწევდა. მაგ., მთავარმმართველი ერმოლოვი 1816 წ. სწერდა ანწუხელებს: „...ქარელებსა და ბელაქნელებს, რომლებიც დიდი ხანია რაც თქვენს დამარხვას მოელიან, ყველა ბოროტებას ვაპატიებ...მხოლოდ იმ მიზნით, რომ ისინი რუსთა რაზმების დახმარებით წამოვიდნენ თქვენი საცხოვრებელი ბინების, ცოლებისა და შვილების გასანადგურებლად...“². ეს იყო მხოლოდ ტაქტიკური მანევრი. ამ მიმართულებით ქარელებს არაფერი არ გაუკეთებიათ რუსეთის მთავრობისათვის.

ქარ-ბელაქნელი ფეოდალებისა (აღალარების) და დაღისტნელი აბრაგების შეერთებული გამოსვლები უმეტესად ოსმალეთისა

¹ ზავი დაიდვა გულისტანში (ყარაბაღში) 1813 წ. 12 ოქტომბერს (იქვე, გვ. 60).

² Акты, т. IV, в. II, № 67. ციტირებულია პეტრუშევსკის დასახ. წიგნიდან (გვ. 85).

და აღმოსავლეთ ამიერკავკასიის ხანების ინსპირირებით ხდებოდა. კარელი მოღებები და გაბატონებული ფენები თავიანთ უზენაეს ხელმწიფედ სულტანს — „ფადიშაჰს“ თვლიდნენ და რუსეთ-ოსმალეთის ურთიერთობის გართულების შემთხვევაში თვალი ოსმალეთზე ექირათ.

1822 წ. ოსმალეთთან მოსალოდნელი ომის შესახებ ხმების გავრცელებასთან დაკავშირებით კარ-ბელაქანში რუსთა წინააღმდეგ გამოსვლა მზადდებოდა. რუსთა სარდლობამ იქ სამხედრო ექსპედიცია გაგზავნა. ამის შესახებ ი. გრიშაშვილი წერს:

„კახეთში მდგომ რუსის ჯარის მთავარსარდალმა თავადმა ერისთავმა შეაგროვა რაზმი, რომელშიაც ნიჟეგოროდელთა დივიზიონიც შედიოდა ალ. ქავკავაძის უშუალო მეთაურობით. ექსპედიცია წარმატებით დამთავრდა და ალექსანდრე ქავკავაძემ თავისი დივიზიონით თავი ისახელა 1822 წლის 3 მარტს, სოფ. კოტეხის (კატეხის, მ. დ.) მახლობლად. აქ ჩვენმა პოეტმა, ავანგარდში ყოფნისას, იერიშით აიღო ის სანგრები, რომელიც სოფელს იცავდა“¹.

აღნიშნულის შემდეგ კარ-ბელაქანში თითქოს გარეგნული სიმშვიდე ჩანდა. ასე გრძელდებოდა ირანთან ახალი ომის დაწყებამდე.

ირანთან ომით (1826 წ.) იქმნება ახალი პოლიტიკური ვითარება. ირანის შემოჭრამ ამიერკავკასიის რუსულ სამფლობელოებში, მისმა დროებითმა გამარჯვებებმა დასაწყისში, რუსეთის მოწინააღმდეგე ბანაკი აამოძრავა. აზერბაიჯანის ხანები მოელოდნენ ამ ომში ძველი პოლიტიკური ხელისუფლების აღდგენას². დაღისტანში ძლიერდებოდა მიურიდული რეაქცია.

ამ დროს კარში დიდი გავლენით სარგებლობდა ჩემჩელის საგვარეულოს წარმომადგენელი ჰაჯი-მაჰმუდი. მაქაში მოგზაურობის შედეგად მას „წმინდანს“ ეძახდნენ. იგი დაკავშირებული იყო ალექსანდრე ბატონიშვილთან. მასვე მიუღია 1826 წ. ირანის გზით კარში შემოსული ინგლისელი აგენტი პოლკოვნიკი მონტისი, რომელიც აქ ძირგამომთხრელ მუშაობას ეწეოდა და ასრულებდა თავისი მთავრობის დავალებას, რომ რუსთა ბატონობის წინააღმდეგ აემხედრებინა მთელი მაჰმადიანური სამყარო. ჰაჯი-მაჰმუდი ხელს უწყობდა მას და ცდილობდა გავლენა მოეხდინა მოსახლეობაზე, რომ დაწყებულ ომში ირანის მხარეზე გამოსუ-

¹ ი. გრიშაშვილი. ლიტერატურული ნაკვეთები, 1952, გვ. 30.

² პეტრუშევსკი. დასახ. წიგნი, გვ. 95.

ლიყენენ. ეს კავშირი არ გამოჰპარვია რუსეთის მთავრობას, რომელიც ჰაჯი-მაჰმედს უპირისპირებდა სერიოზულ მეტოქეს—ბელაქნის ქეფხას—მურთუზ-ალის; ეს უკანასკნელი ამ მომენტში წამოდგენილი იყო „თებელის თოხუმის (საგვარეულოს) უფროსად“, ნამდვილად კი იგი გამუსლიმანებული ვაჩნაძე იყო და მას, როგორც ბელაქნის მფლობელთა წარმომადგენელს, იქ დიდი ავტორიტეტი ჰქონდა.

მურთუზ-ალი-ვაჩნაძეს ამავე დროს მკვიდრო კავშირი ჰქონია მაშინ ცნობილ ქურდ-ავაზაკებთანაც; იგი დაკავშირებული ყოფილა აგრეთვე რუსეთის მთავრობასთან, რომელიც მას საჭირო კაცად თვლიდა. განსაკუთრებით უფროხილდებოდნენ ვაჩნაძეს რუსი მოხელეები, რადგან იგი ყოფილა ქარსა და ბელაქანს შორის განხეთქილების მთავარი ფიგურა¹.

რუსეთის მთავრობას მრავლად ჰყავდა აგენტები ქარ-ბელაქანში; ასეთები იყვნენ მიწისმფლობელები ყურბან-მაჰმუდი—წაბლოვანში, ცაღარ-ოლი—კატეხში, რაჯაბ-ალა—„ძველი უანგარო ლოთი და კარგი შპიონი“—თალაში. ჯინიხის უფროსები მამედ-ჰასან-ალა და მისი ძმა ჯევად-ალა რუსეთის მთავრობას ერთგულებდნენ.

ირანთან ომის დაწყების წინ ქარ-ბელაქანში რუსეთის მთავრობას ბევრი მომხრე გააჩნდა, მაგრამ რუსთა მოწინააღმდეგე პარტია გაცილებით უფრო ძლიერი იყო. 1826 წ. აქ მზადდებოდა გამოსვლა, რომელიც მიზნად ისახავდა ქარის დამოუკიდებლობის აღდგენას ირანის შემწეობით. ივლისში ქარელებს დაუკავშირდნენ ყაზი-ყუმუხის ხანი—სურხაი და მისი დამქაში ბეიბულათი.

ქარში შეკრებილმა გაფართოებულმა ჯამაათმა მოციქულები გაუგზავნა აბას-მირზას, რომელსაც სთხოვდა რუსთა წინააღმდეგ გამოსვლას; ქარელები აცხადებდნენ მზადყოფნას მასთან შესაერთებლად. დეპუტაცია გაიგზავნა ნუხაშიც, სელიმ-ხანის შვილთან, რომელსაც აგრეთვე ქარში იწვევდნენ... რწმუნებულთა დაბრუნებაში ქარელები გჯუფურად თავს ესხმოდნენ კახეთს.

1826 წ. 2 აგვისტოს 200 ქარელი თავს დაესხა ნიეგოროდის დრაგუნთა პოლკს ყარალაჯში, დაატყვევა რამდენიმე კაცი და სოფელი გადასწვა. ამის გამო ერპოლოვმა მუქარით სავსე პროკლამაცია გაგზავნა ქარში².

¹ „Мы его держали в страхе, сами стерегались, но и оберегали от личных его врагов, так как со смертью его лишились бы полезного для нас саперника джарцев и белакавцев“ (Волковскій. Война на Воет. Кавказе. „Кав. сб.“, т. XI, стр. 19).

² Кав. сб., т. XI, стр. 21.

სურხაი-ხანი მთებში ლეკთა რაზმებს აგროვებდა. ემზადებოდნენ ქარელებიც, რომლებიც ერმოლოვის პროკლამაციამ ვერ შეაშინა. კახეთში პანიკა ვრცელდებოდა. სურხაი-ხანს შაქელებსა და შარვანელებთან ერთად კახეთზე თავდასხმა განეზრახა. საფრთხე კარზედ ადგათ რუსებს. ქარელებზე დიდი გავლენა მოახდინა აბას-მირზას პროკლამაციამ, რომელშიც იგი აღნიშნავდა, რომ „უსათუოდ ცდილიყვნენ. გაენადგურებინათ რუსთა რაზმები, ქართველებისა და სომხებისთვის არამც და არამც ხელი არ ეხლოთ“¹. ირანის შაჰი ცდილობდა ომი გაეჩალებინა რუსთა რაზმების ზურგშიაც, სადაც მას განხეთქილება შეჰქონდა, მაგრამ უშედეგოდ.

მაღე დაბრუნდნენ ჯამაათის მიერ გაგზავნილი ქარელი დეპუტატები, აბას-მირზას „დაპირებებით გაბედნიერებულნი“. „ქარელთა აჯანყება, — შენიშნავს ვოლკონსკი, — საყოველთაო გახდა“. მათ მისწერეს სურხაი-ხანს, ჩქარა წამოსულიყო, ელისუს სულტანსკი — ეხლავე დაეწყო რუსებთან ომი, წინააღმდეგ შემთხვევაში მას გაანადგურებდნენ.

სექტემბრის პირველ რიცხვებიდან გაჩაღდა აბრაგული თავდასხმები კახეთის სოფლებზე. მიუხედავად ამისა ქარელთა აჯანყება ვერ განვითარდა. აჯანყების შენელებას ხელი შეუწყო რუსების პირველმა გამარჯვებამ აბას-მირზას რაზმებზე (1826 წ. 3 სექტემბერს შამქორთან); ამას სურხაი-ხანის გარდაცვალებაც ზედ დაერთო. ვოლკონსკის თქმით, სურხაი მეოთხედი საუკუნის მანძილზე წარმოადგენდა „ქარელთა იმედს რუსთა წინააღმდეგ ბრძოლაში“. ეს მართლაც ლახვარი იყო მათთვის, მაგრამ ისინი მაინც არ სწყვეტდნენ ბრძოლას და თავს ესხმოდნენ კახეთს. გააქტიურდა ალექსანდრე ბატონიშვილიც.

1826 წ. 13 სექტემბერს, განჯასთან, რუსებმა სასტიკად დაამარცხეს აბას-მირზას რაზმები. ირანელები შაჰის ხანთან ერთად გაიქცნენ. გაიქცა ალექსანდრე ბატონიშვილიც. ამის შემდეგ ერმოლოვმა ქარში სამხედრო ექსპედიცია გაგზავნა. ბელაქნელმა უფროსებმა მორჩილება გამოუცხადეს რუსთა რაზმების სარდალ ერისთავს. თემების გაერთიანებულმა ჯამაათმა, თალასა და ბელაქნის მთავარი ქევხების მეშვეობით, ერისთავს საზავო წინადადება წაუყენა: თავისუფალი თემები გააძევებდნენ დალისტნელებს, გასცემდნენ მძევლებს და აუნაზღაურებდნენ რუსეთის მთავრობას კახეთის სოფლებზე თავდასხმების შედეგად მიყენებულ დანაკარგებს,

ოღონდ ერისთავს თავისი რაზმები ალიაბათისაკენ უნდა წაეყვანა¹. ალიაბათთან რაზმების წაყვანა დიპლომატი ქვეყნების ანგარიშით იმას უდრიდა, რომ რუსებს სურსათი ლეკური ოჯახებისაგან კი არა, არამედ ინგილოებისაგან უნდა მიეღოთ.

1826 წლის მოძრაობაში მონაწილეობა დალისტენელმა მიურიდებმაც მიიღეს, მაგრამ, როგორც პეტრუშევსკი შენიშნავს, არსებული წყაროებიდან მაინც არ ჩანდა, „რომ ამ პერიოდში მიურიდიზმმა ქარის ოლქში ღრმა ფესვები გაიდგა“. ქარელები დალისტენელი მიურიდების „თანამგზავრებად“ გამოდიოდნენ².

1826 წ. 28 დეკემბერს ერპოლოვი სწერდა რუსეთის მეფეს, რომ მან ქარი „დაამშვიდა“ და „დაიმორჩილა“³. დამარცხებული ქარელი უფროსები პირობას უღებდნენ ერმილოვს, რომ უკვე აღარ აჯანყდებოდნენ. ამავე პირობიდან ჩანდა, რომ მათ ზემოხსენებული გამოსვლა რუსეთ-ირანის ომს შეგნებულად დაუკავშირეს⁴.

1828 წლის ბოლო და 1829 წ. დასაწყისი ქარში წარმოადგენდა უჩვეულო სიმშვიდის პერიოდს, მაგრამ 1829 წლის ბოლოს მდგომარეობა ისევ გამწვავდა. როგორც ჩანს, ქარელები ახალი გამოსვლისათვის საბაბს მოელოდნენ და საბაბიც მალე დაუდგათ.

საქართველოს ახალი მთავარმმართველის — პასკევიჩის განკარგულებით ოსმალეთთან მიმდინარე ომის გამო ქარში, ისე როგორც საქართველოს სხვა რაიონებში, მილიცია უნდა შეეკრიბათ. ამ გარემოებამ იქ წინააღმდეგობა წარმოშვა. ვოლკონსკის გადმოცემით, მღელვარების დაწყების მიზეზი ის გახდა, რომ ხმა გავრცელდა თეირანში რუსეთის წარმომადგენლის — გრიბოედოვის მოკვლის შესახებ, რასაც ხალხის წარმოდგენით ახალი ომი უნდა მოჰყოლოდა⁵. ქარელებს აჯანყების საბაბად პირველი მიზეზი უფრო გამოადგებოდათ.

1829 წ. გამოსვლა ქარში არ ატარებდა მასიურ ხასიათს. ეს უფრო ფარულ მოძრაობას, მის სამზადისს ჰგავდა; აშკარა ბრძო-

¹ Акты, т. VI, ч. I, № 1184; პეტრუშევსკი. დასახ. ნაშრ., 100.

² პეტრუშევსკი. 100—101.

³ „По назначению моему часть весьма богатых садов вырублена, сломано несколько хороших домов и джарцы не сделали ни одного выстрела, претвля наказание справедливо налагасым“ (Акты, т. VI, ч. I, № 1187, გვ. 795). რა ოქმა უნდა, ამ შემთხვევაში ქარელთა მოთმინება დანაშაულის მონანიებას არ გამოხატავდა.

⁴ იქვე.

⁵ Кав. сб., т. XI, გვ. 129.

ლები არ გაუმართავთ. მხოლოდ ის მოხდა, რომ ქარელებმა დალისტნელების ერთ ძლიერ რაზმს „გზა გაუხსნეს“ კახეთის დასარბევად და „საიდუმლო დავალებით 3 კაცისაგან შემდგარი დეპუტაცია ოსმალეთში გაგზავნეს“¹. ამ წლის მოძრაობის განვითარებას, როგორც ჩანს, საგარეო ვითარებამ ხელი ვერ შეუწყო. ასევე არახელსაყრელი ჩანდა ქარის საშინაო ვითარებაც.

ოსმალეთ-სპარსეთთან ომში რუსეთის მიერ მიღწეულმა გამარჯვებებმა დიდი გავლენა მოახდინა ქარზე, ისე როგორც კავკასიის შთიანეთზე საერთოდ. ქარელები თავს დამარცხებულად გრძნობდნენ და უყოყმანოდ ასრულებდნენ კახეთის სამხედრო ოლქის უფროსის მოთხოვნებს². მაგრამ ეს სრულებითაც არ ნიშნავდა მათ საბოლოო დამორჩილებას. ისინი კვლავ მოელოდნენ ხელახალ გართულებებს და რუსთა წინააღმდეგ გამოსვლისათვის შესაფერი მომენტის შექმნას.

3. აღმოსავლეთ კახეთის შემოერთება

ომის შედეგად (1826—28 წწ.) ირანი იძულებული გახდა დაეკმაყოფილებინა მეფის რუსეთის ყველა მოთხოვნა; მან დაჰკარგა ერევნისა და ნახჩევანის სახანოები. ამიერიდან ირანთან საზღვარი არაქსისა და არფა-ჩაის გასწვრივ მიიმართებოდა. ასევე ძღვევამოსილად დასრულდა ომი ოსმალეთთან (1828—29 წწ.), რომელიც საბოლოოდ განიდევნა შავი ზღვის აღმოსავლეთ სანაპიროდან—ანაპიდან ვიდრე მდ. ჩოლოქამდე. რუსეთმა ხელიდან გამოგლიჯა ოსმალთა დამპყრობლებს საქართველოს მიწა-წყლის საგრძნობი ნაწილი ფოთის, ახალციხის, ახალქალაქისა და აწყურის ციხეებითურთ. რუსეთი ამ ომების შედეგად შავ ზღვაზე გაბატონდა და კიდევ უფრო განმტკიცდა ამიერკავკასიაში.

მიმდინარე ომებში რუსეთის გამარჯვებების ერთი მთავარი პირობა იყო აგრეთვე ის, რომ იგი ქართველი ხალხის ენერგიული მხარდაჭერით სარგებლობდა. ქართველობა რუსებთან ერთად წარმატებით ებრძოდა თავის ისტორიულ მტრებს—ოსმალე-

¹ Каб. сб. т. XI, гл. 131—134.

² ოლქის უფროსის მოთხოვნით ქარელებმა დააკმაყოფილეს მათი თავდასხმების შედეგად დაზარალებულები, განიხილეს 400-ზე ქართველის საჩივარი და ყველასათვის სახლურის მიცემა გადაწყვიტეს. (Акты, т VII, № 377, гл. 439).

თისა და ირანის მტაცებლურ სახელმწიფოებს და მიტაცებულ ტერიტორიების დაბრუნებას ცდილობდა.

აღნიშნულ გამარჯვებათა შემდეგ რუსეთის წინაშე ამიერკავკასიაში იდგა მეტად სერიოზული ამოცანები, რომელთა გადაწყვეტის დაყოვნება აღარ შეიძლებოდა.

ამ დროისთვის ჰორიზონტზე უკვე ჩანდა ისეთი ფრიად სახიფათო და მზარდი მოძრაობა, როგორც რეაქციული მიურიდიზმი იყო. ენერგიული და სწრაფი მოქმედების აუცილებლობას კარნახობდა აგრეთვე ის მწარე გამოცდილებანი, რომლებიც რუსეთმა აქ მიიღო თითქმის მესამედი საუკუნის მანძილზე.

მიუხედავად ჩვენ მიერ უკვე აღნუსხული სამხედრო ექსპედიციებისა და სამფარველო თუ საზავო ხელშეკრულებების მრავალგზის გაფორმებისა, ქარ-ბელაქანი რუსეთისათვის მაინც სახიფათო რჩებოდა; იგა-ჯერ-კიდევ დაუპყრობელი იყო. ოსმალეთ-სპარსეთთან ომის¹ დასრულების შემდეგ ქარის საბოლოო შემოერთების ამოცანა, რომელიც — დალისტინის დაპყრობის საქმეს უშუალოდ უკავშირდებოდა, პირველ რიგში უნდა გადაწყვეტილიყო, ეს კარგად ესმოდა რუსეთის მთავრობას და კერძოდ საქართველოს მთავარმმართველ პასკევიჩს, რომელმაც ხსენებული ომების წარმატებით დასრულების შემდეგ ფელდმარშლის სამხედრო წოდება მიიღო.

პეტრუშევსკის შენიშვნით, ქარის ოკუპაციისათვის „საქირო იყო, რუსთა მიერ შემოღებული წესის თანახმად, წარმოსადეგი საბაბი, — და ცდილობდნენ ასეთი საბაბის პოვნას“¹, და შემდეგ — „სახარკო დავალიანებები ნხოლოდ საბაბი იყო... რუსეთთან ქარის საბოლოო შეერთებისათვის“².

რუსეთის მთავრობას ქარის საბოლოო შემოერთებისათვის საბაბი საქმეობრივ როდი ჰქონდა; ასეთი საბაბი უამრავი იყო და არც ისე გაუპართლებელი. რაც შეეხება მითითებულ დავალიანე-

¹ პეტრუშევსკი. 102.

² იქვე, გვ. 105. პეტრუშევსკის „აქტების“ VII ტომიდან (№ 21) ამოაქვს დავალიანებათა ცხრილი, რომლის მიხედვით 1830 წ. 1 იანვრისათვის ამიერკავკასიის ყველა ოლქში დიდ დავალიანებას აქვს ადგილი; ასე, მაგ., საქართველოში — 210555 მან. მუსლიმანურ პროვინციებში 604.190 მან., ქარში — 47054 მან. შემოსავალთან შედარებით მდგომარეობა მეტად მტკივნეული იყო ქარში, მაგრამ, როგორც ვხედავთ, დავალიანების თვალსაზრისით იგი გამოწვევის არ წარმოადგენდა.

ბებს, იგი, რა თქმა უნდა, გამოდგებოდა საბაბად, მაგრამ მისი გამოყენება პასკევიჩის მაინცდამაინც არ უცდია. დავალიანებები იყო ერთი საბაბი მრავალთა შორის.

პასკევიჩი ქარის ოკუპაციის აუცილებლობას საკმაოდ საფუძვლიანი მიზეზით ასაბუთებდა; მათ შორის მთავარი ის იყო, რომ ქარი წარმოადგენდა დალისტნიდან მომდინარე თავდასხმების საბუღარს, ნიადაგ მლელვარე მხარეს, რომელსაც რუსთა რაზმები მულმივი მობილიზების მდგომარეობაში ჰყავდა; ამ მიზეზს რუსეთის მთავრობა არ მალავდა; რა თქმა უნდა, მას უყვარდა მომიზეზების უფრო შენიღბული ფორმები, რომლებსაც არც ახლა ივიწყებდა, როდესაც კახეთის „დაცვისათვის“ ზრუნვას საერთო მიზეზებს უერთებდა, მაგრამ მაინც ცხადად ჩანდა, რომ ქარის შემოერთება საქართველოში და კერძოდ კახეთში შინაური სიმშვიდის დამყარებისათვის აუცილებელი პირობა იყო.

ვოლკონსკი მიუთითებს და პეტრუშევსკი იმეორებს, რომ ამ დროისთვის პასკევიჩმა არაფერი არ იცოდა დალისტანში მიურიდიზმის გაძლიერებისა და პირველი იმამის—ყაზი-მოლას მოქმედების შესახებ და, თითქოს, პასკევიჩს ეს რომ სცოდნოდა, შეიძლებოდა, რომ მას შეეზერებინა ქარის ექსპედიცია, „მიეცა უპირატესობა ყაზი-მოლას წინააღმდეგ გამოსვლისათვის“¹. ჩვენი აზრით, პასკევიჩი მაინც ვერ გადასდებდა ქარის დაპყრობის ამოცანას, რადგან ამ ამოცანის გადაწყვეტის გარეშე დალისტანს ლაშქრობა შეუძლებელი იქნებოდა. თვით პასკევიჩი მიუთითებდა, რომ ქარის ექსპედიცია გამომდინარეობდა არა მარტო იმ სურვილიდან, რომ „განმტკიცებულყო რუსეთის სტრატეგიული მდგომარეობა ამიერკავკასიაში, არამედ იყო ნაწილი მის (პასკევიჩის, მ. დ.) მიერ დასახული გეგმის—დალისტანის დაპყრობისა, რომელიც ამ ქვეყნის სამხრეთ-დასავლეთ ნაწილიდან უნდა დაწყებულიყო“².

1830 წ. 17 თებერვლისთვის რუსთა რაზმები უკვე სტეფანწმინდის მონასტერთან (ალაზნის ნაპირზე) იყვნენ დაბანაკებული. ქარში გალაშქრების წინ პასკევიჩმა გამოაქვეყნა პროკლამაცია, რომელიც წარმოადგენდა თავისებურ „საბრალმდებლო დისკვნას“, რომელშიც დასაბუთებული იყო საინგილოს შემოერთების აუცილებლობა. პროკლამაციაში თანმიმდევრობით იყო ჩამოთვლილი

¹ Кав. сб., т. XI, гл. 182; პეტრუშევსკი, გვ. 106.

² პეტრუშევსკი. გვ. 105—6.

ქარელ ლეკთა დანაშაულებრივი მოქმედების ფაქტები, ხასიათდებოდა მათი კავშირი რუსეთისათვის მტრულ ძალებთან¹. მთავარმმართველი, რა თქმა უნდა, მთლად გულწრფელი ვერ იყო. თავისი მოქმედების მთავარ მიზნად იგი მცხოვრებთა დაცვას აყენებდა და ჩქმალავდა მთავრობის არსებით ინტერესებს.

პასკევიჩი ასკენიდა, რომ აუცილებელი იყო საინგილოს „სრული ჩართვა“ „რუსეთის იმპერიის შემადგენლობაში“ და ჩამოთვლიდა საამისო პირობებს:

1. ქარ-ბელაქნის ხალხი ამიერიდან „სამუდამოდ“ უერთდება რუსეთის იმპერიას.

2. სამოქალაქო სამართალი რჩება ძველებურად. აპელაცია დასაშვებია რუსულ მმართველობაში, როგორც უმაღლეს ინსტანციაში, ხოლო სისხლის სამართლის საქმეებს რუსული კანონების მიხედვით საოლქო მმართველობა განიხილავს.

3. ქარში მუდმივ სამყოფელად რუსთა ჯარები ინიშნება.

4. ქარ-ბელაქნელებს ეკისრებათ ყოველწლიური გადასახადი.

5. ერთგულების ნიშნად ლეკური სოფლები სათანადო მძევლებს გზავნიან.

6. ქართული—ინგილოური ანუ ალიაბათის სოფლები რჩებიან ძველს ურთიერთობაში ლეკებთან. რუსეთის ხელისუფლება კისრულობს ამ ურთიერთობის შენარჩუნებას „კანონიერ“ ფარგლებში.

მიუხედავად არსებული დამოკიდებული ურთიერთობის შენარჩუნებისა ინგილოების მდგომარეობა შედარებით მაინც უმჯობესდებოდა. რუსეთის მთავრობა მათ აძლევდა „პირად თავისუფლებას“, ნებას „გადასახლებულიყვნენ, სადაც მოისურვებდნენ“, უფლებას გამოესყიდათ თავი, რისთვისაც მებატონეებისათვის უნდა გადაეხადათ სავალდებულო ბეგარა-გამოსაღებთა ათი წლის ჯამი².

¹ „...несокнчаемое пнякогда вероломство сих обществ, беспрерывные грабежи и разбой, несмотря на святость обязательств, нарушение общественного благосостояния мирных жителей, подвергающихся лишению имущества, жизни и плесву...требуют, наконец, решительных мер к положению преград таковым злодеяниям“ (Акты, т. VII, гл. 442).

² „საბრალმდებლო აქტში“ ერთ საბაბად იყო გამოყენებული ისიც, რომ ქარელი ლეკები „ავიწროებდნენ მათ მიერვე დამონებული ქართველი გლეხების ქრისტიანულ სარწმუნოებას“ (Акты, т. VII, № 379).

აღმოსავლეთ კახეთში ამიერიდან რუსული მმართველობა უნდა დანერგილიყო.

აღნიშნულ პროკლამაციას მიჰყვებოდა რუსთა და ქართველთა მრავალრიცხოვანი რაზმი. დროც კარგად იყო შერჩეული. დღისტინიდან გაღმოსავლელი გზები თოვლს დაეფარა და უფოთლო ტყეები ვერ გამოდგებოდა თავდაცვისა თუ თავშესაფრის საუკეთესო საშუალებად. ქარისაკენ მიმავალ რაზმებს თვით პასკევიჩი სარდლობდა.

ყურადღების ღირსია იმ ამბების მომსწრე ვოლკონსკის ცნობა სოფ. ქარის სტრატეგიული მდგომარეობის შესახებ: „ალაზნის იქითა ლეკობის მთელი ძალებისა და საშუალებების ცენტრი, რა თქმა უნდა, იყო სოფ. ქარი, რომელიც ღრმა ხეობაში, ციცაბო სიმაღლეებს შუა ძვეს. იგი გადაქიმული იყო ხეობის გასწვრივ მ ვერსის მანძილზე და თავდებოდა მის ზემო წელში გამაგრებულ ადგილთან — ზაქათალასთან... ქარი მცხოვრებთა ძლიერი თავდაცვისათვის უაღრესად ხელსაყრელ საშუალებებს ითვალისწინებდა, რადგან ყოველი სახლი (1200-დე) თავისი ღობით (სინამდვილეში ქვიტკირის ჯებირებით, მ. დ.), ბალებითა და საცხოვრებლით, რომელსაც სათოფურები აქვს დატანებული, წარმოადგენდა მოწინააღმდეგისათვის განსაკუთრებულ პატარა ციხეს. ხეობის წვერთან ჯებირები უფრო ხშირდებოდა, მათ შუა მიმავალი ისედაც ვიწრო გზა კი სულ უფრო ვიწროვდება. ზაქათალის ცენტრში იმყოფებოდა ოთხკუთხოვანი ციტადელი, რომლის შუაში ქვის კოშკი იყო ამართული. ლეკები და ქართველები ზაქათალას მიუვალ სიმაგრედ თვლიდნენ; ამაში მათ კიდევ მეტად ის არწმუნებდა, რომ ჩვენმა ჯარებმა სამჯერ დაიკავეს სოფ. ქარის ქვემო ნაწილები და ერთხელაც ვერ გადაწყვიტეს ზაქათალის აღება“¹.

მართლაც რომ სახიფათო სიმაგრე იყო ზაქათალა. პასკევიჩმა იგი თავისი მოქმედების უმთავრეს პუნქტად დაისახა.

24 თებერვალს პასკევიჩი რაზმებით მდ. ალაზანზე გადავიდა და სოფ. მულალოსთან დაბანაკდა. ქარლებმა, რა თქმა უნდა, წინასწარ იცოდნენ ამ მოძრაობის შესახებ. მათ გადაწყვიტეს თავდაცვისათვის მოეწვიათ სხვა თემებიც, ეთხოვათ დახმარება გადამთიელი საზოგადოებისათვის (ჯურამუთი, თებელი, ტაში, ანწუხი და კაპუჩი), მაგრამ ყველასგან უარი მიიღეს. ამის ერთი მიზეზი ის ჩანდა, რომ ამ დროს მთების გაღმოლახვა ძნელი იყო. მა-

¹ Кавк. сб., т. XI, гл. 177.

შინ ქარელებმა თვით გადაწყვიტეს ბრძოლა, მაგრამ მათ შორის განხეთქილება მოხდა, რის შედეგადაც ბელაქნელები, მუხახელები და ჯინიხელები საერთო ფრონტს გამოეთიშნენ. ქარელებს სხვა გზა არ ჰქონდათ და ზავი ირჩიეს. 25 თებერვალს მათ თავიანთი რწმუნებულები გააზავნეს პასკევიჩთან, რომელმაც ამ რწმუნებულებს პროკლამაციაში მოხაზული პირობები წაუყენა. წარმომადგენლები ქარში დაბრუნდნენ, ხოლო რუსთა რაზმები წინსვლას განაგრძობდნენ. 26 თებერვალს ისინი უკვე თალაში იყვნენ.

განხეთქილება ღრმავდებოდა საკუთრივ ქარის შიგნითაც. ჯამაათი უკვე მთლიანად მერყეობდა. მაგრამ საბოლოოდ გადაწყვეტია საკითხი მამასახლის ჰაჯი-მაჰმუდის გამოსვლას რუსეთის მხარეზე¹. ჯამაათმა კაპიტულაცია გამოაცხადა.

პასკევიჩმა უომრად დაიკავა ქარ-ბალაქანი. ამას ხელი შეუწყო ქარში გაბატონებული კლასის შიგნით არსებულმა განხეთქილებამ, გამწვავებულმა კლასობრივმა ბრძოლამ².

ქარელთა კაპიტულაციას არა მარტო საშინაო ვითარებამ შეუწყო ხელი. როდესაც ქარელებმა პასკევიჩის მზადების შესახებ გაიგეს, წერილით მიმართეს მიურიდების პირველ იმამს—ყაზი-მოლას, რომელმაც წინასწარ მომზადების გარეშე შეუტია რუსეთის ერთგული ავარიის ხანის სარეზიდენციო ქალაქ ხუნძახს იმ მიზნით, რომ ქარისაგან რუსთა ყურადღება აეცდინა. 12 თებერვლის ბრძოლაში ყაზი-მოლა სასტიკად დამარცხდა. მისი რაზმები ხუნძახელებმა გაანადგურეს. იქ მყოფი შამილიც ძლივს გადაურჩა სიკვდილს. ამის შემდეგ ყაზი-მოლას შემდგომი ღონისძიებანი რუსთა წინააღმდეგ საბრძოლველად, ავარიაში გამარჯვებას რომ უნდა მოჰყოლოდა, დიდად შეჭვრებდა. ყაზი-მოლას მარცხის ერთ მიზეზად მაშინ თვლიდნენ არა მარტო ხანის მეუღლის ფახუ-ბიკესა და ავარიელების მამაცობას, არამედ რუსთა მიერ ქარში მოწყობილ

¹ ვოლკონსკი ჰაჯი-მაჰმუდის მაგიერ მიუთითებს მამედ-ველი-ჩანკა-ოღლის (Кав. сб. т. XI, გვ. 179), მაგრამ პასკევიჩი თავის მოხსენებაში ხახგასმით აღნიშნავს ჰაჯი-მაჰმუდის სიტყვის გადამწყვეტ მნიშვნელობას (Акты, т. VII, გვ. 963).

² პასკევიჩი შენიშნავდა: „От всех обществ джарского и безаканского союза могло бы быть выставлено в соединении до 10-ти тысяч вооруженных, но оказавшиеся между ними несогласия произвели прения, последствием коих было то, что Белаханское, Музахское и Джинихское общества отделились от джарцев и тальцев“ (Акты, т. VII, გვ. 961—962).

ექსპედიციასაც, რითაც გამორიცხულ იქნა ქარისა და მისი მომიჯნავე რაიონების მცხოვრებთა შონაწილეობა ყაზი-მოლის მხარეზე.

რა თქმა უნდა, ხსენებულ ექსპედიციას თავისებური გავლენა უნდა ჰქონოდა ავარიის ამბებზე, მაგრამ არა გადამწყვეტი, რადგან ამ დროს ქარსა და დალისტანს შორის ურთიერთ დახმარების შესაძლებლობანი გამორიცხული იყო სამიმოსვლო გზების ჩაკეტვის გამო; მიუხედავად ამისა, ხუნძახის ამბებს მაინც გარკვეული მნიშვნელობა ჰქონდა რუსთა გამარჯვებისათვის არა მარტო ქარში. შეფის ბრძანებით ორდენებითა დააჯილდოეს ერთგული ავარიის ხანი აბუ-ნუცალი თავისი თანამებრძოლებით, „ავარიის ხალხსაც“ გიორგის დროშა გადასცეს¹.

1830 წ. 28 თებერვალს რუსთა რაზმებმა დაიკავეს ქარი და ზაქათალა, რომლის ციხე დაანგრის². შეიქმნა ქარ-ბელაქნის ახალი მმართველობა, რომელიც მთავარმმართველის მიერ შემუშავებული შემდეგი წესის საფუძველზე გაფორმდა:

1. ქარ-ბელაქანში წესდება დროებითი მმართველობა ბეკოვიჩ-ჩერკასკის თავმჯდომარეობით.

„ამ მმართველობის წევრად ინიშნება ორი რუსი მოხელე ჩემი (პასკევიჩის, მ. დ.) არჩევანით და ო მკვიდრი საპატიო უფროსისაგან, რომლებსაც თემები აირჩევენ და მე დავამტკიცებ. რუსი მოხელეებისაგან შემდგარ წევრებს... აქვთ გადამწყვეტი ხმა... ადგილობრივ უფროს-წევრებს კი მხოლოდ სათათბირო ხმა“...

ამის შემდეგ ჩამოთვლილია ახალი მმართველობის ვალდებულებანი, რომელთა შორის მთავარი უნდა ყოფილიყო:

2. „ოლქის დაცვა შინაურ უწყისობათა და მტაცებლური მთიელი ხალხების თავდასხმებისაგან, განსაკუთრებით კი—საქართველოსაკენ მიმავალ გზებზე“³.

4 „ქარელებსა და სხვი თექებს, უნარჩუნდებათ რა წინანდელი უფლებები და უპირატესობანი იმდენად, რამდენადაც ეს შეესაბამება რუსეთის იმპერიის საერთო კანონებსა და წესდებებს, ნება მიეცეს მათ აწარმოონ ნაციონალური, სამედიატორო და შე-

¹ Кав. сб., т. XI, გვ. 175.

² პასკევიჩის მიერ შერჩეულ ადგილზე რუსებმა ზაქათლის ახალი ციხის აგება დაიწყეს.

³ „Правила для управления Джарской и Белаканской областью“ Акты, т. VII, № 380).

⁴ ნაკლებმრაველოვანი მუხლები არ მოგვყავს.

შარიგებელი (примирительный) სამართალი, შაროდ წოდებული...
 ღისხლის სამართლის საქმეთა გარჩევის ნება მხოლოდ დროებით
 საოლქო მმართველობას ენიჭება“...

6. „1803 წ. ქარელებთან დადებული სამშვიდობო ტრაქტატის მე-9 მუხლის მიხედვით მათ, სხვათა შორის, იკისრეს ხელი არ შეეშალათ ალიაბათის ქართული სოფლებისათვის (ინგილოებისათვის) ქრისტიანული რწმენისა და ღვთისმსახურების თავისუფლად დაცვაში, არ მიეღოთ არავითარი შემაჯიწროებელი ღონისძიება, მაგრამ ამისდა საწინააღმდეგოდ ქარელებმა, ავიწროებდნენ. რა მათ მიერვე დამონებულ ქართველ გლეხებს... აუკრძალეს მათ ეკლესიების შენება და ქრისტიან მქადაგებელთა მიღება; ამგვარი შევიწროების შედეგად ინგილოები, იყვნენ რა წინათ ქრისტიანები, თანდათან გადაგვარდნენ მაჰმადიანებად,—და ამიტომ დაწესდეს მათ შორის ქრისტიანული რელიგიის რწმენისა და ღვთისმსახურების თავისუფალი დაცვა და გამოძახებულ იქნან ახლავე, საქართველოს ეგზარქოსთან შეთანხმებით, მღვდელთა საკმაო რაოდენობა... მსურველთა მართლმადიდებლური მონათვლისათვის. ამ საქმეს აღმოეჩინოს მთავრობის მხრიდან ყოველგვარი საშუალება და მფარველობა“.

7. „ქარის პროვინცია ახლანდელი მდგომარეობისდა მიხედვით განიყოფება 2 კლასად: გაბატონებული ლეკებისაგან, რომლებიც ჩვენ მიმართ ყოველთვის მტრულად იყვნენ განწყობილნი, და მათ მიერ ოდესღაც დამონებული ქართველებისაგან, რომლებიც ლეკებმა... სხვადასხვა შემაჯიწროებელ ღონისძიებათა გზით გაამაჰმადიანეს და რომლებიც მხოლოდ ამ ერთი მიზეზის გამო ჩვენი მომხრენი უნდა იყვნენ,—და ამიტომ მთავრობის მიზანი უნდა იყოს: ამ უკანასკნელი კლასის წარმომადგენელთა მომხრეობის შენარჩუნება, მათი მდგომარეობის გაუმჯობესებით და ამით მტრული ლეკების ბატონობის შესუსტება, რომ, რამდენადაც შესაძლებელი იქნება, დაცულ იქნეს წონასწორობა და წინააღმდეგობა ამ ორ კლასს შორის. ამ პოლიტიკური მდგომარეობის შესაბამისად, დაუყოვნებლივ გაირკვეს ქარისა და სხვა თემების უფროსთა და წარჩინებულთა უფლებანი ალიაბათის ქართული სოფლების მმართველობაში... რომ მათი ქვეშევრდომი სოფლების მცხოვრებლებმა—ინგილოებმა უხადონ მათ განსაზღვრული კომპლობრივი გადასახადი ისე, რომ არ დაიბეგრონ მებატონეების მიერ დაკისრებული თვითნებური გადასახადებით. ეს გადასახადები უნდა შეგროვდეს სოფლის უფროსობასთან, რომელიც ჩამოყალიბდება იმ

სოფლებში, ამ უფროსობამ კი ისინი შესაფერისი ქვითრებით უნდა გასცეს. არა დროული გადახდის შემთხვევაში პირადად ისინი (მებატონეები, მ. დ.) ვერავითარ ღონისძიებას ვერ მიიღებენ და მიმართავენ საოლქო მმართველობას, რომელმაც...სათანადო იძულების საშუალება უნდა გამოიყენოს“.

10. მმართველობას ევალება განაახლოს სავაჭრო ურთიერთობა რუსეთის პროვინციებთან.

13. დაიმორჩილოს „მეზობელი მთიელი ხალხები“.

14. „მიღებულ იქნეს წესად, რომ ყოველგვარი ქურდობის შემთხვევაში პასუხს აგებენ უახლოესი სოფლის მცხოვრებნიც“.

18. „იმ სოფლებისაგან, რომელთა კეთილგანწყობილებასა და ერთგულებას არ შეიძლება ვერწმუნოთ, აყვანილ იქნას მძევლები თემებს შორის უმნიშვნელოვანესი ოჯახებისაგან, უკიდურეს შემთხვევაში სამი კაცი მთელი თემისაგან, და გაიგზავნონ ისინი თბილისში“.

22. „მიღებულ იქნეს საკმიანი ზომები, რომ მსრბოლთა მეშვეობით ცნობილი იყოს მთიელთა ყოველგვარი მტრული შეკრების შესახებ, მათ წამოწყებებისა და მიზნების შესახებ“.

23. „ელისუს სასულტნო, თუმცა თავისი სულტანის განკარგულების ქვეშ რჩება, წინანდელ საფუძვლზე, შედის...ქარის ოლქის შემადგენლობაში და ირიცხება, ისე როგორც ეს უკანასკნელი, ხსენებული დროებითი მმართველობის ქვეშ, ზემოხსენებული წესის საფუძველზე“¹.

ამგვარად დაინერგა რუსული მმართველობა ქარ-ბელაქანში. ეს მმართველობა, ისე როგორც საქართველოს სხვა რაიონებში დაწესებული რუსული მმართველობა, არ ივიწყებდა თავისი დანიშნულების ფორმალურ მხარეს: შეეყვანა მმართველობაში ადგილობრივი ელემენტებიც და სამოქალაქო სამართალში ადათით განმტკიცებული კანონები დაეტოვებინა.

სამართლიანად შენიშნავდა პეტრუშევსკი, რომ ძველი უფლებებისა და უპირატესობათა შენარჩუნების დაპირება ნხოლოდ პირფერობა იყო, რადგან ჯამაათების მოქმედება და პატრიარქალური დემოკრატიის ნარჩენები ვერ შეუთანხმდებოდა ბატონყმური და ბიუროკრატიული სახელმწიფოს „საერთო კანონებსა და წესდებებს“. „ჯამაათები ახლა უნდა გარდაქმნილიყვნენ უფროსობისა-

¹ Акты, т. VII, № 380.

გან საეცებით დამოკიდებულ უბრალო სასოფლო კრებებად, რომლებსაც ადგილობრივი წვრილი საკითხები უნდა განეხილათ¹.

მეფის რუსეთის მთავრობა, როგორც ბატონყმური წესწყობილების დამცველი მთავრობა, ყოველთვის იცავდა გაბატონებული ფენების ინტერესებს, მაგრამ, კერძოდ, ჰარში ეს დებულება არ გავრცელებულა. აქ, როგორც ეს „წესდებიდან“ ჩანს, რუსეთის მთავრობა აუქმებდა წარჩინებულთა პოლიტიკურ უფლებებს და მათ ეკონომიურ ინტერესებსაც ზღუდავდა. ეს ნაკარნახევი იყო ჰარში არსებული საზოგადოებრივი წესწყობილების სპეციფიურობით. ხსენებული „წესებიც“ მიუთითებდნენ განსაკუთრებულ პოლიტიკურ ხაზზე მტრული ლეკების მიმართ. ამის შესახებ უფრო სრულად ქვემოთ ვისაუბრებთ.

რუსეთის პოლიტიკამ ჰარში, უმეტესად მოსყიდვა-მოქრთამვის გზით, ზედა ფენების მხოლოდ ერთ ნაწილში შესძლო შეექმნა ერთგული მსახურები, რომლებიც ენერგიულად უწყობდნენ ხელს იქ რუსეთის ბატონობის დამკვიდრებას. მაგრამ ეს დასი მცირე იყო. ჰარის გაბატონებული საზოგადოების უმეტესობა რუსთა გაბატონებით უკმაყოფილებას გამოთქვამდა.

ამრიგად, 1830 წ. აღმოსავლეთ კახეთი, რომელიც საქართველომ ირან-ოსმალეთის აგრესიის შავბნელ ხანაში და დაღისტნელი აბრაგების გამანადგურებელ შემოსევათა პირობებში დაპყარვა, ისევ საქართველოს შემოუერთდა. მართალია, ეს მეფის რეჟიმის ბატონობის პირობებში მოხდა, მაგრამ მისი შემოერთება, კერძოდ ინგილო ქართველობის მკიდროდ დაკავშირება დედა-სამშობლოსთან — საქართველოსთან, დიდი მნიშვნელობის მოვლენა იყო. ქართველობა რუსეთის ხელისუფლების ქვეშ იკრიბებოდა და თანდათანობით ერთიანდებოდა.

4. აჯანყება 1830 წელს

ჰარ-ბელაქანში ღწენრგილი ახალი მმართველობა ისეთი „დამაკმაყოფილებლი“ როდი იყო, როგორც მას ესაძე და მეფის სხვა ისტორიკოსები ახასიათებდნენ². ეს მმართველობა მასების მოთხოვნნილებებს ვერ უპასუხებდა:

რუსეთის მთავრობა ოლქში სამხედრო ნაწილების ჩაყენებას შეუდგა, აქ გაცხოველებულ ტემპებით მიმდინარეობდა თავდა-

¹ პეტრუშევსკის დასახ. ნაშრ., 112—113.

² Эсадзе. Историческая записка об управлении Кавказом, т. I, 190.

ცვითი ნაგებობათა შენება. ძველი ზაქათალის ახლოს, ქარზე გამავალი ორი გზის ჯვარედინზე, ძლიერ სიმაგრეს აშენებდნენ. ეს გზები ქარის ხეობაზე ბატონობდა.

ქარში რუსთა რაზმების დამკვიდრების გამო განსაკუთრებულ უკმაყოფილებას გამოთქვამდნენ მაღალი ფენები, რომლებიც ვერ ეგუებოდნენ ძველი პოლიტიკური პრივილეგიების დაკარგვას და გამოსვლისათვის საბაზს მოელოდნენ. ამ უკანასკნელებს აღელვებდა რუსთა მიერ ქარში ახალი ციხე-სიმაგრის მშენებლობაც; გადასახადების გამოლებაში ძველი „ურჩობა“ გრძელდებოდა. 1830 წლისთვის დავალიანება 47000 მანეთს აღემატებოდა¹. იმავე წელს ქარში, ისე როგორც საქართველოსა და ამიერკავკასიის სხვა რაიონებში, შავი ქირი მძვინვარებდა².

1830 წ. აჯანყება მკიდროდ უკავშირდება ამ დროს დალისტანში განვითარებულ მიურიდულ მოძრაობას.

1950 წ. 14 მაისს გაზეთ „პრავდაში“ გამოქვეყნებულმა წერილმა დროულად დაჰკმო ჩვენს ისტორიოგრაფიაში არსებული შეხედულება, რომ თითქოს კავკასიური მიურიდიზმი XIX საუკუნეში წარმოადგენდა პროგრესულს, დემოკრატიულსა და ეროვნულ-განმათავისუფლებელ მოძრაობას. სტალინური პრემიების კომიტეტის ოფიციალურ ცნობაში მოკლედ და მკაფიოდ იყო დახასიათებული მიურიდული მოძრაობის ხასიათი, აღინიშნა, რომ ეს მოძრაობა წარმოადგენდა „რეაქციულს, ნაციონალისტურს და იმყოფებოდა ინგლისის კაპიტალიზმისა და თურქეთის სულტანის სამსახურში“.

აღნიშნული სახელმძღვანელო მითითების შემდეგ გამოქვეყნებულმა წერილებმა (დანიალოვის და სხვათა) ნათლად გამოააშკარავეს მიურიდიზმისა და შამილის მოძრაობის ნამდვილი რეაქციული ბუნება და დაამტკიცეს ამ მოძრაობის პირდაპირი კავშირი ინგლისელ და ოსმალთა დამპყრობლებთან³.

მე-18 საუკუნის 80-იან წლებიდან ოსმალეთი შეუჩერებლივ ჰკარგავდა თავის გავლენას კავკასიაში. ეს მაშინ ხდებოდა, რო-

¹ Акты. т. VII, № 21, გვ. 11.

² იქვე, № 168, გვ. 227—28.

³ „Правда“. 14. V, 1950; А. Давиалов. Об ивврашениях в освещении мюридизма и движения Шамиля. жур. „Вопросы истории“ за 1950 г. № 9; А. Фадеев. Мюридизм как орудие агрессивной политики Турции в Англии на Северо-Западном Кавказе в XIX столетии. „Вопросы истории“ за 1951, № 9.

დესაც რუსეთის გავლენა აქ სულ უფრო და უფრო ძლიერდებოდა. რუსეთის ეს გაძლიერება შიშს ჰკვირიდა კაპიტალისტურ ინგლისსაც, რომელსაც აღმოსავლეთის ბაზრის მოსალოდნელი დაკარგვა აფიქრებდა. ამიტომ ოსმალეთი და ინგლისი ადრიდანვე აჩაღებდნენ ძირგამომთხრელ მუშაობას კავკასიაში. ამ მუშაობის მიზანი იყო აქ გაბატონება და რუსეთის გავლენის მოსპობა, რუსეთის საბოლოო განდევნა კავკასიის ფარგლებიდან.

1783 წელს თურქეთის სულტანი აგზაენის დაღისტანში მიურიდიზმის გასაფრცვლებლად თავის აგენტს—შეიხ-ხალიდს, რომელიც ჩადის ქიურის სახანოს სოფ. იარალში. ეს აგენტი დიდ მუშაობას ეწეოდა მიურიდიული ბანდის შესაქმნელად, მაგრამ მის საქმიანობას დასაწყისში წარმატება არ ჰქონია. შემდეგში იგი მოჰამედ იარალელის დახმარებით უკავშირდება ხალხზე სათინადო გავლენის მქონე ყაზი-მოჰამედს, რომელთან ერთად იწყება მიურიდიზმის (ტარიკატის) ქადაგება „ჰაზაფათის“ (საღვთო ომის) მოსაწყობად¹. „ჰაზაფათი“ იმთავითვე პანისლამისტური ლოზუნგი იყო.

1783—1784 წლებში ოსმალეთის სულტანი მოუწოდებდა კავკასიის ხალხებს, დაღისტნის, ყაბარდოს, ჩერქეზთა ფეოდალებს „მუსლიმანური სარწმუნოების დასაცავად“ და მოითხოვდა აქტიურ მოქმედებას საქართველოს წინააღმდეგ, სადაც 1783 წ. ტრაქტატის საფუძველზე შეყვანილ იქნა რუსთა 2 ბატალიონი. ოსმალეთი ქართლ-კახეთის მეფის ერეკლე II-ის წინააღმდეგ საქართველოს მუსლიმანურ მოსახლეობასაც ამხედრებდა².

დაღისტნისა და კავკასიის მუსლიმანური რეაქციული სამღვდელოება ოსმალეთის მხარდაჭერით სარგებლობდა. იგი სულტანს წინასწარმეტყველის (მოჰამედის) მოადგილედ თვლიდა. ამ სამღვდელოებამ გამოიყენა მიურიდიული მოძრაობა თურქეთის ინტერესებისათვის და იგი დაუპირისპირა სხვა სარწმუნოების მქონე რუსეთს. თურქეთის აგენტი შეიხები და მოღვბი მიურიდიებს აქეზებდნენ აგრეთვე იმ დაღისტნელი ფეოდალების წინააღმდეგ, რომლებიც რუსეთის მხარეზე იდგნენ.

თურქეთის აგენტურა კარგად იყენებდა ფეოდალური ჩაგვრის ქვეშ მყოფი გლეხობის სიძულვილს მებატონეთადმი და გლეხებს

¹ დანილოვის დასახ. წერილი, გვ. 7. „Сулук или тарикат“ наука о благочестии и газавате (Сказание очевидца о Шамиле. Сб. св. о кавк. горцах. вып. VII, გვ. 2).

² Н. Савинов. Шейх-Мансур и его турецкие вдохновители („Вопросы истории“, 1950, № 10, გვ. 20—21).

აქეზებდა რუსეთის მომხრე ფეოდალების წინააღმდეგ. დალისტნის სოციალურ-ეკონომიური ჩამორჩენილობა სათანადო ნიადაგს უქმნიდა აღნიშნული აგენტურის საქმიანობას. მუსლიმანური სამღვდლოება ქადაგებდა, რომ ყოველგვარი უბედურება ხალხს მოსდიოდა რუსეთის მომხრე იმ ფეოდალებისაგან, რომელთაც დაივიწყეს ისლამი, ხელი მიჰყვეს განცხრომას, გადაიქცნენ „ურწმუნო გიაურებად“. ამასთანავე ეს სამღვდლოება ქადაგებდა ჰაზაგათს და ბრძოლის ველზე მოკლულებს იმქვეყნიურ სამოთხეს ჰპირდებოდა¹.

საქართველო-დალისტნის ურთიერთობის ძველთაგანვე გამწვავებას დიდად შეუწყო ხელი ოსმალეთმა, რომელიც განსაკუთრებით სამხრეთ საქართველოს დაპყრობის შემდეგ ენერგიულად ცდილობდა გაედო ხიდი ახალციხის საფაშოსა და გამუსლიმანებულ (თურქულ-სუნიტური აღსარების მქონე) მთიელებს შორის. თურქი დამპყრობლები დალისტნურ ტომებს საქართველოს წინააღმდეგ ამხედრებდნენ.

ოსმალთა იგაზაკებმა, როგორც ზემოთ ითქვა, ფართო გზა გაუხსნეს ტყვე აღამიანებით ვაჭრობას და ამ საქმეში ჩააბეს დალისტნელი აბრაგები. დალისტანში, კასპიის ზღვის ნაპირზე მდებარე სამთავრო-საშამხლო, ოსმალეთის მხარდაჭერითა და მფარველობით უდიდეს ზიანს აყენებდა კახეთს. შამხალი დალისტნელ აბრაგათა კახეთზე გამუდმებული თავდასხმების ორგანიზატორი გახდა².

აღნიშნული დროიდან (XVI ს.) მრავლებული საქართველო-დალისტნის ურთიერთობა ოსმალთა და სპარსელი დამპყრობლების წყალობითაც სულ უფრო და უფრო მწვავედებოდა და საქართველოსთვის საზიანო ხდებოდა. გახშირდა ქურდულ-აბრაგული თავდასხმები, ძარცვა-გლეჯა, ტყვე-აღამიანების ტაცება, რაც სისხლიდან სცლიდა საქართველოს. თურქ-ოსმალებისა და დალისტნელ აბრაგ-ფეოდალების მოქმედების შედეგად საქართველოსა და დალისტნის სამეზობლო დამოკიდებულება ძირითადად განისაზღვრა მტაცებლური თავდასხმებით, რაც ქართულ-რუსულ ლიტერატურაში „ლეკური შემოსევების“ სახელით აღინიშნებოდა. მტაცებ-

¹ დანილოვის დასახ. წერილი, გვ. 8—9.

² ნ. ბერძენიშვილი. რუსეთ-საქართველოს ურთიერთობის ისტორიიდან XVI—XVII სს. მიჯნაზე (მასალები საქ. და კავკ. ისტორიისათვის. 1944, ნაკვ. 1, გვ. 13—15).

ლებმა გზა ჩაუკეტეს საქართველოს კულტურულ გავლენას შიის ტომებზე.

ოსმალთა დამპყრობლების მიერ დაღისტანში გაჩაღებული მუშაობა, რომელიც ინიხნად ისახავდა რუსთა განდევნას ამიერკავკასიიდან, საქართველოს სამაგალითო დასჯას რუსეთთან დაკავშირებისათვის, პირველ რიგში საქართველოს უპირისპირდებოდა. ეს გასაგებიც იყო, რადგან საქართველო წარმოადგენდა იმ ქვეყანას, რომელიც გვიანფეოდალური ხანის მთელ პერიოდში აღმოსავლეთის ბარბაროსებისაგან—ოსმალეთ-ერანის აგრესორებისაგან თავის ხსნას ერთმორწმუნე რუსეთის დახმარებით ცდილობდა. საქართველო უპირველესი ქვეყანა იყო, რომელიც რუსეთს გზას უხსნიდა აღმოსავლეთისაკენ, უადვილებდა მის ბრძოლას თავისი (და საქართველოს) პოლიტიკური მტრების წინააღმდეგ.

მიურიდიზმისა და შამილის მოძრაობა ოსმალეთ-რუსეთისა და ოსმალეთ-საქართველოს ისტორიული ბრძოლის პერიოდში, მიზნობრივი თვალსაზრისით, პიჭდაპირ განაგრძობდა მე-16 საუკუნეში დაწყებულ საქმეს, რომელსაც დაღისტანში ოსმალეთის აგენტი შამხალი მეთაურობდა. მიურიდები და შამილი მისი შორეული შემკვიდრენი იყვნენ.

თურქეთის აგენტების მიერ დაღისტანში შეტანილი 'აჯანყების თესლი განსაკუთრებით ღვივდებოდა მას შემდეგ, რაც მეფის რუსეთმა აღმოსავლეთ საქართველო შეიერთა და შეუჩერებლივ აფართოებდა თავისი ბატონობის სფეროს კავკასიაში.

რუსეთ-ირანისა და რუსეთ-ოსმალეთის ომების წინა პერიოდში განსაკუთრებით აქტიურდება მიურიდების ბელადი ყაზი-მოლა, რომელიც აფართოებს მიურიდების ბანაკს. მის გარშემო თავს იყრიან მოლები, ყადიები და სხვა ფანატიკოსები, რომლებიც ენერგიულად მონაწილეობდნენ „მართლმორწმუნეთა“ ლაშქრობაში „ურწმუნოების“ წინააღმდეგ.

1828—1829 წლებში, რუსეთ-თურქეთის ომის დროს, სულტნის მთავრობა კვლავ გზავნის თავის აგენტებს დაღისტანში. ამ დროიდან მოყოლებული მიურიდული მოძრაობა განსაკუთრებით აფართოვდება.

მიურიდულ რეაქციას ფართო გზა გაეხსნა ქარ-ბელაქანშიაც, სადაც მუსლიმანური სამღვდელეობა ყოველმხრივ მხარს უჭერდა დაღისტინიდან მოსულ აგენტებს.

გასაგებია, რომ მიურიდულ-რეაქციული მოძრაობა იმ დროს ქარშიაც ჰპოვებდა მხარდაჭერას. აქაც ბლომად იყვნენ თურქეთის

აგენტები—მუსლიმანური სამღვდლოების წარმომადგენლები, რომლებსაც მხარს უჭერდნენ ქარში რუსეთის გაბატონებით უკმაყოფილო ფენები.

1829 წელს კარტხში ცხოვრობდა მიურიდიზმის მაშინ ცნობილი მქადაგებელი ჰაჯი-იაჰია, რომელიც აქ დაღისტნიდან ჩამოსახლდა. მან თავისი ცრუწინასწარმეტყველური პროპაგანდით დიდი გავლენა მოიხვეჭა ქარში. რუსეთის მმართველობამ გადაწყვიტა ამ საშიში კაცის შეპყრობა, ძაგრამ მას გამოექომაგნენ ქარელი ლეკები და მოლები, რომლებმაც მთავრობას თხოვეს, რომ ხელი არ ეხლოთ ჰაჯი-იაჰიასთვის—„წმინდანისა“ და „არა საშიში“ კაცისათვის. მიუხედავად ამ შუამდგომლობისა, იაჰია შეიპყრეს, მაგრამ იგი, როგორც ჩანს, მფარველთა შემწეობით გაიქცა¹.

ქარელ აბრაგებთან და მოლებთან მკიდრო კავშირში იმყოფებოდა მიურიდთა იმამის—ყაზი-მოლას უახლოესი თანაშემწე, სამხრეთ-დასავლეთ დაღისტნის მიურიდთა ბელადი შეიხ-შაბანი.

ქარში აჯანყების დაწყებისათვის სათანადო სიტუაცია იქმნებოდა. ძველი ზაქათალის დაპყრობისა და სოფლებში რუსთა რაზმების ჩაყენების შემდეგ მოსახლეობის შესამჩნევი ნაწილი მთებს შეეხიზნა, ზოგი დაღისტნელებს მიუვიდა და იქ დარჩა, ზოგი კი დევ დაბრუნებისათვის ხელსაყრელ მომენტს მოელოდა. ქარ-ბელაქნის მმართველი გენ. ბეკოვიჩ-ჩერკასკი ყოველ ზომას ხმარობდა გახიზნული მოსახლეობის დაბრუნებისათვის. მან მართლაც მოიმხრო მამასახლისები და შეძლო გახიზნულების დაბრუნება. გახიზნულები მალე დაბრუნდნენ „არა მშვიდობიანი და წყნარი ცხოვრებისათვის, არამედ ჩვენთვის სამტრო ღონისძიებათა განხილვისათვის... შეიხ-შაბანის ხელმძღვანელობით ჩვენს წინააღმდეგ ახალი შეთქმულების მოსაწყობად“-ო, —წერდა რუსი მოხელე ვოლკონსკი².

რუსეთის მმართველობა შექმნილ სიტუაციაში კარგად ვერ ერკვეოდა, მაგრამ დაპყრობილი ოლქების ხალხებს საერთოდ უნდობლად უყურებდა და ამიტომ ყოველი შემთხვევისათვის, თუ ყოველ ეჭვზე, სამხედრო ძალები მობილიზებულ მდგომარეობაში იყვნენ. გენ. ბეკოვიჩს ნება დაერთო მოეთხოვა დამატებითი რაზმები; მან აიძულა ქარელი მებატონეები, დაეგზავნათ წერილები სტრატეგიულ გზებზე მდებარე სოფლებში (დიდ კოსორში, კარახში და თლესერუტის თემში), რომ მათი მცხოვრებნი რუსებს.

¹ Кавказский сборник, т. XI, гл. 134—135.

² იქვე, ტ. XII, გვ. 107.

დამორჩილებოდნენ¹. მთებიდან გადმოსასვლელელებზე ყარაულები დააყენეს.

სამხედრო ღონისძიებებმა უკვე დაწყებული მოძრაობა ვერ შეაჩერა. ჭარში დიდი წარმატებით გავრცელდა შეიხ-შაბანის მიერ გამოგზავნილი მოწოდება, რომელშიც იგი წარმომადგენელს ითხოვდა გამოსვლის დღის დასანიშნად; იგი მოაგონებდა მოკავშირეებს, რომ მისი მხრით „ჯარი უკვე მზად იყო და უყურებდა გზას, როგორც კატა თავის მსხვერპლს“². ამავე მოწოდებიდან ჩანდა, რომ ინგილოები არ თანაუგრძნობდნენ ჭარელ აჯანყებულებსა და მიურიდებს. ისინი მხარს უჭერდნენ რუსეთის მთავრობას, რომელიც მაშინ ხელსაყრელად თვლიდა, რომ ინგილოები ლეკთა მძლავრობისაგან დაეცვა. შეიხ-შაბანი „წყევლა-კრულვით“ იხსენიებდა ინგილოებს, რომლებიც მას არ თანაუგრძნობდნენ.

მდგომარეობა რთულდებოდა. გენ. ბეკოვიჩი „სიმშვიდის აღდგენისათვის“ დალისტანში გაგზავნეს. ჭარ-ბელაქნის უფროსად კი გენ. სერგეევი დაინიშნა. ამავე მომენტში გამწვავებული ვითარება იყო ოსეთშიაც, სადაც რუსეთის მმართველობა რაზმებს გზავნიდა.

ახალი ზაქათალის ციხის აგება ჯერ კიდევ არ იყო დამთავრებული. რუსებს არ გააჩნდათ აქ სიმაგრე, რომელიც დაითარავდა კახეთისაკენ მიმავალ გზებს.

11 ივნისს შეიხ-შაბანის რაზმებმა დაიკავეს დაბა როკნორი, რომელიც ბელაქნიდან 25 ვერსის მანძილზე იყო დაშორებული. თვით შეიხი ჯურმუთის სოფ. სალთში იყო, სადაც მან ახლობელი თემებიდან (უნკრატლი, ანწუხი, კაპუჩი, ანწროსი და სხვ.) შეიარაღებული რაზმები შემოიყარა. მაშინ გავრცელებული ხმების მიხედვით შაბანის მებრძოლთა რიცხვი 30 ათასამდის აღწევდა. ეს გარემოება რუსთა ბანაკში შეშფოთებას იწვევდა.

12 ივნისს შაბანის ნაწილებმა გადალახეს მთავარი ქედი და მოურავ ის მთა (მოურავ დალ) დაიკავეს³. აქედან შაბანმა ბელაქნელებს გაუგზავნა მეორე მოწოდება, რომელშიც მან უფრო ნათლად გამოხატა თავისი მიზანი—რუსთა განდევნა და მაჰმადიანური კანონების აღდგენა. ბელაქნელთა პოზიცია ამ მოწოდებამ გამოარკვია. მამედ-მურთუზ-ალიმ (ვაჩნაძემ) რუსეთის მმართველობის მოთხოვნას, რომ მიეწოდებინა მისთვის ცნობა შეიხ-შაბანის შესახებ, უპა-

¹ იქვე, ტ. XII, გვ. 108.

² იქვე, გვ. 109.

³ ეს მთა ბელაქნიდან 15 ვერსის მანძილზეა (Кав. сб., т. XII, 116).

სუხა, რომ „მტერი მათ (ბელაქნელთა, მ. დ.) წინააღმდეგ კი არა, არამედ რუსთა წინააღმდეგ მოდისო“¹. მიუხედავად ამისა ვაჩნადე მალე რუსთა მხარეზე დადგა.

19 ივნისს მიურიდების რაზმი 2000 კაცამდის კატეხის ახლოს სოფ. ყათისდარას მიადგა. მის შესახვედრად გაიგზავნა რუსთა რაზმების ერთი ნაწილი, რომელიც შაბანმა სასტიკად დაამარცხა. კატეხელებიც მიემხრნენ შაბანის რაზმებს.

გენ. სერგეევი ცდილობდა, რომ შეიხ-შაბანთან მშვიდობიანი მოლაპარაკებისა და მისი გადმობირების გზით უკუეგლო აჯანყების შემდგომი განვითარება, მაგრამ ეს ვერ მოხერხდა.

21 ივნისს მიურიდები ბელაქნის გზით დაიძრნენ და ქარე-ლები, კატეხელები, მაწებელები და ზაქათალელები შემოიერთეს. შაბანმა შეუტია ბელაქანს, მაგრამ იგი ვერ აიღო. რუსთა რაზმებმა შეტევა უკუაგდეს. გათენებისას კვლავ დაიწყო შეუპოვარი ბრძოლა, რომელიც 12 საათის განმავლობაში გრძელდებოდა. როგორც რუსებმა, ისე აჯანყებულებმა ბევრი დაჰკარგეს. შაბანის დანაკლისი, გენ. სერგეევის გაზვიადებული ცნობით, 500 კაცამდის აღწევდა. უკან დახეული შეიხი ტყუილუბრალოდ მოელოდა მის ზურგში მყოფი ჰამზათ-ბეგის დახმარებას; ამ უკანასკნელმა გაიგო თუ არა მისი მარცხი, დაითხოვა მის განკარგულებაში მყოფი 3000 კაცი და თვითონ ავარიაში გაიქცა, დამარცხებული შაბანი კი ერთი აბრაგის სახლში ჩაიკეტა და გარემოსთან ყოველგვარ ურთიერთობას გაურბოდა.

რუსთა გამარჯვებას მთავარი ქეცხების ერთი ნაწილის პოზიცია-მაც ხელი შეუწყო. გენ. სერგეევი თხოვდა პასკევიჩს „მოწყალეობა გაელო“ იმ ქეცხებისათვის, რომლებმაც მას დახმარება გაუწიეს. რუსეთის მთავრობას დი დახმარება გაუწია მამედ-მურთუზ-ალი ვაჩნაძემ აჯანყების ავარ დამნაშავეთა გამოვლინებაში. ასეთები აღმოჩენილან 50 ცამდის. მათ შორის საკუთრივ კარიდან 10 „უფროსი“ ყოფილა. მათ უშუალო ურთიერთობა ჰქონდათ შეიხ-შაბანთან, უგზავნიდნენ მას წერილებს და ანხედრებდნენ ხალხს².

21 ივნისის მარცხმა გარეგნული მორჩილება შექმნა კარ-ბელაქანში. რუსეთის მმართველობისათვის იმ გამარჯვებას დიდი

¹ იქვე, გვ. 116.

² სერგეევის მოხსენებაში ყოველ დამნაშავეს სდევდა ასეთი დახასიათება: „ეს გაიძვრა, მთავარი ყაჩაღი დაღისტანში“ (ბონნადალის უხუცესი ფირდას მოჰამედი) და სხვ. რუსთა ერთგულებს შორის იყვნენ მოლა-ალი-ოღლი ცეტოვი, ჰაჯი-მაჰმუდი და სხვ. (Кав. сб., т. XII, 130—131).

მნიშვნელობა ჰქონდა. ეს იყო ახალი მმართველობის პირველ წელს მოპოვებული წარმატება. ამ დღიდან ითვლიდა რუსეთის მთავრობა „ქარ-ბელაქნის ოლქის ფაქტიურ არსებობას“¹. გამარჯვებულმა მთავრობამ აჯანყებულთა წინააღმდეგ შეტევა დაიწყო. ითხოვდნენ ძველ დავალიანებათა დაფარვას, ახალი გადასახადების შეკრებას; დააპატიმრეს „ყაჩაღები“ და ყველა, ვინც კი შემჩნეული იყო „ლალატში“. განახლდა ახალი ციხის მშენებლობა, რომელშიაც ადგილობრივი მცხოვრებლებიც მონაწილეობდნენ.

რუსული მმართველობის ზეიმი ნაადრევი ჩანდა. ახალი გამოსვლა მზადდებოდა. ეს გამოსვლა დამოკიდებული იყო კავკასიონის გადალმა შექმნილ მდგომარეობაზე, რადგან ქარელებს ესმოდათ, რომ მათ განკარგულებაში მყოფი ჯარებით რუსებს ვერ გაუმკლავდებოდნენ². რუსეთის მთავრობას ოლქში საკმაოდ მრავალრიცხოვანი რაზმები ჰყავდა.

1830 წ. აგვისტოში ყაზი-მოლას საქმეები გამოსწორების გზაზე შედგა. ხუნძახის მარცხის შემდეგ იგი ენერგიულად ემზადებოდა ახალი გამოსვლისათვის.

ქარის საოლქო მმართველობას, გენ. სერგეევის ხელმძღვანელობით, თავისებური დასკვნები გამოჰქონდა მომხდარი აჯანყებიდან.

გენ. სერგეევი საკიროდ თვლიდა სასწრაფოდ დაემთავრებინა ზაქათალის ციხის აგება და უზრუნველყა მოსაზღვრე დაღისტნის თემების მომხრობა. ამ უკანასკნელი მიზნისათვის მან შემწედაიორჩია ბელაქნელი მამასახლისი მამედ-მურთუზ-ალი ვაჩნაძე. ფულის მოყვარული მამასახლისი შეუდგა დავალების შესრულებას: იენისის ბოლო რიცხვებში სერგეევმა იგი გაგზავნა დაღისტანში; მას უნდა ენახა ჰამზათ-ბეგი და შაბანი, გაეგო მათი განზრახვები.

ცოტა ხნის შემდეგ, რუსეთის მთავრობას მორჩილება გამოუცხადეს ანწუხის, კაპუჩის, ტაშის, თებელისა და ჯურამუთის თემებმა. მაგრამ როგორც სერგეევის მიერ მიღებული ზომები, ისე აღნიშნული თემების გარეგნული დამორჩილება რუსეთის მთავრობას კარგს ვერაფერს უქადდა. მორჩილების აღიარება შაბანის მარცხმა გამოიწვია; იგი დროებითი იყო.

რუსეთის მთავრობა ახალ გამოსვლებს არ მოელოდა. როგორც ჩანს, ეს იყო მიზეზი, რომ აჯანყების მოთავეები არ დასა-

¹ იქვე, 127.

² Петрушевский. Джаро-белак., გვ. 129.

ჯეს. პასკევიჩმა თუმცა გასცა ბრძანება მათი დაპატიმრების შესახებ, მაგრამ თბილისის გუბერნატორმა სტრეკალოვმა ჩათვალა, რომ ეს ღონისძიება კიდევ მეტად ააღელვებდა მოსახლეობას, რომელიც ეს-ეს იყო „მორჩილი“ გახდა და „დანაშაულის“ გამოსყიდვას ცდილობდა. სტრეკალოვი თხოვდა პასკევიჩს, იანვრამდის გადაედო მათი დასჯა. პასკევიჩი დათანხმდა. მაგრამ ეს თანხმობა შექმნილ ვითარებას ვერ ითვალისწინებდა. ხელმძღვანელობის შეცდომებისათვის პასუხისგება შემდეგ, როცა საქმე წახდა, დააკისრეს სერგეევს, რომელსაც ბრალს სდებდნენ „ლმობიერებასა და სისუსტეში“.

ქარელი ლეკების საქმოდ დიდი ნაწილის დაკავშირება მიუჩიდებთან იმით აიხსნებოდა, რომ რუსთა ჯარის ჩაყენებამ ქარბელაქნის სოფლებში დიდი უკმაყოფილება შექმნა. ქარელები დალისტინის სოფლებში გზავნიდნენ წერილებს, რომლებშიაც აღნიშნავდნენ, რომ რუსთა რაზმებმა ისინი დიდ უბედურებაში ჩააყენეს¹. ქარელები მოუწოდებდნენ დალისტინელ თანამოძმეებს რუსთა წინააღმდეგ დახმარებისათვის. ახლა მიუჩიდები ქარელთა ინიციატივას მიჰყვებოდნენ.

ქარელთა მოწოდებამ სათანადო გამომხაურება ჰპოვა. ივლისის ბოლო რიცხვებში დალისტანში ბელადი ბეგაი ქარელთა საშველად რაზმებს აგროვებდა. ბეგაის გვერდით, ქურჭეთის ახლოს, რაზმებს ჰკრებდა ჰამზათ-ბეგიც, რომელიც ფიქრობდა ქარზე და შემდეგ კახეთზე ლაშქრობას. იგი ავართა პარტიებს მოელოდა, მაგრამ იქ ეპიდემიის გავრცელებამ საქმე ჩაშალა².

ავართა დახმარების გარეშე ჰამზათ ბეგმა ვერ გაბედა ომი და რაზმები დაითხოვა. დალისტანში გავრცელებული ეპიდემია მალე რუსთა რაზმებსაც მოედო და ჯარისკაცები მრავლად შემუსრა.

ჰამზათ-ბეგმა საქმეები მალე მოაგვარა. მას უკვე შეეძლო ბრძოლის განახლება. მის გამოსვლას ამ დროს ქარ-ბელაქანში რუსთა რაზმების შესუსტებული მდგომარეობაც ხელს უწყობდა. მალე მოხერხდა შეთანხმების მიღწევა ჰამზათ-ბეგსა და ქარელებს შორის. ჰამზათი ქარის საქმეებს დაუახლოვდა; მას ხელს უწყობდა მიუჩიდთა ცნობილი „იდეოლოგი“, თურქეთის აგენტი მოლა მო-

¹ Кав. сб., т. XII, гл. 133.

² ამის შესახებ კმაყოფილებით შენიშნავდა ვოლკონსკი: „...к счастью для нас все это предприятие разстроила холера. Она живо охладивла все порывы аварцев и заставила их разойтись по домам“. (იქვე, გვ. 134).

ჰამედ იარაღელი, რომელიც სოფ. კარახში იყო და ხალხს აჯანყებისაკენ მოუწოდებდა.

სახიფათო სამზადისს რუსი გენერლები გულგრილად შესცქეროდნენ. მათთვის მოულოდნელად, სექტემბერში, ჰამზათ-ბეგმა მთავარი ქედი გადმოლახა და სოფ. ქურმუხში მოსული ქარზე სალაშქროდ რაზმებს აგროვებდა. ქარელებიც გამოცოცხლდნენ და იარაღი აისხეს. 28 სექტემბერს ჰამზათი უკვე სოფ. კატეხის ახლოს იდგა და ქარელებს ერთსულოვანი კავშირის საწინდრად მძევლებს თხოვდა. მძევლების მიუღებლობის შემთხვევაში იგი არ დაეხმარებოდა ქარელებს. ჰამზათ-ბეგს, როგორც ჩანს, კარგად ესმოდა, რომ მერყევი ქვეყნები სანდო არ იყვნენ და ომის წაგების შემთხვევაში უკან დახევის გარანტიასაც ეძებდა.

ქარის, ზაქათალის, კატეხისა და მაწეხის მებატონეებმა ერთსულოვნად მიიღეს ჰამზათის მოთხოვნა და მას 6 მძევალი გაუგზავნეს. ჰამზათ-ბეგის მებრძოლთა რიცხვი 4 ათასამდის გიზარდა. ეს მდგომარეობა პანიკას ქმნიდა რუსთა რაზმებში. ჰამზათი კიდევ მიუახლოვდა ქარს და მზად იყო იქ დაეხამთრა, დაბანაკებულიყო სწორედ იმ მეჩეთის ახლოს, სადაც 1804 წ. გენ. გულიაკოვი მოკლეს.

შეშინებული გენ. სერგეევი მოითხოვდა დამატებით რაზმებსა და სურსათს. განრისხებულმა სტრეკალოვმა ქარის, ზაქათალის, კატეხისა და მაწეხის მძევლები, თბილისში რომ იყვნენ, ციხეში გამოჰკეტა და სტეფან-წმინდის მონასტრისაკენ 2 ბატალიონი გაგზავნა.

კატეხში ჩამოსულ ჰამზათ-ბეგს შეუერთდნენ შეიარაღებული ქარელებიც. აქ მიიღო მან მძევლები, რომლებიც დაღისტანში გაგზავნა. მიურიდებს ელისუს სასულტნოს მცხოვრებთა ერთი ნაწილიც შეუერთდა. ისინი ალიაბათის ინგილოური სოფლებიდანაც მოითხოვდნენ გამოსვლას, მაგრამ ამაოდ. რუსეთის მმართველობა დიდად შიშობდა, რომ აჯანყება საყოველთაო არ გამხდარიყო. ამ მიზნით სტრეკალოვმა ალიაბათში მოწოდება გამოაქვეყნა და ერთგულებას მოითხოვდა.

რუსი გენერლების შიში და ნერვიულობა მით უფრო ღვივდებოდა, რომ ჰამზათ-ბეგი გამოსვლის დაწყებას არ ჩქარობდა, ძალებს იმრავლებდა. მისი საბოლოო გეგმით რუსთა რაზმების დიდი ნაწილი უნდა შეკავებულიყო ახალ ზაქათალასთან, მთავარი ძალებით შეტევა კი ბელაქანზე უნდა მომხდარიყო. ბელაქნისაგან ახალი ზაქათალის მოწყვეტით შესაძლებელი გახდებოდა გათიშული

რაზმების ცალ-ცალკე დამარცხება მით უფრო, როდესაც გათვალისწინებული იყო დამატებითი რაზმების მიღება დალისტინდან და აჯანყების გავრცელება მთელს ოლქში.

ჰამზათ-ბეგის მრავალრიცხოვანი რაზმების განლაგებას კატეხის ირგვლივ თან სდევდა ხშირი ქურდული თავდასხმები კახეთზე. ეს ხდებოდა თვით ჰამზათისავე ნებართვით, რომ შემსუბუქებულიყო კატეხელთა მოვალეობა ჯარის სურსათით მომარაგებაში. დალისტინელთა ქურდული რაზმები არბევდნენ კახეთის სოფლებს¹, რუსეთის მთავრობა ხაზს უსვამდა ამ ზომენტს და კარგად იყენებდა მას აჯანყებულთა დასჯის გასამართლებლად.

ოქტომბრის პირველ რიცხვებში რამდენიმე შეტაკება მოხდა მარბიელ-ქურდულ რაზმებთან, რომლებიც კახეთის სოფლებს ძარცვავდნენ.

ჰამზათ-ბეგის მებრძოლთა რიცხვი 5 ათასამდის ავიდა. შეტევის დრო დადგა. 8 ოქტომბერს მიურიდებმა ახალი ზაქათალის ციხესთან დაიწყეს მოქმედება. 9—10 ოქტომბერს ისინი შეუსვენებლივ უტევდნენ ციხე-სიმაგრეს, მაგრამ უშედეგოდ. გართულებული მღვდმარგობის გამო აქეთკენ გენ. სტრეკალოვი წამოვიდა 2 ათასეულით.

13 ოქტომბერს ჰამზათის რაზმებმა შეაფიწროეს მეფის რაზმები და წინ წაიწიეს. ატყდა ხელჩართული ბრძოლა...

ახალი ზაქათალის დაუმთავრებელი ციხე ყოველმხრივ გარემოცული იყო. სურსათისთვის გამოსულ ჯარისკაცებს ტყეებში ჩასაფრებული მიურიდები ცელავდნენ. სტრეკალოვი ერთადერთ საშუალებად თვლიდა, რომ რადაც არ უნდა დაჯდომოდა „მოესპო მათი ყაჩაღური ბუდე—ძველი ზაქათალა“². მართლაც, ძველი ზაქათალისა და ცენტრალური სოფლის—ქარის აღებით აჯანყებულთა ძლიერება საბოლოოდ უნდა გატეხილიყო.

15 ოქტომბერს, დილის 9 საათზე, დაიწყო ბრძოლა ძველი ზაქათალისათვის. მძიმე არტილერია პირდაპირ სოფელს ურტყამდა, მაგრამ საქმე მაინც გაკირდა. მიურიდები ძლიერნი აღმოჩნდნენ. დღის სამ საათზე რუსთა მე-2 ათასეულს შემოვლითი გზით ფრონტიდან და ფლანგიდან თავს დაესხა მიურიდთა დიდი რაზმი. მწყობრიდან გამოვიდნენ ათასეულის სარდლობა და მრავალი ჯარისკაცი. სტრეკალოვი დამატებით რაზმებს გზავნიდა საშველად,

¹ Каб. сб., т. XII, 143.

² იქვე, 149.

მაგრამ უშედეგოდ. ერთიმეორეზე მწყობრიდან გამოდიოდნენ რუსთა ასეულები. განადგურდა გენ. სერგეევის ბატარეაც; თვით გენერალი დასჭრეს. მეთაურებმა ვერ შეაკავეს უკან დახეული რუსთა რაზმები, რომლებიც უწყსრიგოდ გარბოდნენ ტყისაკენ. შეტაკება სრულდებოდა, როცა თავ. დადიანმა გაქცეული ბატალიონების შეჩერება შეძლო და ბრძოლაში შემოაბრუნა, მაგრამ გენ. სტრეკალოვმა ისინი შეაჩერა და თავი დამარცხებულად სცნო.

15 ოქტომბრის ბრძოლაში ჰამზათ-ბეგმა სასტიკად დაამარცხა კარგად შეიარაღებული და საკმაოდ მრავალრიცხოვანი რაზმები. ბრძოლაში მოიკლა 8 ოფიცერი და 243 ჯარისკაცი, დაიჭრა 10 ოფიცერი და 139 მეზობოლი. მიუხრდივმა ხელთ იგდეს მთელი არტილერია.

საქართველოს მთავარმმართველი პასკევიჩი ამ მარცხის მიზეზად გენ. სტრეკალოვის უტაქტობას თვლიდა: „ამ უბედურების მიზეზი გენ.-ადიუტანტი სტრეკალოვია იმით, რომ მან დააქუცმაცა რაზმი და მცირე ჯგუფებად შეიყვანა იგი ისეთ ადგილში, სადაც არ შეიძლებოდა მოქმედება. მცირერიცხოვანი რაზმი, ტყის გასაჩეხადაც გაფანტული, მოულოდნელად აღმოჩნდა ყოველის მხრიდან გარშემორტყმული მრავალრიცხოვანი მტრის მიერ და ამ მომენტში მას ვერ აღმოუჩინეს დროული დახმარება“¹. ეს დამარცხების ერთი მიზეზთაგანი იყო.

რუსთა ლაშქრის დამარცხების მიზეზებში მრავალი რამ შედიოდა. უპირველეს ყოვლისა ეს იყო პირველი ძლიერი მარცხი, რომელიც მათ მიუხრდივთან ბრძოლაში განიცადეს. ჰეს იყო მიუხრდიული რეაქციის გაძლიერების ეტაპი. მიუხრდივს ზურგს უმაგრებდნენ ქარელი ლეკები და მუსლიმანური სამღვდლოება, რომელსაც მოსახლეობაში დიდი გავლენა ჰქონდა. აღნიშნულ გამარჯვებას ხელი შეუწყო იმანაც, რომ მიუხრდივი იყვნენ უაღრესად ხელსაყრელ სტრატეგიულ პუნქტში—ძველ ზაქათალაში, რომელიც თითქმის მიუვალი იყო. რუსთა რაზმებს მხოლოდ ტყის გაკაფვის გზით შეეძლოთ წინ წაწევა; ამას ზედ ემატებოდა სარდლობის შეცდომები: შეტევა ფრონტიდან ძნელად მისასვლელ ადგილზე გამაგრებული მრავალრიცხოვანი რაზმების წინააღმდეგ, სათადარიგო ნაწილების უქონლობა და სხვ.

რამდენადაც ენერგიული არ უნდა ყოფილიყო რუსეთის მთავრობის ზომები მდგომარეობის გამოსასწორებლად, ერთი ცხადი

¹ Каб. сб., т. XII, 159.

იყო, რომ ხსენებულ მარცხს დიდი სამხედრო-პოლიტიკური მნიშვნელობა ჰქონდა. რუსთა იარაღის ყოველად ქებული პრესტიჟი ძლიერ შეირყა. პოლკოვნიკი მოდოკსი დარუბანდიდან აცნობებდა პასკევიჩს: „...მაქვს პარტივი ამით გაცნობოთ, რომ ქარის საქმეს (იგულისხმება 15 ოქტომბრის ბრძოლა, მ. დ.) რამდენადმე გავლენა ჰქონდა დალისტნის აქაურ მცხოვრებლებზედაც“¹.

ზაქათალის მარცხმა პეტერბურგშიაც უკმაყოფილება შექმნა; „მეფემ უკიდურესი მწუხარებითა და უკმაყოფილებით“ ინება იმის აღნიშვნა, რომ რუსთა რაზმმა „ახლა, 15 ოქტომბერს, ლეკთა წინააღმდეგ, მასზე მინდობილი ზარბაზნები მტერს ჩაუგდო ხელში...“; მეფე მოითხოვდა ახსნა-განმარტებას, თუ რამ აიძულა ჯარისკაცები, რომ „სამარცხვინოდ გაქცეულიყვნენ“².

რუსთა ჯარების სარღობა გამანადგურებელი შეტევისათვის ემზადებოდა. პასკევიჩის ბრძანებით უნდა ძირ-ფესვიანად მოეთხარათ აჯანყებულთა სახლები, მათი შინაური ცხოველები და დოვლათი დაეგდოთ „ინგილოების, მულალებისა და სახალხო ლაშქრის საძარცვად“, სახალხო ლაშქარი კი სასწრაფოდ უნდა შეეკრიბათ, ყველა ლეკური სოფელი რაზმებით უნდა აევესოთ. თვით ლეკები თავიანთი ოჯახებით უნდა შეეპყრათ და თბილისში ჩაერეკათ; ღონისძიებებში ნათლად გამოსკვივოდა მეფის რუსეთის მთავრობისათვის ჩვეული ხერხი—ხალხთა ერთი მეორისადმი მისისიანება, ქართველებისა და დალისტნელების ერთმანეთისადმი დაპირისპირება. ნაბრძანები იყო, რომ აჯანყების მთავარ დანაშავეთაგან 25 კაცამდის საჯაროდ დაეხვრიტათ, „დანარჩენები კი რკინით შებორკილნი თბილისში დაემწყვდიათ“...რა თქმა უნდა, ყოველივე ეს გამარჯვების შემთხვევაში უნდა განხორციელებულიყო, ეს გამარჯვება კი ახლოს არ ყოფილა.

ოქტომბრის მეორე ნახევრიდან (15—23) ადგილი ჰქონდა მცირე მნიშვნელობის შეტაკებებს. 23 ოქტომბრიდან რუსებს დამატებითი რაზმები მიუყვდათ. 29 ოქტომბერს ერთი შეტაკება რუსთა სასარგებლოდ დასრულდა. ახლა უკვე დამსჯელი რაზმები მიემართებოდნენ ბელაქნისაკენ. სადაც მიუჩილებსა და აჯანყებულებს ყველაზე უფრო ძლიერი ბინა ჰქონდათ. ბელაქნელები, ისე რო-

¹ Акты, т. VII, № 470; Петрушевский, 138.

² Кав. сб., т. XII, 158.

გორც თალაელები, იარაღით შეეგებნენ რუსებს, რომლებმაც სოფელი ცეცხლს მისცეს; გადასწვეს სოფ. ქარიც.

ნოემბრის დასაწყისში მიურიდების ბანაკში სიმშლი ჩამოვარდა. ბარში ჩამოსულ და დიდხანს დარჩენილ ვადამთიელებს შალარიაც საკმაოდ მუსრადა. თანაც ნოემბრის სუსხი დგებოდა, ზამთრის კამპანია იწყებოდა, რაც თავიდანვე გათვალისწინებული არ ყოფილა. ყოველივე ამის გამო მიურიდთა ბანაკი მცირდებოდა და სუსტდებოდა.

8 ნოემბრიდან სტრეკალოვს უკვე შეტევაზე გადასვლა შეეძლო. ამას ხელს უწყობდა მიურიდთა და აჯანყებულთა ბანაკში დაწყებული განხეთქილებაც. აჯანყებას სცილდებოდნენ „თანამგზავრები“, რომლებიც საერთოდ ბოლომდის ვერ ეზიარებოდნენ მის ბედს.

ლალატმა იჩინა თავი ჰამზათ-ბეგის ბანაკშიაც. პირველი მოლალატე აღმოჩნდა ივნისის აჯანყების მოთავე შეიხ-შაბანი, რომელმაც, ოფიციალური წყაროების ცნობით, 9 ნოემბრიდან დაიწყო მოლაპარაკება რუსებთან¹. შეთანხმება მოხდა: შაბანმა თავისი რაზმები გაიყვანა ძველი ზაქათალიდან, ისინი დაღისტინისაკენ წავიდნენ; თვით შაბანი კი, როგორც რუსეთის მთავრობის ახალი აგენტი და მისი მოჯამაგირე², ახალ ზაქათალაში დარჩა.

მაღე ჩაბარდა რუსეთის მთავრობას ჰამზათ-ბეგიც, მაგრამ მისი მიზანი სულ სხვა იყო. ჰამზათის ჩაბარება დროებითი პოლიტიკური მანევრი ჩანდა. მან დაინახა, რომ შაბანის ლალატის შემდეგ ბრძოლა წაგებულ იყო, ქარ-ბელაქნის შენარჩუნება კი შეუძლებელი, რადგან მომრავლებული და მოძლიერებული რუსთა რაზმები აჯანყებულებს და მიურიდებს სრულ მოსპობას უქადდნენ; ამასთანავე, ჰამზათ-ბეგი ითვალისწინებდა, რომ იარაღის დროებით დაყრით ძალებს შეინარჩუნებდა და ხელს შეუწყობდა იმამ ყაზი-მოლას, რომლის მდგომარეობა დაღისტანში ამ დროს შედარებით მტკიცე ჩანდა. რუსეთის მთავრობა ეჭვის თვალით უყურებდა ჰამზათის მანევრს³.

¹ პეტრუშევსკის შენიშვნით, შეიძლება გვეფიქრა, რომ მოლაპარაკების ინიციატივა რუს გენერლებს ეკუთვნოდათ (Петрушевскій, 140—141).

² Акты, т. VII, № 411.

³ ჰამზათ-ბეგის შესახებ პასკევიჩს სწერდნენ: „ჰამზათ-ბეგი არის შვილი აღღისკანტისა (ალი-ისკანდერ-ბეგისა), რომელიც ომარ-ხან ავარელის უსაყვარლესი პირი იყო...მისი მოქმედება ყაზი-მოლას მხარეზე ხუნძახის წინააღმდეგ და აგრეთვე მთიულთა ამბოხებაში მონაწილეობა ორი საქმეა, რომლის მიხედვით იგი, სავსებით სამართლიანად, შეიძლება გადაეცეს სასამართლოს“ (Кав. сб., т. XII, გვ. 180).

13—14 ნოემბერი საბედისწერო დღეები იყო ჭარ-ზაქათალი-სათვის. მრავალრიცხოვანი რუსთა რაზმები უტევედნენ აჯანყებულ ლეკებს, რომლებსაც მიურიდებმა უღალატეს. არტილერია უშენდა სოფლებს. რუსები თანდათან უახლოვდებოდნენ ზაქათალის კოშკს. ლეკებმა უკან დაიხიეს თალას ხეობისაკენ, რომ სოფ. მუხახთან გასულიყვნენ, მაგრამ გზა მოკრილი აღმოჩნდა; მათ მხოლოდ ერთი გზა რჩებოდათ: ხევის გასწვრივ კაკასიონს გადაღმა, სადაც ოჯახები გახიზნეს, მთელი დოვლათი კი ოხრად დარჩათ. რუსთა რაზმებმა დაიკავეს ციხის გარშემო ადგილები. სერგეევმა მიიღო ბრძანება: „ქარი და ზაქათალა აღიგაოს პირისაგან მიწისა“. დაიწყო უსასტიკესი ანგარიშსწორება. ყოველის მხრიდან შევიწროებულმა და საფუძველ მოთხრილმა აჯანყებულებმა იარაღის დაყრა იწყეს და რუსებს ჰბარდებოდნენ. გენერლები მათ პატიებას კი არა, არამედ სასჯელის შემსუბუქებას ჰპირდებოდნენ.

17 ნოემბერს რუსებს ჩაჰბარდა აჯანყების ორი მოთავე—ჩანკა-ოღლი (ქარის მთავარი მამასახლისი) და ოდენ-ოღლი. იჭერდნენ აჯანყების სხვა მოთავეებსაც. ხეობებიდან დაბრუნებულ ქარელებს, კატეხელებსა და სხვ. ნაბრძანები ჰქონდა დასახლებულიყვნენ წინანდელ ადგილებში კი არა, არამედ დაბლობში, სოფ. თალას, გოგაპისა და ტანაჩის მიდამოებში, ქარისა და ზაქათალის სახელები კი ხსოვნიდან ამოეშალათ. გარდა ამისა, მათ უნდა გადაეხადათ კონტრიბუცია სამხედრო ხარჯების დასაფარავად და სხვ.

რუსეთის მმართველობამ სამშვიდობო გარანტიისათვის 36 მძევალი წამოიყვანა იმ მამასახლისთა ოჯახებისაგან, რომლებიც აჯანყებაში მონაწილეობდნენ. შეიპყრეს აჯანყების 30-დე მეთაური; მათ შორის დიდად საპატიო გვარებისაგანაც—ჩათარალის, ნულლის, ჩემჩელის. რუსეთის მთავრობა დიდ კმაყოფილებას გამოთქვამდა აჯანყების 2 „უპირველესი“ ხელმძღვანელის—კატეხელი მეზატონის კუტურ-სულიმან-ოღლისა და მისი ნათესავის იბრაჰიმ-ზაჰერ-ოღლის შეპყრობით.

აჯანყება დაძარცხებული იყო, მაგრამ წლის სიგრძეზე პერიოდულად მიმდინარე ბრძოლას ბოლო აღარ უჩანდა. დეკემბერში ბელაქანში ისევ აღმოცენდა მღელვარების ახალი ტალღა. ამჯერად გამოსვლის საბაბი გახდა რუსთა ახალი დამსჯელი ექსპედიცია ბელაქანში. განზრახვა იყო, რომ ბელაქანი ქარის მსგავსად დაერბიათ.

ამ დროს, როგორც ჩანს, ბელაქანში იმალებოდა მიურიდიზმის ცნობილი პროპაგანდისტი, ყაზი-მოლასა და ჰამზათ-ბეგის მიმდევარი ჰალა-მაჰომა თავისი რაზმით. იგი ახალ გამოსვლას ამზადებდა. მას შეუერთდნენ სხვა მიურიდიებიც და დაღისტანში შეახიზნული ქარელები. მალე მოვიდა თავისი რაზმითურთ ალიჩულა-მაჰომა (შემდეგში შამილის ნაიბი). 10 დეკემბრისათვის მიურიდთა ლაშქარი 2 ათას კაცამდის აღწევდა¹.

ეს გამოსვლა ზამთრის პირობებში მზადდებოდა და, როგორც ჩანს, ამიტომ რუსი გენერლები ფიქრობდნენ, რომ საშიშროებას ადგილი არ უნდა ჰქონოდა; მაგრამ ამჯერად ზამთარმა ხელი ვერ შეუშალა მიურიდების შემოტევას.

15 დეკემბერს ჯურმუთიდან წამოსული მიურიდები უკვე მთავარი ქედის სამხრეთით იყვნენ. მალე მათ დაიკავეს ბელაქნის თემის სოფ. წაბლოვანი და მცხოვრებთაგან სურსათს მოითხოვდნენ. მათი რაზმების ერთმა ნაწილმა ბელაქანსა და ზაქათალას შორის გზა დაიკავა. ბელაქნის ჯამაათმა თავისი უმრავლესობით მხარი დაუჭირა ალიჩულას. ჯამაათმა მოსთხოვა კავშირი რუსეთის მომხრე ქვეზა-მამედ-მურთუზ-ალი ვაჩნაძეს, მაგრამ იგი კავშირის მაგიერ აჯანყებულებს შეებრძოლა და 600-დე კაცით თავის საგვარეულო კოშკში გამაგრდა². ვაჩნაძეს მოკავშირეები ჩამოეცალნენ. იგი დაიღუპა თავისსავე კოშკში აჯანყებულთა ბიერ ცეცხლშიცემული. აჯანყებულებმა დაიკავეს ბელაქანი. „ალიჩულა-მაჰომა მბრძანებლობდა ბელაქანში ისე, როგორც საკუთარ სახლში“.

ახალი გამოსვლის შემდეგ თანამდებობიდან გადააყენეს გენ. სერგეევი, რომელსაც ყოველგვარი პასუხისმგებლობა დააკისრეს. ქარ-ბელაქნის უფროსად როზენი დანიშნეს.

22 დეკემბერს მოხდა 1830 წ. სისხლიანი დრამის უკანასკნელი აქტი. რუსთა რაზმებმა ორივე მხრიდან შეუტოეს ბელაქანს. ამ ბრძოლის შესახებ პასკევიჩი აცნობებდა პეტერბურგს: „გლუხო-დარები (ივულისხმება მიურიდები, მ. დ.) მტკიცედ იცავდნენ თავს და საღამოთი... ჩემი სახელობის პოლკის 3 ასეულს ეკვეთნენ ხანჯლებითა და ხმლებით. ღამემ იძულებული გახადა საქმის შეჩერება და მთიელებმა, ისარგებლეს რა სიბნელით, დაუჩქარეს უკან დაეხიათ მთებში. დევნა ჩვენი მხრიდან შენელებული იყო, რადგან

¹ Кав. сб., т. XII, гл. 194.

² Кав. сб., т. XII, 197; Петрушевский. 145.

მტერს გაქცევის დროს დამარცხება არ განუცდია და, თვით ბელაქნის მცხოვრებლებმა თავიანთი ოჯახებითა და ქონებით ტყეებში შეხიზვნა მოასწრეს¹.

აღნიშნული ბრძოლით დასრულდა 1830 წლის აჯანყება. რუსთა რაზმები მთელი სისასტიკით გაუსწორდნენ მიურიდებსა და აჯანყებულებს.

აჯანყების შემდეგ დაღისტანში გადახიზნულმა კარ-ბელაქნელებმა თავისი საქმიანობა და ბედი მიურიდიზმის ბრძოლას დაუკავშირეს და ყაზი-მოლას მოქმედებაში აქტიურ როლს ასრულებდნენ.

1830 წ. აჯანყება კარ-ბელაქანში წარმოადგენდა რუსთა ბატონობის შედეგად უკმაყოფილო ფეოდალური ზედაფენების ამბოხებას, რომელიც მკიდროდ უკავშირდებოდა მიურიდულ რეაქციას. აჯანყებულთა ბანაკში მყოფ ძირითად მებრძოლ მასას მიურიდები შეადგენდნენ. მიურიდები, ჰარელ მებატონეთა დიდ ნაწილთან ერთად, მიზნად ისახავდნენ რუსთა ბატონობის მოსპობას კარში, რომელიც რუსეთის წინააღმდეგ საბრძოლო სტრატეგიულ ბაზად უნდა გადაქცეულიყო. რუსეთის წინააღმდეგ მებრძოლი ბანაკისათვის კარ-ბელაქანი უნდა აღდგენილიყო თავის ძველ უფლებებში. ამრიგად, ეს გამოსვლა თურქი და ინგლისელი დამპყრობლების მიზნებს ემსახურებოდა. ამიტომაც იყო, რომ აღნიშნულ აჯანყებას მხარს არ უჭერდნენ ფართო მასები. მშრომელი გლეხობა—ინგილოები და მულალები მიურიდებსა და ჰარელ ფეოდალებს არ თანაუგრძობდნენ. კერძოდ ინგილოები მხარს უჭერდნენ რუსთა რაზმებს, იბრძოდნენ რუსული მმართველობის ქვეშ მყოფ საქართველოსთან, კავშირის შენარჩუნებისათვის.

აღნიშნული აჯანყების გამარჯვებისა და კარში მიურიდების გაბატონების შემთხვევაში კარ-ბელაქანი მოწყდებოდა საქართველოს, კვლავაც გადაიქცეოდა ქურდულ-აბრაგული შემოსევების ბუდედ, თურქული აგენტურის სათარეშო ასპარეზად. ეს კი საინგილოს მშრომელი მოსახლეობისათვის დიდი უბედურება იქნებოდა. საინგილო დაჰკარგავდა სოციალურ-ეკონომიური ზრდის შესაძლებელ პერსპექტივებს და დიდი ხნით გაეხვეოდა მიურიდული რეაქციის გარსში².

¹ Акты, т. IX, доп. № 18; Петрушевский. 146.

² არაა სწორი პეტრუშევსკის მოსახრება, რომ თითქოს აღნიშნული აჯანყება ძირითადად იყო „Движение социальных низов вольных обществ, мелких свободных держателей земель, отбросившее большую часть кешкелевладельцев в российский лагерь“. (დასახ. ნაშრ., გვ. 148).

ფართო მასებს მოწყვეტილი მიურიდებისა და ქარ-ბელაქნელი ფეოდალების ერთი ნაწილის გამოსვლა მარცხით დამთავრდა. მარცხის მიზეზი იმაში მდგომარეობდა, რომ ამ გამოსვლას მშრომელი მასები მხარს არ უჭერდნენ. არც ფეოდალების მონაწილეობა ყოფილა ერთსულოვანი. კერძოდ, გამუსლიმანებული ქართველი მებატონეები, როგორც ჩანს, მურთუზ-ალის (ვაჩნაძის) მეთაურობით მხარს უჭერდნენ რუსთა ბრძოლას მიურიდების წინააღმდეგ. ეს მხარდაჭერა იმდენად აქტიური იყო, რომ ვაჩნაძე აჯანყებულთა წინააღმდეგ ბრძოლაში მოკლეს.

აჯანყების ლიკვიდაციის დღიდან დაიწყო საინგილოში ახალი წესრიგის დამყარება. 25 დეკემბერს გამოქვეყნდა პასკევიჩის პროკლამაცია, რომელიც დამარცხებულ აჯანყებულთა წინააღმდეგ შეტევას გამოხატავდა.

თუ რა შედეგი მოჰყვა აჯანყების მარცხს, ამის ნათელ ილუსტრაციას წარმოადგენს ოლქის უფროსის—როზენის მოხსენება პასკევიჩისადმი 1831 წ. 9 თებერვალს: „ქარში, ზაქათალასა და გოგამში სახლებისა და ბაღების დიდი ნაწილის განადგურების შემდეგ ამ სოფლების ლექთა უმეტესობა ცხოვრობს ალაზნის პირის ტყეებში, სადაც ისინი ყოველთვის აგროვებდნენ სურსათის მარაგს... ზოგმა ლექმა იშოვა თავშესაფარი თავის ნათესაებთან კატეხში, მაწეხში, თალასა და სხვა სოფლებში¹. ბელაქნელ ლექებსაც არ დაადგათ კარგი დღე. ამას მოწმობდნენ სოფლები კატეხი და მაწეხი. აქაური ლექების უმრავლესობამ დაჰკარგა უფლება თავიანთ ყმა გლეხებზე.

მთავარმმართველის განკარგულებით, ქარ-ბელაქნის ლექებს იარაღი ჩამოერთვათ. „ენისელელებს, როგორც ჩვენს ერთგულებს, — წერდა პასკევიჩი, — იარაღი არ ჩამოერთვათ“. ასეთი პრივილეგია გავრცელდა ლექთა იმ გამონაკლის ნაწილზეც, რომელიც ხეობათაგან გამოსასვლელში ცხოვრობდა².

1830 წ. აჯანყების ჩაქრობით საინგილო საბოლოოდ შეუერთდა რუსეთს. ამიერიდან საინგილოს ცხოვრებაში ახალი პერიოდი დაიწყო. დასაწყისშივე გატარებულმა ღონისძიებებმა შესამჩნევ ცვლილებები მოახდინა სოციალურ ურთიერთობაში.

¹ სარაქივო საბ. ქარ-ბელაქნის შესახებ, გვ. 515.

² Москва, ЦГВИА, Ф. ВУА, д. 6243, ფ. 77—81

ალმოსავლეთ კახეთი XIX საუკუნის 30—60-ან წლებში

1. სპილენძის გაბეჭობის კლასის სხოპრებაში 1830 წლიდან 70-ან წლებამდე

1830 წელს მეფის მთავრობის მიერ კარ-ბელაქნის შემოერთებასთან დაკავშირებით მებატონე ლეკების უფლებრივი მდგომარეობა დიდად შეიზღუდა. ეს გამოისახა საქართველოს მთავარმართველი გენ. პასკევიჩის მიერ შემუშავებულ წესებში, რომელიც მეფემ დაამტკიცა 1830 წ. 24 ივნისს.

აღნიშნულ წესებში მეფის მთავრობამ აშკარად გამოხატა თავისი დამოკიდებულება მებატონე ლეკებისადმი, როგორც ისეთი კლასისადმი, რომელიც ამ მთავრობისადმი მტრულად იყო განწყობილი. მართლაც, კარელი აღალარების დიდი ნაწილი თურქული აგენტურის მიერ დანერგილი მიუზიდული რეაქციის გამტარ ძალას წარმოადგენდა და ყოველმხრივ იბრძოდა საქართველო-ამიერკავკასიაში მეფის რუსეთის ბატონობის წინააღმდეგ. პასკევიჩის წესებში ხაზგასმული იყო აგრეთვე ძალად გამუსლიმანებული და დამონებული ინგილოების მდგომარეობის შესახებ. მთავარმმართველის აზრით, ასეთ მდგომარეობაში მყოფი ინგილოები რუსეთის მთავრობის ერთგულნი უნდა ყოფილიყვნენ. აქედან გამომდინარე ისახებოდა მთავრობის პოლიტიკა აღმოსავლეთ კახეთში:

„...ამ უკანასკნელი კლასის (ინგილოების, მ. დ.) წარმომადგენელთა მომხრეობის შენარჩუნება, მათი მდგომარეობის გაუმჯობესებით, და ამით მტრული ლეკების ბატონობის შესუსტება, რომ, რამდენადაც შესაძლებელი იქნება, დაცულ იქნას წონასწორობა და წინააღმდეგობა ამ ორ კლასს შორის“¹. ამიტომ სასწრაფოდ უნდა შეესწავლათ მებატონე ლეკთა უფლებები ინგილო ყმა-გლეხებზე იმ მიზნით, რომ ამიერიდან ინგილოებს აღარ ეხადათ მათზე თვითნებურად დაკისრებული გადასახადები. ყმა ინგილოებს გადასახადები უნდა შეეიტანათ უკვე სასოფლო მმართველობაში, რომელიც შემდეგ სათანადო კვითრების საფუძველზე მისცემდა ამ გადასახადს მებატონეებს. გადასახადის დაგვიანების შემთხვევაში

მებატონე ლეკს არ შეეძლო ყმისაგან მისი მოთხოვნა, მას საოლქო მმართველობისათვის უნდა მიემართა.

ამიერიდან მებატონე ლეკებსა და ყმებს შორის რუსეთის მთავრობა დგებოდა. გლეხები უკვე სახაზინო ყმათა მდგომარეობაში გადადიოდნენ. ამას კი მათი მდგომარეობის საგრძნობი გაუმჯობესება უნდა გამოეწვია. მებატონე უკვე ველარ შესძლებდა. თვითნებურად გამოეყენებინა ყმის შრომა, დაეტოვებინა იგი საშინაო სამუშაოებზე, მოეთხოვა მისგან გადასახადის ზიტანა ბინაზე და სხვ.

არანაკლები მნიშვნელობა ჰქონდა ინგილოთა უფლებების განსაზღვრას. ხსენებულ წესებში მითითება იმის შესახებ, რომ ინგილოებს ეძლეოდათ „პირადი თავისუფლება“, გულისხმობდა, რომ მათ ასეთი თავისუფლება წინათ არ ჰქონდათ, რომ ისინი მიწაზე მიმაგრებული იყვნენ და მებატონე ლეკთა დაუკითხავად წასვლა არ შეეძლოთ. გარდა ამისა, ინგლოებს მიეცათ საშუალება გადაეხადათ მებატონეთათვის ათი წლის შემოსავლის ჯამი და გამხდარიყვნენ მთლიანად. თავისუფალ მესაკუთრეებად. მათვე ეძლეოდათ ქრისტიანული სარწმუნოების თავისუფალი აღიარების საშუალება.

ყოველივე ზემოაღნიშნული საგრძნობლად ზღუდავდა გაბატონებული კლასის უფლებებს საინგილოში და მისი შემდგომი დაშლის პირობებს აუმჯობესებდა.

აღნიშნული „წესები“ ხაზს უსვამდნენ, რომ საოლქო მმართველობაში შეყვანილ იქნებოდნენ „გავლენიანი პირები“ („значущие лица“), მაგრამ ისინი მეორეხარისხოვან მოხელეთა როლში გამოდიოდნენ¹. ფაქტიურად საინგილოში გაბატონებული კლასი ჰკარგავდა თავის პოლიტიკურ უფლებებსაც. არას ვამბობთ ე. წ. „ჯამათებზე“, რომლებიც უკვე უბრალო სასოფლო ყრილობებს წარმოადგენდნენ.

პროფ. პეტრუშევსკი აღნიშნული „წესების“ განსხვავებულ ინტერპრეტაციას იძლევა. იგი აღნიშნავს, რომ რუსეთის მთავრობა იცავდა მხოლოდ ქვეშევლსმფლობელთა უფლებებს, გაბატონებული ფენის ინტერესებს და თვალთმაქცურად ეკიდებოდა ინგილოებს, რომელთა სასარგებლოდ მას არაფერი გაუკეთებია. ავტორი თვლის აგრეთვე, რომ მთავრობა ანგარიშს არ უწევდა ავართა „თავისუფალ თემებს“².

დავწყუთ იქიდან, რომ ე. წ. თავისუფალი თემები ამ მომენტისთვის ფაქტიურად დარღვეული იყო და მათთვის ანგარიშის

¹ პეტრუშევსკი. დასახ. ნაშრ., 112.

² იქვე, გვ. 113, 114.

გაწევა მთავრობას აღარ შეეძლო. გარდა ამისა, ტენდენციურ განწყობილებად ჩამოგვერთმეოდა, რომ აღნიშნულ „წესებში“ არ დაგვენახა მთავრობის მიერ თითქმის ნათლად და დასაბუთებულად გამოთქმული მისწრაფება ქეშქელისმფლობელთა შეზღუდვისაკენ. რატომღაც პეტრუშევსკის მახვილ თვალს ეს მკვეთრად გახაზული მომენტი მხედველობიდან რჩება. იგი სდუმს იმის შესახებ, რომ მთავრობა მხოლოდ ნატურალური ბეგარით განსაზღვრავდა ინგილოთა ყმურ დაძოკიდებულებას და თვითონ მებატონეებსა და ყმაგლეხებს შუა. დგებოდა. არაა მთლად სწორი აგრეთვე ავტორის განცხადება, რომ თითქოს რუსეთის მმართველობის დამყარების შემდეგ „თვითნებური გადასახადები შეუჩერებლივ იზრდებოდნენ... ხელისუფლების პირდაპირი მხარდაჭერით“. ქვემოთ ნათლად გამოჩნდება, რომ რუსეთის მთავრობა გარკვეულ დრომდის მაინც, პირდაპირი თუ არაპირდაპირი გზით, ხელს უწყობდა მებატონე მუსლიმანი ლეკების განიარაღებას. რა თქმა უნდა, მთავრობის ღონისძიებანი ქეშელისმფლობელთა გარკვეული ნაწილის უფლებათა შეზღუდვისათვის საბოლოო ანგარიშში ვერ ანელებდა გლეხთა ექსპლოატაციას. ფულადი-სასაქონლო ურთიერთობის განვითარების პირობებში ეს ექსპლოატაცია უფრო მწვავედებოდა, მაგრამ განსაზღვრული დროის მონაკვეთზე, 1830—1838 წლებში, ინგილო-მულათთა მდგომარეობა მაინც შესამჩნევად შემსუბუქდა.

პეტრუშევსკი არ. ანიჭებს მნიშვნელობას აგრეთვე ქრისტიანული სარწმუნოების თავისუფალი დაცვის უფლებასაც და თავისი მოსაზრების გასამაგრებლად იმოწმებს ქარბელაქნის მმართველის ბეკოვიჩ-ჩერკასკის მიერ გამოთქმულ ექვს, რომ ასეთ უფლებას ინგილოებისათვის არაფერი არ უნდა მოეტანა, რადგან მათ ქრისტიანული სარწმუნოება დიდი ხანია დავიწყებული ჰქონდათ¹. აქ მხედველობიდანაა გამოშვებული მიურიდიზმისა და თურქული აგენტურის მიერ ქრისტიანობის შეუჩერებელი ღვენა და ის, რომ ამის გამო ინგოლთა დიდი ნაწილი მალულად იცავდა ძველ სარწმუნოებას; დავიწყებულია, რომ სარწმუნოებრივი ღვენა კლასობრივ ჩაგვრას ამძიმებდა.

მიუხედავად აღნიშნულისა, რუსეთის მთავრობა ცდილობდა, რომ საინგილოს გაბატონებულ საზოგადოებაში მომხრეები ემოვა. მებატონე ლეკთა ზოგიერთ წარმომადგენლებს საჩუქრებს აძლევდნენ და მმართველობაში გზას უხსნიდნენ. ასეთ მისწრაფებებს

¹ პეტრუშევსკი. დასახ. ნაშ., გვ. 113. Акты, т. VII, № 385.

მთავრობა ისევე არ მალავდა, როგორც საერთოდ ქეშქელისმფლობელთა უფლების შეზღუდვის ცდებს. ეს პეტრუშევსკის მიერ მოტანილი მასალებიდანაც ჩანს.

ოლქის მმართველი ბეკოვიჩ-ჩერკასკისადმი მითითებებში ხაზგასმები — „გაუმხილეთ მთავრობის მისწრაფებანი იმ მთავარ პირებს, რომლებთაც ხალხზე გავლენა აქვთ“, „ღმობიერად მოეპყარით მამასახლისებს და სასულიერო გავლენიან პირებს“, „მოეფერეთ“ „სასარგებლო პირებს“ და სხვ.,¹ მიმართული იყო მთავრობის ძლიერი აგენტურის შექმნისაკენ.

ზემოთ მოტანილი მითითებები და სხვა ფაქტები, რომლებიც ქარში „წარჩინებულთადმი“ მფარველობითს შთაბეჭდილებას ქმნიან, სინამდვილეში არ მიუთითებდა მათ მფარველობაზე, რადგან მთავრობას ასე უცებ არ შეეძლო პირდაპირი კონტაქტი დაემყარებინა მებატონე ლეკებთან, რომლებსაც თავის მოწინააღმდეგებად თვლიდა. როგორც უკვე ითქვა, ლეკთა წინააღმდეგ მთავრობა ცდილობდა დაყრდნობოდა სოციალურად დამონებულ ელემენტებს, ამით შეესუსტებინა ქარის ლეკები, რომლებსაც მკიდრო კავშირი ჰქონდათ დაღისტანში ამ დროს მზარდ მიუჩრდილ მოძრაობასთან.

1830 წ. ივლის-ოქტომბრის აჯანყების შემდეგ, გარკვეული წლების განმავლობაში, ქარელი ლეკები მთლიანად ჰკარგავენ თავიანთ მებატონურ უფლებებს. მთავარმმართველი პასკევიჩის მიერ 1830 წ. 25 დეკემბერს გამოქვეყნებულ პროკლამაციაში ნათქვამი იყო:

„ყოველი ლეკი, რომელსაც აქამდის რაიმე უფლება ჰქონდა ინგილოებსა და ენისელებზე, ამიერიდან ასეთს ჰკარგავს და ეს ტომები ვალდებული არიან მომავალში ხაზინაში შეიტანონ ის გადასახადები, რომლებსაც აქამდის ლეკებს უხდიდნენ“.

„ყველა, ვინც კი დახმარება გაუწია მათ (აჯანყებულებს, მ. დ.), ან ჩვენი ჯარების წინააღმდეგ იარაღი აიღო, ჰკარგავს უფლებას თავის უძრავ-მოძრავ ქონებაზე...“²

გამოქვეყნებული პროკლამაციის საფუძველზე ლეკები ჰკარგავენ არა მარტო ნატურით მისაღებ გადასახადებს, არამედ ყმა-გლეხთა სამსახურსაც; სამაგიეროდ გლეხებზე დადებულ ნატურალურ ბეგარას ამიერიდან ხაზინა ითვისებდა. აღნიშნული ღონისძიება იყო ერთი სერიოზული ნაბიჯი საქეშქელო უფლების ლიკვიდაციისა და ინგილო-მულათა განთავისუფლებისაკენ. ვერ და-

¹ Акты, т. VП, № 380; პეტრუშევსკი. გვ. 114.

² Кавказский Сборник, т. XII, გვ. 204—205.

ვეთანხმებით პეტრუშევსკის, რომელიც ამ ღონისძიებას აცხადებს მეფის მთავრობისათვის ჩვეულ მორიგ პირფერობად¹.

აღნიშნული ღონისძიება რუსეთის მმართველობამ მართლაც გაატარა. ეს დადასტურებულია ზაქათალის კომისიის № 46 ჟურნალში. ამასვე ადასტურებდნენ თვით ლეკი მებატონეები. 1872 წ. ისინი იგონებდნენ თავიანთ ძველ უფლებებს და მიუთითებდნენ, რომ ეს უფლებები 1830 წ. შემდეგ შეიკვეცა. აღნიშნულ ჟურნალში მოყვანილია 1830 წ. ხაზინის განკარგულებაში გადასული საქეშქელო შემოსავლის ნუსხა.²

გაბატონებულ ლეკთა იმ ნაწილს, რომელიც აჯანყებაში არ მონაწილეობდა, მთავრობა ანგარიშს უწევდა. მართალია, ისინიც ჰკარგავდნენ უფლებას გლეხებზე, მათ პენსიები ენიშნებოდათ, მაგრამ პენსიების დანიშვნა მთავრობამ ვერ განახორციელა და „ერთგულ“ მებატონე ლეკებს „გარკვეულ დრომდის“ დაუტოვა საქეშქელო გადასახადის მიღების უფლება. ეს არ მოასწავებდა ლეკთა მიერ ძველი მდგომარეობის შენარჩუნებას. ასეთ „ერთგულებს“ საქეშქელო გადასახადი არა უშუალოდ გლეხებიდან, არამედ ხაზინიდან უნდა მიეღოთ. აჯანყებაში მონაწილე ლეკებმა კი ასეთი შემოსავალიც დაჰკარგეს.³

ინგილოები და მულალები ცხადდებოდნენ სახელმწიფო გლეხებად. ამასთან დაკავშირებით ხაზგასმული იყო, რომ მათ საკუთრებაში არჩებოდა „სახლები და მიწები, რომლებიც აქამდის მათვე განკარგულებაში იყო“⁴. აქედან ჩანდა, რომ შემდგომში მებატონე ლეკებს უნდა დაეკარგათ რაიმე პრეტენზიის უფლება გლეხთა საკარმიდამო ნაკვეთებზე.

1831 წ. ბარონ როზენი წერდა, რომ ჰარის, ზაქათალისა და გოგამის ლეკთა დიდი ნაწილი, აჯანყების შემდეგ, ცხოვრობდა ალაზნის პირის ტყეებში და ხელს კიდებდა ხენა-თესვას⁵.

1831 წლიდან გაბატონებულ კლასს აღმოსავლეთ კახეთში დააკისრეს სახაზინო გადასახადი ისევე როგორც გლეხებს—მანეთნახევარი კომლზე⁶.

¹ პეტრუშევსკის დასახ. წიგნი, გვ. 152.

² საარქივო საბ. კარ-ბელ. შესახებ, გვ. 538—539.

³ იქვე, 515.

⁴ იქვე.

⁵ იქვე.

⁶ იქვე, გვ. 516.

ზემოთ აღნიშნული მდგომარეობა გრძელდება 1838 წლამდე. ამ წლისთვის რუსეთის მთავრობა იძულებული ხდება აღუდგინოს ქარელ მებატონეებს „პურის შემოსავალი ინგილური სოფლებიდან“. ეს გამოწვეული იყო დაღისტანში გამწვავებული მდგომარეობით და იმ საშიშროებით, რასაც ქმნიდა განიარაღებულ ქარელ ლეკთა კავშირი მიურიდებთან. „ლეკები, რომლებმაც მიწისაგან შემოსავალი და საარსებო საშუალებები დაჰკარგეს... დაღისტანში არსებულ მღელვარებათა წაქეზებით გარბოდნენ მთებში და აქედან გლუხოდართა (მიურიდთა, მ. დ.) პარტიებთან ერთად აწყობდნენ მძარცველურ თავდასხმებს ქარ-ბელაქანსა და კახეთზე“¹.

მებატონეებს მიეცათ საშუალება უშუალოდ შეეკრიბათ გადასახადები გლეხებისაგან, მაგრამ გადასახადის მიღება უნდა ქომხ-დარიყო „იმ მოკულობით, რა მოკულობითაც იგი შედიოდა ხაზინაში, და არა მფლობელთა ნება-სურვილის მიხედვით“².

მიუხედავად ასეთი შეზღუდვისა 1838 წლიდან ქარელი ალა-ლარების ძირითადად ნაწილმა თანდათანობით მოახერხა თავისი ძველი პრივილეგიების ნაწილობრივი აღდგენა, მაგრამ 1830 წლამდელი მდგომარეობა მთლიანად ვერ გაინაღდა.

ქარელ მებატონეთა შემოსავლის ხაზინაში გადასვლასთან დაკავშირებით 1830 წ. ინგილოებმა და მულალებმა, ცნობების შეკრების დროს, გადასახადთა ნაკლები რაოდენობა უჩვენეს. ხაზინა ლეხულობდა გადასახადებს იმ რაოდენობით, როგორც ეს გლეხებმა ჩააწერინეს. მაგ., ალიაბათელი ინგილოები 1830 წლამდე მებატონეებს უხდიდნენ თითო ქეშქელზე 13 თალარს, ხაზინას კი აძლევენ 8 თალარს. როდესაც საქეშქელო შემოსავალი ლეკებს დაუბრუნდა, მაშინ იმ მებატონეებმა, რომლებიც აჯანყების დროს მთავრობის ერთგულნი რჩებოდნენ, დაიწყეს 10 თალარის მოთხოვნა, ხოლო ისინი, ვინც აჯანყებაში მონაწილეობდნენ, ვეღარ ბედავდნენ იმაზე მეტის მოთხოვნას, რასაც მთავრობა ლეხულობდა³. მართალია, უფრო მოგვიანებით გლეხები ჩიოდნენ, რომ გადასახადთა სხვადასხვაობის მიზეზი იყო „ლეკთა ძალადობა და თვითნებობა“, მაგრამ მაინც ცხადად ჩანდა, რომ 1838 წ. შემდეგაც კარგა ხანს საქეშქელო გადასახადი შემცირებული იყო.

1830 წლამდე უძეოდ გადასული გლეხის საქეშქელო ნაკვე-

¹ საარქივო საბ. კარ-ბ., გვ. 517.

² იქვე.

³ იქვე, 540—541.

თის გადაცემა ხდებოდა მებატონესთან შეთანხმებით. ამ წლის შემდეგ კი ინგილოებმა და მულალებმა ეს უფლება თვით მოიპოვეს. ისინი უკვე აღარ ეკითხებოდნენ მებატონეს ქეშქელის სხვაზე გადაცემის შესახებ. 1872 წ. ზაქათალის კომისია შენიშნავდა: „ლექები იურიდიულად არ სცნობენ ამ უფლებას, თუმცა თანხმდებიან, რომ იგი ფაქტიურად არსებობს რუსეთის მთავრობის მიერ ამ ქვეყნის დამორჩილების შემდეგ...“¹.

1830 წ. შემდეგ მებატონე ლექები, როგორც ჩანს, ძირითადად ჰკარგავენ თავიანთი გლეხების ბატონყმურ სამსახურს. მებატონე უკვე, უბეტეს შემთხვევაში, ვერ ზღუდავდა გლეხის პირად თავისუფლებას, მას შეეძლო გლეხებისაგან მხოლოდ და მხოლოდ საქეშქელო გადასახადის მოთხოვნა. აღინიშნულიდან გამომდინარე ზაქათალის კომისია დაასკვნია:

„ამგვარად, ლექთა უფლება იმ მიწებზე; რომლებზედაც ინგილოები და მულალები სახლობენ, გაპირობებულია მხოლოდ პუარის გარკვეული შემოსავლის მიღებით...“².

1830 წ. შემდეგ საინგილოში გაბატონებული ფეოდალური კლასი დაცემის გზით მიდის. რუსული მმართველობა, როგორც ჩანს, თვითონ იწყებდა მებატონეთაგან ჩამორთმეული საქეშქელო შემოსავლით ვაჭრობას და ამით საშუალებას აძლევდა ვაჭარ-მევახშეებს გადაქცეულიყენენ ქეშქელისმფლობელად. კერძოდ, ზაქათალის კომისია ადასტურებდა, რომ საინგლოში რუსული მმართველობის შემდეგ „გვიანჩამოსახლებულები“ ლებულობდნენ საქეშქელო შემოსავლის შესყიდვის უფლებას. ამ უფლებით სარგებლობდნენ სომეხი ვაჭრებიც. მევახშეები მიწას ართმევდნენ აგრეთვე ვალში ჩაყარდნილ ქეშქელისმფლობელებსაც.

აღნიშნული მოვლენა საერთოდ ახასიათებდა საინგილოში, ისე როგორც საქართველოს სხვა პროვინციებში, არსებულ ფეოდალურ ურთიერთობას. ვაჭარ-მევახშე თვითონ ხდებოდა „მებატონე“. მაგრამ იგი არ ყოფილა ისეთივე ტიპის მებატონე, როგორც მაგ., 1830 წლამდე არსებული ფეოდალი. ეს ახალი „მებატონე“, რომელიც რაც შეიძლება მეტი ფულადი მოგების მოტრფიალე იყო, კიდევ უფრო ზრდიდა მწარმოებელთა ექსპლოატაციას, მაგრამ

¹ საარქ. საბ. კარ—ბ., გვ. 538. ეს დადასტურებულია კომისიის მე-15 ურნალშიც (ცსსა, ფ. 236, აღწ. № 1, ურნ. № 15, ფურ. 89—90).

² ცსსა, ფ. 236, აღწ. 1, საქ. № 13, ფურ. 23—24.

წარმოების წესს არ ცვლიდა. ამის შესახებ კ. მარქსის „კაპიტალში“ ვკითხულობთ:

„ვიდრე მონობაა გაბატონებული ან ვიდრე ზედმეტ პროდუქტს ფეოდალი და მისი ამაღა სკამს და მევახშეს ხელში მონათმფლობელი ან ფეოდალი უყარდება,—წარმოების წესი იგივე რჩება; მხოლოდ იგი უფრო ძნელი ასატანი ხდება მუშისთვის. ვალებით დატვირთული მონათმფლობელი ან ფეოდალური მებატონე მეტს გამოსწოვს მუშას, იმიტომ რომ მასაც მეტს გამოსწოვენ. ანდა იგი, ბოლოს და ბოლოს, თავის ადგილს უთმობს მევახშეს, რომელიც თვითონ ხდება მემამულე... ძველი ექსპლოატატორის ადგილას, რომლის ექსპლოატაციას მეტნაკლებ პატრიარქალური ხასიათი ჰქონდა, ვინაიდან უმთავრესად პოლიტიკური ძალა-უფლების იარაღს წარმოადგენდა, დგება სასტიკი, ფულხარბი ვიგინდარა. მაგრამ თვით წარმოების წესი არ იცვლება“¹.

ქარელი ლეკები აცხადებდნენ, რომ ქარში რუსთა გაბატონებამდის ისინი ნამდვილი მებატონეებივით ცხოვრობდნენ, არ იცოდნენ ხენა-თესვა, მათ მიწებს ამუშავებდნენ გლეხები; ლეკთა საქმე იყო „მხოლოდ თავდასხმების მოწყობა“, ან თავდაცვა. შემდეგ კი, როცა მათი ხელისუფლება მულალებზე, როგორც საკუთარ „რაიათებზე“, შეწყდა, როცა ლეკს სახნისი უნდა აეღო და ემუშავნა, მაშინ ზოგიერთს ასეთი მდგომარეობა სამარცხვინოდ ეჩვენებოდა. ასეთებმა ამჯობინეს თავიანთი მიწების იჯარით გაცემა. თუმცა მათი მოთხოვნილება იზრდებოდა, მაგრამ ვერც ამან შეაჩვია ისინი შრომას. ბევრი მებატონე არჩევდა გაეყიდა თავისი ქონება, „ვიდრე ხელი აეღო მისთვის ჩვეულ ქეიფზე“².

აღნიშნული დახასიათება უფრო მეტად ეხება მებატონეების იმ საკმაოდ საგრძნობ ნაწილს, რომელიც რუსეთის მთავრობას ოპოზიციისში ჩაუდგა. ამასთანავე, აქ ნათლად ჩანს საერთოდ ლეკი მებატონეების მდგომარეობა მას შემდეგ, რაც მათ მოაკლდათ გლეხების ბატონყმური სამსახური.

ბელაქნის მებატონეები—გალეკებული ვაჩნაძეები ჩიოდნენ, რომ საჭირო იყო მულალთა ძველი დამოკიდებულების აღდგენა. ისინი აცხადებდნენ, რომ ბელაქანში ბატონყმური ურთიერთობა შეწყდა არა 1830 წლიდან, არამედ 1844 წლიდან. ამის შემდეგ

¹ კ. მარქსი. კაპიტალი. ტ. II, ნაწ. III. 1934 წ., გვ. 127—128.

² ცსსა, ფ. 236, აღწ. № 1, საქმე № 13, ეურნ. № 45, ფურც. 23—24.

მხოლოდ „ზოგიერთი მუხლების მიხედვით“ უხდიდნენ მათ ბეგარას¹. 1844 წელი, შეიძლება, ვაჩნაძეებმა განზრახ მიუთითეს, რომ ამით ხანდაზმულობა შეემციობებინათ და საჩივრისათვის მეტი საფუძველი მიეცათ.

1830 წ. აჯანყების შემდეგ, კარიდან, ბელაქნიდან, გოგამიდან და სხვა სოფლებიდან დევნილ ლეკ მებატონეთა ერთი ნაწილი და თავისუფალ მიწისმოქმედ გლეხთა საკმაოდ დიდი რაოდენობა დასახლდა ალაზნის ნაპირის მიდამოებში—ტანაჩის ტყეებში.

1842 წ. ტანაჩში დასახლებული კარგლები თხოვდნენ საქართველოს მთავარმმართველს, რომ გაეთავისუფლებინათ ისინი სახელმწიფო ბეგარა-გამოსაღებებისაგან და გაეთანასწორებინათ ბეგებთან. კარ-ბელაქნის საოლქო მმართველობა კი აცხადებდა, რომ მათ არავითარი საფუძველი არ ჰქონდათ მაღალი წოდების პრივილეგიათა მიღებისათვის. 1846 წ. კავკასიის მეფისნაცვალმა ამ აზრისა ყოფილა და აღნიშნულ ლეკებს თხოვნაზე უარი ეთქვა².

მოტანილი ფაქტებიდან ჩანს, რომ მეფის მთავრობა საინგილოში 1830 წ. აჯანყების შემდეგ სათანადო ღონისძიებათა გატარებით ხელს უწყობდა არსებული ბატონყმური ურთიერთობის ნგრევას, განსაკუთრებით ძირს უთხრიდა ლეკი მებატონეების უფლებრივ მდგომარეობას. გატარებულ ღონისძიებებს შედეგად მოჰყვა გაბატონებული კლასის დიდი ნაწილის მიერ გლეხთა ბატონყმური სამსახურის დაკარგვა. ამიერიდან გაბატონებულ კლასსა და გლეხებს შორის დამოკიდებული ურთიერთობა ძირითადად მხოლოდ მიწის რენტით—პურის გარკვეული გადასახადით განისაზღვრა.

რუსული მმართველობა აღმოსავლეთ კახეთში ამ შემთხვევაში, როგორც ითქვა, უფრო მეტად ეყრდნობოდა სოციალურად დამონებული ინგილოებს, ვიდრე გაბატონებული კლასის გარკვეულ ნაწილს. ასეთი დამოკიდებულება უფრო ნათლად გამოიქვლია საინგილოში მუდმივი სახალხო რაზმის შექმნის საქმეში. ეს რაზმი ძირითადად ინგილოებისაგან უნდა შედგენილიყო. მთავარმმართველი პასკევიჩი ხაზგასმით აღნიშნავდა, რომ მუდმივი ლაშქარი ყალიბდებოდა „როგორც ქვეყნის დასაცავად მთიელთა თავდასხმებისაგან, ისე იმისათვისაც, რომ ავამალლოთ ჩვენდამი ერთგული ხალხის მდგომარეობა, ამით გაავძლიეროთ საკუთარი გავლენა ხალხის დანარჩენ მეორე ნახევარზე, რომელიც ყოველთვის ჩვენს წინააღმდეგ იყო გან-

¹ ცსსა, ფ. 5, საქ. 8334. ფურ. 52.

² საარქივო საბ. კარ-ბელ. შესახებ, გვ. 517—518.

წყობილი და რუსეთისადმი საიღუმლო ბოროტებით იმსჯელებოდა... ამ სახალხო რაზმის გამგებლობა ევალება ერთ ღირსეულ და უნარიან ქართველ თავათდავანს, ხოლო მილიციელთა შენახვა მათივე საკუთარი ხარჯებით მოხდება¹.

აღნიშნული დამოკიდებულება არ აიხსნება საქართველო-ამიერკავკასიაში მთავრობისათვის საერთოდ ჩვეული პოლიტიკით, რომელსაც გაბატონებული კლასის ინტერესების დაცვა ახასიათებდა.

აღმოსავლეთ კახეთში წარმოებული თავისებური პოლიტიკა მაშინ ნაკარნახევი იყო მუსლიმანურ აღმოსავლეთ ამიერკავკასიაში იმ დროს შექმნილი პოლიტიკური სიტუაციით. თითქმის მესამედი საუკუნის ისტორიულმა პრაქტიკამ მეფის მთავრობა დაარწმუნა, რომ ოსმალეთსა და ირანს, და მათ ზურგში მდგომ ევროპის სახელმწიფოებს, რომლებიც აქ აჩაღებდნენ მიურიდულ მოძრაობას და გააფრთხილებით იბრძოდნენ რუსთა განდევნისათვის ამიერკავკასიიდან, მთაში ძლიერი ბაზა ჰქონდათ. დაღისტნელი მიურიდებისა და აბრაგების კავშირი ქარელ ლეკებთან მკიდრო იყო. მიურიდების მიერ დანერგილი ფანატიკური სიძულვილი არამუსლიმანთადმი ჯერ კიდევ მძაფრად ღვიოდა როგორც დაღისტანში, ისე საინგილოს ავარულ სოფლებში. აქედან გამომდინარე ქარელ მებატონეთა შევიწროება და თავისუფალ გლეხთა შეზღუდვა საინგილოში მიურიდებსა და თურქეთს ხელიდან აცლიდა უარესად ხელსაყრელ ბაზას რუსთა მფლობელობის წინააღმდეგ. რა თქმა უნდა, მეფის მთავრობის პოლიტიკა აღმოსავლეთ კახეთში ყოველთვის ერთნაირი არ ყოფილა. იგი დროისა და ვითარების შესაბამისად იცვლებოდა.

2. გენეზა 1830 წლიდან 70-ან წლებამდე

როგორც ზევით ითქვა, 1830 წ. აჯანყების შემდეგ მებატონე ლეკთა მდგომარეობა საგრძნობლად შეიცვალა. ლეკთა მხოლოდ მცირე ნაწილმა შეინარჩუნა ძველი პრივილეგიები. ინგილო გლეხთა მდგომარეობა ამიერიდან შედარებით გაუმჯობესდა.

8 წლის განმავლობაში ხაზინის განკარგულებაში რჩებოდა საქეშქელო შემოსავალი. ეს გარემოება ფაქტიურად სპობდა ყმა-გლეხთა ძველ პირად დამოკიდებულებას. 1838 წ. შემდეგ მებატონე ლეკები ვერ ახერხებდნენ ძველი მდგომარეობის მთლიანად აღდგენას.

¹ Москва, ЦГВИА. Ф. ВУА, д. 6243, ф. 77—81.
13. მ. დუმბაძე,

1839 წლიდან გლახთა დამოკიდებულება მებატონეებისადმი, თუ ხაზინისადმი, ძირითადად განისაზღვრებოდა ე. წ. საქეშქელი დამოკიდებულებით.

ქეშქელის წარმოშობა, ქარელი ლეკების განსაზღვრით, უკავშირდებოდა იმ დროს, როდესაც მათ დაიპყრეს საინგილოს მიწები და როდესაც ისინი „სოფლებს აფუძნებდნენ“. აქ, ჩანს, ნაგულისხმევი იყო ლეკთა მიერ გლახების მოპატივება კახეთის თავისუფალ მიწებზე და ერთგვარი დამოკიდებულების გაფორმება. ასეთი ახსნისას ლეკები თანმიმდევრული ვერ იყვნენ, მათ ბევრი რამ არ ახსოვდათ¹

როგორც ჩანს, „ქეშქელი“ დასაწყისში ფორმდებოდა როგორც გადასახადი მიწით სარგებლობისათვის და ამავე დროს როგორც მიწის გარკვეული ნაკვეთის აღმნიშვნელი სიტყვა.

ლეკთა განცხადებით, „ახლად ჩამოსახლებულებს“ გამოუყოფდნენ მიწას, რისთვისაც ისინი ყოველწლიურად პურის გადასახადს კისრულობდნენ. გაფორმებული დამოკიდებულებისათვის უფრო მოსახერხებელი ფორმა რომ მიეცათ, შეჰოსავალი—გადასახადი განიყოფებოდა ნაწილებად². მაგ., გარკვეული შემოსავლის მომცემი ნაკვეთი გაიყოფა რამდენიმე თანაბარ ნაწილად—ქეშქელად, რომლის ექვივალენტი ჩანდა გარკვეული რაოდენობის პური. საზომად აღებული იყო თალარი— $7\frac{1}{2}$ ფუთი. მაგ., ქეშქელი შეიძლებოდა ყოფილიყო 5 თალარიანი; ეს იმას ნიშნავდა, რომ პურის რენტა გარკვეულ ნაკვეთზე, ქეშქელზე, უდრიდა $37\frac{1}{2}$ ფუთს, ხოლო თუ გავეთვალისწინებთ იმ გარემოებას, რომ რენტის განსაზღვრისას მებატონეს დაახლოებით 30—40% მიჰქონდა და $37\frac{1}{2}$ -ს მივიჩნევთ 40%-ად, მაშინ თვით მწარმოებელს—გლახს დაჩებოდა 60%—დაახლოებით 56 ფუთამდე.

„ქეშქელი“, მებატონე ლეკისათვის, ნიშნავდა გარკვეულ შემოსავალს, რომელსაც იგი გლახისაგან ღებულობდა, ხოლო გლახისათვის იგი ნიშნავდა გარკვეულ წილს „საზოგადოებრივი“ მიწის ნაკვეთში³. სიტყვა საზოგადოებრივი აქ გულისხმობდა იმას, რომ მოქეშქელე გლახებს შორის პერიოდულად ხდებოდა მებატონე ლეკის მიწის დაყოფა ინდვიდუალურ „ქეშქელებად“. აქ უკვე აღარ იგულისხმებოდა შემოსავლის კოლექტიური განაწილება ან ბეგარის კოლექტიური გადახდა. მიწების პერიოდული განაწილება

¹ საარქივო საბ. ქარ-ბელ. შესახ., გვ. 491.

² იქვე.

³ იქვე, გვ. 491, 537.

გლებებს, მოთემეებს შორის, კახელ გლებთა ძველ სოციალურ ყოფას ახასიათებდა. მიწა ზოგიერთ სოფლებში, და არაყველგან, გარეგნულად საზოგადოებრივი საკუთრების ფორმით გამოიყურებოდა, მაგრამ ამ მიწაზე ინდივიდუალური წილი მუდმივ შენარჩუნებული იყო. განაწილების შემდეგ ნაკვეთის დამუშავება და მოსავლის მითვისება კერძო ხასიათს ატარებდა. საქეშქელო ნაკვეთი გლების საკარმიდამო მიწების გარეთ, მოშორებით იყო.

ტერმინები „ქეშქელი“, „ქეშქელისმფლობელობა“, „მოქეშქელე გლები“, ჩვენი აზრით, არსებულ ლიტერატურაში გავრცელებული პირობითი ტერმინებია, რომლებიც საინგილოს სოციალური ურთიერთობის ბატონყმურ შინაარსს ვერ სცვლიან.

პეტრუშევსკიც სამართლიანად აღიარებს, რომ გლები, რომელიც ქეშქელს ამუშავებდა, ამ ქეშქელზე მიმაგრებული იყო და მებატონე ლეკი ითვისებდა მისგან ზედმეტ პროდუქტს გარეშე ეკონომიური იძულების გზით¹. მასვე მიაჩნია, რომ საინგილოში არსებული საქეშქელო დამოკიდებულება იყო ფეოდალური დამოკიდებულების ფორმა, რომელიც, საფიქრებელია (повидимому) განვითარდა ძველი კახეთის ფეოდალური წყობილების ბაზაზე².

ქიზიყში, საინგილოს გარკვეულ სოფლებში, თუ საერთოდ აღმოსავლეთ საქართველოს ზოგ რაიონში დიდხანს შემორჩენილი თემური მიწითსარგებლობის წესი იმაზე მიუთითებდა, რომ გარკვეულ პერიოდში ფეოდალთა თუ სახასო მიწებზე მჯდომ მოთემეებს მიწის რენტა მთლიანი, კომპაქტური სათვისი ფართობის მიხედვით უნდა გადაეხადათ და ეს გადასახადი ნაკვეთში მონაწილე ყმა გლებებზე უნდა განაწილებულიყო³. ამ საფუძველზე უნდა ჩამოყალიბებულიყო მერმინდელი „საქეშქელო“ დამოკიდებულება, რომელსაც ძაძმადიანური წეს-ჩვეულებების დანგრევამ თავისი დალი დაასვა უპირატესად ტერმინებში.

ქეშქელისა და საქეშქელო დამოკიდებულების შესახებ არსებულ წყაროებში ძალზე კრელი და ზოგჯერ ბუნდოვანი ცნობები ძირითადად ადასტურებს ზენოთ მითითებულ განსაზღვრას. მათი

¹ Петрушевский. Джаро-белак., გვ. 47.

² იქვე, 41—42.

³ ეს საკითხი ჩვენს ისტორიოგრაფიაში სპეციალურ მკვლევარს მოელის. პ. გუგუშვილის ზემოთ დასახელებული ნაშრომი ძბოლოდ XIX საუკუნის მდგომარეობას ეხება.

ამჯერად აქ ჩამოთვლა ფაქტიურად არაფერს არ შემატებს მოცემულ წარმოდგენას¹.

ზაქათალის კომისია თავის მე-15 ეურნალში თვლიდა, რომ საქეშქელო დამოკიდებულება შედარებით გვიან, რამდენიმე ხნის წინათ (*„сравнительно недавно“*) გაჩნდა. ეს იყო ნათქვამი 1872 წელს. იქვე კომისია შენიშნავდა, რომ ჰარელ ლეკთა განცხადებაზე დანდობა არ შეიძლებოდა. ამ შემთხვევაში კომისია სამართლიანად ამხელდა მათ ტყუილს იმის შესახებ, რომ თითქოს ზოგიერთი ინგილოური სოფელი ლეკებმა ყიდვის გზით შეიძინეს².

საკუთრივ ტერმინი „ქეშქელი“ პეტრუშევსკის განმარტებით, სპარსული სიტყვა იყო და დასაწყისში ნიშნავდა „ქერის წყალს“, „ქერს“, „ქერის მინდორს“, შემდეგ კი „მორწყული მიწის ნაკვეთის ნაწილს“. ჰარში მიღებული მნიშვნელობით ქეშქელი აღნიშნავდა სარწყავ არხს და მორწყულ მიწასაც³.

ქეშქელის, საქეშქელო ნაკვეთის სიდიდე არ იყო განსაზღვრული. იგი დამოკიდებული იყო სახნავე მიწის მთლიანი რაოდენობისა და ქეშქელში მონაწილე კომლთა რაოდენობის შეფარდებაზე⁴.

გარეგნულად საქეშქელო დამოკიდებულება მართლაც მიაგავდა საიჯარო დამოკიდებულებას. ეს იყო მხოლოდ მსგავსება, რომლის უარყოფა ჩვენი აზრით, სწორი არ იქნებოდა. არც ის იქნება სწორი, რომ გავაიგივეოთ ეს დამოკიდებულება საიჯარო დამოკიდებულებასთან, რადგან მოქეშქელე გლეხები, როგორც სამართლიანად შენიშნავდა პეტრუშევსკი, „არ იყვნენ თავისუფალი მოიჯარადრეები“⁵.

მებატონე ლეკის უფლება საქეშქელო ნაკვეთზე შეზღუდული იყო. მას შემდეგ, რაც მებატონე მიწის ნაკვეთს გასცემდა საქეშქელოდ, იგი უკვე ჰკარგავდა ამ მიწაზე თავისუფალი განკარგულების უფლებას. ქეშქელი, როგორც გლეხის სარგებლობაში მყოფი მიწის ნაკვეთი, გლეხის სამემკვიდრეო სარგებლობაში რჩებო-

¹ ქეშქელის განსაზღვრას ეხება პისარევსკიც (დასახ. ნაშრ., გვ. 9). ქეშქელზე ცნობები გაბნეულია ზაქათალის კომისიის მრავალრიცხოვან ეურნალებში. ცსსა, ფ. 236, აღწ. 1, საქ. 10, ფ. 4—5. ფონდი 240, საქ. 572, ფ. 213 და სხვ.

² ცსსა, ფ. 236... ეურნ. № 15, ფურ. 90—91.

³ პეტრუშევსკი. დასახ. წიგნი, გვ. 46.

⁴ ქეშქელი სხვადასხვა სოფელში სხვადასხვა მოცულობისა იყო (И. Г. И. А. Дагест. АССР. Ф. 90, оп. 1, л. 63, ფ. 24—25).

⁵ პეტრუშევსკი. დასახ. წიგნი, გვ. 49.

და. მებატონეს უკვე აღარ ჰქონდა უფლება უძეოდ გადასულის ქეშქელზედაც. უმემკვიდრეოდ დარჩენილი ქეშქელის გადაცემის საკითხს სწყვეტდა საქეშქელო სოფლის გლეხობა. ასეთი ქეშქელის მიმღებს, ცხადია, მასზე დაკისრებული გადასახადიც უნდა გაეღო. ასე ხდებოდა 1830 წ. შემდეგ, მანამდე კი, როგორც ვიცით, უძეოდ გადასული ქეშქელის გადაცემა მებატონე ლეკზე იყო დამოკიდებული¹.

ერთი სიტყვით, ქეშქელის მფლობელი საქეშქელო ნაკვეთების დამუშავების საქმეში უკვე ვეღარ ერეოდა, მას ასეთი ნაკვეთის მოხვნაც არ შეეძლო. მოქეშქელე გლეხს იგი ქეშქელს ვერ წაართმევდა². ქეშქელი მიმაგრებული იყო გლეხზე.

მებატონე ლეკის მიწის ქეშქელებად დაყოფის მომენტში მხედველობაში ღებულობდნენ კომლთა რაოდენობას. მამის გარდაცვალების შემდეგ მის კუთვნილებაში მყოფი საქეშქელო ნაკვეთი, ისე როგორც საკარმიდამო მიწა, განიყოფებოდა შვილებს შორის. ამრიგად ხდებოდა ქეშქელთა დანაწევრება. ხშირად ერთ ქეშქელში რამდენიმე კომლი მონაწილეობდა. ეს გარემოება იწვევდა გლეხთა მიერ ახალი საქეშქელო ნაკვეთების ძიებას, ტყის მასივების განადგურებას, სათესი ფართობების მიღების მიზნით („ახუ“—გაკაფული მიწა).

ახალი ფართობების ძიებამ ინგილო გლეხობა მიიყვანა ტანაჩის ტყეებში გაწმენდილ ნაკვეთებზე. ეს ნაკვეთები ჰარელმა ლეკებმა გაწმინდეს 1830 წ. აჯანყების შემდეგ, დაისაკუთრეს იგი და დაარიგეს ქეშქელებად. ამრიგად გაჩნდა სოფელი იტი-თალა, რომელიც XIX ს-ნის 70-ანი წლებისათვის ინგილოური სოფლებიდან თითქმის ერთადერთი ჩანდა, სადაც ქეშქელთა რაოდენობა იმდენივე იყო, რამდენიც კომლთა რაოდენობა³.

1830 წ. შემდეგ საინგილოში შეიმჩნევა სახაზინო მიწის ნაკვეთების სწრაფი ზრდა. აჯანყების შემდეგ ბევრმა მებატონე ლეკმა სამუდამოდ დაჰკარგა საქეშქელო ნაკვეთები. ასეთი ლეკების ადგილი ხაზინამ დაიკავა. გარდა ამისა 1840 წ. მეფის მთავრობამ კონფისკაცია უყო ჰარში მცხოვრებ ყაჩაღთა საქეშქელო მიწებს, რომლებიც მათ გააჩნდათ ენისელის სოფლებში. ასე-

¹ საარქ. საბუთები ჰარ-ბელ. შესახებ, გვ. 538.

² Д. Бакрадзе. Там. о Зикат., 267.

³ საარქივო საბ. ჰარ-ბელ. შესახებ, გვ. 537.

თი მიწებისაგან შემოსავალი დროებით გადაეცა ყაჩაღთაგან დაზარალებულებს, შემდეგ კი იგი ხაზინამ მიითვისა¹. ელისუს სულტნის გაქცევის დღიდან მთავრობა სახაზინო გლეხებად გამოცხადებულ მულალებს ყოველ კომლზე ახდევინებდა ნახევარ თალარ ხორბალს, ამდენივე ქერს და თითო სტილ აბრეშუმს². ენისელის ზოგიერთ გამონაკლის სოფლებში ხაზინა ლეკებთან შედარებით უფრო მეტ შემოსავალს ღებულობდა³.

აღნიშნული გარემოება მიუთითებდა იმის შესახებ, რომ, მიუხედავად პირად დამოკიდებულებასთან დაკავშირებული ბეგარა-გადასახადების დიდი ნაწილის მოსპობისა, მიწის რენტა XIX ს-ის 40-ანი წლებიდან მოყოლებული ალაგ-ალაგ იზრდებოდა. ეს გარემოება ნაწილობრივ აბათილებდა 1830 წ. წვრილ მწარმოებელთა მიერ მოპოვებულ შემსუბუქებულ მდგომარეობას.

გლეხთა ვალდებულებები მებატონე ლეკთა მიმართ, როგორც ვიცით, შეიკვეცა 1830 წ. შემდეგ. მთავრობამ დაუბრუნა ლეკებს ქეშქელები, მაგრამ ეს მთავრობა ამიერიდან თვითონ ერეოდა საქეშქელო დამოკიდებულებაში. მან აუკრძალა ლეკებს აეღოთ უფრო მეტი, ვიდრე ხაზინა ღებულობდა. ლეკთა მხოლოდ ძალზე გამონაკლისი ნაწილი, მთავრობის ერთგულთა სახით (ოცი-ოღლი და ზოგი სხვა) ძველებურად ღებულობდა დიდ გადასახადს⁴.

1838 წლის შემდეგ გლეხთა დამოკიდებულება მარტივდება და განისაზღვრება ძირითადად პურის გადასახადით, რომელიც მათ მებატონეებისათვის ბინაზე უნდა მიეტანათ. XIX საუკუნის 70-ანი წლებისათვის გლეხები უარყოფდნენ გადასახადის სახლში მიზიდვის ვალდებულებას და აცხადებდნენ, რომ მათ მხოლოდ მაშინ მიჰქონდათ „ალასთან“ პური, თუ ისინი მას პატივს სცემდნენ, ისე კი მებატონეს გადასახადი თვითონ უნდა წაეღო⁵. ზაქათალის კომისია უარყოფდა გლეხთა ამ ახსნას, მაგრამ, როგორც ჩანს, ეს უარყოფა მთლად საფუძვლიანი არ ყოფილა.

ჰარ-ბელაქნის მმართველად ნამყოფი კოლიუბაკინი 1848 წ. წერდა, რომ იქ ბატონყმური ურთიერთობა განისაზღვრებოდა მხოლოდ ყოველწლიური პურის ბეგარით, რომელიც მოსავლის ერთ მეათედს უდრიდა. იგივე დასძენდა, რომ არ იყო გარკვეული, ევალებოდა თუ არა გლეხებს, რომ გადასახადი მებატონეთა

¹ საარქ. საბ. ჰარ-ბელ. შესახებ, გვ. 500.

² საქ. ცსსა, საქმე 572, ფურ. 204.

³ საარქ. საბ. ჰარ-ბელ. 541.

⁴ იქვე, 492.

⁵ ცსსა, ფ, 236, აღწ. 1, საქ. № 1, ურნ. 15, ფ. 89.

ბინაზე მიეტანათ მაშინ, როცა ეს მებატონეები განცალკევებულ სოფლებში და გლეხთაგან მოწორებით ცხოვრობდნენ¹.

აღნიშნული გაურკვევლობის წყარო, როგორც ჩანს, ის იყო, რომ გლეხები საერთოდ უარს ამბობდნენ, ბინაზე მიეტანათ ლეკთათვის პური. ლეკები კი მთავრობას მიმართავდნენ დახმარებისათვის, რომ აეძულებინათ გლეხები ძველი მოვალეობის შესრულებაში. მთავრობა თავის მხრივ, როგორც ჩანს, გულგრილად ესარჩლებოდა ლეკებს. იგი მხედველობაში ღებულობდა „მემამულის სიდიადესა და სხვა გარემოებას, მაგ., სიკვრივეს, სიობლეს, მოხუცებას. ასე რომ ზოგჯერ ადგილობრივი უფროსი უბრძანებს გლეხს მიუტანოს პური, ხოლო ზოგჯერ არ მოითხოვს ამ მოვალეობის შესრულებას“².

აღნიშნული გარემოება იმის მაჩვენებელი იყო, რომ ლეკი მებატონეების გარკვეულმა ნაწილმა პურის გადასახადის სახლში მიღების პრივილეგიაც დაკარგა. ასევე გარკვეული ნაწილი, რომელშიც შედიოდნენ მთავრობის ერთგული მებატონეები, ამ მთავრობის მხარდაჭერით სარგებლობდა, რასაც შედეგად მოსჯედა ვალდებული გლეხის მდგომარეობის დამძიმება. XIX საუკუნის 40-ანი წლების მიწურულსა და 50-ანი წლების განმავლობაში მეფის მთავრობას განსაკუთრებით უნდა მოემაღლიერებინა თავისი ერთგული ფეოდალები, დაეცვა მათი პრივილეგიები. გლეხთა დიდ ნაწილის მიერ 1830—1838 წლებში მოპოვებული შემსუბუქებული მდგომარეობა თანდათანობით უარესდებოდა.

საქეშქელო ნაკვეთით სარგებლობის გადასახადი საერთოდ შეესაბამებოდა ქეშქელის რაოდენობას ($\frac{1}{2}$, $\frac{1}{4}$, 1, 2...).

საერთოდ გადასახადს იხდიდნენ პურით, ქერით და ზოგჯერ ბრინჯითაც (ჩალტუკი). ქეშქელზე დაწესებული გადასახადი მოცულობის მხრივ სხვადასხვა იყო — 3 თალარიანი, 5 თალარიანი...

სოფელ ყორალანში მცხოვრები ინგილოები ყოველწლიურად თესდნენ დაახლოებით 500 თალარამდე პურს. საშუალო მოსავლად ანგარიშობდნენ ერთზე სამს ან ოთხს; ერთზე ხუთს საუკეთესო მოსავლად თვლიდნენ, მაგრამ ასეთი იყო მხოლოდ ოფიციალური ცნობა. ჩანს, პურის მოსავალი უდრიდა ერთზე შვიდს ან რვას³. უკიდურეს შემთხვევაში საშუალო მოსავლად ერთზე 5 რომ ავიღოთ, ყორალნელები წლის ბოლოს აიღებდნენ 2500

¹ Колюбакин. Об отнош. поселян. „Кавказ“, 1848, № 52.

² იქვე.

³ ცსსა, ფ. 236. აღწ. 1. ქურნ. № 15, ფ. 84.

თალარს. აქედან 500 თალარი მომავალი წლის სათესლედ უნდა შეგნახათ, 250 თალარი უნდა მიეცათ მიწისმფლობელთათვის¹, ყორალნელებს კი,—10 კომლს დარჩებოდა 1750 თალარი. თითოეულ კომლს საშუალოდ მოუწევდა 17 თალარი. მაგრამ ასეთი არითმეტიკა ვერ წარმოგვიდგენდა გლეხის რეალურ მდგომარეობას. კომლიც იყო და კომლიც. ზოგჯერ ერთ კომლს ნახევარი ან მეოთხედი ქეშქელი ჰქონდა. გარდა ამისა, საქეშქელო გადასახადი, როგორც ზევით ითქვა, 30-40%-დე აღწევდა. აქ მითითებული 250 თალარი, რომლის შესახებ ცნობას ზაქათლის კომისია გვაწვდის, ჩანს, გამონაკლის შემთხვევას გულისხმობდა. ამ გარემოების გათვალისწინებით თითოეულ კომლს საშუალოდ 17 თალართან შედარებით გაცილებით უფრო ნაკლები უნდა შეხვედროდა. ამდენად მიღებული წილი გლეხის მინიმალურ მოთხოვნებსაც ვერ დააკმაყოფილებდა. საერთოდ, როგორც დამახასიათებელი მოვლენა, ინგილოები იძულებული ხდებოდნენ ეძებნათ ახალი ნაკვეთები, ეს კი მათ უღელს ძალზე ამძიმებდა. გლეხები მრავალგვარი ხერხებით იბრძოდნენ საქეშქელო გადასახადების შემცირებისათვის.

ზაქათლის კომისიის მასალებში არც თუ ისე იშვიათად მოჩანს ინგილოთა განმათავისუფლებელი ბრძოლის ყრუ ანარეკლი. ეს შეიმჩნეოდა ზაქათლის კომისიის წინაშე მყოფი ინგილო რწმუნებულების განცხადებებში. ისინი ცდილობდნენ, რომ ჰპარული ლეკებისადმი ვალდებულება დაეხატათ მეტად მსუბუქ ფორმებში, რომ შემდეგ მთავრობისაგან დაცვა-მფარველობა მიეღოთ, ლეკთა ძალადობა შეეზღუდათ.

1838 წლიდან დაწყებული ინგილო და მულალ გლეხებზე დაკისრებული საქეშქელო გადასახადი თანდათანობით იზრდება. ლეკი მებატონეების სასარგებლოდ გადასახადების გვერდით მწარშობებელ კლასს აწვა სახელმწიფო ბეგარაც.

ინგილო-მულალები იხდიდნენ სახელმწიფო-საერობო გადასახადებს სასოფლო მმართველობის მოხელეთა შესანახად. გარდა ამისა, 1831 წლიდან მთავრობამ საინგილოს მოსახლეობის ერ-

¹ საქ. ცსსა, ფ. 236, აღწ. I, ჟურნ. № 15. პ. 84.

თი ნაწილი დაბეგრა ფულადი გადასახადით—კომლზე 1 მან. და 50 კაპ¹.

მწარმოებელ კლასს აწვა ზურგზე რუსთა რაზმების განლაგებასთან დაკავშირებული მძიმე სატრანსპორტო ბეგარა. 1847 წლამდე ჭარ-ბელაქანი სამხედრო ოლქს წარმოადგენდა, მასზე გადიოდა ე. წ. ლეკური საკორდონო ხაზი. ამ ოლქს მეტად მნიშვნელოვანი სტრატეგიული პოზიცია ეკავა შამილისა და მიუხრდიზმის წინააღმდეგ ბრძოლის ხანგრძლივ პერიოდში. გაუთავებელი ლაშქრობისა და საგანგაშო ვითარების დროს, რა თქმა უნდა, მწარმოებელი კლასის მდგომარეობა მძიმე იქნებოდა. XIX საუკუნის 50-ან წლებში, მარტო 3 წლის განმავლობაში, მხოლოდ ტყვეებისა და გადასახლებულთა გადაყვანისათვის საინგილოდან უსასყიდლოდ მობილიზებულ იქნა 19.167 უღელი ხარ-კამეჩი². რუსთა რაზმების მოძრაობისას ასეთი მოვლენა ჩვეულებრივი იყო. ეს უარყოფით გავლენას ახდენდა გლეხის სამეურნეო საქმიანობაზე.

ზემოთ აღნიშნული სამილიციო გადასახადისდა მიუხედავად, საინგილოდან მთავრობას პერიოდულად გამოყავდა სახალხო რაზმი—მილიცია. ასე, მაგ., ბელაქნის უბნიდან 256 ცხენოსანი და 300 ქვეითი, ენისელიდან 247 ცხენოსანი და 150 ქვეითი, ელისუს უბნიდან 275 ქვეითი და ცხენოსანი. მოლაშქრეებთან ერთად გამოყავდათ 300-დე კაცი ტვირთსაზიდი ცხენებით³.

1838 წლის შემდეგ, გლეხთა გადასახადების თანდათანობითი დამძიმებისდა მიუხედავად, ჭარ-ბელაქნის გლეხებმა უმთავრესად თავი დააღწიეს საბატონო სამსახურს (თუ მხედველობაში არ მივიღებდით პურის მიზიდვას მებატონის ბინაზე). გლეხები ძირითადად სახაზინო ყმების მდგომარეობაში აღმოჩნდნენ, ეს კი იმას ნიშნავდა, რომ ამიერიდან ისინი მებატონეთა თვითნებობის სფეროს რამდენადმე სცილდებოდნენ. ასე არ ითქმის ბეგთა მფლობელობაში მყოფი ინგილო გლეხების მდგომარეობაზე.

საინგილოს აღმოსავლეთ ნაწილში, ელისუს სასულტნოში, ბეგთა მფლობელობაში დარჩენილი გლეხების მდგომარეობა 1830 წ.

¹ ეს გადასახადი 1839 წლიდან გაორკეცდა. გაორკეცება, როგორც ჩანს, მხოლოდ მათ ეხებოდათ, რომლებიც სახალხო მილიციაში მონაწილეობას არ ლბულობდნენ (საარქივო საბ. ჭარ-ბელ. შესახ. გვ. 516—517).

² ცსსა, ფ. 10, საქ. 1471, ფურ. 366—367.

³ იქვე.

შემდეგ ისე არ გაუმჯობესებულა, როგორც ეს საკუთრივ კარბელაქანში. ელისუს უბანში ბეგები კვლავ ძალმომრეობდნენ გლეხებზე. მაგრამ ამავე დროს სწორი არ იქნებოდა არ გაგვეთვალისწინებინა ის გარემოება, რომ ელისუს სასულტნოში გლეხთა ნაწილი სახაზინო თანრიგში გადავიდა და ამით მათი მდგომარეობაც შედარებით გაუმჯობესდა. ამ უბნის გლეხთა ერთი ნაწილი მხოლოდ მეტად დამონებულ მდგომარეობაში რჩებოდა.

სახაზინო გლეხთა თანრიგში გადასვლა აღებულ პერიოდში, რა თქმა უნდა, არ მოასწავებდა გლეხთა განთავისუფლებას ფეოდალური ექსპლოატაციისაგან. ასეთი გლეხებიც, როგორც ცნობილია, განიცდიდნენ მძიმე სოციალურ ჩაგვრას მთელი ფეოდალური კლასის მიერ, ამ კლასის ხელში მყოფი სახელმწიფოებრივი წყობილების მიერ.

საკარმიდამო მიწები ინგილოურსა და მულალურ სოფლებში, თუ მხედველობაში არ მივიღებდით ზოგიერთ გამონაკლისს (სოფ. კარაბალდურში), გლეხთა კერძო საკუთრებაში იყო. გლეხს შეეძლო თავისი კარ-მიდამოს გაყიდვა მის განკარგულებაში მყოფი სახნავი ნაკვეთის გარეშე. თვით სოფელი საერთოდ ცდილობდა, რომ მიწები ხელში არ ჩავარდნოდათ ვაჭრებს¹. როგორც ჩანს, ვაჭარ-მეევანშეები განსაკუთრებით 50-60-იან წლებში ხელიდან აცლიდნენ გლეხებს საწარმოო საშუალებებს, ზოგჯერ კი ქეშქელისმფლობელთა ადგილს იკავებდნენ. ამას შედეგად მოსდევდა ექსპლოატაციის გამწვავება, წარმოების წესი კი უცვლელი რჩებოდა².

რუსთა ბატონობის პირობებში საინგილოში ფეოდალურ ურთიერთობათა დაშლის ერთგვარი მაუწყებელი ჩანდა გლეხთა მიერ საქეშქელო ნაკვეთების გამოსყიდვა, რომელიც ამავე დროს გლეხთა შიგნით მზარდი ღიფერენციაციისა და ფულადი-სასაქონლო მეურნეობის განვითარების ნაყოფი იყო.

ქეშქელთა გამოსყიდვა ხშირი მოვლენა ხდება XIX საუკუნის 50-ან წლებიდან³.

¹ საარქ. საბ. კარ-ბელ. შესახ. გვ. 547—548. კარაბალდულში ყოფილა ერთი შემთხვევა, როცა მართრი ჯანკა ერთ კარმიდამოდან თვითნებურად ღებულობდა 2 თალარ პურს (იქვე, 548).

² კ. მ ა რ კ ს ი. კაპიტალი, ტ. III. ნაწ. II, პართ. გამ. 1934, გვ. 127.

³ საარქივო საბ. ბარ-ბელ. შესახებ, გვ. 551—555.

მუშაობითი ბეგარის, საბატონო სამსახურის რამდენადმე მოსპობა ჭარ-ბელაქანში და გლენტა მიერ საქეშქელო ნაკვეთების გამოსყიდვის გახშირება ხელს უწყობდა გლენტა ეკონომიური დიფერენციაციის პროცესის განვითარებას, სოფლად კაპიტალისტური ელემენტების წარმოშობას. ეს პროცესი ჭარ-ბელაქანში განსაკუთრებით ვითარდებოდა 60-ანი წლებიდან. მას ხელს არ უშლიდა ის, რომ იქ საგლენტო რეფორმა არ ჩატარებულა.

საინგილოში არსებულ სოციალურ ურთიერთობას დიდხანს შემორჩა საზოგადოებრივი მიწითსარგებლობის გადმონაშთები. XIX საუკუნის დასაწყისში საინგილოში საზოგადოებრივ ხაყუთრებაში რჩებოდა მხოლოდ საძოვრები და ტყეები, ხოლო სახნავი მიწები, ბალები და ვენახი თითქმის ყველგან იყო ცალკეულ ოჯახთა კუთვნილებაში, თუმცა ნომინალურად მიწა რჩებოდა სასოკლო საზოგადოების საკუთრებად¹.

საზოგადოებრივი მიწითსარგებლობის გადმონაშთები ზოგაერთ ინგილოურ სოფლებში ვლინდებოდა თესვის დაწყების წინ, როდესაც დასამუშავებელ ნაკვეთებს გლენტები იყოფდნენ წაღის ყრის წესით; ასეთი დაყოფის შემდეგ კი ნაკვეთი ინდივიდუალურად მუშავდებოდა. მებატონე ლეკთა მიერ მიწის რენტის შაღებაშიაც ალაგ-ალაგ იყო შემორჩენილი კოლექტიური ვითარების ფორმა, ისე როგორც ინგილოთა მიერ კოლექტიური გადახდის ფორმა. ასეთ მოვლენებზე მითითებას ვპოულობთ ზაქათლის კომისიის ჟურნალებში².

საზოგადოებრივი მიწითსარგებლობის ფორმები საინგილოში ზღვილობრივი იყო და ბატონყმური კახეთის წიაღიდან მოდიოდა. არსებულ ფორმებზე ჩამოსახლებულთა გავლენა, როგორც ზევით ითქვა. უპირატესად მუსლიმანურ სახელწოდებებში გამოვლინდა. შინაარსი კი ძველი, ტრადიციული იყო.

1880 წ. დიდი მგოსანი ილია ჭავჭავაძე წერდა:

„...პირველ-ჟამური მფლობელობა, ანუ ხმარება მამულები—სა, —სათემო მფლობელობა და ხმარება იყო. ამისი ცხადი საბუთები და ნიშნები დღესაც მრავალია ყველგან და ნამეტნავად ჩვენში—

¹ Петрушевский. Джаро-Белак., 23.

² საარქ. საბ. ჭარ-ბელ. შესახ., გვ. 520, 521, 523, 524, 544 და სხვ.

მისი აშკარა მაგალითი ტყისა და საძოვრების სათემოდ ხმარებაა, რომელსაც ჩვენს თვალ-წინ, ჩვენდა სამწუხაროდ, დღეს სულთ-ებრძვის რუსთა კანონების ზედ-მოქმედების გამო, და რომლის რწმენაც ჩვენის ხალხის გონებიდამ დღევანდლამდე ვერ გამოდევ-ნა თითქმის ოთხმოცის წლის მოქმედებამ მაგ კანონებისამ. თითქ-მის ყოველს სოფელში დღესაც ჰნახავთ ერთს წყობას მიწებისას, რომელსაც სათემო მიწებს ეძახიან და სათემოს ხმარებაშია¹.

აკად. ივ. ჯავახიშვილი შენიშნავდა, რომ „დიდ საგვარეულო-ებს, მეტადრე აღმოს. საქართველოში, XIX ს-შიაც კი კარგა ხანს საგვარეულო მამულები გაუყოფელი და საგვარეულო მიწის მფლობელობა ჰქონდათ“².

„ქახეთში, კერძოდ სიღნაღის მაზრის სახელმწიფო გლეხთა თემებში, შერჩენილი იყო მიწების გადანაწილების წინასწარ გან-საზღვრული ინტერვალი, აქ ყოველ 3-5 წელიწადში ერთხელ სწარ-მოებდა მიწების გადანაწილება“³.

მიწის საზოგადოებრივი მფლობელობისა და სარგებლობის გადმონაშთები კარგად იყო შემონახული ქიზიყშიაც⁴.

თემური მიწითსარგებლობის ასეთი ხანგრძლივი შემონახვა კერძოდ საინგილოში და საერთოდ აღმოსავლეთ საქართველოში აიხსნება უმთავრესად მეურნეობის ბუნებრივი სპეციფიკური პი-რობებით. ფეოდალური ურთიერთობის დროს განუვითარებელ სა-წარმოო ძალებს ინდივიდუალურად არ შეეძლოთ აღმოსავლეთის გვალვიანი და ძნელად ასათვისებელი ველების დამუშავება. სათე-სი მინდვრების ხელოვნური მორწყვა, მოხვნა და მოვლა-პატრონო-ბა შესაძლებელი ხდებოდა მხოლოდ მთელი სოფლის, თემის გაერ-თიანებული შრომის შედეგად. გლეხები ხშირად თემებად იხსდნენ ფეოდალთა მიწებზე. აღნიშნული წარმოებითი საქმიანობის შემ-დგომი საფეხური უნდა ყოფილიყო ის, რასაც ადგილი ჰქონდა

¹ ილია ჭავჭავაძე. თხზ., ტ. VIII, 1928, გვ. 137—138. პ. გუგუშვილი. თემური მიწათმფლობელობა ამიერკავკასიაში (ეკონომიკის ინსტ. შრ., ტ. I, 1946, გვ. 14).

² ივ. ჯავახიშვილი. ქართული სამართლის ისტორია, წ. I, 1928, გვ. 152 გუგუშვილი, დასახ. ნაშრ., გვ. 14.

³ გუგუშვილი. დასახ. ნაშრ., გვ. 19. Материалы для изучения Эк. Б. Г. К. З. К., IV, т. II, 216.

⁴ გულისაშვილი. მგზავრის შენიშვნები საინგილოსა და ქიზიყზე („ივერია“. 1882, № XI, გვ. 78).

XIX საუკუნეში საინგილოსა და კახეთის ზოგ სოფლებში—სათემო სახნავი მიწების პერიოდული გადანაწილება, შემდეგ კი ინდივიდუალური დამუშავება და მითვისება.

მითითებული მოვლენა, რა თქმა უნდა, ვერ ცვლიდა აღმოსავლეთ კახეთში არსებული ფეოდალური ურთიერთობის ძირითად ხასიათს. გლეხობის სოციალური ცხოვრება საინგილოში ძირითადად ისეთივე ნიშნებით ხასიათდებოდა, როგორც საერთოდ ბატონყმურ კახეთში.

3. პოლიტიკური ვითარება 1831—1859 წლებში

1830 წ. აჯანყების ჩაქრობით ჭარის დამორჩილების პრობლემა გადაწყდა. რუსეთმა მიიღო ხელსაყრელი პოზიცია მიურიდების წინააღმდეგ საბრძოლველად, მიურიდებმა კი ასეთი პოზიცია და ძლიერი მოკავშირე ჭარის სახით დაკარგეს. მაგრამ ამით არ დასრულებულა რუსეთის ბრძოლა კავკასიის დაპყრობისათვის. არც კახეთის სოფლებს მიუღიათ ნანატრი მშვიდობიანობა. მართალია, ამიერიდან მდგომარეობა წინანდელთან შედარებით საგრძნობლად უმჯობესდებოდა, მაგრამ ქურდულ-აბრაგული თავდასხმები კახეთზე მაინც გრძელდებოდა.

რუსეთის მთავრობის შემდგომ ბრძოლას აღმოსავლეთ კავკასიაში თავდაცვითი ხასიათი კი არა, როგორც ამას ოფიციალური ისტორიოგრაფია ადასტურებს, არამედ შეტევითი ხასიათი ჰქონდა; მისი მიზანი აღმოსავლეთ კავკასიის საბოლოო დაპყრობა იყო.

ამ დროს რუსეთის მთავრობას მთებს გადაღმაც მიესვლებოდა. ჭარ-ბელაქნის ოლქში შედიოდა დაღისტნის 4 თემი: დიდო, ანწუხი, კაპუჩი და ქურმუთი; ამთგან 3 უკანასკნელი ე. წ. უნკრატლის კავშირს ეკუთვნოდნენ. უნკრატლის კავშირის სხვა თემები (ანწროსო, ბოხნადა, თებელი, ტაში და სხვ.), ვოლკონსკის გადმოცემით, მტრულად იყვნენ განწყობილი. ზემოთ ნახსენები 4 თემის დამოკიდებულება რუსეთისადმი „ფიქტიური და ნომინალური“ იყო. მთავრობა მათ ნებას აძლევდა ზამთრობით ჩამოერეკათ საქონელი კახეთის საძოვრებზე. თუ ეს „მოწყალება“ შეწყდებოდა, მა-

შინ აღნიშნული თემები რუსთა წინააღმდეგ ამხედრდებოდნენ¹. ამ თემებში რუსეთის მიერ დაყენებულ ბოქაულებს არავითარი ხელისუფლება არ გააჩნდათ; ისინი უბრალო შუამავლების როლს ასრულებდნენ.

ჭარის დაპყრობის შემდეგ კიდევ მეტად გაძლიერდა ქურდული თავდასხმები რუსთა პოზიციებზე. რუსთა რაზმები ყოველ დღესა და ყოველ საათს მოელოდნენ მათ ცხვირწინ მდგომ შეიარაღებულ ბანდებთან შეტაკებებს. ეპიზოდური ბრძოლები გრძელდებოდა და არ შეწყვეტილა აღმოსავლეთ კავკასიის საბოლოო დაპყრობამდის.

1830 წ. მთებიდან მთავარ გადმოსასვლელებზე: მუხახში, ჭარში, კატეხში, ბელაქანსა და ლაგოდენში საყარაულოები მოეწყო. სათვალთვალო პუნქტები დაწესდა აგრეთვე ყარათუბანში, ბეჟანიანში, შილდაში, ფშავსა და მატანში. ასე შეიქმნა „ლეკური დისტანცია“ „კახეთის დისტანციასთან“ ერთად, 1832 წ. კი მთავარმმართველი როზენის განკარგულებით ჩამოყალიბდა ე. წ. ლეკური საკორდონო ხაზი, რომელიც ფაქტიურად ჭარის პოლიტიკურ მნიშვნელობას ცვლიდა; მასზე თავდასხმები იგივე ჭარზე თავდასხმები იყო. ეს „კორდონი“ არ ყოფილა თავდაცვის ხაზი. რუსი რაზმები მის იქით იბრძოდნენ, ემსახურებოდნენ რა ჭარში შექმნილი ახალი მმართველობისათვის მიცემულ სახელმწიფო დავალებას, რომ „მორჩილებაში მოეყვანათ... მეზობელი მთიელი ტომები“².

„ჭარელ ქართველთა პოლკის სარდლისადმი“ ინსტრუქციიდან ჩანს, რომ რუსთა მდგომარეობა ჭარში ჯერ კიდევ დაძაბული იყო. რუსეთის ქვეშევრდომი ლეკური თემების მცხოვრებთ აკრძალული ჰქონდათ „უბილეთოდ“ შესვლა მეზობელ პროვინციებში. ეს ბილეთები მათთვის თემების უფროსებს უნდა მიეცათ. ხსენებული ინსტრუქციის მიხედვით, პოლკი ემორჩილებოდა „ჭარის საოლქო უფროსს და ბელაქანის სიმაგრის სარდალს“. პოლკს ჩაბარებული ჰქონდა დასაცავად „ლეკურ-ბელაქნური საკორდონო ხაზი“, რომლის მოწყობის პროცესი დიდხანს გრძელდებოდა.

¹ Волко иский. История... дружины. გვ. 7—8.

² Акты, т. VII, გვ. 445.

1831 წ. ივლისში დაღისტნელ აბრამთა ერთი ჯგუფი, 1830 წ. აჯანყების დროს გაქცეულ ჭარებლებთან ერთად, ჯან-ველის მეთაურობით, თავს დაესხა ბელაქანს. მოხდა შეტაკება, რომელშიც ჭართველთა პოლკმა გაიმარჯვა. ცოტა ხნის შემდეგ რუსთა და ჭართველთა რაზმებს ახალი საშიშროება კარს აღგათ: ყაზი-ყუმუხის ხანი—ასლან იტყობინებოდა, რომ მიუხრდიების იმამი ყაზი-მოლას მიერ შეკრებილი რაზმები ორად გაიყო, ერთი თარღუსა და ციხე „ბურნაიას“ მიმართულებით წავიდა, მეორე კი ჭარისაკენ გაეშურა; ამასთანავე, წერდნენ, რომ ავარიის ერთი ნაწილი „ჭარელ დევნილთა მიერ აღშფოთებული“, ლელავდა. განზრახვა ჰქონდათ შეჭრილიყვნენ მუხახში, აერჩიათ იქ ხელსაყრელი პუნქტი, საიდანაც ბოლომოუღებელი თავდასხმებით უნდა ერბიათ ინგილოური სოფლები¹. ჩანდა, რომ დევნილი ჭარელები და მათი მოკავშირე მიუხრდიები განსაკუთრებით უკმაყოფილო იყვნენ ინგილოებზე, რომლებმაც აჯანყებისას მათ მხარი არ დაუჭირეს, არ აწვდიდნენ მათ სურსათ-სანოვაგეს, ემხრობოდნენ რუსებს. ყაზი-მოლა ქვეყანას „სალვით“ ომში ხელახლა მოუწოდებდა. თავის მიმართვაში ჭარელთადმი იგი ხაზს უსვამდა: „მე დიდად გაკვირვებული ვარ, რომ თქვენ დაუმორჩილდით და მისდევთ მათ, რომლებიც სამყაროს აღელვებენ, არ აძევებთ თქვენგან მიწიერ ეშმაკებს, და ყურს არ ათხოვებთ ჩვენს კეთილ შარიათს“².

რუსთა ტყვეობაში მყოფი ჰამზათ-ბეგი ჭარელ აჯანყებულებთან ერთად 1832 წ. გაიქცა. მოკლე ხანში მან მოახერხა მიუხრდითა ბანდების შეგროვება და პირი ჭარისაკენ იბრუნა. მიუხრდიებს კვლავ შეუერთდა ჭარელ ლეკთა ერთი ნაწილი.

მიუხრდიების ეს მორიგი ლაშქრობა რუსეთის მთავრობას მოაგონებდა 1830 წ. მიღებულ მწარე გაკვეთილებს. ამასთან დაკავშირებით საქართველოს მთავარმმართველმა „საჭიროდ ჩათვალა შეეკრიბა მილიციები საქართველოს ყველა მაზრიდან“³.

მიუხრდითა ბანაკში მყოფ ჭარელებს მთავრობამ გამოუცხადა, რომ, თუ ისინი საკუთარ სოფლებში არ დაბრუნდებოდნენ თავიან-

¹ Каахк. сб., т. 14, გვ. 182—183.

² იქვე, გვ. 184. ყაზი-მოლას დროიდან მიუხრდიები იწყებენ ბრძოლას ადათის გადაგდებისა და შარიათის (საერთო მუსლიმანური კანონმდებლობის, ყურანზე დაფუძნებული სამართლისა) გაბატონებისათვის.

³ Акты, т. VIII, № 909, გვ. 961.

თი ოჯახებით, მათ სახლ-კარს ცეცხლს მისცემდნენ. ამ მუქარამ რამდენადმე გასჭრა. რუსთა სარდლობამ მიურიდთა ეს მორიგი ლაშქრობა უკუაგდო.

ამავე დროს მთავრობა ჭარ-ბელაქნელ მამასახლისებს, რომლებიც აჯანყებაში მონაწილეობდნენ, ხელახლა აფიცებდა რუსეთის ერთგულებაზე და საიღუმლოდ სწავლობდა მათ საქმიანობას¹. გმობდნენ ურჩებისადმი პოლიტიკასაც—მოფერება, საჩუქრების გაცემა, მძევლების აყვანა და მათთვის მდიდარი ულუფის დანიშვნა, რასაც რუსთა მოწინააღმდეგეები მათი სისუსტის ნიშნად თვლიდნენ.

1832—1838 წწ. ჭარ-ბელაქნის მმართველად მუშაობდა ქართველი გენერალი ლეონტი სავარსამიძე, რომელიც უაღრესად დადებითი თვისებებით ყოფილა აღჭურვილი და „დიდად თანაუგრძნობდა მცხოვრებთა მდგომარეობას“. მას ახასიათებდა მტკიცე ნებისყოფა და შეუღრეკელი პრინციპულობა². ამ თვისებებმა ხელი შეუწყო სავარსამიძეს აღმოსავლეთ კახეთის თავდაცვითი უნარიანობის განმტკიცებაში. მისი მმართველობის დროს ამ რაიონის ქართველობა, როგორც ჩანს, განსაკუთრებული აქტივობით გამოდიოდა მიურიღული და აბრაგული ბანდების წინააღმდეგ ბრძოლაში. კერძოდ სოფ. დიდოსთან მომხდარი ერთი ძლიერი შეტაკების დროს მოპოვებული გამარჯვების შემდეგ სავარსამიძემ „ძლივს შეაჩერა“ მტერზე ადევნებული ქართველები³.

გენ. სავარსამიძე ბევრს ზრუნავდა ლეკური საკორდონო ხაზის გაძლიერებისათვის. ამ მხრივ მან ბევრი რამის გაკეთება შეძლო.

ლეკური საკორდონო ხაზი გადიოდა დალისტინიდან საქართველოში გადმომავალ გზებზე. იგი გადაჭიმული იყო პანკისის ხეობიდან მოყოლებული ვიდრე ელისუს სულტნის სამფლობელომდე⁴. ამ ვეებერთელა მანძილს ძირითადად ქართველები სდარაჯობდნენ. საყარაულოდ პერიოდულად გამოდიოდნენ სახალხო რაზმები თელავი-

¹ Кав. сб., т. XVIII, гл. 306,

² Волконский. История дружины, гл. 59.

³ იქვე, გვ. 48—49.

⁴ უფრო მოგვიანებით, როგორც ჩანს, საკორდონო ხაზის მასშტაბი გაფართოებულია. მის სიგრძეს ითვლიდნენ 400 ვერსამდე. ხაზი გადიოდა ანანურზე, თუშ-ფშავ-ხევსურეთზე, ჭარ-ბელაქანსა და შაქის პროვინციაზე. (Акты, т. VII გვ. 445).

სა და სიღნაღის მაზრებიდან. სახალხო რაზმებთან ერთად ამ ხაზს იცავდა პირველი ქართული პოლკი.

თელავისა და სიღნაღის მოლაშქრეები მოგვაგონებდნენ ერეკლე მეორის დროინდელ მორიგე ჯარს. სიღნაღის მაზრიდან გამოსულები ერთმანეთს ცვლიდნენ ყოველ კვირაში, ხოლო თელავის მაზრიდან—ყოველთვიურად.

სახალხო ლაშქარში სამსახური ძირითადად უღარიბეს გლეხობას აწვია. რუსული მმართველობის, სასოფლო მოხელეების, ნაცვლების ბოროტმოქმედება ამ დროს ყოველგვარ საზღვარს აკარბებდა. თვით ადგილობრივი მმართველობის აღიარებით, უფრო შეძლებული გლეხები ფულის გაღებით აღწევდნენ თავს ამ მოვალეობას, ხოლო უღარიბესნი, „რომლებიც ლუქმა-პურს ძლივს შოულობდნენ, საველე სამუშაოებისაგან მოწყვეტილნი, სავსებით ნადგურდებოდნენ“¹.

საკორდონო ხაზის სფეროში საკმაოდ ბევრი საყარაულო იყო. ეს საყარაულოები იდგნენ აბრავთა შემოსევების გზებზე—ბეჟანიანში, ყარათუბანში, ლაგოდეხში, ფშავში, შაქრიანში, მატანში, გრემში, ნათლისმცემელში, შილდაში, ყვარელში, ნაფარეულში, ციხისჯვარში და სხვაგან².

რაც შეეხებოდა რუსთა რაზმებს, ისინი 1839 წლამდე ბელაქანში იდგნენ. მაგრამ ბელაქნის მძიმე, ნესტიან ჰავას, უწყლობას, მძვინვარე მალარიას ყოველწლიურად მწყობრიდან გამოჰყავდა მრავალი ჯარისკაცი. სარდლობა გამუდმებით მოითხოვდა ჯარის გადაყენებას ჯანსალ-ჰავიან ადგილებში. ასეთად არჩეულ იქნა ზაქათალა, რომელიც ამავე დროს დაღისტნიდან კარზე მომავალ მეორე გზას ჰკეტავდა. 1839 წლიდან რუსთა რაზმების ბანაკი ზაქათალაში იმყოფებოდა.

1839-1840 წლებში შედგენილი ვრცელი მოხსენებიდან ჩანს, რომ, მიუხედავად კარ-ბელაქნის დაპყრობისა და საკორდონო ხაზის გამაგრებისა, კახეთზე ქურდულ-აბრავული თავდასხმები მაინც გრძელდებოდა. ამ თავდასხმებს ისეთი ხშირი ხასიათი ჰქონია, რომ ადგილობრივი მოსახლეობა, რუს მოხელეთა აღიარებით, ძველე-

¹ Об устройстве лезгинской кордонной линии (1839—1840 гг.). საქ. სსრ ცსსა, განსაკ. მნიშვნ. საქმ. ფონდი, საქმე № 226, ფურც. 37.

² იქვე, ფურ. 40.

ბურად გაწამებული იყო: „კახელები სულით დაეცნენ და, ხედავდნენ რა რომ მთიელთაგან თავის გადარჩენის საშველი აღარ იყო, ღამ-ღამობით ხის კოშკებში იკეტებოდნენ“¹.

იმ დროს, როდესაც აბრაგებს ძველებურად მიყავდათ ტყვეები, მიერეკებოდნენ მშვიდობიანი მოსახლეობის პირუტყვს და სხვ., მთავრობას ბრძანება გაუტია, რომ ქართველ ყარაულებს არ მოეკლათ ისინი, არამედ ტყვედ ჩაეგდოთ. ამ ბრძანებას დიდი უკმაყოფილება გამოუწვევია მოლაშქრეებში და შემდეგ იგი შეუტყვლიათ. არც ამას შეუმსუბუქებია მდგომარეობა. ეძებდნენ სხვა საშუალებებს. ლაპარაკი იყო მთების მწვერვალებზე საზაფხულო ბანაკების შექმნის შესახებ, რომ კახეთის მცხოვრებთ საშუალება მისცემოდათ მთის საძოვრებზე გაერეკათ თავიანთი საქონელი².

რუსული მმართველობა მშვიდობიანი გზითაც ცდილობდა აბრაგთა მეთაურების მომხრობას, მძარცველურ თავდასხმათა აღაგმვას. აბრაგებიც თავის მხრივ თვალთმაქცურად უყურებდნენ რუსებს. ისინი მხოლოდ ზამთარში დგებოდნენ ზავის გუნებზე, არწმუნებდნენ მთავრობას თავიანთ ერთგულებაში, „დამსახურებისათვის“ ჭილდობსაც მოითხოვდნენ, გაზაფხულიდან დაწყებული შემოდგომამდე კი განუწყვეტლივ ძარცვავდნენ კახეთს³.

მთავრობას დიდხანს არ შეეძლო მუდმივი საგანგაშო მდგომარეობის ატანა. იწყება მკაცრი ზომების გატარება. საჭიროდ თვლიან რაც შეიძლება მეტი „სისხლის ღვრას“, მაგრამ აღნიშნულ ეტაპზე წარმატება არ ჩანდა.

დალისტინის მთის სოფლებში რუსეთის მთავრობის მიერ დადგენილი ბოქაულები ფაქტიურად აბრაგულ ბანდების ხელ ქვეშ რჩებოდნენ. ბოქაული იძულებული ხდებოდა საჩუქრები და ფული ეძლია მათთვის. თუ ასე არ მოიქცეოდა, მას მოჰკლავდნენ. ამიტომ ასეთი ბოქაული თავის გადარჩენის მიზნით საკუთარ მთავრობასაც ატყუებდა, როცა აცხადებდა, რომ მისი სოფელი რუსეთისადმი „ერთგულებას იჩენდა“⁴.

დალისტინიდან გამუდმებულ ქურდულ-აბრაგულ შემოსევებს აღნიშნულ პერიოდში ძირითადად ძველი მიზეზები ჰქონდა. ახალი

¹ იქვე, ფურ. 31—32.

² იქვე, ფურ. 33.

³ იქვე, ფურ. 46.

⁴ იქვე, ფურ. 47.

ის იყო, რომ ახლა ამ შემოსევებს ბიძგს აძლევდა მზარდი მიური-
დული რეაქცია, რომელიც „საღვთო ომის“ დროშით ფართო მამ-
ტაბის ძარცვა-გლეჯას აწარმოებდა.

რუსეთის მთავრობაც თავისებურად ხსნიდა უწყვეტ-ქურ-
დული თავდასხმების მიზეზს: „არც ერთ საზოგადოებას არ შეუძ-
ლია იარსებოს წარმოების გარეშე. მთიელებს არ აქვთ წარმოება
გარდა ყაჩაღობა-ქურდობისა“,—წერდა პოდპოლკოვნიკი ფრეი-
ტაგი¹. რა თქმა უნდა, ეს მოხელე აჭარბებდა. აქ მთიელები საერ-
თოდ არაფერ შუაში იყვნენ. ცალკეული აბრაგების, თავზე ხელ-
აღებული მძარცველებისა და ფეოდალების საქმიანობაზე მთლი-
ანად მთის მოსახლეობა პასუხს ვერ აგებდა. მეფის მთავრობის
ასეთი უდიერი დამოკიდებულება საერთოდ მთიელთაღმე ნამდვი-
ლად ერთი მიზეზი იყო იმისა, რომ მიურიდულ რეაქციას დაღის-
ტანში საკმაოდ ბევრი მომხრე აღმოაჩნდა.

1838, 1839, 1840 წლების განმავლობაში გაბუღმებით გრძელ-
დებოდა თავდასხმები ლეკურ საკორდონო ხაზზე. მუდმივი განგა-
შის შედეგად კახეთის მოსახლეობას სიცოცხლე გამწარებული
ჰქონდა.

აღნიშნულ ვითარებაში ჩატარდა 1840 წ. 10 აპრილის რეფორ-
მა, რომლის საფუძველზე ჭარ-ბელაქანი, ბელაქნის მაზრის სახელ-
წოდებით, შევიდა საქართველო-იმერეთის გუბერნიაში; მისი
მმართველობა საქართველოს სხვა მაზრათა მმართველობის მსგავ-
სად მოეწყო. ამიერიდან სისხლის სამართლის საქმეები უნდა განე-
ხილა სამხედრო სასამართლოს, ხოლო სამოქალაქო საქმეების გან-
ხილვაში ისევ შარიათი და სამედიატორო სამართალი რჩებოდა.
ადმინისტრაციული დაყოფის მხრივ 1840 წლამდის არსებული 5
უბნის ნაცვლად (ბელაქნის, ჭარის, თალას, მთისა და ენისელის)
აღმოსავლეთ კახეთი 3 ნაწილად გაიყო—ბელაქნის, ენისელისა და
ელისუს².

ახალი მმართველობა, ისე როგორც საყოველთაოდ, აქაც შეუ-
ფერებელი და უმსგავსო აღმოჩნდა. 1842 წ. მთავრობის წინაშე
დასმულა საკითხი აღმოსავლეთ კახეთის მმართველობის რეორგა-

¹ იქვე, ფურ. 49.

² Колон. полнт. царизма в Азерб., т. II, გვ. 260.

ნიზაციის შესახებ. საამისო მოტივად წამოყენებული იყო „მოსახლეობის მოუმზადებლობა“ და სხვა.

სამხედრო მინისტრი ჩერნიშევი ჭარ-ბელაქანში უფრო შესაფერისად თვლიდა სამხედრო მმართველობის შემოღებას. ამას შედეგად მოჰყვა „ბელაქნის მაზრის“ გადაქცევა „ბელაქნის ოლქად“, სადაც შემოღებულ იქნა სამხედრო მმართველობა. გაუქმდა სამაზრო სასამართლო და დაწესდა სამხედრო სამართლის კომისია. ამავე დროს სამოქალაქო საქმეების განსახილველად ოლქის უფროსთან ჩამოყალიბდა ზეპირი სასამართლოც. ამ ცვლილებებს შემდეგ მოჰყვა ბელაქნის ოლქის ჩამოცილება სამოქალაქო გამგებლობის უწყებიდან და მისი გადაქცევა „სამხედრო ოლქად“. ოლქის უფროსს სამოქალაქო სფეროში მიენიჭა გუბერნატორის, ხოლო სამხედრო ხაზით დივიზიის უფროსის უფლება¹.

აღნიშნულ ცვლილებათა გატარება ნაქარნახევი იყო ჭარ-ბელაქანში შექმნილი განსაკუთრებული ვითარებით. აქ კიდევ მრავლად იყვნენ მიურიდების მომხრე ელემენტები, რომლებსაც პირდაპირი კავშირი ჰქონდათ შამილის ბანდებთან. მმართველობის სამხედრო ხასიათი ინარჩუნებდა ოლქში დაძაბულ მდგომარეობას და უარყოფით გავლენას ახდენდა მოსახლეობაზე, რომელიც მოქალაქეობრივი ცხოვრების შესაძლებლობას ჯერ კიდევ მოკლებული იყო.

1834 წლიდან მიურიდების სათავეში იდგა ინგლისისა და თურქეთის აგენტი შამილი². ამიერიდან იგი ხელმძღვანელობდა ინგლისის მიერ რუსეთის წინააღმდეგ წაქეზებულ სამხედრო ავანტიურას, რომელიც მიმართული იყო კავკასიის თურქეთთან შეერთებისაკენ.

შამილი, ისე როგორც მისი წინამოადგილეები, ყაზი-მოლა და ჰამზათ-ბეგი, ხალხის მიერ არჩეული კი არა, არამედ ფანატისკოსთა მცირე ჯგუფის კანდიდატები იყვნენ. შამილი არ გამოდიოდა მასე-

¹ Иваненко. Гражд. упр., გვ. 332—333.

² 1832 წ. რუსთა მიერ გიმრის ალებისას მოკლულ იქნა მიურიდების იზამი-ყაზი-მოლა. ამ ბრძოლის დროს გერდში დაიჭრა ყაზი-მოლას მიურიდი შამილი, რომელმაც გაქცევით უშველა თავს. 1832 წლიდან იმაზედ აირჩიეს ჰამზათ-ბეგი, რომელიც თვით მიურიდებმა მოკლეს. 1834 წლიდან კი იმამად ხდება ცნობილი შამილი.

ზის ინტერესებიდან, არამედ მთავარ მიზნად ისახავდა რუსეთთან და მის მოკავშირეებთან ბრძოლას. იგი მხარს უჭერდა ოსმალეთის მომხრე ფეოდალებს. ასეთი იყო ელისუს სულტანი დანიელ-ბეგი, რომელთანაც მან ნათესაური ურთიერთობა გააბა¹.

ხალხი მიურიდებისა და შარიათის წინააღმდეგი იყო, მიურიდები კი ყოველ ზომას ხმარობდნენ, რომ აეძულებინათ ფართო მასები დამორჩილებოდნენ მათ ბრძანებებს. ამისათვის იყენებდნენ სამხედრო რაზმებს, აწყობდნენ დამსჯელ ექსპედიციებს ურჩ სოფლებში. მაგ., ჰამზათ-ბეგსა და შამილს მოუხდათ ლაშქრობათა მოწყობა დარგოს სოფლებში, რათა ძალად დაენერგათ იქ მიურიდიზმი და შარიათი. ისინი ყველგან შეხვდნენ ხალხის ძლიერ წინააღმდეგობას. მიურიდები მაშინ თვითონ აცხადებდნენ, რომ „მთელი ხალხი მათ წინააღმდეგ აღსდგა“². ერთი სიტყვით, შამილი ეყრდნობოდა არა ხალხს, არამედ ხალხის წინააღმდეგ მიმართულ მიურიდთა შეიარაღებულ ძალებს. შამილის მმართველობის მთელი ისტორია ეს იყო ურჩი სოფლების დასჯა-დაშოშმინებისათვის განუწყვეტელი ბრძოლა³.

შარიათი (ყურანზე დაფუძნებული კანონმდებლობა) გადაიქცა უდიდეს მუხრუჭად დაღისტნის ხალხის პროგრესისათვის. იგი ბოკავდა ამ ხალხის პოტენციალურ შესაძლებლობას კულტურულ-ეკონომიური განვითარების საქმეში. მიურიდიზმმა და შამილის მოძრაობამ მოწყვიტეს დაღისტანი გარეშე სამყაროს, აკონსერვებდნენ შეურნეობის პატრიარქალურ წყობილებას⁴.

შამილის ახლობელი და მისი თანაშემწე ჰაჯი-ალი ჩოხელი წერდა, რომ იგი დარწმუნებული იყო შამილის დამარცხებაში, „რადგან შამილის მიმდევრები და ნაიბები უკიდურესად ავიწროებდნენ ხალხს და არ ფიქრობდნენ მათ მმართველობაში მყოფი მცხოვრებლების კეთილდღეობაზე. ისინი მხოლოდ ცდილობდნენ... ხალხის ზურგზე გამდიდრებას... მათი ვერცხლისმოყვარეობა და ბოროტმოქმედება ყოველგვარ საზღვარს სცილდებოდა“⁵.

¹ დანილოვის დასახ. წერილი, გვ. 9.

² Хроника Мухаммеда Тахира ал-Карахи. Изд. АН СССР. М.—Л. 1941
გვ. 33. დანილოვის დასახ. წერილი, გვ. 10.

³ დანილოვი. დასახ. წერილი, გვ. 11.

⁴ იქვე, გვ. 12.

⁵ Сказание очевидца о Шамиле, гв. 3—4.

რუსეთის მთავრობა თავიდანვე ენერგიულ ზომებს ღებულობდა მიურიდიზმისა და შამილის მოძრაობის წინააღმდეგ.

1834 წ. რუსთა რაზმები წარმატებით მოქმედებენ ავარიაში, სადაც იკავებენ გოცატლის სიმაგრეს. 1837 წ. დაკავებულ იქნა ქ. ხუნძახი. მიურიდების უმრავლესობა ავარიიდან გამორეკეს. ამავე წელს გენ. ფეზის რაზმებმა ტილიტლის სიმაგრესთან ბრძოლაში მიზანს ვერ მიაღწიეს და უკან დაბრუნდნენ. ამ გარემოებამ მიურიდები გაამხნევა. მდგომარეობის გამოსასწორებლად 1839 წ. ეწყობა ძლიერი ექსპედიცია შამილის ციხე-სიმაგრის—ახულგოს წინააღმდეგ. რუსებმა აიღეს და დაანგრიეს ახულგო¹. შამილი საჩინოში გაიქცა.

მიუხედავად აღნიშნული დამარცხებისა შამილმა მალე გამოასწორა მდგომარეობა. 1841 წ. მან ალყაში მოაქცია ავარიის სახანო, 1842 წ. აიღო ყაზი-ყუმუხის სახანოს ცენტრი—ყუმუხი. ავარიასა და ყუმუხში გაგზავნილი რუსთა ძლიერი რაზმები უკან ახევიანებენ მიურიდებს. მალე ეწყობა ძლიერი ექსპედიცია შამილის ახალი საბუღარის—დარგოს წინააღმდეგ. გენ. გრაბეს რაზმებმა იჩქერიის ტყეში 6 დღის განმავლობაში ბრძოლის შედეგად დიდძალი დანაკლისი განიცადეს. ისინი სასტიკად დამარცხდნენ. ამან აღაფრთოვანა რუსთა მტრული ძალები კავკასიაში. რუსები ფაქტიურად კარგავდნენ ავარიას, სადაც მათ ხელში მხოლოდ რამდენიმე სიმაგრე რჩებოდა.

მიურიდების და შამილის ზურგში იდგნენ თურქეთი და რუსეთის მოწინააღმდეგე ევროპის ქვეყნები. შამილი უცხოეთიდან ღებულობდა იარაღს და საომარ სხვა მასალას².

მიურიდების გაძლიერება დიდ გავლენას ახდენდა კარ-ბელაქანზე, სადაც მათ ბევრი მომხრე ჰყავდათ. რუსეთით უკმაყოფილო მუსლიმანური სამღვდელთა და ფეოდალთა გარკვეული ნაწილი შამილის მოახლოებას მოელოდნენ. კარ-ბელაქანის მმართველი გენ. შვარცი ითვალისწინებდა შამილის გამარჯვებასთან დაკავშირებით მოსალოდნელ ხიფათს კარში. ამიტომ იგი 1842 წ. საქართველოს მთავარმმართველი გოლოვინისადმი წარდგენილ სპეცია-

¹ ახულგო შამილმა ააშენა ავარიისა და ანდიის ქოისუს შესართავთან, ციკაბო კლდეებით შემოფარგლულ ადგილზე. იქ იყო შამილის რეზიდენცია ახულგოს დაკარგვის შემდეგ შამილის რეზიდენცია სოფ. დარგოში იყო.

² К. Маркс, Ф. Энгельс. Сочин., т. X, гл. 39-40.

ლურ მოხსენებაში აყენებდა საკითხს „აუცილებელი სერიოზული შეტევის შესახებ“, რომლის მიზანი უნდა ყოფილიყო რუსეთის მტკიცედ დამკვიდრება კავკასიონს გადაღმა მდებარე ხელსაყრელ პუნქტებში. ასეთი პოზიციების დაკავება, შვარცის აზრით, ხელს შეუწყობდა „ახლო მდებარე ლეკური ტომების საბოლოო დამორჩილების“ საქმეს. მაგრამ გოლოვინის დროს ეს მიზანი ვერ განხორციელდა და 1843 წ. რუსთა „ბატონობას კავკასიაში სერიოზული საფრთხე შეექმნა“¹.

1843 წ. სექტემბერში შამილმა საკმაოდ მრავალრიცხოვანი რაზმებით ალყაში მოაქცია ხუნძახი, სადაც ჩაჰკეტა გენ. კლუგენაუს რაზმები. გენ. შვარცი თავისი რაზმით წავიდა დალისტნის სიღრმეში შესაჭრელად. 24 სექტემბერს იგი ყაზი-ყუმუხიდან 7 ვერსის მანძილზე იმყოფებოდა; მაგრამ როგორც კი დიდოსა და უნკრატლის თემებს გასცდა, მაშინვე მღელვარება დაიწყო. მიური-დებმა 3000-დე დალისტნელი აუჯანყეს რუსეთს. გენ. შვარცის საშველად წავიდა ახალი რაზმი გენ. ჭავჭავაძის სარდლობით.

1844 წ. რუსეთის მთავრობა შამილისათვის სამაგიეროს გადახდას ფიქრობდა, მაგრამ განზრახვის განხორციელებას ბევრი რამ უშლიდა ხელს. შემტევი რაზმების ზურგი მერყეობდა. ქარბელაქანში რუსეთისათვის არა ხელსაყრელი მდგომარეობა რჩებოდა. რუსეთის მთავრობას ერთგულებდნენ მხოლოდ ინგილოები და მულალები, მაგრამ მათზეც ჭერ კიდევ ძლიერი იყო ქარელ ლეკთა გავლენა. ქარელი ლეკები კი განაგრძობდნენ ბრძოლას ძველი პრივილეგიების აღდგენისათვის, აბამდნენ საიდუმლო ურთიერთობას რუსეთისათვის მტრულ ელემენტებთან. ოფიციალური მიმოწერების ცნობით, ქარელები იფარებდნენ მტაცებელ აბრაგებს, „თვითონაც ავაზაკობდნენ“ და „პირველი ხელსაყრელი შემთხვევისთანავე“ მზად იყვნენ რუსთა წინააღმდეგ საბრძოლველად. ჩანდა, რომ მათი გულისყური შამილისაკენ იყო.

აღნიშნულ დაძაბულ მომენტში რუსეთის მთავრობის მიერ განაწყენებულ ელისუს სულტანსაც შამილისაკენ ეჭირა თვალი.

სამოქალაქო მმართველობაში 1840 წ. ჩატარებული რეფორმის შედეგად ელისუს სასულტანო მიაკუთვნეს ბელაქნის მაზრას. თვითონ სულტანი მხოლოდ გარეგნულად ინარჩუნებდა. „ელისუს

¹ ვოლკონსკი. დასახ. ნაწრ., გვ. 84.

შელობელის“ ტიტულს, სინამდვილეში კი გადაიქცა უბრალო უბნის უფროსის უფლებებით აღჭურვილ მოხელედ, რომელსაც ყოველთვიური ჯამაგირი (15 მან.) გაუჩინეს.

ელისუს სულტანი დანიელ-ბეგი თავს შეურაცხყოფილად გრძნობდა. იგი რუსეთის მეფისაგან მოითხოვდა თავისი უფლებების გაფართოებას: „გთხოვთ... ბრძანება გასცეთ, რომ ჩამწერონ თქვენი უდიდებულესობის კარის თავადთა რიცხვში სამეგრელოს მთავარი დადიანის უფლებათა მსგავსად“¹.

1842 წ. მთავარმმართველმა გოლოვინმა იშუამდგომლა, რომ სასულტანო გამოეყოთ ბელაქნის მაზრისაგან, სულტანი აღედგინათ ძველ უფლებებში².

1844 წ. 6 მარტის საბუთში ნათქვამია, რომ მეფემ დანიელ სულტანი თავის ძველ უფლებებში დატოვა, მაგრამ უარყო მისი თხოვნა გაეთანასწორობინათ იგი დადიანისა და თარღუს მფლობელებთან. საქართველოს მთავარმმართველმა გაათავისუფლა სულტანი მისი „ხარისხისათვის შეუფერებელი“ მოვალეობისაგან (უბნის მოსამართლე). მაგრამ ეს „წყალობა“ მას არ აკმაყოფილებდა. როგორც ჩანს, სულტანი კარგად გრძნობდა თავისი მდგომარეობის შემდგომ პერსპექტივს, რომ რუსეთის მთავრობა, შისტების ჩვეული პოლიტიკით, სასულტანოს არ შეინარჩუნებდა. ამავე დროს სულტანი თავის სისუსტესაც კარგად გრძნობდა და, დამოუკიდებლობისა და ძლიერი ავტორიტეტის შექმნაზე მეოცნებე, შექმნილი მდგომარეობისაგან გამოსავალს ეძებდა. რუსეთის მთავრობას, როგორც ჩანს, არ გამოჰპარვია დანიელის საილუმლო კავშირი მიურიდებთან და შამილთან. მალე აშკარა გახდა სულტანის „ღალატიც“ და საქმეც ბრძოლით გადაწყდა³. დანიელი შეებრძოლა რუსთა სამხედრო ექსპედიციას, მაგრამ დამარცხდა და სარუბაშის ხეობით გაიქცა მთებს გადაღმა—წახურში, საიდანაც შამილს გამოეცხადა. ეს ფაქტი ნათლად ადასტურებდა ელისუს სულტანის იდეურ ნათესაობას მიურიდულ რეაქციასთან.

სულტანის გაქცევისთანავე მისი რეზიდენცია მიწასთან გაასწორეს. სასულტნო გაუქმდა და იქ რუსული მმართველობა გავრ-

¹ Кожя. Политика царя в Азербайджане. т. I, гл. 69.

² Ивличенко. Гражданское управл. Закавказья гл. 331.

³ Путеводитель по кавказскому воено-ист. музею, 1915, гл. 52.

ცვლდა. სულტანის გაქცევას სახიფათოდ თვლიდნენ და ცდილობდნენ მის დაბრუნებას, მაგრამ უშედეგოდ¹.

1844 წ. მთავარსარდალი მიხეილ ვორონცოვი ცდილობს გამოასწოროს მიურიდებთან ბრძოლაში რუსთა მიერ განცდილი მარცხი. მისი ხელმძღვანელობით ეწყობა დარგოს ექსპედიცია. მაგრამ ვორონცოვი მახეში გაება. მიურიდებმა იგი მოწყვიტეს მომარაგების ხაზებს. ვორონცოვის რაზმებმა ძლივს დააღწიეს თავი სრულ განადგურებას.

მიუხედავად აღნიშნული გამარჯვებისა შამილისა და მიურიდების სამხედრო ავანტიურის ბატონობას ავარიში ნიადაგი ეცლებოდა. ფართო მასები ბრძოლას უცხადებდნენ ამ ავანტიურას, რომელმაც მათი მდგომარეობა დიდად გააუარესა. იზრდებოდა და ფართოვდებოდა მიურიდების მიერ გადასახადებით შევიწროებული გლეხების აჯანყება².

დანიელ სულტანის გაქცევა შამილთან საგრძნობლად ართულებდა მდგომარეობას ჭარ-ბელაქანში. თურქეთისა და მიურიდების აქ მოქმედი აგენტურა საიდუმლოდ საქმიანობდა. მიურიდებთან მყოფი მოლა-შაბან-ჭარელი ამ დროს ამზადებდა ბელაქანზე თავდასხმას. ასეთ ვითარებაში მეფისნაცვალი ვორონცოვი ცდილობდა, რომ შამილისაგან როგორმე ჩამოეცილებინა დანიელ-ბეგი, რომელიც ჭარ-ბელაქანში და საერთოდ დაღისტნის მოსახლეობაში გარკვეული ავტორიტეტით სარგებლობდა.

1845 წ. 12 აპრილს მეფისნაცვალი ვორონცოვი სწერდა ნიკოლოზ I-ს: „სამხედრო თვალსაზრისით დანიელ-სულტანის ჩამოშორება მტრული ბრბოებისაგან ჩვენთვის ფრიად მნიშვნელოვანი ჯარემოება იქნებოდა. შესაძლებელია, ეს ჩამოშორება შეარყევს

¹ 1859 წ., როდესაც შამილი დამარცხების წინა დღეებს ითვლიდა, დანიელ-ბეგმა ულალატა მას და რუსეთს მიუვიდა. მან დაიბრუნა გენერლის წოდება პენსია - ორდენებითურთ, მაგრამ მისთვის ძველი სამფლობელოს მიცემაზე არც კი უფიქრიათ. დანიელ-ბეგი 1869 წ. თურქეთში გადასახლდა (ლინევიჩის დასახ. ნაშრ., გვ. 54).

სასულტნოს გაუქმება მეფის რუსეთის თანმიმდევრული პოლიტიკის ერთ აქტს წარმოადგენდა. იქ რუსული მმართველობის გავრცელებით კახეთის ეს ნაწილიც რუსული მმართველობის ქვეშ გავრთიანებულ საქართველოს დაუბრუნდა.

² БСЭ. 1937, т. 30, Кавказские войны, гв. 500.

შამილისა და მიურიდიზმისადმი ერთგულებას ჩვენს იმ მოწინააღმდეგეთა შორის, რომელთაც ნაკლები დანაშაული მიუძღვით და შეასუსტებს მტრულ ძალებს. აქ ბევრი ფიქრობს, რომ თუ რაიმე მოუვა შამილს, მაშინ დანიელ-სულტანი გახდება მოწინააღმდეგე ტომების უფროსი, და ზოგიერთის თვალსაზრისით იგი ჩვენთვის უფრო საშიში იქნებოდა; არ ვიცი, ეს აზრი რამდენად მართებულია, მაგრამ მე სავსებით დარწმუნებული ვარ, რომ დანიელ-სულტნის გადმოსვლა ჩვენთან ეხლანდელ ვითარებაში შამილისა და მიურიდიზმისათვის ფრიად მნიშვნელოვანი დანაკარგი იქნებოდა“¹. როგორც ქვემოთ დავინახავთ, რუსეთის მთავრობის ასეთ ცდებს უშედეგოდ არ ჩაუვლია.

მოლა-შაბან-ჰარელის საქმიანობა ჰარ-ბელაქნის მიმართ მეტად სახიფათო ჩანდა. ბელაქანზე თავდასხმისთვის მზადებაში მისთან ერთად აქტიურობდა მიურიდების ერთი წინამძღოლი ვანატილოვი, მაგრამ გენ. შვარცმა მათ არ მისცა ჰარ-ბელაქანთან მოახლოების საშუალება. მან ენერგიული მოქმედებით დაამარცხა და გაჰყვანა მათი რაზმები უნკრატლში.

1845 წ. მთიელთა ძლიერება არ შენელებულა. ლეკურ საკორდონო ხაზზე მშვიდობიანი წელი არ ჩანდა.

1847 წელს მოლა-შაბან-ჰარელი და-ბელადი ადამოვნი ჩამოსულან ჰარში და სოფ. კატეხი აუჯანყებიათ². ცალკეულ თემებში აჯანყებას ზედ ერთვოდა შამილის რაზმების შემოტევები. ვოლკონსკის თქმით, ამ მომენტში „განსაკუთრებული მიღწევებით“ გავრცელდა ჰარელთა შორის დალისტნიდან შემოტანილი მიურიდიზმი, რომელიც, მისივე აღიარებით, წარმოადგენდა „რუსთა წინააღმდეგ მთიელთა ომის მტკიცე ნიადაგს“³.

1848 წელს რუსეთის მთავრობა დაბეჭივებით ცდილობდა, რომ შეწყვეტილიყო „ჰარელ ლეკთა ურთიერთობა ურჩებთან“. როგორც ჩანს, განზრახული იყო მოწინავე სიმაგრეების აგებით ჰარ-ბელაქნის სრული იზოლირება გადამთიელი ტომებისაგან. ამავ წლის აგვისტოში შამილის ნაიბები ჰაჯი-მურატი და ტურაჩი 3000 კაცით და დანიელ-ბეგი 8000 კაცით ჰარ-ბელაქანს მიუახ-

¹ Колон. полит. цар. в Азерб., т. I, გვ. 82.

² Журнал ген.—л. Шварца о военных действиях в Джаро-белоканском округе с 6-го по 13-е мая 1847 г. (Акты, т. X, გვ. 350—351).

³ ვოლკონსკის დასახ. ნაშრ., 89—90.

ლოვდნენ და სიმაღლეები დაიკავეს. გენ. შვარცმა მთელი რაზმი ბელაქანში შეჰყარა. 2 სექტემბერს ქარის სიმაღლეებზე გამოჩნდა საკმაოდ მრავალრიცხოვანი რაზმი მოლა-შაბანისა და მუღირ-აღალოვის მეთაურობით. შვარცმა ყოველი ზომა მიიღო, რომ მოსახლეობა მიუბრუნებოდა; მის განკარგულებაში მცირერიცხოვანი რაზმი იყო. ამიტომ მან ჯერ პარტიზანული ჯგუფებით დაიწყო ბრძოლა, შემდეგ კი, როდესაც მოწინააღმდეგეები მოახლოვდნენ, შეტევაზე გადავიდა, მაგრამ მდ. კატეხის-წყალი ადიდებული იყო და შვარცის რაზმებს ხიდის კეთება მოუხდათ. მალე მთიდან დაეშვნენ მიუბრუნებულნი. მოხდა სასტიკი ბრძოლა, რომელშიაც მიუბრუნებები დამარცხდნენ.

მიუბრუნებების ეპიზოდური შემოტევებით დაბანდებული იყვნენ საკორდონო ხაზზე განლაგებული რუსთა რაზმები. 1848 წ. გრძელდებოდა განშირებული თავდასხმები კახეთის სოფლებზე. გაზაფხულზე მიუბრუნებულ დიდი რაზმი თავს დაესხა სოფ. გრემს, გაქურდა იგი და ბევრი ტყვე წაასხა. ქართველთა პოლკის ერთი ასეული სიმონ ჯანდიერის მეთაურობით მათთვის გზის მოსაქრელად გაეშურა. კირპუჩის მთასთან ეს ასეული მოულოდნელად წააწყდა მოწინააღმდეგის მრავალრიცხოვან რაზმებს, რომლებიც თურმე მოთარეშე ავაზაკებს ზურგს უმაგრებდნენ. ხუთჯერ ქარბი მოწინააღმდეგე გარს შემოერთყა ქართველთა ასეულს, რომელიც 230 კაცისაგან შედგებოდა. უკან დასახევი გზა არ იყო. ქართველები ზურგით მიეხრნენ კლდეს და გააფრთხილდნენ იბრძოდნენ. ბრძოლა 6 საათს გაგრძელდა. ბევრჯერ სცადეს მათ გაერღვიათ ცოცხალი კედელი, მაგრამ უშედეგოდ. გმირულ ბრძოლაში დაიღუპა 160 კაცი; მათ შორის მეთაური ჯანდიერიც. დანარჩენებმა მხოლოდ ღამით გაიკაფეს გზა. მიუბრუნებმაც დიდი ზარალი ნახეს¹.

ასეთი ეპიზოდები მრავლად ჩაიწერა ქართველთა პოლკის ისტორიაში, რომელიც მხატვრული სისრულით აღწერა რუსმა სამხედრო მოხელემ ვოლკონსკიმ. ხაზგასასმელია, რომ საქართველოს აღმოსავლეთის საზღვარზე ქართველთა პოლკი მეტად სერიოზულ როლს ასრულებდა.

შამილის ბანდების გამუდმებული თარეში აღმოსავლეთ კახეთში და მის ახლოს ძველ „ლეკიანობას“ მოგვაგონებდა. XIX

¹ ვოლკონსკის დასახ. ნაშრ., 146—48.

საუკუნის პირველ ნახევარშიაც არსებული შემოსევები ძველებურადავ ეჭურდულ-აბრაგულ ხასიათს ატარებდა და ქვეყანაში გაძულდებული განგაში გრძელდებოდა.

კახეთის მეზობლად მთაში მიმდინარე ომის პირობები მძიმე გავლენას ახდენდა აგრეთვე კახეთის მოსახლეობაზე, რომელიც მოვალე იყო სისტემატურად გამოეყვანა რუსთა რაზმების დასახმარებლად თავისი ლაშქარი და მოემარაგებინა იგი სურსათით. ერთ წერილში, 1858 წ. 28 აპრილს, გრიგოლ ორბელიანი წერდა: „22 სოტნა მილიციისა გაიყვანეს მარტო კახეთიდან და ახლავე დაყენეს ლინიაზე; რა შეიწროებულ მდგომარეობაში იქნება კახეთი, რომელიცა ყოველს ღვეს უნდა აძლევედეს ორი ათასს თუმანზე მეტსა მხოლოდ ამ ერთი საგნისათვის საჯამაგროს და კახეთი ესოდენს რას დაჰკარგავს, თუ გინდა მართლად მტერიც მოვიდეს მასზედ?“¹.

დაძაბულ ვითარებაში მიმდინარეობდა 1849, 1850, 1851, 1852 წლებიც. აღმოსავლეთ კახეთის საზღვრებთან, ზოგჯერ მის შიგნითაც, ამ წლებში ისევ სისხლი იღვრებოდა.

XIX საუკუნის 30-40-ან წლებში აღმოსავლეთ კახეთში წინანდელთან შედარებით მდგომარეობა უფრო განმტკიცებული იყო. მიუხედავად მიუზიდების გაძლიერებისა ჭარ-ბელაქანში მოქმედი ანტირუსული ძალები სუსტდებოდნენ. ამის უპირველესი მიზეზი იყო ადგილობრივი ქართველი მოსახლეობის მხარდაჭერა რუსეთისათვის. რუსეთს თანაუგრძნობდნენ აგრეთვე მუღალი გლეხები და სოციალურად დამონებული ავარ-წახურები, რომელთა ერთი ნაწილი რუსთა მხარეზე იბრძოდა. ეს ჩანს კვლავ გ. ორბელიანის წერილიდან ილია ორბელიანისადმი 1851 წ. 21 აგვისტოს. „...ჭარელები გავგზავნე მთაში გოდორდალთან² გზის წასახდენად, ასე რომ ცხენოსანმა ველარ გამოვლოს. აბა სად გაგონილა უწინდელს დროში, რომ ჭარელები გზებს ახდენდნენ ლეკების საზიანოდ?“³.

¹ გ. ორბელიანი. წერილები, ტ. II, გვ. 239.

² ავ. გაწერელიას შენიშვნით გუდურ-დადი ჭარ-ბელაქანის ოლქს აღმოსავლეთით ესაზღვრებოდა (გ. ორბელიანი. წერილები, ტ. II, შენ. 13).

³ გ. ორბელიანი ხაზგასმით დასძენდა: „...აი ასეთი კაცი ვარ; მაგრამ არ მწერ კი, ჩემზე რას ამბობენ?“ (გვ. 19). როგორც ვხედავთ, გენერალს საკუთარ ჭება-დიდების ამბებიც აინტერესებდა. საინტერესო იყო, თუ რა შედეგი გამოიღო მის მიერ გაგზავნილ ჭარელთა მოქმედებამ. ეს არ ჩანს

რუსეთის მთავრობა კარგად იყენებდა აღმოსავლეთ კახეთში არსებულ სოციალურ ბრძოლას და ძირითადი ქართველი მოსახლეობის მისწრაფებას მოძმე პროვინციებთან კავშირის განმტკიცებისათვის. ამასთანავე გაბატონებული ლეკთა ბანაკშიაც მას ბევრი აგენტი ჰყავდა.

მიუხრდივით გამწვავებული ბრძოლის ვითარებაში, როდესაც აღმოსავლეთ კახეთზე გამავალ ლეკურ საკორდონო ხაზს ჯღიღესი მნიშვნელობა ენიჭებოდა, მთავრობა ქარ-ბელაქნის მმართველად ქართველ სამხედრო მოხელეებს ნიშნავდა. გენ. სავარსამიდის შემდეგ მმართველად იყო პოლკოვნიკი ბეზობრაზოვი, რაიმელიც გენ. ქილაშვილმა (ჩილიაკი) შესცვალა, ხოლო ქილაშვილი კი — გრიგოლ ორბელიანმა, რომელმაც განსაკუთრებით დიდი სახელი მოიხვეჭა მიუხრდივითა და შამილის წინააღმდეგ ბრძოლაში¹.

XIX საუკუნის 40-ანი წლების მიწურულსა და 50-ის დასაწყისში შამილისა და მიუხრდივის სამხედრო ავანტიურის ბატონობა დაღისტანში სწრაფი დაცემის გზით მიექანებოდა. გლუხთა მზარდი აჯანყებები წალეკვას უქადდა მიუხრდითა შეუზღუდველ აღვირახსნილობას. იზრდებოდა განხეთქილება მიუხრდიებს შიგნითაც.

1852 წლიდან რუსთა რაზმები წარმატებით ებრძოდნენ შამილს. რომელიც მარცხს განიცდიდა და ზედისზედ სთმობდა პოზიციებს.

რუსეთ-ოსმალეთის ომის დაწყებამ (1853 წ.) ფრთები შეასხა მიუხრდიულ რეაქციას. კვლავ ამოძრავდა თურქული აგენტურა აღმოსავლეთ კავკასიაში. შამილმა გამოაცხადა, რომ ამიერიდან რუსთა წინააღმდეგ ბრძოლა გაგრძელდებოდა სულტან-ხალიფთან ერთად.

მიუხედავად შამილის სისუსტისა რუსთა რაზმების აქტიური მოქმედების გაშლა დაღისტანში, მაშინ როცა ომი ოსმალეთთან დაწყებული იყო, მიზანშეწონილი არ იქნებოდა. სავსებით სწორი იყო გენ. ორბელიანი, როდესაც აცხადებდა, რომ დასუსტებული

¹ ორბელიანი 1850 წ. ინიშნება ლეკური საკორდონო ხაზის უფროსად. 1851—1852 წლებში იგი ქარ-ბელაქნის სამხედრო ოლქის მმართველია. 1854 წ. ორბელიანი კასპიის მხარის დროებით გამგებლად და დაღისტნის ჯარების სარდლის მოვალეობათა ამსრულებლად მუშაობდა; 1855 წ. არლუთინსკის სიკვდილის გამო მას ამ თანამდებობაზე ამტკიცებენ (გრიგოლ ორბელიანი. წერილები, ტ. I, აკ. გაწერელის შესავალი წერილი, გვ. XVIII—XX).

მიურიდები შექმნილ ვითარებას სათანადოდ ვერ გამოიყენებდნენ და ამ მომენტში დალისტის საბოლოო გაწმენდის ამოცანის განსორციელება, რასაც მეფის მთავრობა მიზნად ისახავდა, მეტად სახიფათო იქნებოდა. გენ. ორბელიანმა, გენ. ბარიატინსკის მხარდაჭევით. მთავრობას ამ განზრახვაზე ხელი ააღებინა¹. დალისტის გაწმენდის მიზანი დაწყებული ომის დასრულების შემდეგ უნდა განხორციელებულიყო.

სულტანისა და მისი მოკავშირეების—ინგლისისა და საფრანგეთის საბრძოლო გეგმის მიხედვით შამილს უნდა დაებანდებინა რუსთა რაზმები საქართველოში და ამით გაეადვილებინა მოკავშირეთა მოქმედება მთავარ ფრონტებზე². შამილს მჭიდრო ურთიერთობა ჰქონდა ოსმალეთის სულტანთან. მას ჰპირდებოდნენ, რომ თბილისის აღების შემდეგ ამიერკავკასიის მეფობას მისცემდნენ³. „შამილმა ოსმალეთისაგან ოფიციალურად მიიღო საქართველოსა და ჩერქეზეთის არმიის გენერალისიმუსის წოდება“⁴.

აიძობიარე ომში. 1853 წ., ოსმალთა ჭარბთან კოორდინაციის დამყარების შემდეგ, შამილი მრავალრიცხოვანი ჭარით ჭარის მალღობებს მოადგა. მისი ეს გამოსვლა საქართველოს აღმოსავლეთ საზღვართან, როგორც ჩანს, უკავშირდებოდა ოსმალთა შემოჭრას დასავლეთიდან, გურიაში. შამილმა თავისი შვილი ყაზი-მოჰამედი და დანიელ-ბეგი გაგზავნა ზაქათალის ასაღებად.

შამილის წამოსვლა ჭარის გზით შემთხვევითი არ ყოფილა. აქ მას საკმაოდ მრავლად ეგულებოდა მიურიდთა მომხრე და ხელისშემწყობი ელემენტები.

ზაქათალასთან შამილის რაზმებს ცეცხლით შეეგება 40 კახაკი. კახაკებს მრავალრიცხოვანი მტრის წინააღმდეგ პირდაპირი ბრძოლა არ შეეძლოთ და ისინი ციხეში გამაგრდნენ. მიურიდებმა დაიკავეს ზაქათალა. მათი ცხენოსანი რაზმი აქედან გაეშურა ალაზანზე გადასასვლელის დასაკავებლად, მაგრამ გენ. ორბელიანმა მათ გზა გადაუღობა. მოხდა ბრძოლა. ქართველთა და რუსთა რაზ-

¹ БСЭ. 1937, т. 30, стр. 502.

² Маркс и Энгельс. Сочин. т. IX, стр. 410, 556.

³ Н. Ченшвили. К истории борьбы грузинского народа против турецких интервентов... стр. 263.

⁴ К. Маркс и Ф. Энгельс, Сочин. т. X, стр. 124.

მებმა უკუაგდეს ალაზანზე მომდგარი მტერი, რომლის ჯარის ნაწილი სოფ. კატეხში გაიქცა, ნაწილი კი—თალაში. ამის შემდეგ ადგილი ჰქონდა შეტაკებას ბელაქანში, სადაც მიურიდები კვლავ სასტიკად დამარცხდნენ. ისინი იხევდნენ ბელაქნიდან მთის ფერდობებზე მდებარე სოფლებისაკენ (ზარნა, ლექართი, იგივე ლიაკიტი). შამილი ემზადებოდა ზაქათალის ციხის ასაღებად, მაგრამ რუსთა დამატებითი რაზმების გამოჩენამ მას განზრახვაზე ხელი ააღებინა. მიურიდებმა მთებისაკენ იბრუნეს პირი¹. ამ დროს განსაკუთრებულ სიმამაცეს იჩენდა გენერალ-ლეიტენანტი გრიგოლ ორბელიანი.

ამრიგად, 1853 წ. შამილის ჯარების შემოსევა ჭარ-ბელაქანში წარმოადგენდა მიურიდების სუსტ დივერსიას, რომელსაც არაერთარი გავლენა არ მოუხდენია მიმდინარე ომზე. ამ დივერსიას მოჰყვა მხოლოდ მოსახლეობის გარკვეული ნაწილის დარბევა, მძარცველურ-აბრაგული ძალადობის შემთხვევები, რის შედეგადაც აღმოსავლეთ კახეთის მშრომელებმა მატერიალური ზარალი განიცადეს.

1853 წ. 9 ნოემბერს მეფისნაცვალ ვორონცოვი ატყობინებდა მეფეს: „სარგებლობდა რა ჩვენდამი ურჩი კავკასიური ტომების მღელვარებით... შამილმა გადაწყვიტა გაბედული წამოწყების განხორციელება—ჩამოსულიყო ლეკურ საკორდონო ხაზზე, აეჯანყებინა ჩვენს წინააღმდეგ ჭარ-ბელაქნის სამხედრო ოლქის მცხოვრებლები, ან დაერბია ისინი და მთებში წაესხა“, მაგრამ შამილი და მისი ნაიბი დანიელ-ბეგი დამარცხდნენ².

1854 წ. შამილმა მეორედ ილაშქრა საქართველოში. იგი დარგოდან დაიძრა. ახლა იგი ცდილობდა სამხრეთისაკენ გაქრას, რომ უშუალოდ დაკავშირებოდა ოსმალებს³. მის განკარგულებაში 12 ათასამდე კაცი იყო. მიურიდები შეიჭრნენ კახეთში, ხანმოკლე ბრძოლით დაიკავეს სოფ. შილდა. ამის შემდეგ ერთმა რაზმმა ყაზი-მოჰამედის სარდლობით ალაზნის ნაპირები დაარბია. მიურიდე-

¹ Сказание очевидца о Шамиле. Сб. св. о Кавк. горах, вып. VII, 1873, гв. 43—45. შემოსევის თარიღად აქ შეცდომითაა მითითებული 1852 წელი. ნახე აგრეთვე: А. Слусаренко. Последний поход Аргутинского-Долгорукова. „Кавказ“, 1860 г., № 7.

² Акты, т. XII, гв. 1444.

³ К. Маркс и Ф. Энгельс. Соч., т. IX, гв. 611.

ბი მალე გაიქრნენ წინანდლისაკენ, სადაც გაძარცვეს თავადი ჭავჭავაძის სახლი, დაატყვევეს ქალები და ბავშვები. ასეთი ნადავლით დაკმაყოფილებული მძარცველები მოსალოდნელი სრული განადგურების შიშით, უკან გაბრუნდნენ. მდ. ალაზანზე მოხდა ბრძოლა, მაგრამ მათ მოახერხეს ტყვეების გატაცება დაღისტანში¹.

აღნიშნული ქურდული შემოსევით კმაყოფილი შამილი თავის-სიხარულს სპეციალური წერილით უზიარებდა ოსმალთა რაზმების მთავარსარდალ ომერ-ფაშას, ქ. ყარსში მყოფი ინგლისელი გენ. ვილიამსის მეშვეობით². ამ დივერსიასაც თითქმის არავითარი გავლენა არ მოუხდენია მიმდინარე ომზე. კმხოლოდ, კვლავაც, მოსახლეობამ განიცადა ზიანი. შამილის აბრაგულმა შემოსევამ ერთხელ კიდევ ცხადყო, რომ მიურიდების სამხედრო დივერსიები მხოლოდ ავანტიურა იყო. მოსახლეობა მტრულად ხედებოდა შამილის ბანდებს.

XIX საუკუნის 50-ანი წლებიდან მიურიდების ბანაკი დღე-დღეზე სუსტდებოდა. მეფის მთავრობა სულ უფრო და უფრო აღრმავებდა განხეთქილებას მათ შორის. მალე მეფის მხარეზე გადავიდა შამილის ცნობილი ნაიბი ჰაჯი-მურატი. დალატი ემჩნეოდა ელისუს ყოფილ სულტან დანიელსაც.

ოსმალეთთან მიმდინარე ომის (1853—1856 წწ.) დასრულებამ საშუალება მისცა მეფის რუსეთს, რომ თავისი ძალების ახალი ნაწილები დაღისტანში გადაესროლა. რუსთა რაზმებმა მეფისნაცვალ ბარიატინსკისა და გენ. გრიგოლ ორბელიანის სარდლობით ყოველი მხრიდან შეავიწროვეს მიურიდთა შეთხლებული რაზმები.

შამილის დამარცხების წინა დღე კარგად განჭვრიტა გ. ორბელიანმა. იგი 1859 წ. 14 მარტს სწერდა დ. ჯორჯაძეს: „ახლა ჩვენია დრო!—ამისთანა შემთხვევას ძნელად და იბოვნით: ჩაჩანი მთლად ჩამოეცალა შამილსა; თვით დაღისტანშიაცა ყრუ არეულობაა, ხალხი მოთმინებიდან გამოსულია ესოდენის სისხლის ღვრითა და გაოხრებითა“³.

1858 წლის განმავლობაში და 1859 წ. დასაწყისში დაკავებულ იქნა საჩაჩნო, 1859 წ. 1 აპრილს დაიპყრეს შამილის რეზიდენცია

¹ Сказание очевидца о Шамиле, გვ. 46—47. БСЭ, 1937, т. 30, გვ. 503.

² იქვე.

³ გ. ორბელიანი, წერილები, ტ. II, 1937, გვ. 265.

ხოლო 25 აგვისტოს—მისი უკანასკნელი ციხე-სიმაგრე—გუნიბი¹. დამარცხებული შამილი ტყვედ დანებდა რუსთა რაზმებს. ამით დასრულდა აღმოსავლეთ ამიერკავკასიის დაპყრობა.

დალისტინისა და საჩაჩნოს საბოლოო დამორჩილებას მალე მოჰყვა რუსეთის მიერ კავკასიის საბოლოო დაპყრობისათვის წარმოებული ხანგრძლივი ომის დასრულება, რაც აღინიშნა დასავლეთ კავკასიის მთიანეთის დამორჩილებით (1864 წ. მაისი). ამ აქტს მარქსი სამართლიანად თვლიდა იმ დროის მსოფლიო-ისტორიული მნიშვნელობის ერთ უდიდეს მოვლენად².

აღმოსავლეთ კავკასიის საბოლოო დაპყრობას უდიდესი მნიშვნელობა ჰქონდა როგორც რუსეთისათვის, ისე საქართველოსა და ამიერკავკასიის ხალხებისათვის. მას განსაკუთრებული მნიშვნელობა ჰქონდა აღმოსავლეთ კახეთისთვისაც, სადაც მრავალი წლის განმავლობაში მიუჩრდიდებ ბევრი მომხრე ჰყავდათ. ქარში მეფის რუსეთის ბატონობის წინააღმდეგ მებრძოლი და ოსმალეთის ორიენტაციის მქონე პარტია ჰკარგავდა ძლიერ დასაყრდენს. მას უკვე აღარ ჰქონდა მთებს გადაღმა მყოფი აბრაგული ბანდების დახმარების იმედი. შამილის საბოლოო დამარცხება ამავე დროს მოასწავებდა მეფის მთავრობის პოზიციების განმტკიცებას აღმოსავლეთ კახეთში.

რუსეთის მთავრობა შამილისა და მიურიდიზმის წინააღმდეგ ბრძოლის მთელ პერიოდში ქართველი ხალხის ენერგიული მხარდაჭერით სარგებლობდა. მიუჩრდიდებ ქართველობა უყურებდა როგორც აბრაგულს, ლეკურ ბანდებს, რომელთაც მხოლოდ ტყვე ადამიანების დატარება და სხვა ნადავლის შოვნა აინტერესებდათ და რომლებიც სისხლიდან ცლიდნენ საქართველოს.

ქართველი თავადაზნაურობა თვლიდა, რომ აღმოსავლეთ ამიერკავკასიის დაპყრობით შესრულდა რუსეთის მიერ საქართველოს მიმართ წარსულში დადებული პირობა იმის შესახებ, რომ იგი საქართველოს საგარეო მტრებისაგან დაიცავდა. თავადაზნაურობას მიაჩნდა, რომ მომხდარი მოვლენა საქართველოს საგარეო პოლიტიკური სიმშვიდის უდიდესი გარანტია იყო. იგი ამ მოვლენის მოსაგონებლად სახალხო-საზეიმო დღესასწაულის შემოღებას მოითხოვდა³.

¹ Семен Эсадзе. Штурм Гуниба и пленение Шамилля. Тифлис, 1909, გვ. 208.

² Марков Е. Очерк Кавказа, გვ. 507.

³ К. Маркс и Ф. Энгельс. Сочин. т. XXIII, გვ. 188.
15. მ. დუმბაძე

იმ დროის ქართველი ფეოდალური ინტელიგენციის წარმომადგენლები და მშრომელები დიდი ენერგიით მონაწილეობდნენ მიუხედავად წინააღმდეგ მიმართულ ბრძოლებში. მათ შორის იყო პოეტი მამია გურიელი¹. მწერლები და პოეტები კმაყოფილებით ხვდებოდნენ მიუხრიდებზე მოპოვებულ ყოველ გამარჯვებას.

ცნობილი რევოლუციონერი მწერალი ეგნატე ნინოშვილი რუსეთის მიერ დაღისტნის დაპყრობას საქართველოსათვის უდიდეს მოვლენად თვლიდა. მას ნათლად ჰქონდა წარმოდგენილი, თუ როგორი დიდი ზიანი ადგა საქართველოს დაღისტნიდან მოდენილ აბრაგულ-ლექურ შემოსევათა გამო.

„...ვინ მოსთვლის, რამდენი ქალი; კაცი და ბავშვი მოუტაცნიათ ლეკებს საქართველოდგან! ვინ მოსთვლის, რამდენი მუშა ქართველი კაცი დაკლულა შეუბრალებლის ლეკის ბელადის ხელით, რამდენი ქართველი ქალი ტყვედ წაყვანილა ლეკეთში და გაუპატიურებულა, რამდენს ქართველ კაცს, ლეკების მიერ ბავშვობისას ტყვედ წაყვანილს, ველარ უცენია თავისი სამშობლო საქართველო და სხვა ლეკებთან ერთად სისხლი უღვრია თავისი მოძმე ქართველებისა!“².

სახელოვან მწერალს მიაჩნდა, რომ მიუხრიდების საბოლოო დამარცხებითა და შამილის დატყვევებით იწყებოდა ახალი პერიოდი საქართველოსა და დაღისტნის ხალხების ურთიერთობაში.

„უკანასკნელ დროს,—წერდა ეგნატე 1891 წ.—როგორც საქართველოს, ისე დაღისტნის ისტორიული ცხოვრება შეიცვალა; აუარებელ მტრისაგან დაუძღურებულმა საქართველომ რუსეთს შეაფარა თავი. ამ მიმდინარე საუკუნის შუაში, რუსეთისა და ქართველების ჯარმა შეიპყრეს გუნიბის ლომი შამილი... ამის შემდეგ მოისპო ქართველებსა და ლეკებს შორის მტრობა“³.

შამილისა და მიუხრიდული რეაქციის წინააღმდეგ ბრძოლაში

¹ თხზულებანი მამია გურიელისა. 1897, ი. მეუნარგიას შესავალი წერილი, გვ. XVIII.

² ეგნატე ნინოშვილი. თხზულებანი, ტ. II, გვ. 265.

³ იქვე, გვ. 266.

ქართველმა ხალხმა უდიდესი როლი შეასრულა. ეს არ ყოფილა შემთხვევითი, რადგან საქართველო ის ქვეყანა იყო, რომელმაც უდიდესი ზიანი განიცადა დაღისტნელ აბრაგთა საუკუნოვანი შემოსევების შედეგად. ხოლო მიურიდებისა და შამილის მოძრაობის მთელ პერიოდში მათი მარბიელი რაზმები კახეთის მიმართ ისეთსავე როლს ასრულებდნენ, როგორც მე-18 საუკუნის მოთარეშე ლეკური ბანდები, რომელთა მიზანი ტყვე-ალაფის შოვნა იყო.

მიურიდებთან მიმდინარე ომის პერიოდშიაც მოწინავე ქართველებს კარგად ესმოდათ ქართველთა და რუსთა მიერ წარმოებული ბრძოლების მნიშვნელობა საქართველოსათვის. მეფის რუსეთის ბატონობის გავრცელება აღმოსავლეთ ამიერკავკასიის სახანოებზე დიდ ქართველ პოეტს ნიკოლოზ ბარათაშვილს საქართველოსათვის დადებით მოვლენად მიაჩნდა. მისი სწორი მოსაზრებით, მეზობელი მაჰმადიანური პოლიტიკური ერთეულები საქართველოსათვის უვნებელი გახდნენ. ეს აზრი გაატარა მან თავის ლექსში „საფლავი მეფის ირაკლისა“¹.

ნ. ბარათაშვილმა სპეციალური ლექსი მიუძღვნა ქართველთა სახალხო ლაშქრის გამირულ ბრძოლას მიურიდებისა და შამილის წინააღმდეგ 1844 წელს. მან აღნიშნა, რომ მიურიდების წინააღმდეგ იბრძოდნენ როგორც ქართველი თავადაზნაურობა ისე გლეხობა. გენიალურმა პოეტმა განჰკრიტა, რომ შამილის მოძრაობას ახასიათებდა „ბოროტი სული“, რომ ქართველთა ბრძოლის მიზანი სწორედ ასეთი სულის გაქრობას ისახავდა მიზნად. ამავე დროს პოეტი თვლიდა, რომ დაღისტნისა და საჩაჩნოს დამშვიდება, ამ უბნებიდან მტრულ შემოსევათა ალაგმვა დიდი ერეკლეს ანდერძის შესრულებისათვის ბრძოლა იყო, რომ კავკასიონის გადაღმიდან თავდასხმებმა ბევრი სისხლი ადინა საქართველოს, ეს გარემოება კი ქართველობას აქეზებდა გადამწყვეტი ბრძოლისათვის².

მიურიდებისა და შამილის წინააღმდეგ ომებში სერიოზული როლი შეასრულეს ქართველმა გენერლებმა გრიგოლ ორბელიანმა, დიმიტრი თამაზის-ძე ორბელიანმა, ლ. სავარსამიძემ, ზ. ქავჭავაძემ

¹ „აწ აღარ ერჩის ქართლის გულსა კასპიის ლელვა: ვრლა ურყევს მას განსვენებას მისი აღტყველვა“ (ნ. ბარათაშვილი. ლექსები, პოემა, წერილები, თბილისი, 1939 გვ. 32).

² იქვე გვ. 35—36.

და სხვებმა. განსაკუთრებით დიდი იყო გრიგოლ ორბელიანის დამსახურება.

გრიგოლ ორბელიანი, მეფის რუსეთის დიდი მოხელე საქართველო-ამიერკავკასიაში, ცნობილი ქართველი პოეტი, თითქმის 15 წლის განმავლობაში იბრძოდა მიურიდიზმისა და შამილის წინააღმდეგ¹. იგი აღმოსავლეთ კავკასიის დაპყრობისათვის წარმოებული ომის ერთი თვალსაჩინო სარდალთაგანი იყო. შამილი გენ. ორბელიანსა და გენ. ევლოკიმოვს თავის „ყველაზე დიდ მტრებად“ აღიარებდა².

დიდი ქართველი პოეტი აკაკი წერეთელი შამილს თვლიდა „სისხლმოწყურებული“ ბანდების მეთაურად. ამ ბანდებმა, რომლებსაც პოეტი „ლეკების“ სახელით იხსენიებს, დიდი ზიანი მიაყენეს ჩვენ ქვეყანას³.

მიურიდებსა და შამილზე ქართველთა და რუსთა რაზმების მიერ მოპოვებული გამარჯვებები პოეტ გრიგოლ ორბელიანს მიահნდა „კახეთის სისხლის ლაღადისად“⁴.

ქართულმა პრესამ (ჟურნ. „ცისკარი“) 1858 წ. გრიგოლ ორბელიანის წარმატებითი მოქმედება შამილის წინააღმდეგ დაახასიათა როგორც გმირული საქმე⁵.

აღმოსავლეთ ამიერკავკასიის საბოლოო დაპყრობით იწყებოდა შედარებით უფრო მშვიდობიანი პერიოდი აღმოსავლეთ კახეთის მოსახლეობის ცხოვრებაში. ამავე დროს ლახვარი ჩაეცა ინგლისისა და ოსმალეთის მიზნებს საქართველო-ამიერკავკასიაში.

საინგილოს მოსახლეობა ამიერიდან უფრო მჭიდროდ უნდა დაკავშირებოდა მოძმე ქართულ პროვინციებს.

¹ გრიგოლ ორბელიანი. წერილები, ტ. I, აკ. გაწერელიას შესავალი წერილითა და რედაქციით, გვ. XVIII.

² გრიგოლ ორბელიანი. პოეტური ნაწერების სრული კრებული, 1951 აკაკი გაწერელიას შესავალი წერილი, გვ. IX.

³ აკაკი წერეთელი. შამილის სიზმარი, თხზ., ტ. I, ლექსები, 1941 გვ. 13—14.

⁴ გრ. ორბელიანი. პოეტური ნაწ. სრული კრებული, გვ. X.

⁵ გრიგოლ ორბელიანი. წერილები, ტ. I, გვ. XXII.

ქვემოთხედი ინგოლოები და მეუის აუსეთის პოლიტიკა
 აღმოსავლეთ კახეთში XIX ს. 50—60-იან წლებში

1. მეუის მთავრობის იდეოლოგიური პოლიტიკა აღმოსავლეთ კახეთში

მეუის რუსეთი ბალკანეთისა და აღმოსავლეთის ქრისტიანი ხალხების მფარველის როლს ჩემულობდა. ქრისტიანთა ინფარველობის დროშა ძირითადად მეუის მთავრობის დამპყრობლურ მიზნებს ფარავდა. ამ დროშამ თავისებური როლი შეასრულა რუსეთის მიერ ბალკანეთისა და აღმოსავლეთის ქრისტიანთა განთავისუფლებაში ოსქალეთის ბარბაროსული ბატონობისაგან.

წარსულში სახელმწიფოთი მიერ რელიგია ყოველთვის გამოყენებული იყო მასების დამონების, ადამიანის მიერ ადამიანის ექსპლოატაციის საშუალებად. ქრისტიანობა ყოველთვის ექსპლოატატორთა კლასის ინტერესებს ემსახურებოდა. ქრისტიანობა მაღალი კლასების ხელში, ენ გ ე ლ ს ი ს სიტყვებით რომ ვთქვათ, იყო „დაბალი კლასების ლაგამის ამოსადები საშუალება“¹.

XIX საუკუნის მთელ მანძალზე, თითქმის 70-ან წლებამდე, მეუის მთავრობა საქართველო-ამიერკავკასიაში ქრისტიანობის დაცვის დროშით მოქმედებდა. როგორც რუსეთის იმპერიაში გაბატონებული რელიგია, ქრისტიანობა თავისი დაწესებულებებით დიდი პრივილეგიებით სარგებლობდა. ეს პრივილეგიები ჩანდა სოციალურ-პოლიტიკურ ურთიერთობათა სფეროში, განათლების დარგში და ყველგან. ამავე დროს რელიგიური ორგანიზაციის მთელი ბიუროკრატიული აპარატი ენერგიულად ემსახურებოდა ცარიზმის კოლონიურ პოლიტიკას.

კავკასიის დამპყრობისათვის მეუის რუსეთის მიერ წარმოებული მრავალწლოვანი ომის პერიოდში მეუის მთავრობა ქრისტიანებს უპირისპირებდა მუსლიმანებს. მუსლიმანებთან შედარებით მკვიდრ ქრისტიანებს გზა ხსნილი ჰქონდათ რუსულ მმართველობა-

¹ ფ. ენ გ ე ლ ს ა. ლუდვიგ ფოიერბახი და კლასიკური გერმანული ფილოსოფიის დასასრული (კ. მარქსი და ფ. ენგელსი. რჩეული ნაწერები ორ ტომად. ტ. II, გვ. 481. შუა საუკუნეების ისტორია „არ იცნობდა იდეოლოგიის სხვა ფორმას, გარდა რელიგიისა და თეოლოგიისა“ (იქვე, გვ. 457).

ში სახელმძღვანელო ადგილებზედაც კი მაშინ, როცა მუსლიმანებს იშვიათად ნიშნავდნენ პასუხსაგებ თანამდებობებზე. ქვეყანაში ჯერ კიდევ არსებულ ცალკეულ პოლიტიკურ ერთეულებში მეფის რუსეთი სასტიკად კრძალავდა მხოლოდ ტყვე ქრისტიანებით ვაჭრობას. მუსლიმანურ რაიონებში ქრისტიანობის გავრცელებისა თუ აღდგენის დროს მთავრობა ამსუბუქებდა ახალმონათლულთა მდგომარეობას, ზოგჯერ მათი განთავისუფლების ხარჯზე ბეგრავდა მუსლიმანებს და სხვ.

აღნიშნული პოლიტიკა აღრმავებდა განხეთქილებას და მტრობას ამიერკავკასიის სხვადასხვა სარწმუნოების ხალხებში. ეს მტრობა ხშირად ფანატიკური კაცთმოძულეობის ფორმებში ვლინდებოდა.

თავისი ობიექტური შედეგებით მეფის რუსეთის კოლონიურ-იდეოლოგიური პოლიტიკა აქ ამწვავებდა კლასობრივ ბრძოლას, ახშობდა სხვადასხვა სარწმუნოების ხალხთა შორის სოლიდარული ურთიერთობის შესაძლებლობას; ამავე დროს, ეს პოლიტიკა ყოველთვის და ყველგან ერთნაირი არ ყოფილა.

აღმოსავლეთ კასეთში, როგორც ვიცით, მეფის მთავრობა აღრიდანვე გამოეხმაურა ქართველი ინგილოების ინტერესებს. მან იცოდა, რომ ამ პროვინციის მოსახლეობა, ისე როგორც მისი კიდევ უფრო აღმოსავლეთით მდებარე რიგი რაიონებისა, ძველთაგანვე აღიარებდა ქრისტიანულ სარწმუნოებას; ამ მოსახლეობამ სუნიტურ-მაჰმადიანური დროშით მოქმედი აგრესიის ხანაში დიდი ზიანი განიცადა. აღმოსავლეთის მაჰმადიანური აგრესიული სახელმწიფოებებს—თურქეთისა და ირანის პოლიტიკა დაპყრობილ ქვეყნებში უმთავრესად იყო დაპყრობილთა ძარცვა-გლეჯისა და ძალად გამაჰმადიანების პოლიტიკა.

კავკასიაში ქრისტიანობის აღმდგენელი საზოგადოება თავისი მოღვაწეობის ისტორიულ მიძობილვაში ეხებოდა აღმოსავლეთ კასეთში ქრისტიანული სარწმუნოების აღრიდანვე გავრცელების საკითხს. მიძობილვაში მოყვანილი გადმოცემა ამ სარწმუნოების საწყისებს აქ უკავშირებდა მოციქული თადესა და მისი მოწაფის ელისეს სახელს¹.

VI საუკუნეში ჰერეთში (საინგილოც ამ ქვეყანაში იგულისხმებოდა) ქრისტიანობას უკვე გაბატონებულ სარწმუნოებად თვლიდ-

¹ Обзор деятельности Общества восстановления православного христианства за 1860—1910, Тифлис, 1910, стр. 14.

ნენ. ამავე დროს იქ ნიადაგი ჰქონია მანიქეელობასა და მონოფიზიტობასაც¹.

გამოქვეყნებულ საბუთებში (1310 წ., 1333 წ.) ჩამოთვლილია ძველი საეკლესიო-სამონასტრო ცენტრები: ანწუხისა და ქურმუხის საეპისკოპოსოები, „სამწყსო შაქ-ქურმუხნა“, ეკლესიები წახურის, კაკელისენის, კასრის, ყუმის, ლეპართის, ზარნას, ვარდიანის, ლანუხის, ქიშ-ნუხის, ვარდთაშენის, ხუნძთა, ბელაქნის, მაქ-ეიენეთისა, ფერიჯან-მუხახ-მამრეხია, მოვანის, ელისენის, ვერხვიანისა და მრავალი სხვა². ქრისტიანული სარწმუნოების გავრცელების არე აქ, როგორც ვხედავთ, იფარგლება არა მარტო საკუთრივ აღმოსავლეთ კახეთით, არამედ თანამედროვე აზერბაიჯანისა და დალისტნის რიგი რაიონებითაც.

განსაკუთრებით დიდი ნიშნელობა ჰქონდა გიშის მონასტერთან (ქ. ნუხიდან 3 კილომეტრზეა) არსებულ საეპისკოპოსო კათედრას. მომთაბარე „ველურთა“ შაჰ-აბასის აგრესიამ დიდი ზიანი მიაყენა საქართველოს, მან ლახვარი ჩასცა ამ ქვეყნის აღმოსავლეთ რაიონების ქრისტიანულ-კულტურულ ცენტრებს.

მე-18 საუკუნიდან საინგილოში დალისტნელთა გაბატონებით იწყება ადგილობრივი ქრისტიანული მოახლეობის ძალად გამუსლიმანების პროცესი³. ინგილოთა დიდმა ნაწილმა დაჰკარგა თავისი სარწმუნოება და ამით შეინარჩუნა ფიზიკური არსებობა. მაგრამ სარწმუნოებრივი ცვალებადობისა და მიუხედავად მკვიდრთა უმეტესობამ შეძლო თავისი ეროვნული სახის შენარჩუნება; თავისი ენისა და კულტურის მნიშვნელოვანი ელემენტების დაცვა⁴. ძალად გამუსლიმანებულთა უმრავლესობა ფარულად ინახავდა ძველ სარწმუნოებას, ღამ-ღამობით მიდიოდა ძველი ქრისტიანული ეკლესიების ნანგრევებთან და წეს-ჩვეულებებს ასრულებდა. ინგილოურ ოჯახებში დღესაც აქა-იქ გაისმის წარსული დრო-

¹ იქვე, გვ. 14.

² „ივერია“, 1900 წ. № 266. საბუთები. გამოქვეყნებულია გ. ფარადაშვილის წერილში „ქურმუხის წმ. გიორგობა საინგილოში“.

³ საარქ. საბ. კარ-ბელაქნის შესახებ, გვ. 507.

⁴ 1855წ. ერთ საბუთში ნათქვამია: „...сохраняя свой родной язык грузинский, на котором они ныне объясняются весьма свободно, и не желая соединиться с своими соседями лезгианами. узлами родства, ингилоцм составляли и до сих пор составляют особое общество среди мусульманского населения“ (ИГИА Гр. ССР, ф. 416. оп. 2, л. 36, ф. 1—2).

ის სარწმუნოებრივი დევნის ანარეკლი, ზოგჯერ მშობელი გულისწყრომით მიმართავს შვილს— „არ გესმის ძველი ქართული?!“.

ძველი ქართული კულტურისა და სარწმუნოების დაცვაში დიდი როლი შეასრულეს ინგილო ქალებმა, რომლებიც ენერგიულად ებრძოდნენ სუნიტურ-მუსლიმანური რეაქციის მანე გავლენებს ქართულ ოჯახში და იცავდნენ ამ ოჯახის მდიდარ ტრადიციებს. ეს გარემოება შეუმჩნეველი არ დარჩენიათ XIX საუკუნის მეორე ნახევარშიც¹.

რა თქმა უნდა, ქრისტიანული სარწმუნოების დევნა საინგილოში არ ყოფილა საერთოდ ქრისტიანებსა და მუსლიმანებს შორის მტრობის ანარეკლი. უპირველეს ყოვლისა ეს დევნა გაჩაღებული იყო საქართველო-ამიერკავკასიაში ოსმალეთის აგენტურის მიერ და იგი ოსმალეთისავე დამპყრობლურ მიზნებს ემსახურებოდა. გარდა ამისა, აღნიშნული დევნა ქვეყნის შიგნით გაჩაღებული კლასობრივი ბრძოლის შედეგიც იყო. მღვდნელთა როლში პირველ რიგში გამოდიოდნენ მუსლიმანური ფეოდალური ზედა ფენისა და ისლამის რეაქციული სასულიერო წოდების წარმომადგენლები, რომელთა მოქმედებას განსაზღვრავდა მიწისმფლობელობისა და პრივილეგიური ძღვომარეობის შენარჩუნების მიზანი. მათ წარმატებას საინგილოში რამდენადმე ხელი შეუწყო იქ არსებულმა მწვავე ფეოდალურმა ჩაგვრამაც.

სოციალური და უცხო დამპყრობლის ჩაგვრის უღელში მგმინავი ინგილოური მოსახლეობა აღმოსავლეთ საქართველოში გაბატონებული რუსეთის დახმარებით მოელოდა ხსნას.

საინგილოს, ისე როგორც საერთოდ საქართველოს მშრომელი მოსახლეობა, ძველთაგანვე დიდი სიმპათიებით უყურებდა რუსებს. ქართველი ხალხი საუკუნეების განმავლობაში ოცნებობდა აღმოსავლეთის ბარბაროსებისაგან თავის ხსნაზე რუსეთის დახმარებით. ამ მხრივ დიდი მნიშვნელობა ჰქონდა სულიერ—სარწმუნოებრივ ერთიანობას. რუსეთის სახელმწიფოს აღმოსავლეთისა და ბალკანეთის ქრისტიანი ხალხების მიმართ ოსმალთა ბატონობისა-

¹ საინგილოს მღვდელმთავარი იროდიონ ოქროპირიძე ერთ თავის მოხსენებაში (1892 ს.) შენიშნავდა: „...к чести ингилойской женщины нельзя не упомянуть того факта, что христианская вера сохранена ею во время двухсотлетнего всеокрушающего ига мусульман. Она упорно защищала христианскую веру выполнением христианских обрядов между ингилойцами“. (ЦГИА, Азерб. ССР, ф. 579, оп. I, д. № 3). ამას იმეორებდა გ. ფარადაშვილიც თავის წერილში „წმ. გიორგობა საინგილოში“ („ივერია“, 1900, № 266).

ჯან განმათავისუფლებლის როლი ეკისრა. კ. მარქსი 1853 წ. წერდა: „მიუხედავად აგრამელი და პრალელი ენთუზიასტების ყოველგვარი პანსლავისტური ცდებისა, სერბი, ბულგარი, ბოსნიელი რაია, მაკედონელი და თრაკიელი სლავი გლეხობა დიდი ეროვნული სიმპათიით უყურებენ რუსებს და მათთან უფრო მეტი საერთო აქვთ, სულთერი ურთიერთობის მეტი საშუალებები, ვიდრე ამავე ენაზე მოლაპარაკე რომაულ-კათოლიკური მიმართულების სამხრეთ-სლავიანებთან; რაც არ უნდა მოხდეს, ისინი პეტერბურგიდან მოვლიან თავიანთ მესიას, რომელიც მათ ყოველგვარი ბოროტებისაგან გაათავისუფლებს; და თუ ისინი კონსტანტინოპოლს თავიანთ „სამეფო ქალაქს“ ეძახიან, ამას ისინი აკეთებენ როგორც ჩრდილოეთიდან მომავალი მართლმადიდებელი მეფის მოლოდინში, რომ ქალაქი კვლავ ქეშმარიტ სარწმუნოებას დაუბრუნონ, ისე იმ მართლმადიდებელი მეფის მოგონებით, რომელიც მას ფლობდა წინათ, ვიდრე ქვეყანას თურქები დაიპყრობდნენ“¹.

XIX საუკუნის პირველი მესამედის განმავლობაში რუსეთის მთავრობის გულისყური ინგილოებისადმი მხოლოდ მცირე მნიშვნელობის ღონისძიებებით ამოიწურა. 1803 წ. ქარელ ლეკებთან გაფორმებული ხელშეკრულებით ციციანოვი ავალებდა ლეკებს, რომ არ შეეეწროებინათ ინგილოები ქრისტიანული სარწმუნოების დაცვაში. მაგრამ მთავრობის ასეთმა გამოქომაგებამ კიდევ უფრო გააღიზიანა ავართა ფეოდალური ზედაფენები, რომლებმაც ფარულ ქრისტიანებს ახლა უფრო მეტი დევნა დაუწყეს².

საინგილოში ქრისტიანული სარწმუნოების აღდგენისათვის ბრძოლა არ დაწყებულა ზევიდან, მეფის რუსეთის მოხელეთა ჩარევით, როგორც ეს პეტრუშევსკის ნაშრომიდან ჩანს³. ქართლ-კახეთში ძლიერი ქრისტიანული რუსეთის ხელისუფლების დამყარებამ მხოლოდ მეტი სითამამე მისცა ინგილოებს, რომ თანდათანობით მოეხდინათ თავიანთი სარწმუნოების ლეგალიზაცია და დაბრუნებოდნენ მშობლიურ კულტურასა და კერას.

ინგილოთა მიერ ძველი ქართული სახელებისა და გვარების გახსენება, ოჯახური კულტურული ტრადიციების დაცვა, წერა-კითხვისადმი ძველი მისწრაფების აღორძინება, ქართული ლიტერა-

¹ К. М а р к с и Ф. Э н г е л ь с. Сочин. т. IX, стр. 377.

² „მუსლიმანი ინგილოები“ ოფიციალურადაც დადიოდნენ ქრისტიანული ეკლესიების ნანგრევებზე და ლოცულობდნენ. ასე იყო, მაგ., წმ. გიორგის დღესასწაულის დღეებში (გ. ფარადაშვილი. წმ. გიორგობა საინგილოში. „ივერია“. 1900, № 266).

³ პეტრუშევსკის დასახ. ნაშრ., გვ. 30—31.

ტურის ნაწარმოებთა კითხვა, მოასწავებდა ინგილოების ეროვნულ შემობრუნებას, მათი ცხოვრების კვლავ კულტურულ გზაზე დაყენებას, მოძმე ქართველობასთან შეერთებას.

აქ უადგილო არ იქნება გავიხსენოთ ენგელსის ზემოთ მოყვანილი სიტყვები: ყურანსა და მასზე დაფუძნებულ კანონმდებლობას ხალხთა გეოგრაფია და ეთნოგრაფია დაჰყავთ ორ ნახევრად გაყოფის უბრალო ფორმულანდე—მართმორწმუნენი და ურწმუნონი. ურწმუნო—„გიაური“, ეს მტერია. ისლამი წყევლიდა ურწმუნოთა ერს და ქმნიდა უწყვეტი მტრობის მდგომარეობას მუსლიმანებსა და „ურწმუნოებს“ შორის¹.

საინგილოში მოკალათებული მოღლებისა და ყადიების აზროვნება ყურანს იქით ვერ მიდიოდა. მათი წყალობითაც მთელი მოსახლეობა უსაზღვრო ჩანორჩენილობაში იმყოფებოდა. ქრისტიანული სარწმუნოებაც ამ დროისათვის არანაკლებ რეაქციული თვისებებით ხასიათდებოდა, მაგრამ იგი განვითარებული რუსეთის სახელმწიფოს იდეოლოგია იყო. ქრისტიანული, რელიგიურ-იდეოლოგიური ფორმით ხალხი უკავშირდებოდა დაწინაურებული სახელმწიფოს კულტურულ ცხოვრებას, აღმავალ ისტორიულ პროცესს, ისლამი კი ამ დამაკავშირებელ საშუალებებს ახშობდა, ქმნიდა რა მაშინ ქრისტიანი ხალხებისა და რუსეთისადმი დაუსრულებელ მტრობას.

საინგილოში ქრისტიანული სარწმუნოების აღდგენამდე ინგილოთა ერთ ნაწილს ანლო ურთიერთობა ჰქონდა ბოღბელ მიტროპოლიტებთან². ეს ურთიერთობა არაოფიციალური იყო³.

1822 წ. თბილისში საქართველოს ეგზარქოს იონასთან ჩამოვიდნენ ინგილოების წარმომადგენლები, რომლებმაც განაცხადეს, რომ მათ თანამოძმეებს დაბეჯითებით სურდათ თავიანთ წინაპარ-

¹ К. Маркс и Ф. Энгельс. Соч., т. X, гл. 6.

² П. Иоселиани. Путешье записки по Дагестанской области. гл. 14, 15.

³ დ. ბაქრაძე. ინგილოები. „დროება“, 1866, № 44, ბაქრაძის ვრცელ ფერილი ინგილოების შესახებ გამოქვეყნებულია „დროების“ 43 და 44 ნომრებში მოწინავე წერილების სახით. წერილებს არც სათაური აქვს და არც ავტორის გვარი ახლავს. ჩვენს წიგნში თავის დროზე შევნიშნეთ ამ ნაშრომის ავტორის შესახებ, (მ. დუმბაძე. ისტორიკოსი დიმიტრი ბაქრაძე. 1951, გვ. 185. შენიშვნა)

თა სარწმუნოების აღდგენა¹. ამასთან დაკავშირებით ეგზარქოსს საინგილოში ორი მქადაგებელი გაუგზავნია, მაგრამ ისინი, როგორც მაშინ წერდნენ, მუსლიმანთა მძაფრ წინააღმდეგობას წააწყდნენ².

1826 წ. საინგილოში მყოფი პოლკოვნიკი კოცებუ აღნიშნავდა: „ინგილო ხალხის თითქმის მთელი ნახევარი საიდუმლოდ იცავს ქრისტიანულ სარწმუნოებას, რადგან მოლები, რომლებიც მებატონე სოფლებს დაუყენებიათ, სასტიკად უთვალთვალებენ მაჰმადიანურ წეს-ჩვეულებათა დაცვას. ინგილოური სოფლებს მამა-სახლისები ხშირად გულახდილად მარწმუნებდნენ, რომ, თუ მათ მიწა-წყალზე რუსთა რაზმები მუდმივ სამყოფელად გამოჩნდებიან, მათი სოფლები აშკარად დაუბრუნდებიან მამა-პაპურ აღსარებას და მეჩეთების მაგიერ ეკლესიებს ააშენებენ“³.

1831 წ. საინგილოში კვლავ გაუგზავნიათ 5 მისიონერი, მაგრამ ამ მომენტში იქ არსებულმა დაძაბულმა პოლიტიკურმა სიტუაციამ მათი მოღვაწეობა ისევ შეაფერხა⁴.

ქრისტიანობის აღდგენა საინგილოში ჩქარი ტემპით დაიწყო იმ დროიდან, როცა რუსულმა მმართველობამ ამ საქმეს მხარი დაუჭირა. მაგრამ ამ შემთხვევაშიაც ინიციატივა ინგილოებიდან მოდიოდა და არა უმაღლესი ხელისუფლებიდან.

1850 წ. კახეთში ალავერდობის დღესასწაულზე 8 ინგილო ჩავიდა და ალავერდის მონასტრის ზედამხედველს მონათვლა სთხოვა. ზედამხედველმა ინგილოებს თბილისში წასკლა ურჩინა⁵.

აღნიშნული ინგილოები მალე წარუდგნენ მეფისნაცვალ ვორონცოვს, რომელმაც ისინი პირადად მონათლა სიონის ტაძარში⁶. ამის შემდეგ ვორონცოვი თვითონ ჩავიდა საინგილოში⁷. ამით წახალისებული საინგილოს ადვილობრივი აღმინისტრაციაც ხელს უწყობდა ქრისტიანობის აღდგენის საქმეს. 1851 წ. კახში შლედელიც დაინიშნა. დაიწყო ეკლესიების შენებაც კახსა და ყორალანში.

¹ საარქივო საბ. ქარ-ბელაქნის შესახებ, გვ. 497.

² Фон-Плотто. Природа и люди Закавказского округа. стр. 19—20.

³ Статистические сведения о Царских владениях. т. 3—11.

⁴ იქვე.

⁵ Фон-Плотто. Природа и люди Закавказского округа. стр. 19—20.

⁶ საარქივო საბ. ქარ-ბელაქნის შესახებ, გვ. 497.

⁷ 1852 წ. ერთ მოხსენებაში საინგილოს შლედელმთავარი იროდიონ ოქრობირიძე აღნიშნავდა: „И теперь рассказывают как бывший наместник кавказский. покойный князь Воронцов прислал с супругою в сел. Кахи, приласкал влиятельных из мусульман-кахцев, вывезал их своими кушагами-дружьями...“ окрестил их в православие и восприемником многих был он сам... Администрация округа, поощренная высшим начальством, сама следовала его примеру... (ЦГИА. Азерб. СССР, ф. 579, оп. 1, л. 3, л. 15).

ქრისტიანობის აღდგენისათვის ენერგიული მხარდაჭერით რუსეთის მთავრობა ცდილობდა, რომ საინგილოში საიმედო დასაყრდენი შეექმნა¹. მრავალი წლის გამოცდილებამ ნათლად დაანახვა მთავრობას, რომ რეაქციული მუსლიმანური სასულიერო წოდება ის მაინც ძალა იყო, რომელიც ოსმალეთის ენერგიულ სამსახურს ეწეოდა. მასთან ერთად მოქმედებდა გაბატონებული ლეკურ-მუსლიმანური ზედაფენების დიდი ნაწილი, რომელსაც მჭიდრო ურთიერთობა ჰქონდა რეაქციულ მიურიდიზმთან. ამ ავანტიურულმა ჯგუფებმა ბრმად აიყოლიეს დაბალი ფენების გარკვეული ნაწილი, რომელიც აღნიშნული ზედაფენის მძიმე ექსპლოატაციას განიცდიდა. რა თქმა უნდა, მშრომელი მუსლიმანური მოსახლეობა არ თანაუგრძნობდა რეაქციულ ძალებს, მათ ჰაზავათს. იგი სოციალური ჩაგვრისაგან განთავისუფლებაზე ფიქრობდა.

აღნიშნულ პირობებში რუსეთის მთავრობის მომხრე ძალების ზრდას დიდი მნიშვნელობა ჰქონდა. მთავრობის მხარდაჭერა ქრისტიანობის აღდგენაში ამ დროს მარტოოდენ ფორმალური სარწმუნოებრივი მხარით არ ამოიწურებოდა. აქ მატერიალური მხარეც იყო. ახალმოქცეულებს მეტად საგრძნობი შეღავათები და მდგომარეობის შემსუბუქება მოელოდათ.

2. ქრისტიანი ინგილოების განთავისუფლება დეათა ყმაში დამოკიდებულებისაგან

1852 წ. ეორონცოვთან კვლავ ჩამოვიდა უკვე ახლად მოქცეულ ინგილოთა დელეგაცია სოფელი კახის მამასახლის იოანე ბულულაშვილის მეთაურობით. დელეგაციამ შემდეგი მოთხოვნები წაუყენა მეფისნაცვალს:

1. ახლად მოქცეულთა განთავისუფლება ფულადი გადასახადებისაგან.
2. განთავისუფლება ნატურალური ბეგარისაგან იმ საბაბით, რომ მათ მოაქვთ მასალები კახსა და ყორალანში ეკლესიების ასაშენებლად.
3. რადგან ელისუს ბეგები და სხვა ლეკები აიძულებენ მათ გადასახადების გადახდას იმ მიზეზით, რომ თითქოს გლეხები ლეკ-

¹ ერთ საბუთში ნათქვამი იყო: „Развивая и вкореняя таким образом в это... племя христианские понятия, начальство в нем может видеть современем такую же покорность и слепую привязанность, какую замечает ныне во всей христианской части Закавказского края“. (საქ. ცსსა, ფ. 416, აღწ. 2, საქ. 35, ფურ. 1—9).

თა კუთვნილებაში მყოფ მიწებზე ცხოვრობენ, გამოძიებულ იქნას მათი პრეტენზიების სისწორე. თუ მართლა აღმოჩნდება, რომ ეს მიწები ლეკებს ეკუთვნით, მაშინ მიეცეს მათ საზღაური და ინგილოებს ნება დართონ, რომ მათზე დაკისრებული ბეგარა ხაზინას ჩააბარონ.

4. გაქრისტიანებული ინგილოები დასახლებულ იქნან იქ, სადაც ეკლესიები შენდება—კახსა და ყორაღანში.

5. დაენიშნოს ინგილოებს სათანადო ზედამხედველი ქრისტიანეთაგან.

მეფისნაცვალს დადებითად გამოეხმაურა ინგილოთა თითქმის ყველა მოთხოვნას და სათანადო განკარგულებაც მისცა ქარ-ბელაქნის უფროს ბარონ ვრანგელს 1853 წ. 9 იანვარს. ბეგთა მიწისმფლობელობის გამოსარკვევად ინიშნებოდა სპეციალური კომისია და ამიერიდან ბეგებსა და ქრისტიან ინგილოებს შორის ურთიერთობაში ხაზინა უნდა ჩარეულიყო¹.

ინგილოური დელეგაციის მიერ ევრონცოვის წინაშე ლეკთა მიწისმფლობელობის საკითხის დასმიდან ჩანს, რომ ინგილოებმა კარგად იცოდნენ, თუ რამდენად „კანონიერი“ იყო ლეკთა გაბატონებული მდგომარეობა. ისინი ასეთი გამოსვლით სერიოზულ პროტესტს უცხადებდნენ ბატონყმურ ურთიერთობას საერთოდ. ეს გამოსვლა საინგილოში არსებული კლასობრივი ბრძოლის ერთი გამოძახილი იყო. ქრისტიანობის აღდგენითი ღონისძიებების გატარება, როგორც ვხედავთ, თავიდანვე შეეხო საინგილოში გაბატონებული მუსლიმანური ფეოდალური ფენის ინტერესებს და იგი თანდათანობით გადაიზარდა კლასობრივ ბრძოლაში.

ბეგთა მიწისმფლობელობის შემსწავლელი კომისიის მუშაობა დააბრკოლა 1853 წ. დაწყებულმა რუსეთ-თურქეთის ომმა. ოსმალეთთან ომის ვითარებაში კომისია ვერ ბედავდა მუშაობის დაწყებას. მთავრობას ეშინოდა, რომ მიწისმფლობელობის საკითხის შესწავლა ლეკებს ძალზე გააღიზიანებდა, რადგან ამ უკანასკნელთ მიწის საკუთრების არაფიციური საბუთი არ ჰქონიათ².

კომისიის კვლევა-ძიება კიანურდებოდა მეფის მთავრობის ბიუროკრატიისათვის ჩვეული წესით. როგორც იყო, გადაწყვიტეს, რომ ქრისტიანთა განთავისუფლებისათვის ბეგებისა და ლეკთა მი-

¹ საქ. ცსსა, ფ. 240, საქ. 572, ფურ. 36—38.

² როგორც მაშინ შეინიშნავდნენ, ლეკები თავიანთ მფლობელობას ასაბუთებდნენ „на праве сильного и давности владения“ (საქ. ცსსა, ფ. 240, საქ. 572, ფურ. 4¹).

წები გაეცვალათ ელისუს ყოფილი სულტანის დანიელისა და სხვათა იმ მიწებზე, რომლებიც 1844 წლიდან ხაზინის საკუთრებად ითვლებოდნენ, ამ საფუძველზე კომისიამ წარადგინა თავისი პროექტი, რომელიც მეფემ 1859 წ. 6 დეკემბერს დაამტკიცა.

ელისუს საბოკაულოში მაშინ 7 ინგილოური სოფელი იყო — კახი, მეშაბაში, ქეთუქლო, ყორალანი, ალიბეგლო, სოსკანი და შოთაფარი. ამ სოფელთაგან სოსკანისა და შოთაფარის მცხოვრებთ არ ჰქონდათ მიღებული ქრისტიანობა და ამიტომ მათზე არ ვრცელდებოდა მთავრობის ღონისძიება¹. რჩებოდა 5 სოფელი. ამათგან ალიბეგლოს მოსახლეობა სახაზინო მიწებზე ცხოვრობდა, მიწაზე გადასახადს ხაზინას უხდიდა. დარჩენილ 4 ქრისტიანულ სოფელშიაც იყვნენ სახაზინო გლეხები, მაგრამ ამ სოფლების მცხოვრებთა უმრავლესობა ბეგთა და სხვა ლეკთა დამოკიდებულებაში იმყოფებოდა. სწორედ ამ უკანასკნელებს მათი მიწების სანაცვლოდ მიეცათ სახაზინო მიწები².

ერთი სიტყვით, ინგილო ქრისტიანები სახაზინო გლეხთა თანრიგში გადაარიცხეს. საერთოდ სახაზინო გლეხთა მდგომარეობა ბეგთა და ლეკთა ყმობასთან შედარებით მათი მდგომარეობის საგრძნობ გაუმჯობესებას მოასწავებდა. გარდა ამისა, საერთოდ სახაზინო გლეხთაგან განსხვავებით ინგილოებს სხვა შეღავათებიც მიეცათ. ისინი სახელმწიფო გადასახადისაგან გაათავისუფლეს მთელი სიცოცხლის განმავლობაში, ხოლო საერობო გადასახადისაგან — წლის ვადით; განთავისუფლდნენ აგრეთვე მიწის შემოსავლის გადასახადებისაგან³.

ასეთი დიდი პრივილეგიების მინიჭებას ქრისტიან ინგილოთათვის მთავრობა იმით ამართლებდა, რომ საჭირო იყო დანარჩენი ინგილოების გაქრისტიანება. არ ივიწყებდნენ აღენიშნათ, რომ მთავრობას მიზნად ჰქონდა ინგილოთა გათანაბრება თავისუფალ ლეკებთან⁴.

ინგილო ქრისტიანეთა აღნიშნული განთავისუფლება რამდენადმე თითქოს ამძიმებდა მაჰმადიანი მულალი გლეხობის ერთი

¹ კერძოდ სოსკანელებს, როგორც საბუთში ნათქვამია, საკუთარი მიწები ჰქონდათ და კერძო პირობებს გადასახადებს არ უხდიდნენ (საარქივო საბ. კარბულაქნის შესახებ, გვ. 498).

² იქვე.

³ იქვე.

⁴ „Что сделано как с целью скорее привлечь к принятию христианства остальных некрещенных еще ингуловцев, так и для того, чтобы возвысить христиан нравственно, поставив их на одну уровень с лезгианами, которые не отбывая ни кому поземельной повинности, считаются свободными в народе“ (იქვე, გვ. 498).

ნაწილის მდგომარეობას. მაგ., სოფელი ყორაღნის განთავისუფლებული ინგილოების ნაცვლად ქარელი მებატონეებისათვის „პროდუქტების სათანადო რაოდენობა“ უნდა მიეცათ მულალების ოთხ სოფელს: ამირჯანლოს, ფისტიხლოს, ჯალაირსა და დეგმადაგელის.

აღნიშნული სოფლების მულალები აქამდე სახაზინო გლებთა მდგომარეობაში იმყოფებოდნენ. ისინი ხაზინას უხდიდნენ ზალჯაათს (მიწისაგან შემოსავლის ერთ მეათედს, ან ერთ მეშვიდედს). ეს მიწები ხაზინის თავისუფალი განკარგულების ქვეშ რჩებოდნენ, მაგრამ მულალები მათ მაინც ინარჩუნებდნენ. 1859 წლიდან მთავრობამ ეს მიწები მულალებს მისცა „სრული სარგებლობისათვის იმ პირობით, რომ მათ ქარელებისათვის უნდა ეძლიათ ერთხელ და სამუდამოდ განსაზღვრული მიწის გადასახადი“. იმ მიზნით, რომ მომხდარ ცვლილებას მათი მდგომარეობა არ გაეუარესებინა და ახალი გადასახადები წინანდელთან გათანაბრებულიყო, მულალები გაათავისუფლეს აბრეშუმის ბაღებზე დადებული განსაკუთრებული გადასახადისაგან¹.

მიუხედავად იმისა, რომ მითითებული სოფლის მულალებს, ისე როგორც წინათ ინგილოებს, ქარელი მებატონეებისათვის გადასახადები ბინაზე უნდა მიეტანათ, ქარელებს მაინც უქმყოფილება გამოუთქვამთ. როგორც ჩანს, ისინი თავს შეურაცყოფილად გრძნობდნენ და მთავრობის ასეთი ჩარევა მათ საშინაო ურთიერთობაში არ მოსწონდათ. აღნიშნული ღონისძიება ლეკი მებატონეების მორიგ შეზღუდვას მოასწავებდა.

მიუხედავად ქარელ მებატონეთა უქმყოფილებისა, მთავრობამ რამდენიმე წლის განმავლობაში, სანამ ლეკები „გონს არ მოვიდოდნენ“ (ასე იყო ნათქვამი ლეკური საკორღონო ხაზის სარდლის მელიქოვის ბრძანებაში) დაუკავა მათ მულალური სოფლებისაგან შემოსავალი². მართალია, შემდეგში, 1863 წ. აჯანყებასთან დაკავშირებით, ლეკებს უფრო ხელსაყრელი მდგომარეობა შეექმნათ, მათ 1864 წ. მიიღეს 4 წლის განმავლობაში მულალური სოფლებიდან დაკავებული გადასახადები, მაგრამ ქრისტიან ინგილოებზე ბატონობა მაინც ვერ აღიდგინეს. ამავე დროს ყურადღება მიექცა მულალთა დამძიმებულ მდგომარეობასაც. აღმოჩნდა, რომ მათი ახალი გადასახადები ლეკთა სასარგებლოდ თითქმის ორჯერ სჭარბობდა ძველს. მაშინ ოლქის უფროსობამ მულალთა გადასახადები ქა-

¹ იქვე, გვ. 499.

² იქვე.

რელების სისარგებლოდ გაუნაწილა ყორალნელი ინგილოების იმ 59 კონღს, რომელიც 1864 წ. ნებით თუ უნებლიეთ ისევ მაჰმადიანობას დაუბრუნდა¹.

ქრისტიანი ინგილოები კონცენტრირებული იყვნენ ელისუს საბოქაულოს ხუთ სოფელში—კახში, ყორალანში, ალიბეგლოში, მეშაბაშსა და ქეთუქლოში. მათ ცალკე გამგე ჰყავდათ². ეს თანამდებობა 1860 წლიდან გაუქმდა, რადგან ელისუს ბოქაულს გაუჩინეს 2 თანაშემწე, რომელთაგან ერთს, როგორც ჩანს, ქრისტიან ინგილოთა საქმეები ეკითხებოდა³. 1860 წ. აგვისტოსთვის ქრისტიან ინგილოთა განთავისუფლება ლექთა დამოკიდებულებისაგან უკვე დასრულებული იყო⁴.

ქრისტიანული სარწმუნოების სწრაფი ტემპით აღდგენასთან დაკავშირებით გაიშალა ეკლესიების მშენებლობაც. როგორც მთავრობის, ისე ადგილობრივი მოსახლეობის დახმარებით აშენდა ეკლესია კახში 1855 წ.⁵ იქვე შენდება მეორე ეკლესიაც 1858 წ.⁶ მომდევნო წლებში ააგეს ეკლესიები აგრეთვე ალიბეგლოში, ყორალანში, მეშაბაშში, ქურუმუხში⁷ (ძველი ქურუმუხის ეკლესიის ნანგრევებზე). ცოტა უფრო მოგვიანებით იწყება ეკლესიების შენება თასმალში, ძაგამსა და ენგიანშიც⁸.

1860 წ. ჩამოყალიბებულმა „კავკასიაში“, მართმადიდებლური ქრისტიანობის აღმდგენელმა საზოგადოებამ რომელიც მთავრობის დიდი მხარდაჭერით სარგებლობდა, თავისი მოღვაწეობა საინგილოზედაც გაავრცელა. ეს საზოგადოება აშენებდა ეკლესიებსა და სკოლებს, ხელს უწყობდა წერა-კითხვის ცოდნის გავრცელებას მოსახლეობაში და სხვ.⁹ ამ საზოგადოების მიერ გამოქვეყნებულ ანგარიშებში თითქმის ყოველთვის იბეჭდებოდა ცნობები საინგილოს ეკლესიებისა და სკოლების შესახებ¹⁰.

¹ იქვე გვ. 499.

² საქ. ცსსა. ფ. 240. საქ. 572. ფურ. 250.

³ იქვე, ფურ. 288—269.

⁴ იქვე, ფურ. 302.

⁵ დ. ჯანაშვილი. შაჰ-აბასის შემოსევა და საინგილო, გვ. 28. საქ. ცსსა, ფ. 545, საქმე № 60. ფურ. 316—317.

⁶ ИГИА Азерб. ССР, ф. 579, оп. 1, л. 5. л. 1.

⁷ იქვე, საქ. № 8, ფურ. 3.

⁸ საქ. ცსსა, ფ. 240, საქ. 572, ფურ. 277—281.

⁹ Обзор деятельности общества восстановления православного христианства на Кавказе на 1860—1910 гг. Тифлис, 1910.

¹⁰ См. Отчеты Общества восстановления православного христианства на Кавказе. იცემოდა თითქმის ყოველ წელს.

50—60 წლებში საინგილოში უკვე გამოჩნდნენ ქართული ეროვნულ-კულტურული ინტერესებისათვის მებრძოლი ინგილო მოღვაწეები. უპირველესი მათ შორის იყო იოანე ბულულაშვილი¹. მასთან ერთად იყვნენ აგრეთვე გიორგი ჯანაშვილი (ცნობილი ისტორიკოსი მოსე ჯანაშვილის მამა), დიმიტრი ჯანაშვილი, მიხეილ ყულაშვილი, კონსტანტინე თარხნიშვილი, სიმონ პაპიაშვილი, ვიტალი ჯანაშვილი, ლევან ბაბუცაშვილი და ბევრი სხვა².

3. ქანსობრივი ბრძოლის გამგზავნა. აჯანყება 1863 წელს

მეფის მთავრობა აღმოსავლეთ კახეთში ქრისტიანობის აღდგენის დროს სიფრთხილეს იჩენდა და ცდილობდა, რომ აეცლინა მოსალოდნელი უსიამოვნო შედეგები.

ინგილოთა მიერ დაწყებულ პირველ ინიციატივებს მთავრობა, როგორც ვთქვით, გულთბილად გამოეხმაურა და ამავდროულად მომენტიდანვე შესამჩნევი გახდა მუსლიმანური ზედაფენების უკმაყოფილება. ეს ფენები სთესდნენ პროვოკაციებს, რომ თითქოს მთავრობა ვისმეს ძალას ატანდა სარწმუნოების შეცვლაში. ამ პროვოკაციებს უარყოფდა თვით მაჰმადიან ლეკთა ცოლების ქრისტიანული მონათვლის შემთხვევები.

1855 წ. ერთ მოხსენებაში ქარ-ბელაქნის უფროსი ლ. მელიქიშვილი განსაკუთრებით ხაზს უსვამდა, რომ აღგილობრივი მმართველობა ქრისტიანობის აღდგენაში მკაცრად იცავდა ნებაყოფლობითს პრინციპს. ეს პრინციპი სათანადო საბუთიანობით იყო გამაგრებული. ოლქის უფროსი აღნიშნავდა, რომ უკანასკნელი ორი წლის განმავლობაში 250-მა ინგილოურმა ოჯახმა ნებაყოფლობით მიიღო ქრისტიანობა. დანარჩენთა მოსანათლავად „აქაური უფროსობა არავითარ აშკარა საშუალებებს არ მიმართავს და არც შეუძლია მიმართოს“, რომ მუსლიმანებს არ მისცეს საბაზი იფიქრონ მთავრობის მიერ მათი სარწმუნოების შევიწროებაზე³.

მიუხედავად აღნიშნულისა თავისთავად ქრისტიანობის აღდგენითი საქმიანობა, მისი შედეგები ნაწილობრივ ეხებოდა მუსლიმა-

¹ ბულულაშვილი მარხია კახის ეკლესიის გაღვანში. მის საფლავზე აგებული ძეგლს შექმნა წარწერა აქვს. „ივან ბაბა ბულულაშვილი. 1801—1872 ქრისტიანობის აღმდგენელი საინგილოში 1850 წ. ძეგლი ესე აღუმართა მადლიერ შთამომავლობამ“.

² არსებობს საბუთები კონსტანტინე თარხნიშვილისა და სიმონ პაპიაშვილის დაჯილდოების შესახებ (საქ. ცსსა, ფ. 240, საქ. 272, ფურ. 122, 123, 159—164, 173, 176).

³ საქ. ცსსა, ფ. 416, აღწ. 2, საქ. 35. ფურ. 1—9.

ნური ფეოდალური ზედაფენისა და რეაქციული სასულიერო წოდების კლასობრივ ინტერესებს. ამ გარემოებას კიდევ უფრო ამწვავებდა ისიც, რომ, მიუხედავად აღნიშნული გამაფრთხილებელი ცდებისა, მთავრობა მაინც აქტიურად ერეოდა ქრისტიანობის აღდგენის საქმეში. ამ ჩარევისას დაშვებული იყო რიგი შეცდომები, რომლებიც არ ითვალისწინებდნენ ამ უბანში არსებულ მეტად სპეციფიკურ საზოგადოებრივ ურთიერთობას, ეთნიკურს, რელიგიურ-მორალურსა და კულტურულ სხვადასხვაობას. მთავრობის ყოველ შეცდომას კარგად იყენებდნენ ფეოდალური ზედაფენები, რომლებმაც ბრძოლა გამოუცხადეს ამ მთავრობის პოლიტიკასა და ახალ-შონათლულ ქრისტიანებს.

ჯერ კიდევ 1855 წ. 14 ივლისის განკარგულება ითვალისწინებდა ერთ ოჯახში სხვადასხვა სარწმუნოების პირთა განსხვავებულ მატერიალურ მდგომარეობას. თუ ოჯახის ერთი ნაწილი ქრისტიანი იყო, ხოლო მეორე—მუსლიმანი, გადასახადის გადახდა ეკისრებოდა მუსლიმანთა ნაწილს, ხოლო ქრისტიანებს შეღავათიან ოჯახთა რიცხვს მიათვლიდნენ¹. ეს გარემოება, რა თემა უნდა, დიდ უკმაყოფილებას შექმნიდა მოსახლეობაში.

ქრისტიანობას დასაწყისში დიდი წარმატება უჩანდა ყოფილი ელისუს სასულტნოში, იმ სოფლებში, რომლებიც წინათ სულტანს ეკუთვნოდნენ. თუმცა შამილის წინააღმდეგ ბრძოლის ვითარებაში ამ სოფლების ქრისტიანებს გაქციული სულტანისა და მასთან ერთად მიურიდების მოსვლისა ეშინოდათ. ისინი კახში რუსთა რაზმების შესვლამ დააწყნარა.

ალიაბათის (ენისელის) უბანში ქრისტიანობას წარმატება არ ჰქონია იმ მიზეზისა გამო, რომ იქაური ინგილოები ჰარელ ლეკთა მიერ დაჩემებულ მიწებზე ცხოვრობდნენ, მათზე დამოკიდებული იყვნენ და ეშინოდათ, რომ ჰარელ მეტატონეებს მტრად გაიხდიდნენ². ერთგვარი მნიშვნელობა ჰქონდა იმასაც, რომ ალიაბათლები სულტანის ყოფილ გლეხებთან შედარებით უფრო შეძლებულები იყვნენ. ყოფილი სულტანის მამულზე მჯდომ გალატაკებულ ინგილოთათვის არსებითი მნიშვნელობა ჰქონდა იმ შეღავათებს, რასაც მათ ქრისტიანობა ანიჭებდა.

პარ-ბელაქანში შამილს ორგზისი შემოსევა (1853, 1854 წწ.) ჯერ კიდევ გუშინდელ დღესავით ახსოვდათ ინგილოებს, ლეკურ ზედაფენებს კი ეს მომავლის იმედს უძლიერებდა. 1853 წ. ელისუს

¹ საარქივო საბ. პარ-ბელ. შესაზ. ფ. 497.

² საქ. ცსა, ფ. 24, საქ. 572, ფურ. 23—24.

ყოფილი სულტანი დანიელი, შამილის ქურდულ შემოსევაში რომ მონაწილეობდა, პირადად იყო ინგილოურ სოფელ ყორაღანში, სადაც მას განუცხადებია, რომ ისინი არ დაინდობდნენ „იმ ბავშვებსაც კი, რომლებიც ქრისტიანობას მიიღებდნენ“¹. ამასთანავე ოსმალეთთან მიმდინარე ომი ინგილოებს მოაგონებდა, რომ მათი მდგომარეობა ჯერ კიდევ არ იყო მშვიდობიანი.

1856 წ. კარ-ბელაქანში ქრისტიანობის აღდგენით მეტად დაინტერესებულ მეფისნაცვალს ოლქის უფროსი ლ. მელიქიშვილი ატყობინებდა, რომ ოლქში ეხლა „სახიფათო დრო იყო“. მუსლიმანი ფანატიკოსები ბორკავდნენ. მელიქიშვილს ეშინოდა, რომ არ გამოეწვია მთავრობისადმი მათი ექვი მუსლიმანობის წინააღმდეგ მოქმედებაში. მელიქოვი ოსმალეთთან ომის დასრულებას მოელოდა და საიდუმლოდ მოქმედებდა².

მიუხედავად გარეგნული გამაფრთხილებელი ზომებისა მუსლიმანურმა ზედაფენამ ცხადად დაინახა, რომ მთავრობა ქრისტიანობის მფარველობით მის კლასობრივ ინტერესებს ზღუდავდა. ამიტომ გახშირდა ლეკთა თავდასხმები ინგილოებზე, მათი ძარცვა იმის გამო, რომ მთავრობა მათ ლეკთა დამოკიდებულებისაგან ათავისუფლებდა. ამოძრავდნენ ქვეხები, ყადიები, მოლები. ადგილობრივი მმართველობა ბრძოლას უცხადებდა მათ, იჭერდა და აძევებდა³.

ქრისტიანობაში გადასულთა რიცხვის ზრდასთან დაკავშირებით, დღე-დღეზე იზრდებოდა და მწვავდებოდა კლასობრივი წინააღმდეგობაც. მიუხედავად მთავრობის ბრძოლისა მუსლიმანური სასულიერო წოდების აგენტების წინააღმდეგ, ასეთი აგენტები მაინც განაგრძობდნენ თავიანთ მოქმედებას⁴. განსაკუთრებით უკმაყოფილო იყო მოლების ის ჯუფი, რომელსაც წინათ სოფლებიდან წლიური შემოსავალი ჰქონია. მთავრობამ მოლათა დიდ ნაწილს პენსიები დაუნიშნა, მაგრამ გაკვეთილი ნაწილი მაინც უპენსიოდ დარჩა⁵.

ამრიგად, ქრისტიანობის აღდგენითი მოღვაწეობა საინგილოში ამწვავებდა კლასობრივ ბრძოლას. იგი აღიზიანებდა გაბატო-

¹ საქ. ცსსა, ფ. 240, საქ. 572, ფურ. 23.

² იქვე, ფურ. 21. ლ. მელიქიშვილისა და დ. ყიფიანას მიმოწერა აღნიშნულ საკითხზე (იქვე, საქ. № 572) იმას მოწმობდა, რომ ქართველი საზოგადოებრიობა საინგილოს მოსახლეობისადმი მაშინაც დიდ ინტერესს იჩენდა.

³ იქვე, ფურ. 98-99.

⁴ *Отчет Общества восстановления православного христианства на Кавказе. Тифлис, 1789, стр. 49.*

⁵ დ. ჯანაშვილი. შაჰ-აბასის შემოსევა და საინგილო, გვ. 31.

ნებულ კლასს. ამავე დროს მუსლიმანური ქვედა ფენების წარმომადგენლებშიაც იქმნებოდა უკმაყოფილება.

შემდეგში მეფის მთავრობა 1863 წ. მომხდარი ძლიერი აჯანყების მთავარ მიზეზად ქრისტიანობის აღდგენით მოღვაწეობას თვლიდა. იგი ნამდვილად იყო აჯანყების ერთი მიზეზთაგანი, მაგრამ არა მთავარი.

როგორც ითქვა, ქრისტიანობის აღდგენითი მოღვაწეობა ეხებოდა გაბატონებული კლასის ინტერესებს იმდენად, რამდენადაც მონათლულები ლეკთა დამოკიდებულებისაგან თავისუფლდებოდნენ; მაგრამ მთავრობა მებატონე ლეკებს სამაგიერო საზღაურს აძლევდა, როგორც მიწებით, ისე მულალებით დასახლებული ყმა-გლეხებით. იგი მებატონეთა მატერიალურ მდგომარეობას არ არყევდა იმდენად, რომ მართო ამას აჯანყება წარმოეშვა.

ქრისტიანული სარწმუნოების აღდგენითი საქმიანობა საინგილოში მრავალთაგან ერთი ეპიზოდი იყო, რომელიც ფეოდალთა და მუსლიმანური სასულიერო წოდების ბანაკში რუსეთის მთავრობისადმი უკმაყოფილებას აღვივებდა.

იმ დროის ქართველი მოღვაწეები სამართლიანად არ ემხრობოდნენ მაშინ გაბატონებულ იმ აზრს, რომ თითქოს 1863 წ. აჯანყების მთავარი მიზეზი საინგილოში ქრისტიანობის აღდგენა იყო¹.

აჯანყების ერთი მიზეზი იყო ბელაქნის ფეოდალებსა და თავისუფალ გლეხებს—ავარებს შორის არსებული წინააღმდეგობა.

ბელაქნის ძველი მფლობელი თავად ვაჩნაძეების მემკვიდრეები—გამუსლიმანებული გალაჯეები ცდილობდნენ აღედგინათ თავიანთი ძველი უფლებები ბელაქნის თავისუფალ გლეხებზე, რომლებიც უკვე საკმაოდ დიდი ხნის განმავლობაში (განსაკუთრებით 1830 წლიდან) წარმომადგენდნენ პირადად თავისუფალ წერილ მიწის მესაკუთრეებს.

გალაჯევთა ერთი წარმომადგენელი პოდპორუჩიკი მურთუზალი (ქრისტიანობაში აღექსანდრე) ახალგაზრდობისას სწავლობდა კადეტთა კორპუსში, სადაც იგი გაქრისტიანდა. სოფელში დაბრუნების შემდეგ იგი 20 წლის განმავლობაში უმალავდა თავის მეზობლებს სარწმუნოების გამოცვლას და თავს იკავებდა სამამულო პრეტენზიებზე. აღმოსავლეთ კავკასიის დაპყრობის შემდეგ, როცა

¹ იორდონ ოქრაპირიძის მოხსენება 1892 წ. (ЦГИА. Азерб. ССР, ф. 579, об. 1, л. 3, л. 16). ბატონყმობის ნაშთი საინგილოში („ამირანი“, 1908-№ 189). გ. ფარადაშვილი. ყორალანი („ივერია“, 1901, № 30).

მაინგილოში სიმშვიდე დამყარდა, მან განაახლა თავისი პრეტენზიები და საქმე ოფიციალურად აღძრა¹. 1861 წ. სექტემბერში ზემოდაღისტინის უფროსმა შალიკოვმა (შალიკაშვილია) სცნო გალაჭევთა უფლება ბელაქნის მიწებზე, ხოლო ბელაქნელ გლეხებს უფლება მიეცათ სათანადო საბუთებით დაემტკიცებინათ თავიანთი საკუთრება. ასეთი საბუთები კი ამ უკანასკნელთ არ ჰქონდათ.

შალიკაშვილის განკარგულება საბოლოო არ ყოფილა. გალაჭევთა პრეტენზიებს ზაქათალის წოდებრივ-საადგილმამულო კომისია იხილავდა, მაგრამ აღნიშნული განკარგულება განმაურებული იყო და დიდ უკმაყოფილებას ქმნიდა. ბელაქნელ ავარებს მომავალში გალაჭევთა 12 ოჯახისათვის უნდა ეხადათ გადასახადები². მაგრამ ეს ჯერ კიდევ არ იყო დამტკიცებული უმაღლესი მთავრობის მიერ.

ბელაქანში ალექსანდრე გალაჭევი უპირისპირდებოდა ამავე სოფელში დიდი გავლენის მქონე, რუსთა სამსახურში მყოფ შტაბს-კაპიტან ჰაჯი-მურთუზს, რომელიც ადრე დიდად ერთგულებდა შალიკაშვილს. აღნიშნული განკარგულების შემდეგ ჰაჯი-მურთუზი და მასთან ახლო მყოფი თავისუფალი ავარები, გაბატონებული ზედაფენის წარმომადგენლებთან ერთად, აშკარა უკმაყოფილებას გამოთქვამდნენ.

ამავე დროს ჭარ-ბელაქნის ლეკობაში ჯერ კიდევ ცოცხლობდნენ ძველი მიურიდული რეაქციის ელემენტები, „ჰაზავათის“ პრობაგანდისტები. „სალეთო ომის“ მქადაგებლები მარჯვედ იყენებდნენ მასებში შექმნილ უკმაყოფილებას. ეს კი უნდა ყოფილიყო აჯანყების გამომწვევი უფრო სერიოზული მიზეზი. საინგილოში მყოფი მიურიდებისა და ოსმალეთის აგენტების ნარჩენები ჭარის ზედაფენებსა და მოსახლეობას კვლავ „ჰაზავათისაკენ“ მოუწოდებდნენ.

1862 წლიდან ტარიკათის ქადაგებას ეწეოდა ჭარელი ყაჩალი ბურჯო-ალი. იგი ტანაჩის ტყეებში იმალებოდა და კავშირს ამყარებდა ქურდ-ავაზაკებთან³. ცნობილი იყვნენ აგრეთვე სხვა ტარი-

¹ По поводу восстания в Закатальской округе. „Кавк. Сборник“. т. 10, стр.. 591.

² იქვე, გვ. 592.

³ იქვე, გვ. 599.

კათისტებიც — ს. აღმალოს მცხოვრები მაჰმუდ-ფეჟენდი, აჰმედ-მუსტაფა-ოღლი, ჯუმა-ემირ-ოღლი და სხვები¹. ტანაჩის ტყე, სადაც თურქული ავანტიურის ეს ნაშვიერები იმალებოდნენ, ბელაქანთან ახლო იყო.

რაც შეეხება ჭარელ მებატონეებს, ისინი აჯანყების ინიციატორებში არ ჩანდნენ, თუმცა შემდეგ კი შეუერთდნენ აჯანყებულთა რაზმებს. ჭარელთა მოჩვენებითი პასიურობა იმით აიხსნებოდა, რომ მათ დასაწყისში შესძლეს თავიანთი ფეოდალური ინტერესების დაცვა. მათ გააკეთეს ის, რომ უკუაგდეს ქრისტიანული სარწმუნოების გავრცელება ალიაბათში. ჭარელმა მებატონეებმა აქტიური ანტიქრისტიანული პროპაგანდა გააჩაღეს იქ და აიძულეს ალიაბათელი ინგილოები, რომ ეწერათ საჩივრები ქრისტიანობის დანერგვის წინააღმდეგ. მთავრობისათვის ცხადი იყო, რომ ეს საჩივრები ფაქტიურად ჭარელ ლეკთაგან მოდიოდა².

ჰაზავათის მქადაგებლებს ხელსაყრელი დღე დაუდგათ მაშინ, როცა რუსეთის მთავრობამ გალაჯევთა თხოვნით, 1862 წ., ბელაქანში ეკლესიის შენება დაიწყო. ეს კი ცალკეულ გამოსვლათა საბაბი გახდა. ვახშირდა თავდასხმები ახალმონათლულ ქრისტიანებზე, გამრავლდა მკვლელობის შემთხვევები³. ყაჩაღური აქტების სულისჩამდგმელი იყო შალიკაშვილის ნდობით აღჭურვილი ჰაჯიმურთუზი.

აჯანყების ზოგიერთი მიზეზი კარგადაა წარმოდგენილი ალაზნის ველზე განლაგებული რუსთა რაზმების სარდლის—ოგლობეის მოხსენებაში კავკასიის არმიის მთავარი შტაბის უფროსისადმი 1863 წ. 31 აგვისტოს.

ოგლობეიო აღნიშნავდა, რომ მას ეს საკითხი დაწვრილებით შეისწავლა. აჯანყების პირველ მიზეზად იგი ასახელებდა „გარედან მოსული“ პოლიტიკური აგენტების მოქმედებას. აქ, როგორც ჩანს, იგი გულისხმობდა თურქულ აგენტურას, რომელიც მიუერი-

¹ ნახე საქმე „О ссылке во внутренния губернии под надзоръ полиціи жителей Закавказья округа, Гаджимола-Ахмед-Мустафа-оглы и Гаджи-Джумы-эмни-оглы, виновных в проповедывании ими религиозно-фашистического учения „тарикат“ (საქ. ცსსა, ფ. 545, საქ. 2812, ფურ. 13).

² По поводу восстания в Закав. округе, стр. 588. ამ სტატიის ავტორი თვლიდა, რომ ალიაბათში ქრისტიანობის გავრცელება ჭარელებს შემოსავალს დააკარგვინებდა, მაგრამ ეს სწორი არ იყო.

³ იქვე, გვ. 594.

დულ-რეაქციული მოძრაობის ნამსხვრევთა სახით ჯერ კიდევ ცოცხლობდა. იქვე ასახელებს იგი ტარიკათის (პაწავათის) ქადაგებას¹. მეორე მიზეზად დასახელებულია გაქრისტიანებულ ინგილოთა განთავისუფლება ლეკთა დამოკიდებულებისაგან. შემდეგი, მეტად არსებითი მიზეზი, ოგლობიოს განმარტებით, იყო ზაქათალის წოდებრივ-საადგილმამულო კომისიის მუშაობა, რასაც შედეგად სდევდა ბევრი ლეკი ბატონის უფლებრივი მდგომარეობის უარყოფა. ბევრს არ აღმოაჩნდა მაღალ წოდებაში დასამტკიცებელი საბუთი და წოდებრივი პრივილეგიის დაკარგვის საფრთხის წინაშე დგებოდა. არანაკლები მნიშვნელობა ჰქონდა იმ გარემოებასაც, რომ აღმოსავლეთ ამიერკავკასიის დაპყრობის შემდეგ მთავრობამ ბევრი მუსლიმანი ოფიცერი საჭიროდ აღარ ჩათვალა და უსამსახუროდ დასტოვა. ეს მაშინ, როცა მათ ადგილებს იკავებდნენ ქრისტიანული სარწმუნოების მქონე პირები².

აჯანყების გაღვივებას რამდენადმე ხელი შეუწყო საინგილოს მმართველობაში 1860 წ. მომხდარი ცვლილებების შედეგად წარმოშობილმა უკმაყოფილებამ. სხვა უარყოფითი მხარეების გვერდით, რომელთა შესახებ ქვემოთ ვისაუბრებთ, ჰარ-ბელაქნის, ამიერიდან უკვე ზაქათალის ოლქის, ადმინისტრაციული ცენტრი გადატანილ იქნა ზაქათლიდან საცხენისში, რომელიც არ წარმოდგენდა ამ რაიონის გეოგრაფიულ ცენტრს. ამავე დროს ანგარიში არ გაეწია მოსახლეობის ზნე-ჩვეულებებსა და ადგილობრივი მმართველობის ტრადიციებს. ახალი მმართველობიდან გამოიყვანეს ადგილობრივი მოსახლეობის წარმომადგენლები. ამის მიზეზად მეფის ისტორიკოსი ესაძე ასახელებდა მანამდის არსებული ზეპირი სამართლის შეცვლას სამოქალაქო-სასამართლო დაწესებულებით. ადგილობრივი ელემენტების გამოყვანამ მმართველობიდან, ეს ბიუროკრატიული აპარატი, რომელიც ისედაც შორს იყო მასებისაგან, მთლიანად მოწყვიტა ამ მასებს, რომლებმაც, ესაძის აღიარებით, ყური ათხოვეს „დალისტინიდან დაბრუნებულ ყაჩაღებს“³. მომხდარმა ცვლილებამ დამარხული მიუბრუნებელი მოძრაობის მოგონება და მისი გადმონაშთი ელემენტები გააცოცხლა. მა-

¹ საქ. ცსსა, ფ. 416, აღწ. 3, საქ. 1270, ფურ. 1—9.

² იქვე.

³ С Эсадзе. Историческая записка об управлении Кавказом. т. I,

თი ერთი სულისჩამდგმელი იყო ჭარელი, დაღისტანში აღზრდილი, ბურჯო-ალი. ამავე დროს რეაქციული მუსლიმანური სასულიერო წოდება, მოღვბი, ყადიები, ქვევები ფანატიკური გატაცებით ქადაგებდნენ ტარიკათს, ჰაზავათს, აძლიერებდნენ ფანატიკურ სიძულვილს ქრისტიანეთადმი, ავრცელებდნენ ჭორებს იმის შესახებ, რომ თითქოს მთავრობას განზრახული ჰქონდა მთლიანად ჩამოერთვა მიწები ლეკებისათვის¹.

როგორც ვხედავთ, აჯანყებას საკმაო მიზეზები ჰქონდა. აჯანყებაში მონაწილეობდა თავისუფალი მიწისმოქმედი გლეხობაც, რომელიც თავის სოციალურ მდგომარეობას იცავდა. აჯანყების წამქეზებელი გაბატონებული მუსლიმანური ზედაფენის ნაწილი და მიუზრუნველნი ნაძირალა ელემენტები მიზნად ისახავდნენ რუსთა ბატონობის მოსპობას საინგილოში და ადგილობრივი თვითმმართველობის დამყარებას, დაღისტანში შამილის ბატონობის დროს არსებული იმამატის მიბაძვით. ამრიგად, ფეოდალური ზედაფენები ცდილობდნენ თავიანთი რეაქციული მიზნებისათვის გამოეყენებინათ თავისუფალ მიწისმოქმედთა ბრძოლა. აჯანყება დაიწყო მოღვბის მიერ ფართოდ რეკლამირებული ჰაზავათის დროშით.

ჭარელი მებატონეები აჯანყების წინა დღეს, 4 ივნისს, ენერგიულად თათბირობდნენ ბელაქნელ მემამბოხეებთან, ჰაჯი-მურთუზის თანაგამზრახებთან. ისინი თათბირზე აღნიშნავდნენ, რომ ზაქათლის ციხის აღების შემდეგ იმამად ვინმე ჭარელი უნდა გამოეცხადებინათ².

1863 წ. 4 ივნისს საცხენისში მყოფმა შალიკაშვილმა ცნობა მიიღო იმის შესახებ, რომ აჯანყებულთა რაზმი ჰაჯი-მურთუზის მეთაურობით ზაქათლის ასაღებად მიდიოდა. ასეთივე ცნობა მიიღო ზაქათალის გარნიზონის უფროსმა თარხან-მოურავმაც. ზაქათალა თავდაცვისათვის ემზადებოდა. დაიგზავნა ცნობები მაშველი რაზმების გამოგზავნის შესახებ. ქრისტიან ინგილოებში იკრიბებოდა სახელდახელო ცხენოსანი რაზმი.

¹ ოგლობჯიოს მოხსენებიდან (1863 წ. 31.VIII). საქ. ცსსა, ფ. 416, აღწ. 3 საქ. 1270, ფურ. 1—9.

² По поводу восстания в Закат. окр., стр. 605.

ალიაბათის ინგილოებმა, მიუხედავად გარეგნული მოჩვენებითი კავშირისა აჯანყებულებთან, მხარი არ დაუჭირეს მათ¹. მხოლოდ მცირე გამონაკლისი, და ისიც ჰაჯი-მურთუზთან ახლო ურთიერთობაში მყოფი, შეუერთდა აჯანყებულებს². საერთოდ კი ალიაბათელები არ თანაუგრძნობდნენ მათ და რუსთა წინააღმდეგ იარაღს არ იღებდნენ. ისინი ხედავდნენ, რომ რუსული მმართველობა, შედარებით, მათ ინტერესებს ესარჩლებოდა. ქრისტიანული სარწმუნოების მიუღებლობა, რაც ქარელთა მუქარა-ძალდატანების შედეგი იყო, ხელს არ უშლიდა მათ ერთგულებას რუსეთისა და საქართველოსადმი. ისინი, ისე როგორც ადრე თითქმის ყველა ინგილო, „გულით ქრისტიანობდნენ“, ეს კი მაშინ „გულით ქართველობას“ ნიშნავდა.

ამავე დროს ალიაბათელ ინგილოებს კარგად ესმოდათ, რომ მათ სარგებლობაში მყოფი მიწები ქარელმა ლეკებმა ძალადობის გზით დაისაკუთრეს. ალიაბათელები ოცნებობდნენ ამ მიწების ხელში ჩაგდებაზე და ლეკთა დამოკიდებულებისაგან სრულ განთავისუფლებაზე, მაგრამ აშკარა მოქმედების დაწყებას ვერ ბედავდნენ. დამახასიათებელია თანამედროვის ერთი გადმოცემა, რომელიც გაზ. „დროებაშია“ გამოქვეყნებული:

„ალიაბათელებს 1863 წელს მიწების დავა ჰქონდათ ქარელებთან, და როდესაც ქარელებმა უთხრეს, რომ ეს მიწები ჩვენ ხმლით დაგვიჭერიანო, მაშინ იმათ უპასუხეს: „თუ ხმლით წართმევა მიწისა და კაცის დამონავება სამართალიანო და ამას საფუძველი აქვსო, მაშინ გამოდით ახლა წავიკიდოთო, ვინც დასძლიოს, მიწები იმას დარჩესო“.³

აჯანყებულთა შესაკრები პუნქტი გახდა სოფ. გოგამი⁴. ჰაჯი-მურთუზის რაზმს შეუერთდნენ თალას, ჭარის, გოგამის, სუმაილოს, კატეხის, მაწეხისა და სხვა სოფლების ლეკები. აჯანყებულთა ერთ-მა რაზმმა მთლიანად გაუღიბა რუსთა ასეული (115 კაცამდე), რომელიც ტყეში გასულიყო და ზაქათალის ციხეში ბრუნდებოდა.

¹ იქვე, გვ. 602.

² იქვე.

³ დ. ჯანაშვილი, „ოსურბსკის ტყუილები...“ „დროება“. 1866 წ. № 39.

⁴ საქ. ცსსა, ფ. 416, აღწ. 3, საქ. 1270, ფურ. 1—9. სხვა ცნობით, შესაკრები პუნქტი იყო ხურმა-ობა, ზაქათალიდან 3 კილომეტრზე (По поводу восст. в Заикат. окр., გვ. 602).

5-დან 6 ივნისს, ღამით, 3 საათზე დაიწყო აჯანყებულთა ძლიერი შეტევა ზაქათალის ციხეში მყოფი გარნიზონის წინააღმდეგ. ეს გარნიზონი, რომელიც 500 კაცისაგან შედგებოდა, გააფთრებით იცავდა თავს 2000-დე თავდამსხმელისაგან¹. 2 საათიანი ბრძოლის შემდეგ შეტევა მოგერიებულ იქნა.

ბრძოლაწაგებული ჰაჯი-მურთუზი თავს დაესხა ბელაქნის გზით ზაქათალისაკენ მომავალ შალიკაშვილის რაზმს. ბრძოლაში დაიღუპა გენ. შალიკაშვილი. ეს იყო აჯანყებულთა უკანასკნელი გაბრძოლება. ამის შემდეგ ისინი დამარცხდნენ. გაქცეული ჰაჯი-მურთუზიც ცოტა ხნის შემდეგ რუსებს ჩაბარდა².

აჯანყება უკვე დამარცხებული იყო, როდესაც ზაქათალის გარნიზონის საშველად წასული რაზმები დანიშნულებისამებრ იკრიბებოდნენ. ზაქათალასთან მივიდა ინგროთა 300 კაცისაგან შემდგარი ცხენოსანი რაზმი. ამავე დროს, 18 ივნისს, მოხდა უღრესად დიდი მნიშვნელობის მოვლენა, რომელიც იმ დროის ისტორიოგრაფიას შეუმჩნეველი არ დარჩენია. ზაქათალის აჯანყების ჩასაქრობად დაღისტნის მთები გადმოლაზა და ზაქათალაში ჩამოვიდა დაღისტნელთა 3000-ანი ცხენოსანი რაზმი, რომელსაც გენერალი მელიქოვი მოუძღოდა. ამ რაზმს ახლდნენ ჭემალ-ედინის (შამილის უახლოესი მრჩევლს) შვილი, შამილის ცნობილი თანამებრძოლის—კიბიტ-მოჰამედის ძმა და სხვები. ისინი მოვიდნენ უკვე ჰაზავათის გამჩაღებელთა წინააღმდეგ საომრად. ეს აქტი, როგორც მაშინ სამართლიანად შენიშნავდნენ, წარმოადგენდა იშვიათ გაკვეთილს ჭარ-ბელაქნის აჯანყებულთათვის, რომ მათ ამიერიდან დაღისტნის მხარდაჭერის იმედი არ უნდა ჰქონოდათ³. მომხდარი ფაქტი ამავე დროს მიუზღვიდა და შამილის მოძრაობის იდეურ-პოლიტიკური გაცოტრების საუკეთესო საბუთი იყო და ერთხელ კიდევ ადასტურებდა, რომ შამილის ავანტიურას მასების ინტერესებთან საერთო არაფერი ჰქონია.

რუსეთის მთავრობა სასტიკად გაუსწორდა აჯანყებულებს. დაღისტანშიაც მრავლად დააპატიმრეს „აჯანყების წამქეზებლები“, რომლებიც ტარიკათს ქადაგებდნენ. ზაქათალაში დაინიშნა.

¹ საქ. ცსსა, ფ. 416, აღწ. 3, საქ. 1270, ფურ. 1—9. სხვა ცნობით აჯანყებულთა რიცხვი აღწევდა 5000-ს (Волковский. История... გვ. 339).

ვოლკონსკის დასახ. ნაშრ., გვ. 339.

По поводу восстания в Закаѳ. округе, გვ. 607.

საველე სასამართლოს კომისია, რომელსაც დაევალა: „მისჯილთა ოჯახები გადასახლებულ იქნან ოლქიდან, ხოლო მათი სახლები დაინგრეს, ბალები გაიჩხოს, მიწები ჩამოერთვათ... ზარალის ანაზღაურება (მთავრობისათვის, მ. დ.) დაეკისროთ იმ სოფლების ყველა მცხოვრებს, რომლებიც აჯანყებაში მონაწილეობდნენ“¹. აჯანყების მოთავე ჰაჯი-მურთუზი რუსეთის შიდა გუბერნიაში გადასახლეს.

ჭარ-ბელაქნის გაბატონებული ფენების ბრძოლა, რომელიც მიუხრდვლი რეაქციის ფორმით გამოვლინდა, მიზნად ისახავდა რუსეთის ბატონობის მოსპობას და შამილის იმამატის მსგავსი ავანტიურისტული მმართველობის შექმნას აღმოსავლეთ კახეთში. ამდენად ეს აჯანყება რეაქციული მოვლენა იყო. აჯანყებას რომ მართლაც გაემარჯვნა, მუსლიმანური ზედაფენის პოლიტიკური ხელისუფლება აღმოსავლეთ კახეთში იქნებოდა საქართველო-ამიერკავკასიაში მეფის რუსეთის წინააღმდეგ მებრძოლი ოსმალეთის პოლიტიკის იარაღი. რა თქმა უნდა, აჯანყებას გამარჯვების პერსპექტივები არ ჰქონია.

მუსლიმანური რეაქციული ზედაფენის კავშირი ოსმალეთთან დადასტურდა იმ ფაქტით, რომ ადგილობრივი მმართველობისადმი გახშირებულ იყო განცხადებები ოსმალეთში გადასახლების ნებართვის შესახებ². ასეთ განცხადებებს სათავე ნამდვილად გაბატონებულ ზედაფენებში ჰქონდა. მოდიოდა მშრომელი მასებისათვის აღნიშნული მოთხოვნები, რა თქმა უნდა, უცხო იყო.

4. გარდაჯნა მეფის რუსეთის პოლიტიკაში. ინგილოთა კულტურული სხოვანების ზარის დასაწყისი

1863 წ. აჯანყებამ აიძულა მეფის მთავრობა, რომ რიგი ცვლილებებისა მოეხდინა მმართველობაში და მუსლიმანური ზედაფენებისათვის მეტი ანგარიში გაეწია. მხარის ადმინისტრაციული

¹ С. Эсадзе. Историческая записка... т. I, гл. 280—209.

² ზაქათალის ოლქის უფროსი თვლიდა, რომ აღნიშნული განცხადების მიზანი იყო ადგილობრივი უფროსობის ყურადღების გამახვილება მუსლიმანური მოსახლეობისადმი, ნამდვილად კი გადასახლების მსურველები არ ყოფილანო. (საქ. ცსსა, ფ. 416, აღწ. 3, საქ. 1270, ფურ. 1—9). აღნიშნული განცხადებები იმის საბუთიც იყო, რომ აჯანყების მონაწილეებს თვალი ოსმალეთზე ეკირათ.

ცენტრი ისევ გადმოტანილ იქნა ზაქათალაში. ცვლილებები მოხდა სასამართლო უწყებაშიაც. აღადგინეს მმართველობაში წინათ არსებული ზოგიერთი თანამდებობა—ნაიბი, უზბაში, თაბუნბაში და სხვ.

აღნიშნული აჯანყება საინგილოში რუსეთის პოლიტიკის გარდატეხის ერთი ეტაპი გახდა. არ იქნებოდა სწორი, რომ ეს აჯანყება პოლიტიკის გარდატეხის ერთადერთ მიზეზად გამოგვეცხადებინა. პოლიტიკის ცვლილება ნაკარნახევი იყო საქართველო-ამიერკავკასიაში მეფის მთავრობის ბატონობის განმტკიცებით. რუსეთმა უკვე დაასრულა კავკასიის დაპყრობისათვის წარმოებული ომი. იგი დასრულდა 1864 წ. მაისში დასავლეთ კავკასიის მთიანეთის საბოლოო დამორჩილებით. ამიერიდან მთავრობა თავს მტკიცედ გრძნობდა. მას უკვე აღარ ეშინოდა ქვეყნის შიგნით მოსალოდნელი აჯანყებების, მთიელთა მტრული განწყობილებების. ამიერიდან იწყებოდა ახალი ეტაპი, ახალი საზოგადოებრივი წყობილების, კაპიტალისტური წყობილების განვითარების პერიოდი. რუსეთის კაპიტალიზმი უკვე ენერგიულად იბრძოდა ქვეყნის კოლონიური ექსპლოატაციისათვის.

ამავე დროს ძველი იდეოლოგიური პოლიტიკა, ქრისტიანული სარწმუნოების დაცვის ნიღაბით რომ მოქმედებდა, რასაც მფლობელობის ფარგლების გავრცელება ჰქონდა მიზნად, ძველებურ აქტიურობას უკვე ჰკარგავდა. იგი ბარდებოდა XIX საუკუნის I ნახევარს, როდესაც მან თავისი ძირითადი მისია უკვე შეასრულა. ქრისტიანობის დროშით შევიდა რუსეთი აფხაზეთში. მაკმადიანობასთან ბრძოლის მიზნით შეიქმნა აფხაზეთის მთავრის შარვაშიძის ზელისუფლება, რომელიც თურქულ გავლენას უპირისპირდებოდა. მეფისნაცვალის ვორონცოვის მიერ 1850 წ. გაშლილი საქმიანობა საინგილოში ქრისტიანობის აღდგენის მიზნით, ჩანს, მთავრობის უკანასკნელი ღონისძიება იყო ამ მიმართულებით. ამავე დროს სრულდებოდა XIX ს-ნის პირველ ნახევარში მეფის რუსეთის მიერ კარგად მომარჯვებული შენიღბული ლოზუნგის—„საქართველოს გაერთიანების“ — მისია. XIX საუკუნის მეორე ნახევრიდან, როდესაც უკვე საქართველოს დიდი ნაწილი შემოერთებული იყო, რუსეთის მთავრობა უკვე შლიდა, ქსაქსავდა საქართველოს, ახშობდა ეროვნული მთლიანობის საშუალებებს. ამიერიდან მისთვის სულ ერთი იყო, თუ რომელი ოლქი ვისთან და რომელ ადმინისტრაციულ ერთე-

ულში იქნებოდა, ოღონდაც რუსეთის იმპერიის ბატონობის ქვეშ ყოფილიყო და, მეორეც, ასეთ ადმინისტრაციულ გაერთიანებას ხელი არ შეუწყო პოლიტიკური ერთეულის წარმოქმნის თუ აღდგენის ტენდენციისათვის¹.

გენ. ციციანოვის დროიდან, როგორც ზევით ითქვა, რუსული მმართველობა, ვიდრე მას საინგილო დაპყრობილი არ ჰქონია, ხშირად ახსენებდა, რომ ეს მხარე საქართველოს განუყოფელი ნაწილი იყო. მაგრამ საინგილოს დაპყრობის შემდეგ ეს მალე დავიწყებულ იქნა. მთავრობამ უკვე უარყო საქართველოსთან ამ რაიონის პოლიტიკურ-ადმინისტრაციული გაერთიანების იდეა. ამ უარყოფის პირველი აქტი მოხდა 1844 წელს, როდესაც „ბელაქნის ოლქი“ „ჭარ-ბელაქნის სამხედრო ოლქის“ სახელით გამოეყო საქართველო-იმერეთის გუბერნიას და ამ ოლქის უფროსს გუბერნატორის უფლებები მიენიჭა.

1860 წ. 31 მაისს მეფისნაცვალ ბარიატინსკის განკარგულებით „ჭარ-ბელაქნის სამხედრო“ ოლქს სცილდება წახურის უბანი, ყოფილი ელისუს სასულტნოს მთიანეთი, რომელიც ადმინისტრაციულად უერთდება სამხრეთ დაღისტნის სამურის ოლქს². საინგილო ამიერიდან „ზაქათლის ოლქის“ სახელით გვევლინება და მისი მმართველობა ზემო დაღისტნის უფროსის კომპეტენციაში დროებით შედის³. ამრიგად, საინგილო, თუმცა დროებით, მაგრამ მაინც, ზემო დაღისტნის ადმინისტრაციულ ფარგალს მიეთვალა. ზემო დაღისტნის უფროსი სამოქალაქო საქმეებში უნდა დამორჩილებოდა უშუალოდ მეფისნაცვალს, ხოლო სამხედრო ხაზით—დაღისტნის უფროსს. საკვირველი იყო აგრეთვე, რომ ამ უგუნურ დაყოფასთან ერთად ყვარელის უბანიც კი დაღისტნის უფროსის სამხედრო ხელისუფლებას მიათვალეს.

აღნიშნულიდან ჩანს, რომ მთავრობამ სავსებით ანგარიში არ გაუწია საქართველოსა და ქართველი ხალხის მთლიანობის ინტერესებს, არ გაითვალისწინა კულტურულ-ეკონომიური ურთიერთ-

¹ ეს მოსაზრება გამოთქვა აკად. ნ. ბერძენიშვილმა 1950 წ. 12 დეკემბერს ისტორიის ინსტიტუტის ისტორიის განყოფილების თანამშრომლებთან ერთი საუბრის დროს.

² საქ. ცსსა, ფ. 10, საქ. 1433, ფურ. 6—7.

³ Акты, т. XII, стр. 447.

ბის აშკარა დამაკავშირებელი მომენტები; უგულებელყოფილ იქნა საინგილოს კულტურულ-ეკონომიური დამოკიდებულება კახეთთან.

1860 წლის შემდეგ, კავკასიის მხარის ადმინისტრაციული დაყოფით, მეფის მთავრობა ზაქათალის ოლქს მმართველობის განაცალკევებული ფორმით ინარჩუნებდა. ეს ოლქი „კავკასიის სამთო სამმართველოს“ (1865 წლიდან), თუ „სამხედრო-სახალხო სამმართველოს“ (1880 წლიდან) მეშვეობით მეფისნაცვალს ემორჩილებოდა და ინარჩუნებდა „სამხედრო-სახალხო“ მმართველობის ფორმას, რომელიც თავიდან ბოლომდის სამხედრო ოკუპაციის პრინციპზე იყო აგებული და ქვეყნის მოქალაქეობრივ დაწინაურებას აფერხებდა*.

მეფის რუსეთის პოლიტიკის ცვლილებამ თვალნათლივ იჩინა თავი საინგილოში ქრისტიანობის აღდგენის საქმიანობაში.

მუსლიმანური სასულიერო წოდების თავგამოდებული ცდების შედეგად მთავრობამ 1863 წ. აჯანყების მთავარ მიზეზად ქრისტიანობის აღდგენა აღიარა. გარდა ამისა, ახლა, მას შემდეგ რაც კავკასიის ომი დასრულებული იყო, ძველი სიმწვავეთ უკვე აღარ დგებოდა აღმოსავლეთ კახეთში საიმედო დასაყრდენის შექმნის საკითხი, ასევე ძველი სერიოზულობით არ გამოიყურებოდა მოთხოვ-

* 1874 წ. 29 იანვარს მეფემ დაამტკიცა დებულება ზაქათალის ოლქის მმართველობის შესახებ. ეს დებულება ითვალისწინებდა:

1. ოლქის უფროსი ემორჩილება კავკასიის სამთო სამმართველოს უფროსს, ეს უკანასკნელი კი—მეფისნაცვალს.

2. საოლქო მმართველობა რჩება ზაქათალაში, სადაც არის პოლიციის ბოქაული და 2 ხმოსანი (ხალხის რჩეული).

3. ოლქი იყოფა ოთხ უბნად — ბელაქნის, კარ-მუხახის, ალიაბათისა და კახის. მათ სათავეში ინიშნებიან უბნის უფროსები.

სასამართლოს ორგანიზაცია ასხვავებდა ორ განყოფილებას:

ა) სამხედრო—სისხლის სამართლის კანონებით,

ბ) საოლქო-ზეპირი სამართალი, რომელიც თავის მხრივ განასხვავებდა: სამართალს დღითი—სახალხო ჩვეულებებით, სამართალს შარიათით — სასულიერო სამართალი— და სამართალს მთავარსარდლის მიერ დადგენილი განსაკუთრებული წესებით.

საოლქო ზეპირ სასამართლოში თავმჯდომარეობდა ოლქის უფროსი, რომელთან ერთად ბეობდნენ 4 დეპუტატი და ორი ყადი. დეპუტატთა და ყადიების მონაწილეობა აქ ფორმალური ჩანდა. ყველაფერს წყვეტდა ოლქის უფროსი ან მისი თანაშემწე. (ЦГИА Дагест. А СССР, ф. 90, оп. 1, д. 63, лл. 133—138. С. Эсадзе. Историческая записка об управл. Кавказом, т. II, 1907, стр. 91).

ნიღება სარწმუნოებრივი ბრძოლის გაჩაღებისა, ქრისტიანული და მაჰმადიანური ელემენტების ერთმანეთისადმი დაპირისპირებისა. ამიტომ მთავრობა უკვე ოფიციალურად აცხადებდა, რომ მისთვის სულ ერთი იყო, ინგილოები და ლეკები ქრისტიანები იქნებოდნენ, თუ მაჰმადიანები, ოღონდ რუსეთის მეფის ერთგული ყოფილიყვნენ. ესე განუცხადებია აღნიშნული აჯანყების შემდეგ საინგილოში, სოფ. ალიაბათში ჩასულ მეფისნაცვალს მიხეილ რომანოვს¹.

მთავრობის პოლიტიკის შეცვლა ამ დროს უკავშირდებოდა რუსეთის ურთიერთობას, მაჰმადიანურ პროვინციებთან, რადგან „ინგილოთა ქართველობა-მუსლიმანობა ცარიზმის პოლიტიკის საკითხად იქცა მაჰმადიანურ ქვეყნებთან, დაღისტანთან, ოსმალეთთან თუ ირანთან ურთიერთობაში“ (აკად. ნ. ბერძენიშვილი).

მეფისნაცვალის აღნიშნული განცხადება კარგად გამოიყენეს ფანატიკოსმა მოღებმა. მათ მოიშველიეს თავიანთი მომხრეები მეზობელი მუსლიმანური პროვინციებიდან. გაჩაღდა ისლამის პროპაგანდა მოსახლეობაში. მთავრობამ ოფიციალური ნებართვა მისცა ახალ მონათლულებს, თუ ვისმეს სურდა, მაჰმადიანობას დაბრუნებოდა. ამისათვის ერთწლიანი ვადაც განისაზღვრა². რეაქციულ მუსლიმანურ სასულიერო წოდებას დრო დაუდგა. ისინი სოფელ-სოფელ გაჰკიოდნენ, რომ „მთელი ღუნია მუსლიმანთ დარჩება მალე და გაიურნი კი მათ ხელით შეიმუწრებინანო“³. კაცთმოძულური ფანატიკური რეაქცია ფრთებს ისხამდა და რელიგიური რწმენით თვალეზავებული მოსახლეობის დიდი ნაწილი ცრუ პროპაგანდას აპყვა. ბევრმა უარპყო ახლად მიღებული ქრისტიანობა, მიიღო მაჰმადიანობა. თუ 1861 წლისთვის „ინგილო მოსახლეობის თითქმის ორი მესამედი — 20.000-დე სული იყო მონათლული“⁴, 60-ანი წლების ბოლოს ეს რიცხვი თითქმის 4. 000-დე შემცირდა⁵. ასე გრძელდებოდა სამოცდაათიანი წლების მიწურულამდე, როდესაც 1877-1878 წლების ომთან დაკავშირებულმა ამბებმა მთავრობას კვლავ უკარნახა საინგილოში ქრისტიანობის აღდგენითი მოღვა-

¹ ზ. გულისაშვილი. მგზავრის შენიშვნები საინგილოსა და ქიზიყზე (ივერია), 1882 წ. № 11, გვ. 73).

² ЦГИА Азерб. ССР, ф. 579, оп. I, д. № 3, л. 16.

³ ზ. გულისაშვილი. დასახ. წერილი, გვ. 74.

⁴ ЦГИА Азерб. ССР, ф. 579, оп. I, д. № 3, л. 15.

⁵ 1888 წლისთვის საინგილოში ქრისტიანეთა რიცხვი 4000 სულით განისაზღვრებოდა (Отчет Общества восст. правосл. христ. за 1888 г., გვ. 49).

წეობისათვის მხარის დაჭერა, მაგრამ ეს საქმე ძველი ენთუზიაზმით აღარ განახლებულა. თუმცა ქრისტიანობის აღმდგენელი საზოგადოება კავკასიაში ამ საქმეს მნიშვნელოვან ყურადღებას აქცევდა.

სწორი არ იქნებოდა, რომ საინგილოში 60-ან წლებში ქრისტიანობის აღდგენითი საქმიანობის მარცხის ერთადერთ მიზეზად გამოგვეცხადებინა 1863 წ. აჯანყება და მთავრობის პოლიტიკის ცვლილება. ამის ერთი სერიოზული მიზეზი ის იყო, რომ მთავრობამ დასაწყისში დიდი შეცდომები დაუშვა ქრისტიანობის აღდგენის საქმეში და თავისი მოქმედებით ახალმონათლულები დიდი საფრთხის წინაშე დააყენა.

მთავრობამ ერთი ხელის დაკვრით მოინდომა საინგილოში თითქმის საუკუნენახევრის განმავლობაში გაბატონებული მუსლიმანურ სარწმუნოებასთან დაკავშირებული ზნე-ჩვეულებების მოსპობა. ხალხი ადვილად ვერ დათმობდა საოჯახო ყოფა-ცხოვრებაში შექრილ ტრადიციებს. სამღვდელეობა კი გაქრისტიანებულ ოჯახური კულტურის სფეროში პირდაპირ ნახტომისებური ცვლილების წინაშე აყენებდა. 60-ან წლებში უკვე საზოგადოებრივი მოღვაწეობის ასპარეზზე გამოსული ინგილო—დიმიტრი ჯანაშვილი თავისებურად აღნიშნავდა ამ მოვლენას. გაზეთ „დროებაში“ მან გამოაქვეყნა საკმაოდ ვრცელი წერილი „ინგილოების ჩივილი იმაზე, რომ ისინი ინგილოებში ქალებს სათხოვნელად ვერ შოულობენ“¹.

საინგილოში არსებული ჩვეულება გამორიცხავდა სხვა სოფლიდან ქალის გამოყვანას. ქორწინება თანასოფლელებში უნდა მომხდარიყო. როგორც ჯანაშვილი შენიშნავდა, ამ ნიადაგზე ამათუ იმ სოფელში თითქმის ყველას ერთმანეთში ნათესაობა ჰქონდა. ეს გარემოება ვერ აბრკოლებდა საქორწინო აქტებს. გარდა ამისა ინგილოებს, მათში გვიან გამჯდარი ტრადიციებით ძალზე ძვირად უჩადებოდათ ცოლის შერთვა. ხარჯების გაღება ქორწინებამდე ხდებოდა. ქორწინების წინ უკვე ახალმონათლული ინგილო მღვდელთან მიდიოდა ჯვრის საწერად, მღვდელი კი, თანახმად კანონისა, ნათესაეებს ჯვარს არ სწერდა. იწყებოდა დავა მღვდელსა და ინგილოს შორის: „...ინგილო შფოთობს, ემუქრება იმას; მღვდე-

¹ „დროება“, 1966 წ., № 42.

ლი უარზე დგას. ინგილო იმას ეუბნება, რომ დიდი ხარჯი მომივიდაო, ქორწილი კიდევაც დავიწყეთო...”

„...ინგილოები ამ კანონებს სასტიკად თვლიან... როდესაც ისინი გაჯავრდებიან, დაბრკოლებას რასმე შეემთხვევიან, მაშინვე გათათრებას მოიგონებენ“. მართლაც რომ ეს სერიოზული მომენტი იყო. ქალის სხვა სოფლიდან მოყვანას, როგორც ითქვა, ჩვეულება არ ითვალისწინებდა. ამ გარემოებას დ. ჯანაშვილი ხსნიდა ცალკეულ ინგილოურ სოფლებს შორის მეტად კონტრასტული სხვადასხვაობით. ეს ახსნა უსაფუძვლო არ ყოფილა. ინგილოურ სოფლებს შორის დიდი ბუნებრივი სხვაობა დღესაც შეიმჩნევა. მით უფრო შესამჩნევი იყო ეს მაშინ, მეურნეობის პრიმიტიული წესის ბატონობის დროს. ერთი სოფლის ინგილო მეორეს ვერ ეგუებოდა. გარდა ამისა, აღნიშნული ჩვეულების ერთბაშად მოშლაც ძნელი იყო, მით უფრო, რომ საინგილოში მამაკაცებთან შედარებით ქალთა რაოდენობა მცირე იყო.

აღნიშნულ საკითხს დ. ჯანაშვილი სერიოზულად აყენებდა. თვითონ იგი საჭიროდ თვლიდა, რომ გარკვეულ ეტაპზე ინგილოები არ შეეზღუდათ ქრისტიანული საქორწინო წესებით. დ. ჯანაშვილი მოითხოვდა ამ საკითხზე ოფიციალური ქართული პრესის აზრს. „დროებამ“ უარყოფითად უპასუხა დ. ჯანაშვილის მოსაზრებას და საინგილოში „ერთის სოფლიდან მეორეს სოფელში ქალის გათხოვების“ დაკანონება მოითხოვა¹. რა თქმა უნდა, ეს უკანასკნელი წესი ინგილოთა მომავალი ცხოვრებისათვის გაცილებით უმჯობესი იყო, მაგრამ მისი დანერგვა ჯერ ნაადრევად ჩანდა.

დ. ჯანაშვილი სამართლიანად აღნიშნავდა, რომ ქრისტიანობის შეფერხების მთავარი მიზეზი იყო აჩქარება, ხალხის ერთბაშად დანათვლა: „ხალხი რომ თავის ნებას მიენდოთ, ინგილოები მთლად დაინათლებოდნენ; მაგრამ ჩვენდა საუბედუროთ ფაქტების მოძრაობა დააძალადეს“².

არანაკლები შემადფერხებელი მნიშვნელობა ჰქონდა იმ გარემოებას, რომ საინგილოს მეზობელ ქიზიყში და სხვა ქართულ პროვინციებში ამ დროს ქრისტიანული სამღვდელოება მთელი თა-

¹ „დროება“, 1866 წ., № 44. მოწინავე წერილი, რომლის ავტორია დიმიტრი ბაქრაძე.

² დ. ჯანაშვილი. პოსერბსკის ტყუილები ინგილოებზე („დროება“, 1866 წ., № 39).

ვისი კლასობრივი რეაქციული ბუნებით მოქმედებდა. ქიზიყელი გლეხები, რომელთაც ახლო ურთიერთობა ჰქონდათ ინგილოებთან, ამ უკანასკნელებს აცნობდნენ ქრისტიანული სამღვდელოების ექსპლოატატორულ ბუნებას.

საინგილოში ქრისტიანობის აღდგენა იწყებოდა ინგილოთა მფარველობის დროში, მათი კლასობრივად ჩაგრული მდგომარეობის შემსუბუქებით, რაც საინგილოს სპეციფიური მდგომარეობით იყო ნაკარნახევი. საინგილოში გაგზავნილი მისიონერები უზრუნველყოფილი იყვნენ მთავრობის ჯამაგირით, გარკვეული პრივილეგიებით. მათი შენახვა ჯერ კიდევ არ აწვა ზურგზე ინგილო გლეხობას. სხვაგვარი მდგომარეობა იყო მეზობელ ქიზიყში, სადაც სამღვდელოება მშრომელებს ტყავს აძრობდა. საინგილოში მოსიარულე ქიზიყელები ეუბნებოდნენ ინგილოებს: „მოვა დრო, როდესაც მღვდლები თქვენც იმას გამოგართმევენ, რასაც ჩვენ გვართმევენ; მოვა დრო, როდესაც მღვდლები თქვენსავე მკვდარს თქვენვე მოგიდიან, და მაშინ შეიტყობთ იმათ კაიკაცობას. ახლა ისინი ჯერ თქვენ არაფერს გართმევენ, რადგან ახალი მონათლულები ხართ და ხელმწიფე იმათ ჯამაგირს აძლევს“, შემდეგ კი „იმათი ცოლშვილის შენახვა თქვენ გემართებათ. მაშინ, როგორც ახლა ჩვენში, იქნება ინგილოებში ერთი კაციც აღარ იყოს, რომ მღვდლის ვალი არ ემართოს, და კოდი პურისათვის ის გლეხს დღეში იასაულს არ უგზავნიდეს...“¹.

ეკლესიის მსახურთა ეს მყვლეფელობა მოგვაგონებს საშუალო საუკუნეების ევროპულ „წმინდანების“ მზაკვრობას, რომელსაც ფ. ენგელსი ახასიათებდა:

„ისინი თავიანთ ქვეშევრდომთ არა თუ შეუბრალებლად ყვლეფდნენ თავადაზნაურობისა და მთავრების მსგავსად, კიდევ უფრო ურცხვად იქცეოდნენ. ტლანქი ძალმომრეობის გვერდით ისინი იყენებდნენ სარწმუნოების ყველა მზაკვრობას, ტანჯვა-წვალების მუქარის გვერდით შეჩვენებისა და ცოდვათა განტევებაზე უარის თქმის მუქარას, სააღსარებოს ყველა ინტრიგას, რათა ქვეშევრდომთათვის უკანასკნელი გროში წაეგლიჯათ ან ეკლესიის სამკვიდრო გაედიდებიათ“².

¹ დ. ჯანაშვილი. ქიზიყელები საინგილოში („დროება“, 1867, № 24, გვ. 2).

² ფ. ენგელსი. გლეხთა ომი გერმანიაში, 1932 წ., თბილისი, გვ. 32.

მოტანილი ფაქტები კარგად ააშკარავენ მეფის რუსეთისა და თავადაზნაურობის სამსახურში მყოფი სამღვდლოების ექსპლ-ოატატორულ ბუნებას. ბუნებრივია, რომ ეს სამღვდლოება გლენობაში სიყვარულს ვერ დაიმსახურებდა.

მითითებულ ამბებს ქრისტიანული სარწმუნოების აღდგენის საქმეში უდავოდ სერიოზული შემაფერხებელი მნიშვნელობა ჰქონდა. ამ საქმის მარცხიც აღნიშნული მიზეზებით უნდა აიხსნას.

მიუხედავად ზემოაღნიშნული უარყოფითი მხარეებისა, საინგილოში ქრისტიანობის აღდგენითს საქმიანობას თავისი ობიექტური შედეგებით ინგილოების ცხოვრებაში გაუმჯობესება შეჰქონდა. ამის მიზეზი, რა თქმა უნდა, არ ყოფილა ქრისტიანული სარწმუნოების იდეოლოგიური უპირატესობა, ან რაიმე დადებითი შინაგანი მხარეები. ქრისტიანობა, ისე როგორც მაკმადიანობა კლასობრივი ჩაგვრისა და მასების დამონების საშუალება იყო, მაგრამ, როგორც ზევით ითქვა, იმ დროს ქრისტიანობა გამოხატავდა რუსეთისა და ევროპის განვითარებული სახელმწიფოების სარწმუნოებას, მაშინ როცა ისლამი ოსმალეთის ჩამორჩენილი და უკულტურო სახელმწიფოს იდეოლოგია იყო და ამ ჩამორჩენილობის მთელი სიმძიმით აწმობდა აღმოსავლეთის რიგი ხალხების განვითარების გზებს.¹ ქრისტიანული სარწმუნოების აღდგენით აღმოსავლეთ კახეთის მოსახლეობა უფრო მკვიდრად უნდა დაკავშირებოდა რუსეთის მფლობელობის ქვეშ მყოფი საქართველოს მდიდარ კულტურასა და საერთოდ განვითარებულ საზოგადოებრივ ცხოვრებას. ამ მხრივ გარკვეული როლი შეასრულა საინგილოში რუსეთის მთავრობის მიერ დაფუძნებულმა ეკლესიებმა და სკოლებმა², ეს ხდებოდა ქრისტიანობის სოციალური პრინციპების მთელი სიბილწისა და დამმონებელი თვისებების მიუხედავად³.

¹ მაგალითად, „ქრისტიანობის შემოღება პროგრესი იყო წარმართულ ბარბაროსობასთან შადარებით“ (დადგენილება მთავრობის კომისიის უიურისა საშ. სკ. მე-3—5 კლასებისათვის სსრკ ხალხთა ისტ. საუკეთესო სახელმძღვანელოზე კონკურსის გამო. ისტორიის სწავლებისათვის. კრებული, 1937 წ. 88).

² ეკლესია-მონასტრების როლი საინგილოში ანალოგიური ჩანდა პირველი საუკუნეების მოვლენებთან, როდესაც ისინი დამწერლობისა და საკოლონიზაციო ბაზების დანერგვაში პროგრესულ როლს ასრულებდნენ (იქვე, გვ. 88).

ფ. ვნ გ ე ლ ს ი ს ტ ა ტ ი ა შ ი „იურიდიული სოციალიზმი“ შენიშნავდა, რომ შუა საუკუნეების ევროპაში „სამღვდლოება... იყო ერთადერთი განათლებული კლასი“ (К. Маркс и Ф. Энгельс. Социал., т. XVI, ч. I, გვ. 295).

³ აღნიშნულ პრინციპთა შესახებ ნახე: К. Маркс и Ф. Энгельс, Социал., т. V, გვ. 173—174.

ქართველ ინგილოებს ეხსნებოდათ გზა განათლებისაკენ. ადრე საინგილოში, კერძოდ ზაქათალაში, მხოლოდ მუსლიმანი მაღალი წოდების წარმომადგენელთათვის არსებობდა ორკლასიანი სკოლა, რომელშიაც ინგილოთა შვილებს არ ღებულობდნენ. ეს სკოლა ჩამოყალიბდა 1853 წელს. 1855 წ. ქარ-ბელაქნის უფროსი ითხოვდა ამ სკოლის გაფართოებას და მასში ინგილოთა შვილების მიღებას¹.

1865—1866 წლების ცნობებით, ზაქათალაში იყო ქალთა 2-კლასიანი სკოლა, რომელშიაც ყველა ეროვნების მოსწავლეები იყვნენ—რუსები, ქართველები, სომხები, ავარები². არსებობდა აგრეთვე 3-კლასიანი დაწყებითი სკოლა³. ქალთა სკოლის 1865 სასწავლო წლის პროექტში რუსული ენისა და გრამატიკის გვერდით შეტანილია ქართული, სომხური და აზერბაიჯანული ენების სწავლება⁴.

1862—1863 წლებში ქრისტიან ინგილოთა განათლებისათვის ეკლესიებთან ჩამოყალიბებული იყო სკოლები; ასე მაგალითად, სკოლა იყო კახისა და ყორაღანის ეკლესიებთან⁵. აქ არსებულ ეკლესიებში არა მარტო საღმრთო რჯული ისწავლებოდა, არამედ ქართული ენა, არითმეტიკა და სხვა საგნებიც; ეს მაშინ, როდესაც წარსულში მეჩეთთან არსებულ „სკოლებში“ ყურანის გარდა არაფერი არ ისწავლებოდა, ხოლო მოლები სხვათა შორის ახალგაზრდებს ასწავლიდნენ, რომ „ქრისტიანთაგან მოპარული საქონელი მუსლიმანს ტკბილად შეერგებაო“⁶.

1868 წ. სათანადო სახსრები გაიღეს სამრევლო სკოლებისათვის შენობების ასაშენებლად კახში, ალიბეგლოსა და ყორაღანში⁷. 1869 წ. სკოლა აგებული იყო კახში, სადაც 62 ახალგაზრდა სწავ-

¹ საქ. ცსსა, ფ. 416, აღწ. 2, საქ. 35, ფურ. 1—9.

² იქვე, ფ. 423, საქ. 221, ფურ. 8.

³ საქ. ცსსა, ფ. 423, საქ. 382.

⁴ იქვე, საქ. 221, ფურ. 23—24.

⁵ Отчет Общества восст. христианства за 1862 и 1863 гг. Тифлис, 1865 г., გვ. 71.

⁶ ზ. გულისაშვილი. დასახელებული წერილი, გვ. 74. ავტორი დასძენდა, რომ მან თვითონ ნაბა, თუ როგორ დაატუსაღეს რამდენიმე მოლა ასეთი ქადაგებისათვის.

⁷ საქ. ცსსა, ფ. 545, საქ. 60, ფურ. 230.

ლობდა. სოლო აღიბეგლოსა და ყორღანში სკოლებს ჯერ კიდევ არ ჰქონდათ საკუთარო შენობები¹.

მეტად მნიშვნელოვანი იყო ის გარემოებაც, რომ მოსახლეობა ხალისით მონაწილეობდა სკოლებისა და ეკლესიების მშენებლობაში. იგი მთავრობისაგან მოითხოვდა უფრო მეტი სკოლების გახსნას. ასეთმა მოთხოვნებმა ცოტა უფრო მოგვიანებით, 80-ანი წლებიდან, ძალზე ფართო ხასიათი მიიღო². გახშირდა აგრეთვე ინგილო ახალგაზრდების გაგზავნა თბილისის სასწავლებლებში. ამ პრაქტიკამ უკვე 60-ანი წლებისთვის საუკეთესო ნაყოფი გამოიღო. ზოგიერთი ინგილო ახალგაზრდა მოწინავე ქართველი ინტელიგენციის რიგებში ჩადგა და მოწოდების სრული შეგნებით ეხმარებოდა ინგილოთა ცხოვრების საკირბოროტო საკითხებს. იმ დროს ასეთი ახალგაზრდების თვალსაჩინო წარმომადგენელი იყო დიმიტრი ჯანაშვილი, რომელიც „ინგილოს“ ფსევდონიმით მეტად შინაარსიან წერილებს აქვეყნებდა ქართული პრესის, კერძოდ „დროების“ ფურცლებზე. ნათლად შეიმჩნეოდა, რომ ყურანის სიბნელიდან თავდაღწეულმა და განათლებას დაწაფებულმა ინგილო ახალგაზრდობამ ძალზე მალე გამოამყვანა ახალი კულტურული ცხოვრების მოთხოვნილებათა შეთვისების უნარი. მან მთელის ძალღონით დაუწყო ბრძოლა საინგილოში თურქულ-სუნიტური რეაქციის მიერ დანერგილ შავ-ბნელ მემკვიდრეობას, იგი აძაგებდა დახვეწულ ჩვეულებებს, სასწავლებისადმი ბრმა რწმენას და ფანატიკურ-რელიგიურ შეზღუდულობასაც. ამ შემთხვევაში, კერძოდ დიმიტრი ჯანაშვილი, მიუხედავად მისი სასულიერო კარიერისა, ნამდვილად ინგილოთა ღირსეული განმანათლებლის როლში გამოდიოდა.

დ. ჯანაშვილმა გამანადგურებელი პასუხი გასცა შოვინისტ მოხელე პოსერბსკის, რომელმაც ინგილოთა შესახებ ცილისმწამებლური და თავმოყვარეობის შემბლაღავი წერილი გამოაქვეყნა ჟაზეთ „კავკაზში“².

ზაქათალის სკოლის მასწავლებელი პოსერბსკი ემსახურებოდა საინგილოში გაბატონებული მუსლიმანური ზედაფენის ინტერესებს და სწავლების დროს ერთმანეთს უპირისპირებდა ინგილო-

¹ 80-ან წლებში მოსახლეობამ თავის ხარჯზე იკისრა კახის სკოლის შენახვა (Отчет Общ. восп. христ. за 1888 г., Тифлис, 1889 г., стр. 100).

² Посербский. Закавказский округ („Кавказ“, 1864 г. № 48).

ებისა და ლეკების შვილებს. იგი ქარელი მებატონეების შვილებს. მეტ ყურადღებას აქცევდა, ინგილო მოსწავლეებთან თითქმის არ მუშაობდა და მათ „უნიჭოებს“ ეძახდა. დ. ჯანაშვილი ააშკარავებდა ასეთი ცილისწამების ფესვებს და აღნიშნავდა: „იქაურ აღებს და ბეგებს არა ჰსურთ, რომ ინგილოს შვილი. მონის შვილი, იმათ შვილებთან ერთ სკამზე იჯდეს და სწავლობდეს“¹. პირველი კლასიდან გამორიცხულ ორ თასმალოელ მოსწავლეს დ. ჯანაშვილისთვის განუცხადებიათ: „ჩვენ გვეუბნებოდა ჩვენი მასწავლებელი: „თქვენ ინგილოები რაიათები ხართო, რათ გინდათო სწავლა!“ მოსწავლეთა მშობლებიც ჩიოდნენ ამ უსამართლობაზე“².

პედაგოგიური ჩვევების ცოდნით აღჭურვილი დ. ჯანაშვილი ააშკარავებდა პოსერბსკისა და მის ზურგში მყოფი ფეოდალების მოქმედებას და სკოლაში სათანადო პედაგოგიურ-აღმზრდელობითი მეთოდების დანერგვას მოითხოვდა.

საინგილოში მოკალათებულ ლეკურ ფენას არ მოსწონდა ინგილოთა წარმომადგენლების თანდათანობითი გამოსვლა საზოგადოებრივ-პოლიტიკური ცხოვრების ასპარეზზე. თავის უკმაყოფილებას ეს ფენა არ მალავდა³.

მიუხედავად ზემოთ აღნიშნული ხელისშემშლელი მიზეზებისა, ქართველი ინგილოების ცხოვრებაში იწყებოდა ახალი პერიოდი. ეს იყო კულტურულ-შემოქმედებითი დაწინაურებისა და გამოცოცხლების პერიოდი. მრავალი ათეული წლების განმავლობაში მუსლიმანური ზედაფენის ბატონობის ქვეშ მყოფი განაწამები ინგილოები, თუმცა ნელის ტემპით, მაგრამ მაინც თანდათანობით თავს აღწეიდნენ ამ ბატონობას და ახალი ცხოვრების ფერხულში ებმებოდნენ.

XIX საუკუნის 70-იანი წლებიდან საინგილოში, მიუხედავად ცნობილი საგლეხო რეფორმის გაუტარებლობისა, გზას იკაფავდა ახალი საზოგადოებრივი წყობილება, ჩნდებოდა კაპიტალისტური წარმოება, „სასაქონლო წარმოების უმაღლესი ფორმა“⁴. ამ დროიდან მოყოლებული ინგილოთა კულტურულ-შემოქმედებითი

¹ დ. ჯანაშვილი. პოსერბსკის ტყუილები ინგილოებზე (გაზ. „დროება“ 1866, № 39).

² იქვე.

³ იქვე.

⁴ ი. სტალინი. სოციალიზმის ეკონომიკური პრობლემები სსრ კავშირში, 1952, გვ. 16.

აღმავლობა უფრო შესამჩნევი ხდება. ისინი ამკიდრობენ კავშირს საქართველოს კულტურულ ცენტრებთან, იბრძვიან მშობლიურ ქართულ ენაზე განათლებისათვის და პროტესტს უცხადებენ მეფის მთავრობის კოლონიურ პოლიტიკას; ინგილოთა მოწინავე წარმომადგენლები ებმებიან საქართველოში ეროვნულ-განმათავისუფლებელი მოძრაობის ფერხულში.

აღნიშნული საკითხები და ბევრი სხვა ჩვენი ნაშრომის მეორე ნაწილში განიხილება.

დასკვნა

მდინარე ალაზნის მარცხენა ნაპირზე მდებარე ქვეყანა, რომელიც ქართულ ლიტერატურაში საინგილოს, ხოლო რუსულში ქარცელაქინსა და ზაქათალის ოლქის სახელებითაა ცნობილი, წარმოადგენს საქართველოს ისტორიულ პროვინციას, ძველ აღმოსავლეთ კახეთს, რომელიც საქართველომ დაჰკარგა პოლიტიკური დაშლის ვითარებაში, მე-18 საუკუნის 20-იან წლებში, ოსმალეთ-ირანის აგრესიისა და დალისტნელი მომთაბარეების გამუდმებულ შემოტევათა შედეგად. ეს მოვლენა აღმოსავლეთის მხრიდან საქართველოს ისტორიული მიწა-წყლისა და მოსახლეობის თანდათანობითი დაკარგვის მორიგ ტრაგიკულ აქტს წარმოადგენდა.

მე-16 საუკუნის II ნახევარში კახეთის ზეგნებში დალისტნიდან ჩამოსახლებული მთიელები კახეთის მეფის ყმებს—მსუბუქად დაბეგრულ მოლაშქრეებს წარმოადგენდნენ. პატრიარქალურ-გვაროვნული წყობილების საფეხურზე მყოფი დალისტნელების დამოკიდებულებამ მდიდარი კახეთის ბარისადმი მალე მიიღო გამუდმებული ძარცვა-გლეჯის ხასიათი. დალისტნელი აბრაგები ფართოდ ჩაებნენ ოსმალთა დამპყრობელთა მიერ გაჩაღებულ ტყვე ადამიანებით ვაჭრობაში და დიდ ზიანს აყენებდნენ ქართლ-კახეთს.

მე-17 საუკუნის დამდეგს ირანელმა დამპყრობლებმა კახეთის სამეფოდან ჩამოცილებულ ტერიტორიაზე საფუძველი ჩაუყარეს ელისუს სასულტნოს, რომელიც საქართველოს წინააღმდეგ აღძრული მტრული ძალების ერთი დასაყრდენი გახდა.

მე-17 საუკუნის უკანასკნელ მეოთხედში კახეთის მიწა-წყალზე საბოლოოდ ჩამოყალიბებული სამხედრო და სალაშქრო ორგანიზაციის ყაიდაზე მოწყობილი დალისტნური თემები—ქარის, ბე-

ლაქნის და თალას—განუწყვეტლივ ებრძოდნენ სოციალურ-ეკონომიურად დაწინაურებული კახეთის მოსახლეობას არსებობის ობიექტური პირობების მითვისება-შენარჩუნებისათვის. ეს ბრძოლა მაჰმადიანობის დანერგვის დროშით მიმდინარეობდა და კახეთში მყოფი ყიზილბაში ხანების პოლიტიკაც მას ობიექტურად ხელს უწყობდა. მიუხედავად ამისა აღნიშნულმა თემებმა პოლიტიკურ დამოუკიდებლობას ვერ მიაღწიეს. ისინი ბოლომდის რჩებოდნენ ხან ოსმალეთის, ხან კიდეც ირანის და საერთოდ საქართველოს წინააღმდეგ ამ სახელმწიფოების მიერ დარაზმული ბანაკის დაქვემდებარებულ წევრებად.

აღმოსავლეთ ამიერკავკასიაში ოსმალთა ბატონობის დამყარებამ, მათ მიერ რეკლამირებულმა სარწმუნოებრივმა ომმა ქრისტიანეთა წინააღმდეგ და ამ ომში მთის მაჰმადიანური მოსახლეობის ერთი ნაწილის ჩათრევამ, რასაც კახეთში გაჩაღებული სოციალური ბრძოლაც ზედ დაერთო, დააჩქარეს საქართველოდან აღმოსავლეთ კახეთის პოლიტიკური ჩამოცილება.

ქარელი ლეკები (=ფეოდალური ზედაფენა) ოსმალეთ-ირანის მიერ საქართველოს წინააღმდეგ ამხედრებულ დაღისტნელ აბრაგთა რაზმების მეგზურები, წამქეზებლები და თანამებრძოლები იყვნენ.

ერეკლე მეფემაც, მიუხედავად მის მიერ ჩატარებული რიგი გადამწყვეტი ღონისძიებებისა, ვერ შეძლო კატასტროფულ ლეკურ-აბრაგულ შემოსევათა აღაგმვა და ქარ-ბელაქნის დამორჩილება. ეს იყო საქართველოს წინაშე მდგარი უალრესად რთული პრობლემა, რომელიც ფეოდალური რეაქციითა და საგარეო მტრების მოძალებით დაუძლურებულმა ქართლ-კახეთის სახელმწიფომ ვერ გადაწყვიტა.

აღმოსავლეთ კახეთში ჩამოსახლებულმა ტომებმა ხანგრძლივი ბრძოლის შედეგად შეძლეს მკვიდრთა საგრძნობი რაოდენობის განადგურება გაჟღერტა-დაყიდვის თუ ალაზნის გამოღმა გადმორეკის გზით. მოსახლეობის დიდი ნაწილი დამპყრობლებმა დაბეგრეს და იძულებით გაამუსლიმანეს. გაბატონებული კლასის ბევრმა წარმომადგენელმაც გაამუსლიმანების გზით („გალეკებით“) შეძლო თავისი მიწისა და არსებობის შენარჩუნება.

დაღისტნის მთიანი ნაწილის მომთაბარე ტომების გაბატონება დამორჩილებულ-დამონებული ქართველი ინგულოების შემდგომი

კულტურული ცხოვრების პერსპექტივების თვალსაზრისით, დიდი უკან დახვევის მომასწავებელი იყო.

აღმოსავლეთ კახეთის ქართველი მოსახლეობის შემცირება-გადაგვარება ხდებოდა როგორც ფიზიკური მოსპობის, მძიმე სოციალური და ეროვნული ჩაგვრის, ისე სარწმუნოებრივი დევნის გზით. ეს პროცესი მეტ-ნაკლები სიძლიერით გრძელდებოდა ვიდრე საბჭოთა ხელისუფლების დამყარებამდე. მიუხედავად ამისა ინგილოები მთლად არ ჩამოსცილებიან საერთო ქართულ კულტურულ ხიდაგს. მათ დიდმა ნაწილმა მაინც შეინარჩუნა თავისი არსებობა და ეროვნული კულტურის მნიშვნელოვანი ელემენტები.

სოციალური და ეთნიკური კატეგორიების—„ლეკი“, „მულალი“, „ინგილო“—ერთმანეთში აღრევის შედეგად ოფიციალურმა სტატისტიკამ ვერ შემოგვინახა ზუსტი ცნობები ინგილოთა რაოდენობის შესახებ. მტკიცდება, რომ ინგილოთა რიცხვი XIX საუკუნის მიწურულისათვის დაახლოებით 25.000-დე აღწევდა და მთელი მოსახლეობის ერთ მესამედს უდრიდა. მოსახლეობის დანარჩენ ნაწილს შეადგენდნენ ავარ-წახურები და მულალები.

საინგილოს სამეურნეო-ეკონომიურ ცხოვრებაზე მეტად უარყოფით გავლენას ახდენდა XVIII საუკუნის მიწურულსა და XIX-ის დამდეგს საერთოდ აღმოსავლეთ ამიერკავკასიაში შექმნილი მძიმე მდგომარეობა. მწარმოებელი კლასი შოკლებული იყო მშვიდობიანი შრომითი მოღვაწეობისათვის საჭირო პირობებს.

საინგილოში, ისე როგორც კახეთში საერთოდ, მეურნეობის წამყვანი დარგი მიწათმოქმედება იყო. სამეურნეო ცხოვრება მიედინებოდა ფეოდალური ურთიერთობის პირობებში მთელი თავისი ჩამორჩენილობით—წარმოების პრიმიტიული ტექნიკით. მემინდვრეობა მხოლოდ ბარის ინგილოურ-მულალური მოსახლეობისათვის იყო დამახასიათებელი. რაც შეეხებოდა მთიან ზოლში მცხოვრებ ავარებს, მათთან უპირატესი ადგილი მესაქონლეობას ეკირა. არსებულ ფეოდალურ-ნატურალურ მეურნეობას ახასიათებდა შინამრეწველური ხელოსნობა, ნატურალური მეურნეობის ბაზარი. ეს გარემოება მოწმობდა სოციალურ-ეკონომიურ ჩამორჩენილობას.

საინგილოში პოლიტიკურად და სოციალურად გაბატონებული საზოგადოებრივი ფენა მე-18—19 საუკუნეებში განსაკუთრებით სპეციფიკურ ვითარებაში და თავისებურ ფორმებში ჩამოყალიბდა.

ქართულმა ფეოდალურმა ზედაფენამ, რომელსაც მე-18 საუკუნის 20-ან წლებამდე აღმოსავლეთ კახეთში ჯერ კიდევ ჰქონდა შერჩენილი თავისი ბატონობა, დაღისტნურ თემებთან ბრძოლაში მარცხი განიცადა. მაგრამ ეს ფენა არ გამქრალა. ფეოდალთა გარკვეულმა ნაწილმა მაჰმადიანობა მიიღო და თავისი სოციალური პრივილეგიები ნაწილობრივ შეინარჩუნა. ეს მოვლენა რამდენადმე მიაგავდა სამხრეთ საქართველოს გაოსმალების პროცესს.

ბატონყმური კახეთის გავლენის შედეგად ჩამოსახლებულთა გვაროვნულ-თემური წყობილება ინგრეოდა და თემებს შიგნით უკლებდებოდა ფეოდალური ზედაფენა, რომელიც საინგილოს მიწა-წყალს იჩემებდა. „ლეკური“ ფეოდალური ზედაფენა ადგილობრივ ფეოდალთა გარკვეულ ნაწილთან კონტაქტში მოექცა. სხვაგვარად არც შეეძლოთ ამ თემებს ადგილობრივი „ფეოდალების შეცვლა“. აღმოსავლეთ კახეთში გაბატონებული საზოგადოება მიიერიდან წარმოდგა მკვიდრი გაბატონებული ძალებისა და ლეკურ-მუსლიმანური ფეოდალიზებული ძალების შერწყმით. ქართული ბატონყმური ელემენტები ის მნიშვნელოვანი და, შეიძლება ითქვას, სერიოზული სოციალურ-კულტურული ძალა იყო, რომელსაც საინგილოში ჩამოსახლებული ავარ-წახურების პატრიარქალური წყობილება სწრაფი ტემპით უნდა გადაეგვარებინა და თავისი გავლენის ქვეშ მოექცია.

საინგილოს მთელი მიწის იურიდიულ მესაკუთრედ ითვლებოდა დაღისტნური „თავისუფალი თემი“, რომელიც ინგილოურ-მუსლიმური სოფლებისადმი „კოლექტიური სენიორის“ როლში გამოდიოდა. ადრინდელ საფეხურზე იგი დამპყრობლური ხარკის მიმღები უნდა ყოფილიყო. ეს ხარკი თანდათანობით იქცეოდა ფეოდალური დამოკიდებულობის ფორმად და ასეთი გადაქცევა უნდა მომხდარიყო „თავისუფალი“ თემების დაშლასთან დაკავშირებით. საფიქრებელია, რომ „კოლექტიურ სენიორიას“ საფუძველი შეუქმნა საინგილოს ყმა გლეხებში ძველთაგანვე არსებულმა მიწით-სარგებლობის თემურმა წესმა. დაპყრობილი მიწისა და კომლების დანაწილება ამ სენიორიის დაშლისა და მიწისმფლობელთა კლასის გამოყოფის საფეხური იყო.

XVIII საუკუნის მიწურულიდან და XIX-ის დამდეგიდან აღმოსავლეთ კახეთის პოლიტიკური ცხოვრების სათავეში ადგილობრივ მებატონეთა ერთ ნაწილთან შერწყმული მუსლიმანი-

ფეოდალების კლასი იდგა. ამ კლასის პოლიტიკურ დაწესებულებებს საკმაოდ დიდხანს შემორჩა გვაროვნულ-თემური ორგანიზაციისათვის დამახასიათებელი გარეგნული ფორმები.

ლეკური თემების შინაგანი წყობილებისათვის დამახასიათებელი ბევრი ნიშანი, რომელიც თანამედროვე ლიტერატურაში დალისტინის ავარულ თემებში მაშინ არსებული ადათისა და შარიათის ანალოგიადაა დახასიათებული, ნამდვილად ქართული. ბატონყმური სამართლის გავლენა-ზემოქმედების შედეგი იყო. ეს, რა თქმა უნდა, არ გამოირიცხავდა ადათ-შარიათის თუნდაც სერიოზულ გავლენას.

მწარმოებელი კლასის—გლეხობის მომეტებული ნაწილი საინგილოში XIX საუკუნის I მესამედში ფეოდალთა მიწებზე იჭდა, პირად თავისუფლებას მოკლებული იყო და ძირითადად ქართული ბატონყმური ურთიერთობის პირობებში იმყოფებოდა. მიწაზე მიმაგრების პროცესი ავარულ სოფლებში საბოლოოდ არ იყო დასრულებული. ბარისა და მთის სოციალური ძალების შერწყმამ, რასაც ბარის ურთიერთობის ჰეგემონია ახასიათებდა, საინგილოში არსებულ სოციალურ ურთიერთობას შემოურჩინა არქაული წყობილების მნიშვნელოვანი გადმონაშთები. ეს კი უპირველეს ყოვლისა ჩანდა ეთნიკური კატეგორიებისა და სოციალური ჯგუფების გარეგნულ მსგავსებაში. „ლეკი“, „მულალი“ და „ინგილო“ გვიანდელი ხანისათვის ძველ შინაარსს მოკლებული ტერმინები იყო. ეს ტერმინები შეცვლა ბატონმა—ალამ („ლეკი“), ყმა გლეხმა ანუ რაიათმა („ინგილო“, „მულალი“, „ავარი“), მსახურმა და აზატმა, ანუ: უზდენმა, მათმა და სხვ.

წახურ-ელისუს სულტანი და ბეგები საინგილოს გაბატონებული კლასის ერთ, მეტ-ნაკლებად თავისებურ ბანაკს შეადგენდნენ. სულტანმა თავისი უფლებები რამდენადმე გააფართოვა რუსული მართვებობის პირობებში. იგი თავის ყმა გლეხებისადმი თითქმის განუსაზღვრელი უფლებებით სარგებლობდა.

ელისუს ბეგები თავიანთი სოციალური ბუნებით გამოირჩეოდნენ აღმოსავლეთ ამიერკავკასიის სხვა ბეგებისაგან. უკანასკნელთაგან განსხვავებით ისინი თავიანთ მიწებს მემკვიდრეობით მფლობელობის წესით ინარჩუნებდნენ და ამით ქართული ბატონყმური ურთიერთობისათვის დამახასიათებელ ელემენტებს წარმოადგენდნენ. ამას, რა თქმა უნდა, ხელს არ უშლიდა მათი მუსლიმა-

ნური სახელი—„ბეგი“, რომელიც, ისე როგორც სოციალური კატეგორიების აღმნიშვნელი მუსლიმანური სხვა ტერმინები, საინგილოში მაჰმადიანობის გავრცელებას მოჰყვება.

საკუთრივ ჭარ-ბელაქანისაგან განსხვავებით, ელისუს სასულტნოში ფეოდალურ-ბატონყმური ურთიერთობა უფრო ჩამოყალიბებული ფორმით ჩანდა. აქაური გლახობა—რაიათები ბევრსა შემიღიშვილო მიწებზე ისხდნენ და ბატონყმური რიგის სამსახურით იყვნენ ვალდებული.

* * *

XIX საუკუნის დამდეგიდან ჭარ-ბელაქანი უკვე მეფის რუსეთის ხელში გადასული აღმოსავლეთ საქართველოს, ქართლ-კახეთის გუბერნიის სახითათო მეზობელი იყო და ძველებურად რჩებოდა, როგორც საქართველოს წინააღმდეგ მოდენილ ქურდულ-აჯაჯური თავდასხმების საბუდარი. ჭარ-ბელაქანი ოსმალეთისა და სპარსეთის წინააღმდეგ მოსალოდნელ ომში რუსთა ზურგში მყოფი ის ძალა იყო, რომელსაც დიდი ზიანის მოტანა შეეძლო. მთავრობის წინაშე მწვავედ დადგა ქარის დაპყრობის ამოცანა, რომელიც მან დასაწყისში ძველი ქართული მიწა-წყლის „შეკრება-გაერთიანებისათვის ბრძოლის“ ნიღაბს ამოაფარა.

1803 წ. რუსეთის მთავრობამ ჭარ-ბელაქანი იძულებით მოაქცია თავის მფარველობაში და დახარკა. ეს იყო იმ დროს მთავარ-მმართველი ციციანოვის მიერ კარგად მომარჯვებული პოლიტიკის—მფარველობის გზით დამორჩილების—ერთი აქტი, რომლის საფუძველზე ქარი რუსეთის ბატონობის სფეროში ექცეოდა. ქარის დამორჩილებაში რუსებთან ერთად აქტიურად მონაწილეობდნენ ქართველები, რომლებიც ძველი ისტორიული მიწა-წყლის შემოკრებისათვის იბრძოდნენ. საინგილო რუსეთის მფლობელობაში მყოფ საქართველოს უბრუნდებოდა. მაგრამ, 1803 წ. ქარის დამორჩილება მხოლოდ დროებითი იყო.

რუსეთ-ირანისა და რუსეთ-ოსმალეთის ომების პერიოდში (1805—1813 წწ.) ჭარ-ბელაქნელი ალაღარები რუსთა წინააღმდეგ მებრძოლ მტრულ ბანაკში რჩებოდნენ, არ იხდიდნენ ხარკს, იფარავდნენ რუსთა მოწინააღმდეგეებს, მოელოდნენ რუსეთის დამარცხებას, მაგრამ იმედი არ გაუშარტლდათ. რუსეთის მთავრობა თავის მხრივ ჭარელ ფეოდალებს უპირისპირებდა ელისუს სულტანს,

ამწვევებდა ეროვნულ შუღლს ავარ-წახურებსა და ინგილოებს შორის და ლეკურ სოფლებშიაც განხეთქილებას სთესდა. მოსალოდნელი იყო, რომ ომების დასრულების შემდეგ რუსეთი საბოლოოდ შემოიერთებდა ჭარ-ბელაქანს, მაგრამ ასე არ მოხდა. ეს იმიტაც აიხსნებოდა, რომ ომების შემდეგ ჭარში გარეგნული სიმშვიდე დამყარდა და მთავრობა კმაყოფილებას მიეცა.

ირანთან მორიგი ომის დაწყების დღიდანვე (1826 წ.) ჭარკვლავ რუსთა მოწინააღმდეგეების ერთი საყრდენი უბანი ჩანდა. თითქმის მეოთხედი საუკუნის გამოცდილებამ რუსეთის მთავრობა დაარწმუნა, რომ ჭარის პრობლემის გადაწყვეტა ამ ოლქის მხოლოდ უშუალო შემოერთების გზით თუ შეიძლებოდა, რომ ვიდრე ჭარს საშინაო თვითმმართველობა ჰქონდა, ხოლო დაღისტანთან დამაკავშირებელი გზები ღია იყო, რუსეთის მთავრობასა და ქართლ-კახეთს ჭარის მხრიდან მოსვენება არ ექნებოდათ. ამიტომ მორიგი ომების (1826—1829 წწ.) წარმატებით დასრულების შემდეგ, 1830 წ., რუსთა რაზმებმა ჭარ-ბელაქანი დიკავეს და იქ რუსული მმართველობა შემოიღეს. ამიერიდან საინგილო რუსული მმართველობის ქვეშ გაერთიანებულ საქართველოს შემოუერთდა. ეს კი მკვიდრი მოსახლეობის მომავალი ცხოვრების პერსპექტივით თვალსაზრისით მეტად მნიშვნელოვანი მოვლენა იყო.

ჭარში რუსული მმართველობის შემოღების შედეგად უკმაყოფილო გაბატონებული ფენები მკვიდროდ დაუკავშირდნენ იმ დროს დაღისტანში თურქეთის მიერ დანერგილ რეაქციულ-მიურიდულ მოძრაობას, რომელიც ამიერკავკასიაში რუსთა ბატონობის მოსპობისა და ოსმალეთის პროტექტორატის დამყარებისაკენ იყო მიმართული. ასეთ ვითარებაში წარმოიშვა 1830 წ. აჯანყება.

1830 წ. აჯანყება ჭარ-ბელაქანში წარმოადგენდა რუსთა ბატონობის შედეგად უკმაყოფილო ფეოდალური ზედაფენების ამბოხებას, რომელიც მკვიდროდ უკავშირდებოდა მიურიდულ რეაქციას. აჯანყებულთა ბანაკში მყოფ ძირითად მებრძოლ მასას მიურიდები შეადგენდნენ. ისინი, ჭარელ მებატონეთა დიდ ნაწილთან ერთად, მიზნად ისახავდნენ რუსთა ბატონობის მოსპობას ჭარში, რომელიც მათთვის სტრატეგიულ ბაზად უნდა გადაქცეულიყო. აჯანყება ემსახურებოდა ოსმალთა და ინგლისელი დამპყრობლების მიზნებს. ამიტომ მას არ მიემხრნენ მშრომელი მასები—ინგილოები, მულალები. ინგილოები და გამუსლიმანებული ქართ-

ველი ფეოდალების ერთი ნაწილი მხარს უჭერდნენ რუსთა რაზმებს და ამით რუსული მმართველობის ქვეშ მყოფ საქართველოსთან კავშირის შენარჩუნებისათვის იბრძოდნენ.

აჯანყების გამარჯვების შემთხვევაში ჭარი კვლავ გადაიქცეოდა ქურდულ-აბრაგული შემოსევების ბუდედ, თურქული აგენტურის სათარეშო ასპარეზად. საინგილო ამით დაჰკარგავდა სოციალურ-ეკონომიური ზრდის პერსპექტივებს და დიდი ხნით გაეხვეოდა მიურიდული რეაქციის გარსში.

ფართო მასებს მოწყვეტილი რეაქციული აჯანყება, როგორც მოსალოდნელი იყო, დამარცხდა და ჭარის შემოერთებაც უკვე საბოლოო გახდა. ამასთან დაკავშირებით მთავრობის მიერ ჩატარებულმა ღონისძიებებმა შესამჩნევი ცვლილებები მოახდინეს იქ არსებულ სოციალურ ურთიერთობაში.

აჯანყების შემდეგ მებატონე ლეკთა უფლებები შეიზღუდა და მწარმოებელი კლასის მდგომარეობა ნაწილობრივ გაუმჯობესდა. ეს იმით აიხსნებოდა, რომ მთავრობამ ჭარში გაბატონებულ ლეკთა ძირითად ნაწილში საბოლოოდ შეიცნო რუსეთისადმი მტრულად განწყობილი ბანაკის სერიოზული ძალა, მიურიდიზმის ერთი არტერია და განსაზღვრა თავისი პოლიტიკური ხაზი—„მტრულ ლეკთა ზატონობის შესუსტება“. ამიერიდან მებატონეებსა და ყმა გლეხებს შორის მთავრობა ჩადგა და ურთიერთობა უმთავრესად ნატურალური ბეგართ შემოიფარგლა.

1838 წ. დალისტანში გამწეავებული მდგომარეობის გამო, როდესაც სოციალურად თითქმის განიარაღებული ჭარელი ლეკები მიურიდებს უკავშირდებოდნენ, მთავრობა იძულებული გახდა აღედგინა ჭარელი მებატონეებისთვის „პურის შემოსავალი“ ინგილოური სოფლებიდან. მიუხედავად ამისა ლეკებმა თავიანთი ძველი უფლებების სრული აღდგენა ვერ მოახერხეს.

1830-1838 წლების შემდეგ გლეხთა დამოკიდებულება მებატონეებისადმი, თუ ხაზინისადმი, ძირითადად განისაზღვრებოდა ე. წ. საქეშქელო დამოკიდებულებით, რომელიც ძველი კახეთის ფეოდალური წყობილების ნიადაგზე განვითარდა და რომლის დედააზრი მიწის ფეოდალურ რენტაში იყო. ეს დამოკიდებულება გვიანდელი გადმონაშთის სახით საზოგადოებრივი სარგებლობის მიწის ნაკვეთს გულისხმობდა. მისი ფესვები აღმოსავლეთ საქართ-

ველოს ზოგ რაიონებში დიდხანს შემორჩენილი თემური მიწით-სარგებლობის წესში უნდა ყოფილიყო.

XIX საუკუნის 40-ანი წლების მიწურულსა და 50-ანის განმავლობაში საინგილოს გლეხობის მდგომარეობა წინანდელთან შედარებით უფრო მძიმდებოდა. მთავრობა უკვე აშკარად ანგარიშს უწევდა გაბატონებულ კლასს. ამის მიზეზი მთაში მიურიდიზმისა და შამილის რეაქციული მოძრაობის გაძლიერება იყო. მიუხედავად ამისა საინგილოს ყმა გლეხობის დიდი ნაწილი საბატონო მუშაობითი ბეგარისაგან მაინც თავისუფალი რსებოდა. გამონაკლისს შეადგენდა მხოლოდ ელისუს უბნის გლეხთა ერთი ნაწილი, რომლის მიმართ ბეგები ძველებურად ძალმომრეობდნენ. რაც შეეხებოდა ამ უბნის მეორე ძირითად ნაწილს, იგი მეფის მთავრობის განსაკუთრებული იდეოლოგიური პოლიტიკის შედეგად სახაზინო გლეხთა მდგომარეობაში მოექცა და ამით მისი სოციალური მდგომარეობა საგრძნობლად გაუმჯობესდა.

50-ან წლებში საინგილოში ქეშქელების გამოსყიდვა ხშირი მოვლენა გახდა. ეს კი ფულადი-სასაქონლო ურთიერთობის განვითარების შედეგი იყო. ვაჭარ-მევახშეები ამ დროს ხელიდან აცლიდნენ გლეხებს საწარმოო საშუალებებს, ზოგჯერ კი მიწისმფლობელთა ადგილს იკავებდნენ, მაგრამ წარმოების წესი უცვლელი რჩებოდა. შეიმჩნეოდა გლეხთა დაშლის სუსტი პროცესი, რომელიც XIX საუკ. 60-ანი წლებიდან საგრძნობლად დაჩქარდა.

საინგილოში არსებულ სოციალურ ურთიერთობას დიდხანს შემორჩა საზოგადოებრივი მიწითსარგებლობის ფორმები, რომლებიც ტრადიციული აღმოსავლურ-ქართული საზოგადოებრივი ცხოვრებისა და ამავე დროს ადრინდელ-ფეოდალური ურთიერთობის შორეული გადმონაშთი იყო.

1830 წ. ჭარის შემოერთებით, მართალია, სერიოზული პოლიტიკური პრობლემა გადაწყდა, მაგრამ აღმოსავლეთ ამიერკავკასიას ჯერ კიდევ აღელვებდა რეაქციული მიურიდიზმი. ეს გარემოება საქართველოს საზღვრებთან საგანგაშო მდგომარეობას ინარჩუნებდა. ამიერიდან ჭარ-ბელაქნის სტრატეგიულ პოზიციას ცვლიდა რუსთა მიერ გამაგრებული ლეკური საკორდონო ხაზი, რომელიც მუდმივი თავდასხმების ქვეშ იყო. ამ ხაზს, რომელიც ჭარზე გადიოდა, მარტო თავსაცავი მნიშვნელობა არ ჰქონია. რუსეთის მთავ-

რობა ენერგიულად ემზადებოდა დალისტინის საბოლოო დაპყრობისათვის.

მიუხედავად ქარის შემოერთებისა და საკორდონო ხაზის გამაგრებისა, კახეთზე ქურდული თავდასხმები 40-ან წლებშიაც გრძელდებოდა და არ შეწყვეტილა, ვიდრე აღმოსავლეთ ამიერკავკასიის საბოლოო დაპყრობამდე. მიუხედავად გაძლიერება დიდ გავლენას ახდენდა ქარ-ბელაქანზე, სადაც მათ ბევრი მომხრე ჰყავდათ. რუსეთით უკმაყოფილო მუსლიმანური სამღვდელოება და ფეოდალთა გარკვეული ნაწილი შამილის მოახლოებას მოელოდნენ და ქარის ძველი „დამოუკიდებლობის“ აღდგენაზე ოცნებობდნენ. 1840 წ. რეფორმის შედეგად უფლებებში შეზღუდულ ელისუს სულტანსაც შამილზე ეჭირა თვალი. 1844 წ. შამილის ბანაკში გადასვლით სულტანმა საბოლოოდ გამოააშკარავა თავისი იდეური ნათესაობა მიუხედავად რეაქციასთან, კავშირი ოსმალეთის აგენტურასთან.

1853 წ. დაწყებულმა რუსეთ-ოსმალეთის ომმა ფრთები შეახა მიუხედავად. ამ წელს შამილის შემოსევა ქარის გზით, აღმოსავლეთიდან, უკავშირდებოდა ოსმალთა შემოჭრას დასავლეთიდან (გურიაში). მაგრამ ამ დივერსიას არავითარი გავლენა არ მოუხდენია მიმდინარე ომზე. ასევე ითქმის შამილის მეორე დივერსიაზეც, რომელიც 1854 წ. მოხდა.

1859 წ. აღმოსავლეთ ამიერკავკასიის საბოლოო დაპყრობას უდიდესი მნიშვნელობა ჰქონდა როგორც რუსეთისათვის, ისე საქართველოსა და ამიერკავკასიის ხალხებისათვის. ამას განსაკუთრებული მნიშვნელობა ჰქონდა კერძოდ საინგილოსთვისაც, სადაც რუსეთის წინააღმდეგ მებრძოლ და ოსმალეთის ორიენტაციის მქონე პარტიას, მიუხედავად სამხედრო ავანტიურას, ძლიერი დასაყრდენი გამოეცალა. ლახვარი ჩაეცა ინგლისისა და ოსმალეთის მიზნებს საქართველო-ამიერკავკასიაში. საინგილოს მოსახლეობა ამიერიდან უფრო მჭიდროდ უნდა დაკავშირებოდა მოძმე ქართულ პროვინციებს. იქმნებოდა სათანადო წინა პირობები ქართველი ხალხის ერთად ჩამოყალიბებისათვის.

რუსეთის მთავრობა შამილისა და მიუხედავად მისი წინააღმდეგ ბრძოლის მთელ პერიოდში ქართველი ხალხის უნერგიული მხარდაჭერით სარგებლობდა. რუსთა მხარეზე იყვნენ აღმოსავლეთ კახეთის მშრომელი მასებიც. ქართველობა მიუხედავად უყურებდა.

როგორც აბრაგულ „ლეკურ“ ბანდებს, რომლებსაც მხოლოდ ადამიანების ტყვეებად დატაცება, ნადავლის შოვნა აინტერესებდათ და რომლებიც სისხლიდან სცილდნენ საქართველოს.

მოწინავე ქართველები თვლიდნენ, რომ აღმოსავლეთ ამიერკავკასიის დაპყრობა საქართველოს საგარეო-პოლიტიკური სიმშვიდის უდიდესი გარანტია იყო; მიუხედავად ამისა და მარცხებითა და შამილის დატყვევებით იწყებოდა ახალი პერიოდი საქართველოსა და დაღისტნის ხალხების ურთიერთობაში.

მეფის რუსეთი საქართველო-ამიერკავკასიაში თავისი მფლობელობის გასაფართოებლად ქრისტიანული სარწმუნოების დაცვის ნიღაბითაც მოქმედებდა. აღმოსავლეთ კახეთში წარმოებული იდეოლოგიური პოლიტიკა მიზნად ისახავდა საიმედო დასაყრდენის შექმნას. მუსლიმანურ ზედაფენას, რომელმაც მკვიდრი მაჰმადიანური მოსახლეობის გარკვეული ნაწილი მართლაც აიყოლია და პანისლამისტური ლოზუნგის—„ჰაზავათის“ დროშის ქვეშ დააყენა, მთავრობა უნდობლობით უყურებდა და სთესდა განხეთქილებას სხვადასხვა სარწმუნოების მქონე ამიერკავკასიის ხალხებში. მთავრობა ქრისტიანული სარწმუნოების ფართო მამულებით გავრცელების მიზნით ახალმოქცეულთა მატერიალურ მდგომარეობას აუმჯობესებდა, ქრისტიან ინგილოებს ლეკთა და ბეგთა ყმობისაგან ათავისუფლებდა, სახაზინო გლეხებად აქცევდა და ამით ამწვავებდა კლასობრივ ბრძოლას ფეოდალებსა და გლეხებს შორის.

მიუხედავად აღნიშნულისა „გაქრისტიანება“ ინგილოთა ეროვნულ შემობრუნებას აღნიშნავდა. ხდებოდა დაკავშირება დაწინაურებული რუსეთის სახელმწიფოს მფლობელობის ქვეშ მყოფ საქართველოს მდიდარ კულტურასთან და საერთოდ განვითარებულ საზოგადოებრივ ცხოვრებასთან, აღმავალ ისტორიულ პროცესთან. თურქული აგენტურის მიერ გამოყენებული ისლამი კი ამ დამაკავშირებელ საშუალებებს ანშობდა, ქმნიდა რა მაშინ ქრისტიანობისა და რუსეთისადმი დაუსრულებელ მტრობას.

მეფის მთავრობის იდეოლოგიური პოლიტიკა საინგილოში 1863 წ. მომხდარი აჯანყების ერთი მიზეზთაგანი გახდა. ამას მიემატა ბელაქნის ფეოდალებსა და თავისუფალ გლეხებს შორის არსებული წინააღმდეგობის გამწვავება. შექმნილი სიტუაცია ოსმალეთის აგენტებმა და მიუხრდიული რეაქციის ნაძირალებმა ხალხის ასაჯანყებლად გამოიყენეს.

1863 წ. აჯანყება წარმოადგენდა რეაქციულ ამბოხებას, რომელიც მიზნად ისახავდა რუსეთის ბატონობის მოსპობას და შამილის იმამატის მსგავსი ავანტიურისტული მმართველობის შექმნას აღმოსავლეთ კახეთში. ამ აჯანყების სწრაფმა დამარცხებამ კიდევ ერთხელ და სამუდამოდ ნათელჰყო, რომ მიუერიდობისა და შამილის მოძრაობამ საბოლოო მარცხი განიცადა, რომ მიუერიდთა ბრძოლას მასების ინტერესებთან საერთო არაფერი ჰქონია.

აღნიშნული აჯანყება საინგილოში რუსეთის პოლიტიკის გარდატეხის ერთი ეტაპი გახდა. პოლიტიკის ცვლილება ნაკარნახევი იყო საქართველო-ამიერკავკასიაში მეფის მთავრობის ბატონობის განმტკიცებით. 1864 წ. დასრულდა კავკასიის საბოლოო დაპყრობისათვის წარმოებული ხანგრძლივი ომი. ამიერიდან იწყებოდა კაპიტალისტური წყობილების განვითარების პერიოდი. ქრისტიანობის ნიღაბი უკვე საჭირო აღარ იყო; ასევე „საქართველოს გაერთიანების“ თვალთმაქცურმა ლოზუნგმაც დრო მოჰპაა. რუსეთისათვის უკვე სულ ერთი იყო, თუ რომელი ოლქი ვისთან და რომელ ადმინისტრაციულ ერთეულში იქნებოდა, ოღონდ კი რუსეთის ფარგლებში ყოფილიყო და ასეთ ადმინისტრაციულ გაერთიანებას ხელი არ შეუწყო პოლიტიკური ერთეულის წარმოქმნის (თუ აღდგენის) ტენდენციისათვის (აკად. ნ. ბერძენიშვილი). ამით აიხსნებოდა, რომ 1860 წლიდან რუსეთმა „ზაქათლის ოლქის“ სახელით მონათლული საინგილო ჯერ ზემო დაღისტნის უფროსის კომპეტენციაში შეიყვანა, ხოლო შემდეგ „კავკასიის სამთო სამმართველოს“ სფეროში მოაქცია. უგულვებელყოფილ იქნა საინგილოს კულტურულ-ეკონომიური დამოკიდებულება საქართველოსადმი, რომლის ეროვნულ გამთლიანებას ცარიზმი ხელს უშლიდა.

მიუხედავად უარყოფითი მხარეებისა საინგილოში მთავრობის მიერ წარმოებულ სოციალურ-ეკონომიურსა და იდეოლოგიურ პოლიტიკას თავისი ობიექტური შედეგებით მკვიდრთა ცხოვრების გაუმჯობესება მოჰქონდა. ამის შედეგი საგრძნობი გახდა უკვე სამოციანი წლებიდან, როცა ზოგიერთი ინგილო ახალგაზრდა მოწინავე ქართველი ინტელიგენციის ბანაკში ჩადგა და მოწოდების სრული შეგნებით ეხმაურებოდა ინგილოთა ცხოვრების საჭირობო-რეტო საკითხებს. ნათლად შეიმჩნეოდა, რომ ყურანის სიბნელიდან თავდაღწეულმა და განათლებას დაწაფებულმა ინგილო ახალგაზრ-

დობამ ძალზე მალე გამოამჟღავნა ახალი კულტურული ცხოვრების მოთხოვნილებათა შეთვისების უნარი.

მიუხედავად დევნა-შევიწროებისა, რომელსაც ინგილოები განიცდიდნენ ვიდრე საბჭოთა ხელისუფლების დამყარებამდე, მათ ცხოვრებაში იწყებოდა ახალი ხანა—სოციალურ-ეკონომიური და კულტურული დაწინაურების პერიოდი, რომელიც ემთხვეოდა კაპიტალისტური წყობილების წარმოშობა-განვითარების დასაწყისს. ინგილოები ამჟღავნებდნენ კავშირს საქართველოს ცენტრებთან, იბრძოდნენ მშობლიური ქართული ენისათვის, მეფის რუსეთის კოლონიური პოლიტიკის წინააღმდეგ და ეროვნულ-განმათავისუფლებელი მოძრაობის ფერხულში ებმებოდნენ.

დაშოწმებული ლიტერატურისა და წყაროების სია

1. კ. მარქსი. კაპიტალი, ტ. III, ნაწ. II, 1934 წ., თბილისი.
2. К. Маркс и Ф. Энгельс. Сочинения, т. т. V, IX, X, XVI и I, XXI и XXIII.
3. კ. მარქსი. კაპიტალისტური წარმოების წინამორბედი ფორმები, 1952 წ. თბილისი.
4. ფ. ენგელსი. გლეხთა ომი გერმანიაში, 1932 წ., თბილისი.
5. ფ. ენგელსი. ლუდვიგ ფოიერბახი და კლასიკური გერმანული ფილოსოფიის დასასრული (კ. მარქსი, ფ. ენგელსი. რჩეული ნაწერები, ტ. II, 1950 წ.).
6. ვ. ი. ლენინი. თბულებანი, ტ. III, გამოცემა მეოთხე, 1948 წ.
7. ი. სტალინი. თბულებანი, ტ. II და V.
8. ი. სტალინი. სოციალიზმის ეკონომიკური პრობლემები სსრ კავშირში, 1952 წ.
9. Агаян Р. А. Бакиханов, Изд. АН Аз. ССР. Баку, 1948 г.
10. Адагы Дагестанской области и Закатальского округа, под редакцией Сандрыгайло, Тифлис, 1899 г.
11. Акты собранные Кавказской Археографической Комиссией, т. т. I, II, III, IV, V, VI ч. I и II, VII, VIII, IX, X и XII.
12. ბარათაშვილი ნ. ლექსები, პოემა, წერილები, თბილისი, 1939 წ.
13. ბატონიშვილი დავით. ახალი ისტორია. ბატონიშვილი ი. ახალი მოთხრობა, გამოსცა თამარ ლომოურმა, 1741 წ., თბილისი.
14. ბატონყვობის ნაშთი საინგილოში („აზირანი“, 1908 წ. № 189).
15. Бакрадзе Д. Заметки о Закатальском округе (Записки КОИРГО кн. XIX, т. I, 1890 г., Тифлис).
16. ბერძენიშვილი ნ. აღმოსავლეთ კახეთის წარსულიდან („მიწიმიწილელი“, 1953 წ., ტ. III).
17. ბერძენიშვილი ნ. რუსეთ-საქართველოს ურთიერთობის ისტორიიდან XVI—XVII საუკუნეთა მიჯნაზე (მასალები საქ. და კავკ. ისტ., 1944 წ. ნაკვ. 1).
18. ბერძენიშვილი ნ. XVIII საუკუნის საქართველოს ისტორიიდან (მასალები საქ. და კავკ. ისტ., 1944 წ., ნაკვ. 1).
19. ბერძენიშვილი, ჯაფარიშვილი, ჯანაშია. საქართველოს ისტორია, ნაწ. 1, უძველესი დროიდან XIX საუკუნის დამდეგამდე, თბილისი, 1946 წ.
20. Бутков. Материалы для новой истории Кавказа, с 1722 по 1803 год, ч. III, СПб. 1869.
21. გრიშაშვილი ი. ლიტერატურული ნარკვევები, თბილისი, 1952 წ.
22. Губайдуллин А. Феодалные классы и крестьянство в Азербайджане, Баку, 1928 г.

24. Грамоты и другие документы XVIII столетия, относящиеся к Грузии. т. 1, 1891 г.; т. II, вып. II, 1902 г. под редакцией Цагарели.
25. გ უ გ უ შ ვ ი ლ ი ჯ. თემური მიწათმფლობელობა ამიერკავკასიაში, ეკონომიკის ინსტიტუტის შრომები, ტ. 1, 1946 წ.
26. გ უ ლ ის ა შ ვ ი ლ ი ხ. მგზავრის შენიშვნები საინგილოსა და ქიზიყხედ („ივერია“, 1882 წ., № XI).
27. გ უ რ ი ე ლ ი შ ა შ ი ა. თხზულებანი (მ. ფახელისა). ი. მეუნარგიას შესავალი წერილით, 1897 წ.
28. Дагестанская Автономная Советская Социалистическая Республика (БСЭ, второе издание, т. 13, 1952 г.).
29. Д а н и ა ლ ო ვ А. Об извращениях в освещении мюридизма и движения Шамиля („Вопросы Истории“, 1950 г. № 8).
30. Д ж а н ა შ ვ ი ლ ი М. Ингилойския сказки (СМОМПК, т. 32, 1903 г., Тифлис).
31. Д у б р о ვ ი ნ ი Н. История войны и владычества русских на Кавказе т. II и IV.
32. დ უ მ ბ ა ძ ე მ. ისტორიკოსი დიმიტრი ბაქრაძე, ბათუმი, 1950.
33. E r c k e r t R. Die Sprache des Kaukasischen Stammes. Wien. 1895.
34. ე დ ი ლ ი ხ. საინგილო, თბილისი, 1947 წ.
35. ვ ა ხ უ შ ტ ი. აღწერა სამეფოსა საქართველოსა, თ. ლომოურის და ნ. ბერძენიშვილის რედაქციით, თბილისი, 1941 წ.
36. ვ ა ხ უ შ ტ ი. საქართველოს ისტორია. ნაწ. II (ქართლის ცხოვრება. ნაწ. II, ჩუბინაშვილის გამოცემა, 1854 წ.)
37. В о л к о н с к и й. Война на Восточном Кавказе с 1824—1834 в связи с мюридизмом (жури. „Кавк. Сборник“, т. XI—XII. 1887—1888 г.
38. В о л к о н с к и й. История Грузийской пешей его имп. Высочества Вольякого князя Георгия Млхайловича дружины, Тифлис, 1884 г.
39. Закатальский округ (Кавказский Календарь на 1917 г. Отдел общий, стр. 296—310).
40. Закатальский округ. Свод статистических данных, извлеченных из посемейных списков населения Кавказа, Изд. Кавк. ст. ком. Тифлис, 1887 г.
41. Иваненко В. Н. Гражданское управление Закавказьем. Тифлис, 1901 г.
42. ი მ ნ ა ი შ ვ ი ლ ი გ. ქართული ენის ინგილოური დიალექტის თავისებურებანი, 1947 წ.
43. И о с е л я н и й П. Путевыя записки по Дагестану в 1861 г. Тифлис, 1862 г.
44. ისტორიის სწავლებლისათვის. კრებული, საქ. კ. ა. (ბ) პარტგამომცემლობა, 1937 წ.
45. История СССР, ч. II, под редакцией проф. М. В. Нечкиной, 1940 г.
46. Кавказские войны (БСЭ, перв. изд. т. 30, 1937 г.).
47. Кавказский Календарь на 1866 г. Литературный отдел; на 1917 г. Справочный отдел.
48. Карта бывшего Елисейского Султанства (Сборник сведения о Кавказских гордах, вып. VII, 1873 г.).
49. Карта Дагестанской АССР. Для служебного пользования, 1947 г.

50. К вопросу о раятах (газ. „Дагестанския Ведомости“, 1910 г., № 13. 28. III.).
51. კიკვიძე ა. გლებთა აჯანყება კახეთში 1812 წ., თბილისი, 1941 წ.
52. Ковалевский П. И. Завоевание Кавказа Россией, СПб. 1911 г
53. Ковалевский М. Закол и обычай на Кавказе, т. II, Москва. 1890
54. Колонпальная политика царизма в Азербайджане, т. I, т. II.
55. Краткое историческое сведение о султанах Елисейских (Акты, т. VII, № 392, стр. 450).
56. Колубакин Н. П. Об отношениях поселяк к владельцам земли в Белакапском округе („Кавказ“, 1848 г., № 52).
57. Кодебу. Статистические сведения о Чарских владениях, собранные на месте полковником Кодебу в 1826 году (Москва, ЦГВИА, ф. ВУА, д. 18498, л. 3—11).
58. Лянден. Высшие классы коряного населения Кавказского края и правительственные мероприятия по определению их сословных прав. Тифлис, 1917 г.
59. Ливович. Бывшее Елисейское султанство (Сборник свед. о Кавк. гордах, вып. VII, 1873 г.).
- 59a. Магомедов Р. Дагестан в период царского завоевания, Махачкала, 1940 г.
60. Магомедов Р. Дагестан в эпоху татаро-монгольского ига. 1940 г.
61. Марков Е. Очерки Кавказа, картины кавк. жизни, природы и истории, СПб, 1904.
62. Маркова О. П. Восстание в Кахетия 1812 г. Москва, 1951 г.
63. მეგრელიძე ბ. დედა ენის საკითხი ქართველ მუსლიმან ინგილოებში (ეურნ. „განათლების მუშაკი“, 1928 წ. № 2).
64. მეგრელიძე ბ. სწავლა-განათლების საქმე საინგილოში (ეურნ. „განათლების მუშაკი“, 1928 წ. № 15.)
65. Население Закатальского округа по народной переписи 1871 г. (Сборн. свед. о Кав. гордах, вып. VI, 1872, разд. III).
66. ნინოშვილი ეგნატე. თხზულებანი, ტ. II, თბილისი, 1950 წ.
67. თბელნიანი გ. პოეტური ნაწერების სრული კრებული, 1951 წ. აკაკი გაწერელის რედაქციით და შესავალი წერილით.
68. თბელნიანი გ. წერილები, ტ. I, 1832—1850 წ.წ. აკაკი გაწერელის შესავალი წერილით, რედაქციით და შენიშვნებით. 1936 წ., ტ. II. 1937 წ..
- 68a. Обзор Дагестанской области за 1899 г. Темир-Хан-Шура, 1900 г.
69. Обзор деятельности Общества восстановления православного христианства на Кавказе за 1860—1910 гг. Тифлис, 1910 г.
70. Отчет Общества восстановления православного христианства на Кавказе за 1862—1863 гг. Тифлис, 1865.
71. Отчет Общества восст. христ. за 1869 г.
72. Отчет Общества восст. христ. за 1888 г. Тифлис, 1889. г.
73. Парадов Г. С. Некоторые подробности путешествия мусульман Закатальского округа в Мекку (СМОМПК, т. 32, 1903 г. Тифлис).
74. Пахомов. О сословно-поземельном вопросе в Азербайджане, Баку, 1926 г.

75. Петрушевский И. П. Джаро-белаканские большие общества в первой трети XIX столетия, Тифлис, 1934 г.
76. Петрушевский И. П. Очерки по истории феодальных отношений в Азербайджане и Армении в XVI—нач. XIX в. Ленинград, 1949 г.
77. Писаревский Г. Г. Уничтожение в Закатальском округе зависимых отношений (Труды Института истории АН Азербайджанской ССР, 1947 г., т. 1).
78. По поводу восстания в Закатальском округе („Кавказский Сборник“ т. X, 1886 г.).
79. Посербский. Закатальский Округ („Кавказ“ 1864 г. № 43).
80. Посербский. Очерк Закатальского округа („Кавказский календарь“ 1866 г.).
81. Путеводитель по Кавказскому военно-историческому музею. Тифлис. 1915 г.
82. „Правда“, 14. V, 1950 г., стр. 2, „В Комитете по Сталиным премиям в области литературы и искусства“.
83. Пятиверстная карта Кавказского края. Изд. Кавк. топогр. управл. Тифлис, 1913 г.
84. საარქივო საბუთები კარ-ბელაქანის შესახებ. მ. დუმბაძის რედაქციით. „საისტორიო მოამბე“, ტ. 4, 1950 წ.
85. Сказание очевидца о Шампле. Гаджи-Али (перевод с арбского. Сборник св. о Кавк. горцах, вып. VII, 1873 г.).
86. Смирнов П. Шейх-Мансур и его турецкие вдохновители („Вопросы истории“, 1950 г., № 10).
87. Слюсаренко. Последний поход Аргутинского-Долгорукова („Кавказ“, 1860 г., № 6—7).
88. საქართველოს სსრ ცენტრალური სახელმწიფო საისტორიო არქივი (საქ. ცსსა). ფონდები. 2(8), 5, 10, 236, 416, 424, 545 და განსაკ. მნიშვნელობის საქმ. ფონდი.
89. Указы Кубинских ханов. Кп. 3, Тбилиси, 1937.
90. Фадеев. Мюридизм как орудие агрессивной политики Турции и Англии на северо-западном Кавказе в XIX столетии (журн. „Вопросы: История“, 1951 г., № 6).
91. ფარადაშვილი გ. წმ. გიორგობა სანიგილოში („ივერია“, 1900 წ. № 266).
92. ფარადაშვილი გ. ყორალანი („ივერია“, 1901 წ., № 30).
93. ფარადაშვილი გ. წერილი სანიგილოდან („ივერია“, 1900 წ., № 44).
94. Фой-Плотто. Природа и люди Закатальского округа (Сборн. свед. о кав. горцах, вып. IV, 1870 г.).
95. ფუთურაძე ვ. მირზა აუსუფ ყარაბაღელი და მისი ისტორია „თარბიჯ საფი“ (მასალები საქ. და კავკ. ისტ., 1951 წ., ნაკვ. 29).
96. დამბაშიძე რ. ინგილოური კილო (სტალინის სახ. თბილისის სახ. უნივერსიტეტის შრ., XXX в. 1947 წ.).
97. Шопен И ван. Новые заметки на древняя истории Кавказа и его обитателей, СПб, 1866 г.
98. Чейшвили Н. К истории борьбы грузинского народа против турец-

- კიხ პიტივეპთოვო ვო ვრემია ვოსტოჩნოი ვოინი 1853—1856 გ. (Труды Батумского Гос. Педагогического института им. Рустановели, т. II, 1952 г.).
99. ЦГВИА, Москва, фонд ВУА.
 100. ЦГИА Азербайджанской ССР, фонды: 15, 128 и 579.
 101. ЦГИА Дагестанской АССР, фонд № 90.
 102. წერეთელი აკაკი. შამილის სიზმარი (თხზულებანი, ტ. I, ლექსები, 1940 წ.).
 103. ჭაკაცაძე ილია. თხზულებანი, ტ. VIII. 1927 წ.
 104. Хачапуридзе Г. К истории Грузии первой половины XIX века, Тбилиси, 1950 г.
 105. Хроника войны Джара под редакцией Хулуфу. С примечаниями Пахомова, Баку, 1931 г.
 106. Хроника Мухаммеда Тахира ал-Карахи. Изд, АН СССР, М.-Л. 1941 г.
 107. ჯავახიშვილი ი. საქართველოს საზღვრები ისტორიულად და თანამედროვე თვალსაზრისით განხილული. თბილისი, 1919 წ.
 108. ჯავახიშვილი ი. ქართული სამართლის ისტორია. ტ. I. 1928.
 109. ჯანაშვილი დ. (ინგილო). ვაი ჭკუისაგან. „დროება“, 1867 წ., № 40.
 110. ჯანაშვილი დ. ინგილოების ჩივილი იმაზე, რომ ისინი ინგილოებში ქალებს სათხოვრად ვერ შოულობენ („დროება“, 1866 წ. № 42).
 111. ჯანაშვილი დ. პოსერბსკის ტყუილები ინგილოებზე („დროება“, 1866 წ. № 30—40).
 112. ჯანაშვილი დ. ჭიზიყელები საინგილოში („დროება“, 1867 წ., № 24).
 113. ჯანაშვილი დ. შაჰ-აბასის შემოსევა საქართველოში და საინგილო, თბილისი, 1907 წ.
 114. ჯანაშვილი დ. წარსული და მომავალი ინგილოების ცხოვრება, („დროება“, 1867 წ., № 47—48).
 115. ჯანაშვილი მ. საინგილო („ძველი საქართველო“, ტ. II, თბილისი, 1911—1913 წ.).
 116. Эсадзе С. Историческая записка об управлении Кавказом, т. I, Тифлис, 1907 г.
 117. Эсадзе С. Штурм Гуниба и пленение Шамиля, Тифлис, 1909 г.

შინაარსი

წინასიტყვაობა

3

I. სოციალურ-ეკონომიური ვითარება აღმოსავლეთ კახეთში XIX საუკუნის I მესამედში

1. აღმოსავლეთ კახეთის მოსახლეობა	5
2. სამეურნეო-ეკონომიური მდგომარეობის ზოგადი დახასიათება .	37
3. ქართული ფეოდალური ზედაფენა	47
4. „ლეკური“ თემების შინაგანი წყობილების საკითხისათვის	63
5. გაბატონებული „ლეკთა“ კლასი XIX საუკუნის I მესამედში	81
6. გლეხობა XIX საუკუნის I მესამედში	88
7. წახურ-ელისუს სულტანი და ბეგები .	109
8. ბეგთა გლეხები	115

II. აღმოსავლეთ კახეთის შემოერთება მეფის რუსეთის მიერ

1. შემოერთების პირველი ცდები (1801—1804 წწ.)	122
2. აღმოსავლეთ კახეთი რუსეთ-ირანისა და რუსეთ-ოსმალეთის ომების პერიოდში (1805—1829 წწ.) .	142
3. აღმოსავლეთ კახეთის შემოერთება	156
4. აჯანყება 1830 წელს .	165

III. აღმოსავლეთ კახეთი XIX საუკუნის 30—60-ან წლებში

1. ცვლილებები გაბატონებული კლასის ცხოვრებაში 1830 წლიდან ვიდრე 70-ან წლებამდე	184
2. გლეხობა 1830 წლიდან ვიდრე 70-ან წლებამდე .	193
3. პოლიტიკური ვითარება 1831—1859 წლებში .	205

IV. ქართველი ინგილოები და მეფის რუსეთის პოლიტიკა აღმოსავლეთ კახეთში XIX ს. 50—60-ან წლებში

1. მეფის მთავრობის იდეოლოგიური პოლიტიკა აღმოსავლეთ კახეთში .	229
2. ქრისტიანი ინგილოების განთავისუფლება „ლეკთა“ მიმართ ყმური დამოკიდებულებისაგან	236
3. კლასობრივი ბრძოლის გამწვავება. აჯანყება 1863 წელს	241
4. გარდატეხა მეფის რუსეთის პოლიტიკაში. ინგილოთა კულტურული ცხოვრების ზრდის დასაწყისი	251
დასკვნა	263
დამოწმებული ლიტერატურა და წყაროების სია .	276—283

დაიბეჭდა საქართველოს სსრ მეცნიერებათა აკადემიის
სარედ.-საგამომც. საბჭოს დადგენილებით

*

ტექნოდაქტორი ნ. ჯ ა ფ ა რ ი ძ ე
კორექტორები: ლ. კ ო ბ ი ძ ე
ნ. ბ ა თ ი ა შ ვ ი ლ ი
გამომშვები ნ. ა ვ ა ლ ი ა ნ ი

გადაეცა წარმოებას 13.5.53. ხელმოწ. დასაბეჭდად 29.7.53. ქალალდ.
ზომა $60 \times 92^{1/16}$. ქალალდ. ფურც. 8,75. საბეჭდ. ფურც. 17,50.
სავეტორო 16,13. საალრ.-საგამომც. ფურც. 16,63
შეკვ. 718. უფ 03888. ტირაჟი 1500.

ფასი 10 მან.

ყდა 1 მან. 25 კაპ.

11 მან. 25 კაპ.

საქართველოს სსრ მეცნიერებათა აკადემიის გამომცემლობის სტამბა
თბილისი, ა. წერეთლის ქ. 3/5.